

ਅਬ ਰੀਤਾ ਰਿੰਬ ਅਠਾਰਹਿ ਧਿਆਇ ਲਿਖਤੇ ।।

ਛੰਦ ॥ ਓਮੰ ਸੋਹੰ ਗੋਬਿੰਦ ਅਕ੍ਰੋ ਨਿਰਾਕਾਰ ਅਨਾਮੁ ਨਿਰਬੰਧ ॥ ਸਰਬ ਨਿਵਾਸੀ ਸਭ ਮਹਿ ਰਹਿਆ ਜਲ ਬਨ
ਮਹੀਅਲਿ ਖੰਡ ਬ੍ਰਹਮੰਡ ॥ ਸਰਬੇ ਏਕੋ ਪੂਰਨ ਸੁਆਮੀ ਅਚਲੁ ਅਗਾਧ ਸਭ ਵਹੀ ਪ੍ਰਚੰਡ ॥ ਜੋ ਦੀਸੈ ਅਰ
ਜੋ ਕਛੁ ਸੁਣੀਐ ਏਕ ਬ੍ਰਹਮ ਅਦ੍ਵੈਤ ਅਖੰਡ ॥੧॥ ਚੌਪਈ ॥ ਨਮੋ ਪਰਮੇਸਰ ਰਾਮ ਹਮਾਰੇ ॥ ਤੁਮ ਹਮ ਹੋਇ
ਕਰ ਖੇਲ ਪਸਾਰੇ ॥ ਹਮ ਤੁਮ ਏਕ ਅਕਾਲ ਸਰੂਪ ॥ ਅਲਖ ਬ੍ਰਹਮੰਡ ਗੋਬਿੰਦ ਕਾ ਰੂਪ ॥੨॥ ਨਾਨਾ ਭਾਂਤਿ
ਹੋਇ ਪਸਤਿਓ ਸੁਆਮੀ ॥ ਘਟ ਘਟ ਕਾ ਹੈ ਅੰਤਰਿਜਾਮੀ ॥ ਨਾਮ ਜਾਪ ਸਭ ਰੂਪ ਤੁਮਾਰੇ ॥ ਤੁਧ ਬਿਨ
ਦੂਜਾ ਨਹੀਂ ਪਿਆਰੇ ॥੩॥ ਜੋ ਦਿਸੈ ਸੋ ਕ੍ਰਿਸ਼ਨ ਮੁਰਾਰੇ ॥ ਜਿਨਿ ਏਹ ਸਗਲੇ ਖੇਲ ਪਸਾਰੇ ॥ ਬਾਲਿਕ
ਨਿਆਈ ਖੇਲ ਸਭ ਖੇਲੇ ॥ ਖੇਲ ਰਹੇ ਤਬ ਆਪ ਸੰਗ ਮੇਲੇ ॥੪॥ ਬੋਲਨ ਸੁਨਨ ਪੇਖਨ ਸਭ ਸੁਪਨਾ ॥ ਅਦ੍ਵੈਤ
ਬ੍ਰਹਮ ਮੈ ਜਾਪਨ ਜਪਨਾ ॥ ਸੁਪਨ ਮਾਹਿ ਏਕ ਬਾਜੀ ਰਾਚੀ ॥ ਜਿਨਿ ਜਾਨੀ ਸੋ ਗੋਬਿੰਦ ਸਾਚੀ ॥੫॥ ਵਹੀ
ਸੁਪਨਾ ਇਕ ਜੁਗ ਕਹਾਏਓ ॥ ਦੁਆਪੁਰ ਨਾਮੁ ਬੇਦ ਕਹਿ ਗਾਇਓ ॥ ਤਹਾ ਕ੍ਰਿਸ਼ਨ ਹੋਇ ਕਉਤਕ ਕੀਨੋ
॥ ਬ੍ਰਹਮ ਗਿਆਨ ਸਭ ਹੀ ਕੋ ਦੀਨੋ ॥੬॥ ਜੋ ਦੇਖੇ ਸੋ ਕ੍ਰਿਸ਼ਨ ਪਿਆਰਾ ॥ ਜਿਹ ਸਭ ਜਾਪ ਅਦ੍ਵੈਤ ਉਚਾਰਾ
॥ ਖੇਲ ਸੰਕੋਚਨ ਪਰ ਜਬ ਆਇਆ ॥ ਭਾਰਥ ਕਾ ਤਬ ਜੁਧ ਰਚਾਇਆ ॥੭॥ ਸਭ ਪਾਂਡਵ ਕੈਰਵ ਦੇਹ
ਬਨਾਏ ॥ ਬੀਚ ਸਭਨ ਕੇ ਗੋਬਿੰਦ ਰਾਏ ॥ ਜੋ ਕਛੁ ਭਾਵੈ ਸੋਈ ਕਰਾਵੈ ॥ ਕਰੈ ਕਰਾਵੈ ਮਗਨ ਹੋਇ ਜਾਵੈ
॥੮॥ ਸੁਪਨ ਮਾਹਿ ਜੁਧ ਜਬ ਥਾਪਿਆ ॥ ਤਬ ਦੋ ਦਲ ਕੈਰਵ ਪਾਂਡਵ ਜਾਪਿਆ ॥ ਜਬ ਦੋਨੋ ਦਲ ਜੁਧ
ਕੋ ਚਲੇ ॥ ਸਭ ਪਾਂਡਵ ਕ੍ਰਿਸ਼ਨ ਮਾਹਿ ਜਾਇ ਰਲੇ ॥੯॥ ਦੋਹਰਾ ॥ ਜੁਧ ਸੀਗਾਰ ਬਣਾਇਕੈ ਕੁਰਖੇਤ੍ਰ ਜਬ
ਹੀ ਚਲੇ ॥ ਸੁਤ ਧਿਤ੍ਰਾਸ਼ਟਰ ਅਰੁ ਪੰਡਕੇ ਤਿਨ ਸਿਉ ਸਭ ਧਰਤੀ ਹਲੈ ॥੧੦॥ ਦੋਹਰਾ ॥ ਜਬਹਿ ਧਿਤ੍ਰਾਸ਼ਟਰ
ਇਹ ਪੇਖਿਓ ਮੁਖਹੁ ਕਹੀ ਇਹ ਬਾਤ ॥ ਐਸੇ ਜੁਧ ਕੇ ਪੇਖਣੇ ਹਉ ਭੀ ਚਲਹੋ ਤਾਤ ॥੧੧॥ ਦੋਹਰਾ ॥

ਤਬ ਬਿਆਸ ਜੀ ਪਰਮ ਬ੍ਰਹਮ ਕਹਿਓ ਧਿਤ੍ਰਾਸ਼ਟਰ ਮਾਹਿ ॥ ਤੇਰੇ ਤੋ ਨੇਤ੍ਰ ਨਹੀਂ ਕਿਆ ਦੇਖਹਿਗਾ ਜਾਹਿ ॥੧੨॥ ਸੋਰਠਾ ॥ ਏਹੁ ਬਚਨ ਜਬ ਸੁਨਿਓ ਧਿਤ੍ਰਾਸ਼ਟਰ ਬਿਆਸ ਗੰਭੀਰ ਸੋ ॥ ਮੁਖ ਤੇ ਤਬ ਇਹ ਭਨਿਓ ਜੋ ਦੇਖੋ ਨਹੀ ਤਬ ਸੁਨੋਗਾ ॥੧੩॥ ਬਿਆਸ ਦੇਵ ਜੀ ਵਾਚ ॥ ਸੋਰਠਾ ॥ ਜਬਹੁ ਸੁਨਿ ਇਹ ਬਾਤ ਰਾਜਾ ਕੀ ਤਿਸ ਬਿਆਸ ਰਿਖ ॥ ਕਹੈ ਸੁਨੋ ਤੁਮ ਸਾਤ ਸੰਜੈ ਮੇਰਾ ਸਿਖ ਹੈ ॥੧੪॥ ਦੋਹਰਾ ॥ ਸੋ ਤੇਰਾ ਹੈ ਸਾਰਬੀ ਅਰੁ ਮਹਾ ਸੁਧੀ ਹੈ ਸਿਧ ॥ ਜੋ ਭਾਰਤ ਮੈਂ ਵਰਤਈ ਤੁਝੈ ਕਹੈ ਸਭ ਬਿਧ ॥੧੫॥ ਸੰਜੈ ਵਾਚ ॥ ਦੋਹਰਾ ॥ ਤਬ ਸੰਜੈ ਪ੍ਰਨਾਮ ਕਰਿ ਕਹੈ ਬਿਆਸੁ ਰਿਖ ਮਾਹਿ ॥ ਤੁਮ ਜੋ ਕਹੋ ਰਾਜਾ ਪ੍ਰਤਿ ਸੰਜੈ ਕਹਿਹੈ ਤਾਹਿ ॥੧੬॥ ਦੋਹਰਾ ॥ ਜੁਧ ਹੋਇ ਕੁਰਖੇਤ੍ਰ ਮੈਂ ਹਉ ਹਸਤਨਾਪੁਰ ਮਾਹਿ ॥ ਏਤੇ ਮਾਰਗ ਕੀ ਬਾਰਤਾ ਕਿਉਂਕਰਿ ਕਹੋਗਾ ਤਾਹਿ ॥੧੭॥ ਰਿਖੋ ਵਾਚ ॥ ਦੋਹਰਾ ॥ ਤਬ ਰਿਖ ਜੀ ਨੇ ਇਉਂ ਕਹਾ ਸੁਨਹੋ ਸੰਜੈ ਸਿਖ ॥ ਜੋ ਧਿਆਨ ਤੇ ਜਾਨੀਐ ਵਰਤਮਾਨ ਭੂਤ ਬਵਿਖ ॥੧੮॥ ਦੋਹਰਾ ॥ ਦਸਵੈ ਪਵਨ ਚੜਾਇ ਕੈ ਸਭ ਜੁਧ ਦੇਖੋ ਮੀਤੁ ॥ ਦਿਸਟਿ ਦਿਬ ਤੁਝਕੇ ਦਈ ਤਿਸ ਪਰ ਕਰੋ ਪ੍ਰਤੀਤ ॥੧੯॥ ਦੋਹਰਾ ॥ ਜੋ ਕਛੁ ਦੇਖੋ ਸੋ ਕਹੋ ਰਾਜਾ ਕੇ ਵਿਦਿ ਮਾਹਿ ॥ ਦੋਨੋ ਦਲ ਕੁਰਖੇਤ੍ਰ ਮੈਂ ਦੇਖਹੁ ਜੁਧ ਕਰਾਹਿ ॥੨੦॥ ਰਾਜੋਵਾਚ ॥ ਦੋਹਰਾ ॥ ਰਾਜੇ ਐਸੇ ਭਾਖਿਓ ਸੁਨਹੋ ਸੰਜੈ ਮੀਤ ॥ ਮੇਰੇ ਸੁਤ ਅਰੁ ਪੰਡਕੇ ਤਿਨ ਅਬ ਕਿਆ ਕਛੁ ਕੀਤੁ ॥੨੧॥ ਚੌਪਈ ॥ ਸੰਜੈ ਆਖੇ ਰਾਜੇ ਮਾਹਿ ॥ ਕਉਤਕ ਜੁਧ ਕਹੋ ਅਬ ਤਾਹਿ ॥ ਸੈਨਾ ਦੋਊ ਦਲ ਕੀ ਆਹਿ ॥ ਅਬ ਜੋਨੀ ਕੀ ਕਹੋ ਪ੍ਰਗਟਾਹਿ ॥੨੨॥ ਖੁਹਨੀ ਸਾਤ ਪਾਂਡਵ ਕੀ ਗਨੀ ॥ ਯਾਰਹ ਖੁਹਨੀ ਕੈਰਵ ਕੀ ਬਨੀ ॥ ਜਬ ਦੁਰਯੋਧਨ ਸੈਨਾ ਦੇਖੀ ॥ ਫਉਜ ਪੰਡ ਕੀ ਨੀਕੀ ਪੇਖੀ ॥੨੩॥ ਦੇਖ ਚਲੇ ਅਚਾਰਜ ਪਾਸ ॥ ਦ੍ਰੋਣਾਚਾਰਜ ਮਹਾ ਪ੍ਰਕਾਸ ॥ ਅਚਾਰਜ ਨਿਕਟ ਜਾਇ ਇਹ ਭਾਖਿਓ ॥ ਨਿਰਖ ਪਾਂਡ ਕਿਆ ਮੋਰਚਾ ਰਾਖਿਉ ॥੨੪॥ ਤੁਮਰਾ ਸਿਖ ਮਹਾਂ ਬੁਧਵਾਨ ॥ ਦਿਸਟਿ ਦੁਮਨ ਸੈਨਾਨੀ ਜਾਨ ॥ ਤਿਨ ਸੈਸੀ ਪੰਕਤ ਸੁਭ ਕੀਨੀ ॥ ਅਪਨੇ ਦਲ ਕੀ ਸੋਭਾ ਲੀਨੀ ॥੨੫॥ ਤਿਨ ਸੈਨਾ ਮੈ ਭਾਰੀ ਬੀਰ ॥ ਧਨਖ ਬਿਦਿਆ ਮੈ ਗੁਣੀ ਗਹੀਰ ॥ ਭੀਮ ਅਰਜਨ ਅਰੁ ਬੈਰਾਠ ॥ ਜਿਨ ਸਭ ਦਲ ਕਾ ਬਟਿਓ ਖਾਟ ॥੨੬॥ ਅਉਰ ਰਾਜਾ ਕਹਾ ਲਗ ਕਹਉ ॥ ਮਹਾਂਰਬੀ ਸੈਨਾ ਸਭ ਲਹਉ ॥ ਅਰੁ

ਜੋ ਸੈਨਾ ਹਮਰੀ ਮੀਤਾ ॥ ਤਾਹਿ ਬਖਾਨੇ ਨਿਰਮਲ ਰੀਤਾ ॥੨੭॥ ਪ੍ਰਿਥਮੇ ਤੁਮ ਹੋ ਗੁਰ ਕਿਰਪਾਲ ॥ ਦ੍ਰੋਣਾ
ਚਾਰਜ ਪਰਮ ਦਇਆਲ ॥ ਅਉਰ ਭੀਖਮ ਅਰੁ ਕ੍ਰਿਪਾ ਚਾਰਜ ॥ ਸਰਣ ਅਸਥਾਮਾ ਹੈ ਸੁਭ ਕਾਰਜ ॥੨੮॥
ਅਰ ਸੋਮਦਤ ਤੇ ਆਦਿ ਜੇ ਦੇਖੇ ॥ ਮੋ ਨਮਿਤ ਪ੍ਰਾਨ ਤਿਆਗੇ ਪੇਖੇ ॥ ਸੋ ਸਸਤ੍ਰੁ ਬਿਦਿਆ ਮਾਹਿ ਪ੍ਰਬੀਨ ॥
ਯਾਰਹ ਖੂਨੀ ਹਮ ਸੰਗ ਚੀਨ ॥੨੯॥ ਹਮਰਾ ਬਖਸੀ ਭੀਖਮ ਜਾਨੇ ॥ ਤਿਨਕੀ ਪ੍ਰੀਤ ਪਾਂਡ ਸੰਗ ਮਾਨੇ ॥
ਇਹ ਬਿਧ ਯਾਰਹ ਖੂਹਨੀ ਖੋਰੀ ॥ ਸਾਤ ਖੂਹਨੀ ਪਾਂਡਵ ਬਹੁ ਜੋਰਿ ॥੩੦॥ ਤਿਨਕਾ ਬਖਸੀ ਭੀਮ ਬਲੀ
ਹੈ ॥ ਤਿਨ ਸੋ ਸਗਲੀ ਧਰਨ ਹਲੀ ਹੈ ॥ ਤਬ ਦੁਰਜੋਧਨ ਮੁਖੇ ਬਖਾਨੇ ॥ ਹਮਰੀ ਸੈਨ ਇਹ ਤੁਮ ਜਾਨੇ
॥੩੧॥ ਅਪਨੇ ਅਪਨੇ ਮੋਰਚਿਓ ਮਾਹੀ ॥ ਸਸਤ੍ਰੁ ਮਾਰਗ ਸਭ ਬੰਧ ਕਰਾਹੀ ॥ ਸਭ ਭੀਖਮ ਕੀ ਰਖਿਆ
ਕਰੇ ॥ ਭੀਖਮ ਬਚਨ ਚਿਨ ਮੈਂ ਧਰੇ ॥੩੨॥ ਸਾਰੀ ਸੈਨਾ ਕਾ ਸਿਰਦਾਰ ॥ ਭੀਖਮ ਜੋਧਾ ਅਪਰ ਅਪਾਰ ॥
ਭੀਖਮ ਜਬ ਰਾਜਾ ਸਿਉ ਸੁਨਿਓ ॥ ਕੇਹਰ ਰੀਤਿ ਰਾਜ ਕਹਿ ਭਨਿਓ ॥੩੩॥ ਰਾਜਾ ਕੇ ਆਨੰਦ ਉਪਜਾ
ਵਨ ॥ ਲਾਗਾ ਅਪਨਾ ਸੰਖ ਬਜਾਵਨ ॥ ਜਬ ਸੈਨਾ ਸੰਖ ਤਿਹ ਸੁਨਿਓ ॥ ਅਪਨੇ ਸੰਖ ਸਭੀ ਮੁਖ ਭਨਿਓ
॥੩੪॥ ਭੇਰੀ ਪਵਨਾ ਅਵਰ ਦਮਾਮੈ ॥ ਸਗਲ ਬਜੰਤ੍ਰੁ ਬਾਜ ਹੈ ਜਾ ਮੈ ॥ ਬਹੁਤ ਸਬਦ ਭਾਰੀ ਹੋਇ ਰਹਿਆ
॥ ਅਕਾਸ ਧਰਨ ਏਕੋ ਹੋਇ ਗਇਆ ॥ ਕੈਰਵ ਕਾ ਜਬ ਮਾਰੂ ਬਾਜਾ ॥ ਅਬ ਸੁਨ ਪਾਂਡਵ ਕੇ ਹੈ ਰਾਜਾ
॥੩੫॥ ਪਾਂਡਵ ਸੈਨਾ ਵਰਨਨੰ ॥ ਚਉਪਈ ॥ ਪਾਂਡਵ ਕੀ ਸੈਨਾ ਕੇ ਮਾਹਿ ॥ ਅਤਿ ਸੁੰਦਰ ਰਬ ਉਤਮ
ਆਹਿ ॥ ਸੁਏਤ ਰੰਗ ਚਾਰ ਜਿਸ ਘੋੜੇ ॥ ਸਾਜ ਸਾਜ ਸਿਉ ਬਹੁ ਬਿਧ ਜੋੜੇ ॥੩੬॥ ਸਾਰਥੀ ਠਉਰ ਈਸ
ਕਾ ਈਸਰ ॥ ਸ੍ਰੀ ਕ੍ਰਿਸ਼ਨ ਮਹਾ ਗਿਆਨੀਸਰ ॥ ਜੋਧਾ ਬਹੁੜ ਅਰਜਨ ਹਿਤਕਾਰੀ ॥ ਭਗਤ ਗੋਬਿੰਦ ਕੀ
ਜਿਨ ਰਿਦ ਧਾਰੀ ॥੩੭॥ ਰਿਖੀਕੇਸ ਸ੍ਰੀ ਕ੍ਰਿਸ਼ਨ ਗੋਪਾਲ ॥ ਬਜਾਇਆ ਸੰਖ ਭਏ ਕਿਰਪਾਲ ॥ ਪਾਛੈ
ਅਰਜਨ ਸੰਖ ਸਜਾਇਆ ॥ ਸਭ ਪਾਂਡਵ ਨੇ ਐਸੇ ਗਾਇਆ ॥੩੮॥ ਤਿਨ ਸੰਖੋਂ ਜੋ ਸਬਦ ਉਚਾਰੇ ॥ ਰਿਦੇ
ਧਿਤ੍ਰਾਸ਼ਟਰ ਪੁਤ੍ਰੋਂ ਕੇ ਜਾਰੇ ॥ ਸ਼ਸਤ੍ਰੁ ਪ੍ਰਵਾਹ ਦਲ ਤੇ ਜਬ ਭਇਆ ॥ ਤਬ ਅਰਜਨ ਰਿਖੀਕੇਸ ਪਹਿ ਕਹਿਆ
॥੩੯॥ ਅੜਿਲ ॥ ਅਰਜਨ ਧਨਖ ਉਠਾਇ ਸਿਰ ਉਪਰਿ ਫੇਰਕੈ ॥ ਰਿਖੀਕੇਸ ਕੋ ਕਹੈ ਪ੍ਰਭੂ ਤ੍ਰਿਣ ਮੇਰਕੈ

ੴ ਸਤਿਗੁਰ ਪ੍ਰਸਾਦਿ ॥

ਰਾਮ ਜੀ ਸਤ ॥ ਅਥ ਪਦਮ ਪੁਰਾਣੇ ਗੀਤਾ ਮਹਾਤਮ ਲਿਖਤੇ ॥ ਏਕ ਸਮੇਂ ਕੈਲਾਸ਼ ਪਰਬਤ ਉਪਰ ਗਉਰਜਾ

Dr. Gobind GeetaGiani Hardeep Singhji Hazur Sahib Nanded (Billu-9960 44 8233) (28-5-2016) {6}

ਅਰਜਨ ਪ੍ਰਤਿ ਆਖੈ ਗੋਪਾਲ ॥ ਸੁਣ ਅਰਜਨ ਪੰਡ ਕੇ ਲਾਲ ॥ ਅਉਰ ਭਾਂਤ ਮੈਂ ਤੁਝੈ ਸਮਝਾਉਂ ॥ ਤੇਰੇ ਮਨ
 ਕੀ ਤਪਤਿ ਮਿਟਾਉਂ ॥੧੮॥ ਇਹੁ ਜੋ ਸਨਮੁਖਿ ਰਾਜਾ ਠਾਂਢੇ ॥ ਤੇਰੀ ਸਕਤਿ ਨ ਆਵੈ ਬਾਂਧੇ ॥ ਇਨ ਕਾ
 ਨਾਮ ਨ ਤੇਰੇ ਹਾਥ ॥ ਕਰਮ ਚਤਿਤ ਨ ਜਾਨੈ ਗਾਥ ॥੧੯॥ ਜਗ ਮੈਂ ਆਵਾ ਗਵਨ ਬਨਾਏ ॥ ਜੋ ਆਵੈ
 ਸੋ ਬਿਰੁ ਨ ਰਹਾਏ ॥ ਇਹੁ ਰਾਜਾ ਸੁਣ ਕੈਸੇ ਆਹੀ ॥ ਆਗੈ ਭੀ ਬੇ ਹੁਣ ਹੀ ਨਾਹੀ ॥੨੦॥ ਪਾਛੇ ਹੋਤੇ
 ਆਏ ਸਾਤੇ ॥ ਹੁਣ ਭੀ ਹੈਂ ਸੁਣ ਪਾਰਥ ਪਿਆਰੇ ॥ ਆਗੈ ਭੀ ਹੋਵੇਂਗੇ ਮੀਤ ॥ ਆਵਾਗਵਨ ਦੇਹ ਕੀ ਰੀਤ
 ॥੨੧॥ ਪੁਦਗਲ ਕੀ ਅਬ ਬਾਤ ਸੁਣੋ ਤੁਮ ॥ ਬਾਲਿਕ ਤਰਨ ਬ੍ਰਿਧ ਜੋ ਹੈਂ ਜਨ ॥ ਚਤ੍ਰ ਅਵਸਥਾ ਮਿਤਰ
 ਤੁਮ ਜਾਨੋ ॥ ਏਹ ਸਭ ਧਰਮ ਦੇਹ ਕੇ ਮਾਨੋ ॥੨੨॥ ਬਿਬੇਕੀ ਇਹ ਚਿਤ ਮੈਂ ਜਾਨੈ ॥ ਮਰਨੇ ਕੀ ਚਿੰਤਾ ਨਹੀ
 ਮਾਨੈ ॥ ਜੀਵ ਹੈ ਬਾਸਦੇਵ ਕੀ ਅੰਸ ॥ ਵਹਿ ਅਕਾਲ ਜਾਨੋ ਸਰਬੰਸ ॥੨੩॥ ਅਰੁ ਇੰਦ੍ਰੀਆ ਕਾ ਹੋ ਗਿਆਨ
 ॥ ਉਤਪਤ ਭਇਆ ਤੂੰ ਨਿਸਚੈ ਜਾਨ ॥ ਹੇ ਸੁਤ ਕੁੰਤੇ ਕੈ ਤੂੰ ਅਬ ਸੁਨ ॥ ਇੰਦ੍ਰੀ ਗਿਆਨ ਕਹੋ ਤੁਝ ਫੁਨਿ
 ॥੨੪॥ ਸੀਤ ਉਸਨ ਸੁਖ ਅਰੁ ਦੁਖ ॥ ਤਹਾਂ ਤੇ ਪਾਵੈ ਸਦਾ ਮਨੁਖ ॥ ਏਕ ਪਲ ਸੁਖ ਦੂਜੈ ਪਲ ਦੁਖ ॥
 ਤਿਸ ਅਨਿਤ ਤੇ ਕਿਆ ਹੈ ਸੁਖ ॥੨੫॥ ਅਗਮ ਪਾਈ ਇੰਦ੍ਰੀ ਸੁਖ ਸੋਇ ॥ ਤਿਸਕੇ ਗਿਆਨ ਮਤਿ ਪ੍ਰਾਪਤਿ
 ਹੋਇ ॥ ਸੁਖ ਦੁਖ ਇੰਦ੍ਰੀ ਕੇ ਸਹਿ ਰਹੋ ॥ ਭਿੰਨ ਜੀਉ ਦੇਹ ਤੇ ਲਹੋ ॥੨੬॥ ਅਰੁ ਜੋ ਪੁਰਖੁ ਸ੍ਰੇਸ਼ਟਿ ਆਹਿ
 ॥ ਵਹੁ ਦੁਖ ਸੁਖ ਇੰਦ੍ਰੀਓ ਕੇ ਨਾਹੀ ॥ ਸਦਾ ਰਹੈ ਸਮ ਨਿਰਮਲ ਰੀਤ ॥ ਅੰਮ੍ਰਿਤ ਗਿਆਨ ਪਾਨ ਤਿਹ ਕੀਤ
 ॥ ਗਿਆਨ ਪਾਨ ਤੇ ਨਿਰਮਲ ਹੋਵੈ ॥ ਇੰਦ੍ਰੀਓ ਕੀ ਬਿਖਿਆ ਸਭ ਖੋਵੈ ॥੨੭॥ ਦੋਹਰਾ ॥ ਆਤਮ ਸਤਿ
 ਅਕਾਲ ਹੈ ਤਿਸਕਾ ਨਾਹੀ ਨਾਮ ॥ ਦੇਹ ਜੋ ਦ੍ਰਿਸ਼ਟੀ ਆਵ ਹੈ ਸੋ ਹੈਂ ਸਭੀ ਨਿਵਾਸ ॥੨੮॥ ਦੋਹਰਾ ॥ ਏਹ
 ਦੋ ਬਾਤੈਂ ਸਮਝ ਕਰਿ ਤਤਵੇਤਾ ਹੈ ਜੋਇ ॥ ਚਿੰਤਾ ਕੋਈ ਨਾ ਕਰੈ ਨਾਮ ਨ ਜਾਨੈ ਕੋਇ ॥੨੯॥ ਸ੍ਰੀ ਭਗਵਾਨੋ
 ਵਾਚ ॥ ਕਬਿਤ ॥ ਪਰਮਾਤਮਾ ਹੈ ਏਕ ਪੁਰਖੁ ਅੰਤਰਿ ਸਭਿ ਦੇਹੋਂ ਕੇ ਸੋਈ ਅਬਿਨਾਸੀ ਕੂਟਸਤਿ ਤਿਸੁ ਰੂਪ
 ਹੈ ॥ ਦੇਹ ਸਭ ਅਨਿਤ ਉਪਜੈ ਬਿਨਸੈ ਹੈਂ ਸਰਬ ਕਾਲ ਆਤਮ ਅਕਾਲ ਅਦ੍ਵੈਤ ਅਰੁ ਅਨੂਪ ਹੈ ॥ ਸਦਾ ਰਹੈ
 ਨਿਰਾਹਾਰ ਖਾਏ ਪੀਏ ਕਛੂ ਨਾਹਿ ਅਖੰਡ ਅਰੁ ਅਚਲ ਅਪਾਰ ਅਰੁ ਨਿਧ ਹੈ ॥ ਤਾਤੇ ਏਹ ਬਾਤ ਸਮਝ ਪਾਰਥ

ਉਠ ਜੁਧ ਕਰਿ ਆਤਮ ਏਕ ਸਾਚ ਅਉਰ ਰੰਕ ਹੈ ਨ ਭੂਪ ਹੈ ॥੩੦॥ ਮੰਗਲ ਛੰਦ ॥ ਕੇ ਕਹੈ ਪਾਰਥ ਏਹ
 ॥ ਹਭ ਕੀਆ ਅਮਕਾ ਦੇਹਿ ॥ ਅਉਰ ਕਹੈ ਦੂਜਾ ਕੋਇ ॥ ਹਤਿ ਕਰਿਓ ਹੈ ਮੈਂ ਸੋਇ ॥ ਸੋ ਦੋਊ ਬ੍ਰਿਥੇ
 ਜਾਨ ॥ ਉਨ ਮਾਹਿ ਨਾਹੀਂ ਗਿਆਨ ॥ ਓਹੁ ਸਮਝ ਹੀ ਕਛੁ ਨਾਹਿ ॥ ਅਗਿਆਨ ਹੀ ਕੋ ਪਾਹਿ ॥ ਨਹੀਂ
 ਜੀਵ ਕੋ ਅਬ ਕਹੋ ॥ ਜੀਵ ਬ੍ਰਹਮ ਏਕੋ ਲਹੋ ॥ ਨ ਜਨਮਿਆ ਹੈ ਸੋਇ ॥ ਉਸ ਨਾਮ ਨਾਹੀ ਹੋਇ ॥ ਓਹੁ
 ਸਦਾ ਏਕ ਸਰੂਪ ॥ ਅਹੁ ਜਨਮ ਰਹਿਤ ਅਨੂਪ ॥ ਅਉਰ ਤਤ ਪੁਰਾਤਨ ਜੋਇ ॥ ਤਿਸ ਹਤ ਕਰੈ ਨ ਕੋਇ
 ॥ ਯਹੁ ਮਰਨ ਦੇਹਿ ਕਾ ਧਰਮ ॥ ਜਿਨਿ ਪਾਇਆ ਇਹ ਮਰਮ ॥ ਸੋ ਨਾ ਕਹੈ ਇਹ ਬਾਤ ॥ ਮੈਂ ਕੀਆ ਅਮਕਾ
 ਘਾਤ ॥ ਯਾ ਓਹੁ ਕਰੈ ਮੁਝ ਹਤਿ ॥ ਦੇਹ ਨਾਮ ਜਾਨੈ ਸਤਿ ॥੩੧॥ ਸ੍ਰੀ ਭਗਵਾਨੋ ਵਾਚ ॥ ਚੋਪਈ ॥
 ਸੁਨਹੋ ਅਰਜਨ ਸਿਖ ਪਰਬੀਨ ॥ ਸੰਜੋਗ ਦੇਹਿ ਆਤਮ ਤੂੰ ਚੀਨ ॥ ਜੈਸੇ ਬਸਤਰ ਹੋਇ ਪੁਰਾਨਾ ॥ ਡਾਰਿ
 ਦੀਆ ਤਬ ਨਵਾਂ ਪੈਧਾਨਾ ॥੩੨॥ ਤਿਸੀ ਭਾਂਤਿ ਆਤਮ ਦੇਹਿ ਧਾਰੇ ॥ ਅਉਰ ਦੇਹਿ ਲੇਵੈ ਸੁਨ ਪਿਆਰੇ ॥
 ਆਤਮ ਕੀ ਉਸਤਤਿ ਸੁਨ ਮੀਤ ॥ ਭਲੀ ਭਾਂਤਿ ਰਾਖੇ ਧਰ ਚੀਤ ॥੩੩॥ ਆਯਧ ਕਰਿ ਕਾਟਿਆ ਨਹੀਂ ਜਾਇ
 ॥ ਤੇਜ ਅਗਨਿ ਨਹੀਂ ਸਕੈ ਜਲਾਇ ॥ ਡੂਬੈ ਨਾਹੀ ਜਲ ਕੇ ਮਾਹਿ ॥ ਮਾਰਤ ਤਿਸੈ ਸੁਕਾਵੈ ਨਾਹੀ ॥੩੪॥
 ਅਛੇਤ ਅਦਾਹ ਅਜਿਤ ਪਦਾਰਥ ॥ ਸਭ ਕੈ ਅੰਤਰਿ ਜਾਨੋ ਪਾਰਥ ॥ ਥਾਂਭ ਰਹਿਆ ਸਭ ਹੂੰ ਕੋ ਆਪ ॥ ਤਿਸਤੇ
 ਨਿਸਚਲ ਉਸਕਾ ਜਾਪ ॥੩੫॥ ਪੁਰਾਤਨ ਅਉਰ ਸਨਾਤਨੁ ਕਹੀਐ ॥ ਅਬਗਤਿ ਅਦਿਸਟਿ ਅਗੋਚਰ ਲਹੀਐ
 ॥ ਚਿਤਵਨਾ ਕਰਿ ਚਿਤਵਿਆ ਨਹੀਂ ਜਾਇ ॥ ਐਸਾ ਅਕ੍ਰ ਕਹਾ ਸਮਾਇ ॥੩੬॥ ਜੇਕੋ ਐਸਾ ਆਤਮਾ ਜਾਨੈ
 ॥ ਸੋ ਚਿੰਤਾ ਕੋਊ ਨਹੀਂ ਮਾਨੈ ॥ ਜੈਸਾ ਪ੍ਰਭ ਤੈਸਾ ਮੁਝ ਕਹਾ ॥ ਜਿਨਨੇ ਮਨ ਮੋ ਐਸਾ ਲਹਾ ॥੩੭॥ ਕਰੇ
 ਕਿਸੀ ਕੀ ਚਿੰਤਾ ਨਾਹੀਂ ॥ ਓਹੁ ਜਾਨੇ ਏਕ ਬ੍ਰਹਮ ਹੀ ਆਹੀ ॥ ਹੇ ਪਾਰਥ ਤੁਝਹੂੰ ਸਮਝਾਊਂ ॥ ਬੋਲਨ ਹਾਰੇ
 ਕੀ ਬਾਤ ਸੁਨਾਊਂ ॥੩੮॥ ਦੋਹਰਾ ॥ ਜੋ ਜਾਨੈ ਤੂੰ ਬੋਲਤਾ ਜਨਮੈਂ ਮਰੈ ਨਿਤ ਸੋਇ ॥ ਇਹੀ ਬਾਤ ਬੀਚਾਰ
 ਕੈ ਚਿੰਤਾ ਕਰਿ ਕੋਇ ॥੩੯॥ ਦੋਹਰਾ ॥ ਜੇ ਕੋ ਜਨਮੈਂ ਸੋ ਮਰੈ ਆਖਿ ਪੇਖਿ ਸਭ ਜਾਹਿ ॥ ਜੋ ਨਿਸਚੈ ਕਰਿ
 ਬਿਨਸ ਹੈ ਚਿੰਤਾ ਸਿਕ ਕੀ ਨਾਹਿ ॥੪੦॥ ਸੋਰਠਾ ॥ ਅਵਰ ਪਖ ਸੁਨ ਮੀਤ ਚਿੰਤਾ ਕੋਈ ਨਾ ਕਰੋ ॥ ਇਹ

ਤੁਮ ਰਾਖੇ ਚੀਤ ਜੈਸੇ ਤੁਮ ਸੋ ਕਹਤ ਹੋ ॥੪੧॥ ਚੌਪਈ ॥ ਇਹ ਸਭ ਲੋਕ ਠਾਂਢੇ ਜੋ ਦੇਖੇ ॥ ਤਿਨ ਕੀ ਆਦਿ
 ਨਹੀਂ ਕਛੁ ਪੇਖੇ ॥ ਜੋ ਇਹੁ ਕਉਨ ਥਾਉ ਸਿਉ ਆਏ ॥ ਜਬ ਬਿਨਸੈ ਤਬ ਕਤ ਕੋ ਜਾਏ ॥੪੨॥ ਮਧ ਦੇਖਨੇ
 ਮੈਂ ਇਹ ਆਵੈ ॥ ਪੁਦਗਲ ਤਿਆਗ ਕਹਾਂ ਵੈ ਜਾਵੈ ॥ ਆਦਿ ਅੰਤੁ ਜਾਕੀ ਨਹੀਂ ਜਾਪੈ ॥ ਤਿਨ ਕੀ ਚਿੰਤਾ
 ਕਰੈ ਸੋ ਖਾਪੈ ॥੪੩॥ ਜਲ ਕੇ ਮਧ ਬੁਦ ਬੁਦੇ ਜੋਇ ॥ ਸੋ ਵਹੁ ਸਭੀ ਏਕ ਜਲ ਹੋਇ ॥ ਤੈਸੇ ਏਹ ਸਭ ਆਤਮ
 ਰੂਪ ਨਿਰਗੁਣ ਤੇ ਸਰਗੁਣ ਸਰੂਪ ॥ ਐਸੇ ਸਮਝ ਨ ਚਿੰਤਾ ਕਰੋ ॥ ਸਹਜ ਬਨੇ ਸੋਈ ਕਛੁ ਕਰੋ ॥੪੪॥
 ਦੋਹਰਾ ॥ ਅਵਰ ਪਖ ਅਬ ਕਹਤ ਹੋ ਸੁਨੋ ਪਾਰਬ ਪਰਧਾਨ ॥ ਇਸ ਪਖ ਚਿੰਤਾ ਨ ਕਰੋ ਜੀਉ ਅਕਾਲ
 ਪਹਿਚਾਨ ॥੪੫॥ ਦੋਹਰਾ ॥ ਜੋ ਚਾਹੈ ਮੈਂ ਨਿਰਖ ਹੋਂ ਆਤਮ ਬੋਲਨ ਹਾਰ ॥ ਸੋ ਦੇਖੈ ਅਸਚਰਜ ਕਹੈ
 ਅਸਚਰਜ ਬੀਚਾਰ ॥੪੬॥ ਦੋਹਰਾ ॥ ਸ੍ਰਵਣ ਕਰੈ ਅਸਚਰਜ ਸੋ ਅਸਚਰਜ ਕਰੈ ਅਭਿਆਸ ॥ ਏਹ ਸਭ
 ਹੀ ਅਸਚਰਜ ਹੈ ਏਕ ਆਤਮ ਸੁਤਹਿ ਪ੍ਰਕਾਸ ॥੪੭॥ ਦੋਹਰਾ ॥ ਜੋ ਅਸਚਰਜ ਕੀ ਬਾਤ ਤਿਸ ਕੀ ਚਿੰਤਾ
 ਮਤ ਕਰੋ ॥ ਆਤਮ ਗੋਬਿੰਦ ਸਾਤ ਏਕ ਅਦ੍ਵੈਤ ਮਨ ਮੋ ਧਰੋ ॥੪੮॥ ਚੌਪਈ ॥ ਪਾਰਬ ਆਤਮ ਤਤ ਬੀਚਾਰ
 ॥ ਅਇਧ ਕਰਿ ਤਿਸ ਨਾਹਿ ਸੰਖਾਰ ॥ ਸਭ ਦੇਹੋਂ ਕੇ ਅੰਤਰ ਏਕ ॥ ਤਿਸ ਹੀ ਕੇ ਏਹ ਦੇਹਿ ਅਨੇਕ ॥੪੯॥
 ਤਿਸਕੀ ਚਿੰਤਾ ਕੋਈ ਨ ਕਰੋ ॥ ਸਹਜ ਬਨੈ ਨਿਹਕਾਮ ਹੋਇ ਲੜੇ ॥ ਅਰੁ ਆਤਮ ਸਭ ਦੇਹ ਬਨਾਏ ॥ ਦੇਹਿ
 ਬਨਾਏ ਧਰਮ ਵਰਤਾਏ ॥੫੦॥ ਖੜ੍ਹੀ ਦੇਹਿ ਜੁਧ ਹੈ ਧਰਮ ॥ ਤੇਰੀ ਦੇਹਿ ਕਾ ਏਹੋਂ ਕਰਮ ॥ ਧਰਮ ਪਹਿਚਾਨ
 ਸੁਕਚੋ ਮਤ ਪਿਆਰੇ ॥ ਤੇਰੀ ਕਲਿਆਨ ਹੈ ਇਸੇ ਬੀਚਾਰੇ ॥੫੧॥ ਖੜ੍ਹੀ ਦੇਹਿ ਕੇ ਇਹਿ ਜੁਧ ਭਾਈ ॥ ਦੁਲਭ
 ਦੇਹ ਹੋਵੈ ਪੰਡਰਾਈ ॥ ਅਪਨੀ ਇਛਾ ਸੋ ਸਭ ਰਾਜਾ ॥ ਜਿਨ ਇਹ ਸਕਲਾ ਭਾਰਬ ਸਾਜਾ ॥੫੨॥ ਸੁਰਗ
 ਦੁਆਰ ਤਿਨ ਕਾਰਨ ਖੁਲੇ ॥ ਜਬ ਜੂਝੈ ਤਬ ਸੁਵਰਗ ਕੋ ਚਲੈ ॥ ਟੀਕਾ ਕਾਰ ਵਾਚ ॥ ਸੁਰਗੁਣ ਨਿਰਗੁਣ
 ਏਕੋ ਰੂਪ ॥ ਦੇਹਿ ਛਾਡੈ ਤਬ ਵਹੀ ਸਰੂਪ ॥੫੩॥ ਸ੍ਰੀ ਭਗਵਾਨੋ ਵਾਚ ॥ ਚੌਪਈ ॥ ਅਰੁ ਜੋ ਤੂੰ ਕਾਇਰ
 ਹੋਇ ਜਾਵੈ ॥ ਧਰਮ ਜੁਧ ਤੇ ਆਪ ਬਚਾਵੈ ॥ ਤਾਂ ਤੇ ਦੇਹਿ ਧਰਮ ਤੁਧ ਜਾਵੈ ॥ ਸ੍ਵਾਂਗ ਭੰਗ ਤੇ ਅਤਿ ਦੁਖ
 ਪਾਵੈ ॥੫੪॥ ਪ੍ਰਿਥਮੈਂ ਦੇਹਿ ਧਰਮ ਤੁਧ ਜਾਇ ॥ ਦੁਤੀਏ ਅਪਜਸੁ ਤੁਝ ਸਭ ਗਾਇ ॥ ਤ੍ਰਿਤੀਏ ਪਾਪ ਭਾਰ

D:\Gobind Geeta\Giani Hardeep Singhji Hazur Sahib Nanded (Billu-9960448233) (28-5-2016) (17)

॥੧੧੫॥ ਜੈਸੇ ਜੁਗਤਿ ਮਨ ਰਹੈ ਤੈਸੇ ਅਬ ਭਾਖ ਹੋ ॥ ਮੇਰੇ ਬਿਖੈ ਮਨ ਰਾਖ ਏਹੀ ਮੈਂ ਆਖ ਹੋ ॥ ਜਬ
 ਮਨ ਤੇਰਾ ਜੁੜਿਆ ਬ੍ਰਹਮ ਸਮਾਧ ਮੈਂ ॥ ਸਗਲੀ ਇੰਦ੍ਰੀ ਰਹੀ ਸਰਬ ਉਪਾਧ ਤੇ ॥੧੧੬॥ ਇੰਦ੍ਰੀਆ ਸੁਨ
 ਭਾਖੀਐ ॥ ਇਤ ਪ੍ਰਕਾਰ ਜਿਸ ਨਰ ਕੀ ਇੰਦ੍ਰੀ ਬਸ ਭਈ ॥ ਸੋਈ ਨਿਹਚਲ ਬੁਧੀ ਏਹੁ ਮੈਂ ਤੁਝ ਕਹੀ
 ॥੧੧੭॥ ਦੋਹਰਾ ॥ ਜੈਸੇ ਇਸ ਨਰ ਪੁਰਖੁ ਕਉ ਇੰਦ੍ਰੀ ਦੇਹਿ ਭੁਲਾਇ ॥ ਸੋਈ ਜੁਗਤ ਸੁਨ ਅਬ ਕਹੋ ਹੇ
 ਕੁਰਨੰਦਨ ਰਾਇ ॥੧੧੮॥ ਚੌਪਈ ॥ ਜੋ ਮੇਰੇ ਸਿਮਰਨ ਤੇ ਤੋੜੈ ॥ ਅਪਨੇ ਬਿਖਿਓ ਮਾਹਿ ਮਨ ਜੋੜੈ ॥
 ਅਉਰ ਕੁਮਾਰਗ ਮਹਿਨੇ ਜਾਵੈ ॥ ਮਨ ਭੂਲੇ ਕਉ ਬਹੁਤ ਨਚਾਵੈ ॥੧੧੯॥ ਸੋ ਪਰਕਾਰ ਅਬ ਪਾਰਥ ਸੁਨ
 ॥ ਜੋ ਇਸਤ੍ਰੀਓ ਕੇ ਸੰਗੀ ਜਨ ॥ ਤਿਨਕਾ ਸੰਗ ਓਹੁ ਪੁਰਖੁ ਜਬ ਕਰੈ ॥ ਤਿਨਕੀ ਬਾਤ ਚਿਤ ਮੈਂ ਧਰੈ
 ॥੧੨੦॥ ਮੁਝ ਤੇ ਕਾਇਰ ਜਗ ਕੇ ਲੋਕ ॥ ਮਾਤੇ ਰਹੈ ਵਿਚਿ ਇੰਦ੍ਰੀ ਭੋਗ ॥ ਬਿਖੈ ਭੋਗ ਮੈਂ ਤਿਨਕੀ ਪ੍ਰੀਤਿ
 ॥ ਤਿਨਕੇ ਸੰਗਿ ਮਲੀਨ ਹੋਇ ਚੀਤ ॥੧੨੧॥ ਜਬ ਉਸ ਨਰ ਤਿਨਕਾ ਸੰਗਿ ਕਰਾ ॥ ਤਿਨ ਉਪਦੇਸ ਰਿਦੈ
 ਲੇ ਧਰਾ ॥ ਰੰਗਿਓ ਜਾਤ ਮਨ ਉਨ ਕੇ ਮਾਹੀ ॥ ਬਿਖਈ ਪੁਰਖ ਤਬ ਕਹੀਏ ਤਾਹੀ ॥੧੨੨॥ ਆਠ ਪਹਰ
 ਬਿਖਿਆ ਸੰਗ ਬਸੈ ॥ ਮੇਰੇ ਨਾਮ ਤੇ ਦੂਰੋਂ ਨਸੈ ॥ ਇਸ ਚਿੰਤਾ ਮੈਂ ਦਿਨ ਅਰੁ ਰਾਤ ॥ ਕਾਮਨਾ ਕੀ ਵਹੁ ਚਿਤਵੈ
 ਰਾਤ ॥੧੨੩॥ ਜਬ ਕਾਮਨਾ ਪੂਰਨ ਨ ਹੋਇ ॥ ਕ੍ਰੋਧ ਉਪਜੈ ਹੈ ਅਰੁ ਬਹੁ ਮੋਹੁ ॥ ਚੇਤਨਤਾ ਕਾ ਨਾਸ ਜਬ
 ਭਇਆ ॥ ਕਾਮੀ ਅਹੰਕਾਰੀ ਤਬ ਰਹਿਆ ॥੧੨੪॥ ਜਬ ਉਪਜੈ ਹੈ ਮੋਹੁ ਅੰਧਾਰ ॥ ਚੇਤਨਤਾ ਤਬ ਦੇਵੈ
 ਜਾਰ ॥ ਇਤਨੇ ਅਵਗਨ ਜਬ ਇਸ ਹੋਇ ॥ ਨਾਮ ਬੁਧ ਜਾਨੋ ਤਬ ਸੋਇ ॥੧੨੪॥ ਬੁਧ ਨਾਮ ਬਿਖਿਓ
 ਮੈਂ ਭਈ ॥ ਤਬ ਸਤ ਬਾਤ ਸਭ ਇਸ ਤੇ ਰਹੀ ॥ ਸਹਜੇ ਮਿਰਤਕ ਹੂਆ ਮੀਤ ॥ ਯਹੀ ਪ੍ਰਮਾਦ ਮਿਰਤਕ
 ਕੀ ਰੀਤ ॥ ਤਾਂਤੇ ਜੋ ਕਲਿਆਨ ਕੋ ਚਹੈ ॥ ਕੁਸੰਗ ਤਿਆਗ ਸੰਗ ਕੋ ਗਹੈ ॥੧੨੬॥ ਸੋਰਠਾ ॥ ਅਬ ਭਗਤੋਂ
 ਕੀ ਬਾਤ ਸੁਨ ਪਾਰਥ ਅਬ ਮੈਂ ਕਹਤ ਹੋ ॥ ਕਿਉਂ ਕਰਿ ਵਰਤੈ ਤਾਤ ਹਰਖ ਸੋਗ ਕੇ ਜਗਤ ਮੈਂ ॥੧੨੭॥
 ਕਬਿਤ ॥ ਹਰਖ ਅਰੁ ਸੋਕ ਮਾਨ ਆਇਆ ਗਇਆ ਏਕ ਜਾਨ ਭਲੇ ਸਵਾਦ ਪਾਨ ਕੀਏ ਹਰਖ ਨ ਕਰਤ ਹੈ ॥
 ਬੁਰੀ ਵਸਤ ਪਾਏ ਤੇ ਸੋਕ ਕਛੂ ਨਾ ਕਰੈ ਖੁਧਿਆ ਕੀ ਅਗਨਿ ਤੇ ਆਪਿ ਕੋ ਬਚਤ ਹੈ ॥ ਮਨ ਰਾਖੈ ਆਤਮ

ਮਾਹਿ ਮੇਰਾ ਕਰੇ ਨਿਤ ਧਿਆਨ ਬਿਖਿਆ ਤੇ ਤਿਆਗੀ ਸੋ ਨਿਹਚਲ ਰਹਤ ਹੈ ॥ ਕਿਰਪਾ ਕਰੋ ਤਿਸੀ ਪਰ ਸਦਾ
 ਰਾਖੇ ਆਪ ਸੰਗ ਐਸੇ ਅਪਨੇ ਭਗਤ ਕੀ ਬਾਤ ਕਹਤ ਹੈ ॥੧੨੮॥ ਚੋਪਈ ॥ ਮੇਰੀ ਕਿਰਪਾ ਕਾ ਫਲ ਸੁਨ
 ॥ ਜੋ ਲਾਵੈ ਮੁਝ ਬ੍ਰਹਮ ਸੋ ਧੁਨ ॥ ਮਨ ਬਿਕਾਰ ਕਿਰਪਾ ਤੇ ਜਾਹੀ ॥ ਕਿਰਪਾ ਅਰਥ ਕਹੈ ਪ੍ਰਗਟਾਹੀ
 ॥੧੨੯॥ ਜੇ ਕੋ ਆਪ ਗਿਆਨ ਕੋ ਧਾਰੇ ॥ ਅਪਨੇ ਉਪਰ ਦਇਆ ਬੀਚਾਰੇ ॥ ਸੋ ਮੁਝ ਤੇ ਇਹੁ ਕਿਰਪਾ
 ਭਈ ॥ ਮਨ ਕੀ ਦੁਰਮਤਿ ਸਕਲ ਮਿਟਿ ਗਈ ॥੧੩੦॥ ਅਰੁ ਜਾਕੋ ਅਪਨੀ ਅਨਭੈ ਹੋਇ ॥ ਬਾਸ ਦੇਵ
 ਸਭ ਜਾਨੈ ਸੋਇ ॥ ਤਿਸਕੋ ਕਿਰਪਾ ਕੋਈ ਨ ਕਰੈ ॥ ਨਾ ਵਹੁ ਜਨਮੈ ਨਾ ਵਹੁ ਮਰੈ ॥੧੩੧॥ ਬ੍ਰਹਮ ਮਾਹਿ
 ਤਿਸ ਹੋਇ ਨਿਵਾਸ ॥ ਬ੍ਰਹਮ ਮਾਹਿ ਤਿਸ ਹੋਇ ਨਿਵਾਸ ॥ ਬ੍ਰਹਮ ਕਾਲ ਸਭ ਦੇਹਿ ਬਿਨਾਸ ॥ ਮਨ ਕੇ ਦੁਖ
 ਭਗਤ ਕੇ ਗਏ ॥ ਦੇਹਿ ਦੁਖ ਤਿਸਕੋ ਨਾ ਰਹੈ ॥੧੩੨॥ ਦੁਖ ਬਿਨਸੈ ਅਰੁ ਸੁਖ ਠਹਿਰਾਇ ॥ ਭਇਆ
 ਪ੍ਰਸੰਨ ਮੋ ਕਿਰਪਾ ਪਾਇ ॥ ਮੇਰੇ ਸੰਗ ਤਿਸਕੀ ਬੁਧ ਲਾਗੀ ॥ ਐਸਾ ਭਗਤਿ ਕਹੀਐ ਬਡਭਾਗੀ ॥੧੩੩॥
 ਮੰਗਲ ਛੰਦ ॥ ਸੁਨ ਸਖੇ ਤਾਕੀ ਬਾਤ ॥ ਹੈ ਸਖੇ ਤਾਕੀ ਬਾਤ ॥ ਹੈ ਬੁਧ ਜਿਸਕੀ ਘਾਤ ॥ ਸੋ ਕਹੈ ਆਪਸ
 ਮਾਹਿ ॥ ਸੋ ਰਾਮ ਹੈ ਜੀ ਕਹਾਂ ॥ ਕਿਸ ਦੇਖਿਆ ਹੈ ਸੋਇ ॥ ਤਿਸ ਜਾਨਤਾ ਨਾ ਕੋਇ ॥ ਏਕ ਗਿਆਨ
 ਭੀ ਹੈ ਬਾਤ ॥ ਇਹੁ ਜਗਤ ਕੇ ਸੁਖ ਸਾਤ ॥ ਜਿਸ ਕੀਆ ਏਹੁ ਬੀਚਾਰ ॥ ਤਿਸ ਆਪ ਹੀ ਕੋ ਜਾਰ ॥ ਤਿਸ
 ਪ੍ਰੀਤ ਨਾਹੀਂ ਮੋਹ ॥ ਮੈਂ ਕਹੀ ਨਿਸਚੈ ਤੋਹ ॥ ਬਿਨ ਸਰਧਾ ਮੇਰੀ ਮੀਤ ॥ ਤਿਸ ਸਾਂਤ ਨਾਹੀਂ ਚੀਤ ॥ ਜੋ ਸਰਧਾ
 ਮੇਰੀ ਕਰੈ ॥ ਸੋ ਜੀਵਤੇ ਹੀ ਤਰੈ ॥ ਅਬ ਅਉਰ ਸੁਨ ਰੇ ਮੀਤ ॥ ਦ੍ਰਿੜ ਰਾਖ ਆਪਨ ਚੀਤ ॥੧੩੪॥ ਦੋਹਰਾ
 ॥ ਜੇ ਕੋ ਇੰਦ੍ਰੀ ਬਿਖੈ ਮੈਂ ਅਫਨੇ ਗੁਨ ਕੋ ਜਾਇ ॥ ਮਨ ਭੀ ਜਾਵੈ ਤਿਸੀ ਸੰਗਿ ਤਬ ਵਹੁ ਅਤਿ ਦੁਖ ਪਾਇ
 ॥੧੩੫॥ ਸੋਰਠਾ ॥ ਤਿਸ ਕਾ ਇਹੁ ਦ੍ਰਿਸਟਾਂਤ ਸੁਨ ਪਾਰਥ ਤੂੰ ਸਮਝ ਕਰਿ ॥ ਸੋ ਅਨੰਦ ਉਪਜਾਵੈ ਸਾਂਤ
 ਜਿਸ ਸੁਨਤੇ ਅਬ ਦੂਰਿ ਹੋਇ ॥੧੩੬॥ ਚੋਪਈ ॥ ਜੈਸੇ ਨਉਕਾ ਸਲਤਾ ਮਾਹਿ ॥ ਉਰਵਾਰ ਤੇ ਚਲੈ ਪਾਰ
 ਕੋ ਜਾਹਿ ॥ ਅਰੁ ਸਧ ਤੀਰ ਕੇ ਮਾਹਿ ਬਿਆਰ ॥ ਨਉ ਕਾਲ ਗਨੇ ਦੇਹ ਨ ਪਾਰ ॥੧੩੭॥ ਘਾਟ ਛਾਡ
 ਕੁਘਾਟ ਲੇ ਜਾਵੈ ॥ ਇੰਦ੍ਰੀ ਤੇ ਤਿਉਂ ਮਨ ਦੁਖ ਪਾਵੈ ॥ ਜੋ ਮਨ ਜਾਵੈ ਇੰਦ੍ਰੀ ਨਾਲਿ ॥ ਤਿਸ ਕੋ ਤੂੰ ਇਹੁ

D:\Gobind Geeta\Giani Hardeep Singhji Hazur Sahib Nanded (Billu-9960448233) (28-5-2016) (21)

ਹਾਂ ਬਹੁਤ ਜੀਵ ਮੁਕਤਿ ਕਉ ਪ੍ਰਾਪਤ ਹੂਏ ਹੈਂ ॥ ਤੁਝ ਕਉ ਏਕ ਪੁਰਾਤਨ ਕਥਾ ਕਹਤਾ ਹੋਂ ॥ ਤੁਮ ਸੁਨੋ ॥
 ਏਕ ਬਕਰੀਓ ਵਾਲਾ ਨਾਮੁ ਉਸ ਕਾ ਮੇਨ ਵੰਤ ਥਾ ॥ ਨਿਤ ਬਕਰੀਆਂ ਚਰਾਵਤਾ ਫਿਰੇ ॥ ਬਕਰੀਆਂ ਬਨ
 ਮੈਂ ਚੜ੍ਹੇ ॥ ਸੋ ਵਹੁ ਏਕ ਦਿਨ ਉਚੇ ਟਿਬੇ ਪਰ ਬੈਠ ਰਹਿਆ ॥ ਬਕਰੀਆਂ ਬੈਠਾ ਦੇਖੇ ॥ ਅਰੁ ਭਜਨ ਭੀ ਬੈਠਾ
 ਕਰੇ ॥ ਸੋ ਵਹੁ ਬਕਰੀਆਂ ਕਉ ਹਾਂਕ ਲੇ ਆਇਆ ਨਗਰ ਕਉ ॥ ਸੋ ਉਹਾਂ ਗਹਬਰ ਬਨ ਮੈਂ ਏਕ ਸਿੰਘ ਬੈਠਾ
 ਥਾ ॥ ਤਹਾਂ ਏਕ ਬਕਰੀ ਹੋ ਸਭ ਬਕਰੀਓ ਕੇ ਆਗੇ ਚਲੀ ਜਾਤੀ ਥੀ ॥ ਤਿਸ ਬਕਰੀ ਕਉ ਦੇਖ ਕਰਿ ਓਹੁ
 ਸਿੰਘ ਭਾਗ ਗਇਆ ॥ ਤਬ ਬਕਰੀਓ ਵਾਲੇ ਨੇ ਕਹਿਆ ॥ ਜੋ ਏਹ ਕਿਆ ਅਚਰਜ ਭਇਆ ॥ ਜੋ ਬਕਰੀ
 ਕਉ ਦੇਖ ਕਰਿ ਸਿੰਘ ਭਾਗ ਗਇਆ ਹੈ ॥ ਏਹ ਮੁਝ ਕਉ ਏਹ ਵਰਤੰਤ ਕਹੋ ॥ ਤਬ ਬਾਲ ਬ੍ਰਹਮਚਾਰੀ
 ਬੋਲਿਆ ॥ ਅਰੇ ਬਕਰੀਓ ਵਾਲੇ ਮੈਂ ਤੁਝ ਕਉ ਇਨਕੇ ਪੂਰਬਲੇ ਜਨਮ ਕੀ ਕਥਾ ਕਹਤਾ ਹੋਂ ॥ ਤੂੰ ਸੁਣ ॥
 ਇਹ ਸਿੰਘ ਪੂਰਬਲੇ ਜਨਮ ਕਾ ਕਸਾਈ ਹੈ ॥ ਅਰੁ ਇਹ ਬਕਰੀ ਪਹਿਲੇ ਜਨਮ ਕੀ ਡਾਇਣ ਹੈ ॥ ਸੋ ਪਹਿਲੇ
 ਜਨਮ ਮੈਂ ਏਹ ਜਾਤ ਕੀ ਸੂਦ੍ਰ ਥੀ ॥ ਜਬ ਇਸਕਾ ਪੁਰਖੁ ਮੂਆ ਤਬ ਇਹ ਡਾਇਣ ਭਈ ॥ ਜਿਸ ਪੁਰਖੁ ਕਉ
 ਜਿਸ ਬਾਲਿਕ ਕਉ ਸੁੰਦਰ ਦੇਖੇ ॥ ਤਿਸਕੇ ਪ੍ਰਾਨ ਨਿਕਾਸ ਲੇਵੈ ॥ ਸੋ ਏਕ ਦਿਨ ਬਨ ਮੈਂ ਏਕ ਬਾਧਕ ਗਇਆ
 ਥਾ ॥ ਪੰਛੀ ਪਕੜਨੇ ਕਉ ॥ ਅਰੁ ਏਹ ਡਾਇਣ ਭੀ ਬਨ ਮੈਂ ਗਈ ਥੀ ॥ ਤਬ ਇਸ ਨੇ ਉਸ ਬਾਧਿਕ ਕਉ
 ਖਾਇਆ ॥ ਸੋ ਵਹੁ ਮਰਕੇ ਸਿੰਘ ਭਇਆ ॥ ਅਰੁ ਇਹ ਡਾਇਣ ਮਰਿ ਕੇ ਬਕਰੀ ਹੂਈ ॥ ਸੋ ਇਸ ਸਿੰਘ
 ਕਉ ਪਹਿਲੇ ਜਨਮ ਕੀ ਸੁਧ ਹੈ ॥ ਇਸ ਵਾਸਤੇ ਡਰਿ ਕੇ ਭਾਗ ਗਇਆ ॥ ਜੋ ਮਤ ਅਬ ਥੀ ਮੁਝ ਕਉ ਖਾਇ
 ਜਾਤੀ ਹੋਵੈ ॥ ਤਬ ਬਕਰੀਓ ਵਾਲਾ ਬੋਲਿਆ ॥ ਹੇ ਮਹਾਰਾਜ ਬਾਲ ਬ੍ਰਹਮਚਾਰੀ ਜੀ ਐਸਾ ਕਛੁ ਕਰੋ ਜੋ ਇਸ
 ਸਿੰਘ ਅਰੁ ਬਕਰੀ ਕਉ ਨੀਚ ਦੇਹ ਤੇ ਛੁਡਾਵਹੁ ॥ ਤਬ ਬਾਲ ਬ੍ਰਹਮਚਾਰੀ ਬੋਲਿਆ ਹਾਂ ਹਾਂ ਨੀਚ ਦੇਹ ਤੇ ਛੁਟੈਗੇ
 ॥ ਤਬ ਬਕਰੀਓ ਵਾਲੇ ਨੇ ਉਸ ਸਿੰਘ ਕਉ ਬੁਲਾਇਆ ॥ ਅਰੇ ਸਿੰਘ ਮੈਂ ਤੁਝ ਕਉ ਨੀਚ ਦੇਹ ਤੇ ਛੁਡਾਵਤਾ
 ਹੋਂ ॥ ਤੂੰ ਡਰੀਓ ਨਾਹੀਂ ॥ ਤਬ ਬਕਰੀਓ ਵਾਲਾ ਬੋਲਿਆ ॥ ਹੇ ਮਹਾਰਾਜ ਜੀ ਮੈਂ ਪਹਿਲੇ ਜਨਮ ਕਾ ਕਉਨ
 ਹੋਂ ॥ ਤਬ ਬਾਲ ਬ੍ਰਹਮਚਾਰੀ ਬੋਲਿਆ ॥ ਤੂੰ ਪਹਿਲੇ ਜਨਮ ਕਾ ਚੰਡਾਲ ਹੈਂ ॥ ਤਬ ਤਬ ਬਕਰੀਓ ਵਾਲਾ

ਬੋਲਿਆ ॥ ਹੇ ਮਹਾਰਾਜ ਐਸਾ ਕਛੁ ਕਰੋ ਜੋ ਹਮ ਤੀਨੋ ਇਸ ਨੀਚ ਦੇਹ ਤੇ ਛੂਟੈ ॥ ਤਬ ਬ੍ਰਹਮਚਾਰੀ ਬੋਲਿਆ ॥ ਆਵਉ ਮੈਂ ਤੀਨੋਂ ਕਉ ਨੀਚ ਦੇਹ ਤੇ ਛੁਡਾਵੈ ॥ ਤਬ ਉਹਾ ਏਕ ਪਰਬਤ ਕੀ ਸਿਲਾ ਥੀ ॥ ਤਿਸ ਕੇ ਉਪਰ ਦੂਸਰਾ ਧਿਆਇ ਗੀਤਾ ਕਾ ਲਿਖਿਆ ਹੂਆ ਥਾ ॥ ਉਨ ਤੀਨਉਂ ਨੇ ਅਖਰ ਅਰੁ ਫਾਲਾ ਉਸ ਧਿਆਇ ਕੀਆਂ ਦੇਖੀਆਂ ॥ ਮਨ ਵਚਨ ਕਰਮ ਕਰਿਕੇ ॥ ਦੂਸਰੇ ਅਧਿਆਇ ਕੇ ਦੇਖਤੇ ਹੀ ਨੀਚ ਦੇਹ ਤੇ ਛੂਟੇ ॥ ਅਰੁ ਤੀਨ ਵਿਮਾਨ ਆਏ ॥ ਤਿਸਕੇ ਉਪਰ ਬੈਠਕੇ ਓਹੁ ਤੀਨੋਂ ਵੈਕੁੰਠ ਗਏ ॥ ਨੀਚ ਦੇਹ ਤੇ ਛੂਟੇ ॥ ਦੇਵਤਿਓਂ ਕੀ ਦੇਹ ਪਾਈ ॥ ਓਹੁ ਤੀਨੋਂ ਮੁਕਤਿ ਭਏ ॥ ਤਬ ਨਾਰਾਇਣ ਜੀ ਬੋਲੇ ॥ ਹੇ ਲਛਮੀ ਜੋ ਜੀਵ ਗੀਤਾ ਪਾਠ ਕਰਤੇ ਹੈਂ ॥ ਅਥਵਾ ਸੁਣਤੇ ਹੈਂ ॥ ਅਥਵਾ ਸੁਣਾਵਤੇ ਹੈਂ ॥ ਤਿਨ ਕਾ ਕਿਆ ਪੁੰਨ ਵਰਨਨ ਕਰੀਏ ॥ ਜੋ ਜੀਵ ਗੀਤਾ ਕੇ ਅਖਰੋਂ ਕਉ ਦੇਖ ਰਿ ਭੀ ਮੁਕਤਿ ਹੋਤੇ ਹੈਂ ॥੨॥ ਇਤਿ ਸ੍ਰੀ ਪਦਮ ਪੁਰਾਣੇ ਸਤੀ ਈਸਰੁ ਸੰਵਾਦੇ ਉਤਰ ਖੰਡੇ ਸ੍ਰੀ ਕ੍ਰਿਸ਼ਨ ਅਰਜੁਨ ਸੰਬਾਦੇ ਗੀਤਾ ਮਹਾਤਮੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮੁ ਦੁਤੀਓਂ ਧਿਆਇ ॥੩॥ **ਆਗੇ ਤ੍ਰਿਤੀਆ ਚਲਿਆ ॥ ਅਰਜਨੋਂ ਵਾਚ ॥ ਚੌਪਈ ॥** ਅਰਜਨ ਭਗਵਾਨ ਬਚਨ ਸੁਨ ਬੋਲਿਆ ॥ ਮਨ ਕਾ ਸੰਸਾ ਹਰਿ ਆਗੈ ਖੋਲਿਆ ॥ ਕਹੇ ਸੁਨੋ ਜਨਾਰਦਨ ਸੁਆਮੀ ਬੇਨਤੀ ਕਰੋਂ ਪ੍ਰਭ ਅੰਤਰਜਾਮੀ ॥੧॥ ਬ੍ਰਹਮੀ ਉਸਤਤਿ ਇਸੁ ਤੁਮ ਭਾਖੀ ॥ ਬਹੁੜ ਤੁਮੋ ਨਿਹਚਲ ਬੁਧਿ ਆਖੀ ॥ ਬਹੁੜ ਭਇਆਨਕ ਜੁਧ ਕਉਂ ਆਖੋ ॥ ਮਿਸਰਤ ਬਚਨ ਪ੍ਰਭ ਜੀ ਨਾ ਭਾਖੋ ॥੨॥ ਇਨ ਬਾਤੈਂ ਕਰਿ ਮੋਹ ਉਪਜਾਵਹੁ ॥ ਏਕ ਬਾਤ ਮੁਝ ਕੋ ਸਮਝਾਵਹੁ ॥ ਜੋ ਤੁਮ ਕਹੋ ਸਾਂਤ ਬੁਧ ਹੋਵਾਂ ॥ ਬੈਰਾਗੀ ਹੋਇ ਅਭਿਮਾਨ ਸਭ ਖੋਵਾਂ ॥੩॥ ਨਹੀਂ ਜੁਧ ਕਰਮ ਉਠ ਕਰੋ ॥ ਤੇਰਾ ਬਚਨ ਮਾਨ ਹਉ ਲੜੋ ॥ ਦੋ ਪ੍ਰਸ਼ਨੋ ਕਾ ਉਤਰ ਦੇਹਿ ॥ ਮੇਰੀ ਬੇਨਤੀ ਤੂੰ ਸੁਨ ਲੇਹਿ ॥ ਅ੍ਰਜਨ ਬਚਨ ਭਗਵਾਨ ਸੁਨ ਬੋਲੇ ॥ ਬੋਲਨ ਕਿਆ ਵਹੁ ਕਰਹਿ ਕਲੋਲੇ ॥੪॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਅਰਜਨ ਪ੍ਰਤਿ ਗੋਬਿੰਦ ਜੀ ਐਸੇ ਕੇ ਬਖਾਨ ॥ ਦੋ ਪ੍ਰਕਾਰ ਕੀ ਆਗਿਆ ਪ੍ਰਿਥਮੇ ਮੁਝ ਤੇ ਜਾਨ ॥੫॥ ਦੋਹਰਾ ॥ ਜਿਨਕਾ ਹਿਰਦਾ ਸੁਧ ਹੈ ਤਿਨ ਪ੍ਰਤਿ ਆਖੀ ਸਾਂਖ ॥ ਗਿਆਨ ਧਾਰੈ ਵਹੁ ਰਿਦੇ ਮੈਂ ਜਗ ਤੇ ਮੂੰਦੇ ਆਖ ॥੬॥ ਦੋਹਰਾ ॥ ਅਰੁ ਤੇਰਾ ਰਿਦਾ ਪਰਵਿਰਤਿ ਮੈਂ ਗਿਆਨ ਨ ਸਮਝੈ ਮੀਤ ॥ ਕਰਮ ਜੋਗ ਅਧਕਾਰ ਤੁਝ ਸੋ ਭਾਖੋ ਧਰ ਚੀਤ

॥੭॥ ਦੋਹਰਾ ॥ ਕਰਮੋ ਬਰਤੇ ਭਗਤਿ ਹੋਇ ਭਗਤਿ ਕਰਤ ਹੋਇ ਪ੍ਰੇਮ ॥ ਪ੍ਰੇਮ ਕੀਏ ਤਬ ਗਿਆਨ ਹੋਇ
 ਇਹੀ ਬੇਦ ਕਾ ਨੇਮ ॥੮॥ ਦੋਹਰਾ ॥ ਅਰੁ ਜੋ ਕੋਈ ਕਰਮ ਛਾਡਿ ਆਖੈ ਮੈਂ ਨਿਹਕਰਮ ॥ ਸੰਨਿਆਸੀ ਮੈਂ
 ਹੋਇ ਰਹਿਆ ਇਹੁ ਸਭ ਬਕਤਾ ਭਰਮ ॥੯॥ ਚੌਪਈ ॥ ਐਸਾ ਪੁਰਖੁ ਸੰਨਿਆਸੁ ਨ ਪਾਵੈ ॥ ਝੂਠ ਕਹੈ
 ਮਿਥਿਆ ਕਉ ਧਾਵੈ ॥ ਕੈਸੇ ਝੂਠਾ ਕਹੀਐ ਉਹਿ ॥ ਸੋ ਸੁਨ ਲੇਹਿ ਜੁ ਆਖੋ ਤੋਹਿ ॥੧੦॥ ਜਿਨ ਨੇ ਦੇਹ
 ਧਰੀ ਜਗ ਮਾਹੀ ॥ ਸੋ ਨਿਹਕਰਮ ਏਕ ਪਲ ਭੀ ਨਾਹੀ ॥ ਮਾਤ ਗਰਤ ਅਰੁ ਕਾਲ ਪਰਜੰਤ ॥ ਕਰਮੋ ਮਾਹਿ
 ਸਦਾ ਵਰਤੰਤ ॥੧੧॥ ਇਸ ਕੇ ਜਾਨੇ ਬਿਨਾ ਹੀ ਦੇਹਿ ॥ ਇੰਦ੍ਰੀਓ ਗੁਨ ਸੰਗ ਕਰਮ ਕਰੇਹਿ ॥ ਬੋਲਨ ਚਲਨ
 ਸੁਨਨ ਸਭ ਕਰਮ ॥ ਲੇਵਨ ਦੇਵਨ ਦੇਖਨ ਕਰਮ ॥ ਬੈਠਣ ਸੋਵਣ ਕਰਮ ਬੀਚਾਰੋ ॥ ਸੁਖੋਪਤ ਮੈਂ ਕਰਮ ਹੈਂ
 ਸਾਰੋ ॥੧੨॥ ਟੀਕਾ ਕਾਰ ਵਾਚ ॥ ਚੌਪਈ ॥ ਖਾਵਣ ਪੀਵਣ ਹਰਣ ਕਰਮ ॥ ਦੁਖ ਸੁਖ ਹੈ ਕਰਮ ਕੇ
 ਧਰਮ ॥ ਲਘੁ ਸੰਕਾ ਸਭ ਕਰਮ ਬਨਾਏ ॥ ਸੰਦ੍ਰੀਓ ਕੇ ਏਹ ਕਰਮ ਕਹਿ ਗਾਏ ॥੧੩॥ ਇੰਦ੍ਰੀਆਂ ਵਰਤੇ
 ਕਰਮ ਮਾਹੀ ॥ ਜਾਨੈ ਸੋ ਜੋ ਗਿਆਨੀ ਆਹੀ ॥ ਤਾਂਤੇ ਕਰਮ ਦੇਹ ਸੋ ਹੋਇ ॥ ਬਪ ਕੇ ਕਰਮ ਅਸਕਤ ਮਤਿ
 ਹੋਇ ॥੧੪॥ ਜੈਸੇ ਕਰਮ ਤੈਸੇ ਦੇਹਿ ਵਰਤੈ ॥ ਤੂੰ ਸਾਖੀ ਹੈਂ ਇਸ ਦੇਹਿ ਜੜਤੈ ॥ ਅਬ ਆਗੈ ਤੁਝ ਅਉਰ
 ਸੁਨਾਉਂ ॥ ਦੇਹਿ ਜੋਗ ਕੀ ਜੁਗਤਿ ਬਤਾਉਂ ॥੧੫॥ ਸ੍ਰੀ ਭਗਵਾਨੋ ਵਾਚ ॥ ਚੌਪਈ ॥ ਡਿੰਭ ਜੋਗੀ ਹੈ ਇਸ
 ਪਰਕਾਰ ॥ ਜੈਸੇ ਸਿੰਮ੍ਰਿਤ ਕਰੈ ਪੁਕਾਰ ॥ ਸਭਿ ਇੰਦ੍ਰੀ ਸੰਜਮ ਕਰਿ ਬੈਠੇ ॥ ਮਨ ਕੋ ਬਿਖਿਆ ਮਾਹੀ ਪੈਠੇ
 ॥੧੬॥ ਚਿਤਵੈ ਬਿਖਿਆ ਹੀ ਕੋ ਜਾਪ ॥ ਭੋਗੋ ਭੋਗ ਜੁ ਪਾਵੇ ਆਪ ॥ ਜਿਸਕੈ ਮਨ ਮੋਂ ਏਹ ਬੀਚਾਰ ॥
 ਸੋ ਝੂਠਾ ਸੁਣ ਅਰਜਨ ਯਾਰ ॥੧੭॥ ਉਸ ਕਰਤੂਤ ਅਚਾਰ ਸਭ ਝੂਠੀ ॥ ਬੁਧਿ ਤਿਸਕੀ ਬਿਖਿਓ ਮੈਂ ਮੂਠੀ
 ॥ ਮਹਾ ਮੂੜ ਮਤਿ ਐਸਾ ਹੋਇ ॥ ਸ੍ਰੇਸਟਿ ਗਤਿ ਅਬ ਭਾਖੋਂ ਸੋਇ ॥੧੮॥ ਸ੍ਰੇਸਟਿ ਗਤਿ ॥ ਚੌਪਈ ॥
 ਉਨ ਮਨ ਰਾਖੈ ਮੇਰੈ ਮਾਹਿ ॥ ਇੰਦ੍ਰੀ ਕਰਿ ਸਭ ਕਰਮ ਕਰਾਹਿ ॥ ਜੀਉ ਭਿੰਨ ਦੇਹ ਤੇ ਜਾਨੈ ॥ ਦੇਹਿ ਬਿਨਾਸੀ
 ਨਿਤ ਹੀ ਮਾਨੈ ॥੧੯॥ ਤਿਸ ਕੋ ਲੇਪ ਕਰਮ ਨਾ ਹੋਇ ॥ ਕਰਮ ਜੋਗੀ ਐਸਾ ਹੈ ਸੋਇ ॥ ਅਰਜਨ ਤੂੰ ਕਰਮ
 ਜੋਗ ਹੈ ਮੀਤ ॥ ਸੰਖ ਨ ਆਵੈ ਤੇਰੇ ਚੀਤ ॥੨੦॥ ਤੇਰਾ ਕਰਮ ਜੁਧ ਹੈ ਧਰਮ ॥ ਜੁਧ ਕਰੋ ਤੇਰਾ ਇਹੁ ਕਰਮ

ਲੇਪ ਕਰਮ ਕਾ ਤੁਝੈ ਨ ਹੋਇ ॥੩੫॥ ਅਬ ਜੋ ਜਗ ਪੁਰਖ ਭਗਵਾਨ । ਤਿਸਕੀ ਪੂਜਾ ਐਸੇ ਜਾਨ ॥ ਤਿਸ
 ਕੋ ਜਗ ਪੁਰਖ ਕਰਿ ਪੁਝੈ ॥ ਕਲਿਆਨ ਜਗਤ ਕੀ ਜਗ ਤੇ ਸੂਝੈ ॥ ਤਿਸਕੀ ਬਾਤ ਕਹੈ ਤੁਝ ਮਾਹਿ ॥ ਹੇ
 ਅਰਜਨ ਅਬ ਸੁਨ ਤੂੰ ਆਹਿ ॥੩੬॥ ਮੰਗਲ ਛੰਦ ॥ ਸੁਨ ਪਾਰਥ ਮੈਂ ਜੋ ਕਹਿਆ ॥ ਜਬ ਬ੍ਰਹਮਾ ਉਪਜਤ
 ਭਇਆ ॥ ਤਬ ਪਰਜਾ ਤਿਸ ਸੋ ਭਈ ॥ ਬਾਨੀ ਬੇਦ ਸਭ ਤਿਸ ਕਹੀ ॥ ਤਬ ਜਗ ਭੀ ਤਿਨ ਕਹੇ ॥ ਜੋ
 ਕਰੇ ਸੋ ਫਲ ਲਹੇ ॥ ਕਰਿ ਅਰਪੇ ਈਸ਼੍ਵਰ ਮਾਹਿ ॥ ਸੋ ਗਿਆਨ ਹੀ ਕੋ ਪਾਇ ॥ ਜਗ ਪ੍ਰਗਟ ਬ੍ਰਹਮੇ ਕੀਏ ॥
 ਸਭ ਦੇਵਤਿਓ ਮਨ ਲੀਏ ॥ ਸਮਗ੍ਰੀ ਜਗ ਭੀ ਤਿਨ ਕਰੀ ॥ ਤਿਸ ਰੀਤ ਇਹ ਜਗ ਧਰੀ ॥ ਤਬ ਕਹਿਓ
 ਲੋਕੋ ਮਾਹਿ ॥ ਝਗ ਕਰੋ ਬਹੁ ਸੁਖ ਪਾਹਿ ॥ ਜਗ ਸਾਥ ਹਰਿ ਕੋ ਜਪੋ ॥ ਤਿਸ ਮਾਹਿ ਦੇਵਤਾ ਥਪੋ ॥ ਜੋ
 ਬਾਛਾ ਤੁਮਰੀ ਹੋਇ ॥ ਜਗ ਪੁਰਖੁ ਦੇਵੈ ਸੋਇ ॥ ਜਵ ਬ੍ਰਹਮਾ ਐਸੇ ਕਹਿਓ ॥ ਜਗ ਸੰਸਾਰ ਕਰਨੇ ਭਇਓ
 ॥ ਤਬ ਲੋਕ ਸਭ ਜਸ ਕਰੈ ॥ ਅਰੁ ਪੂਜਾ ਸੁਰ ਚਿਤ ਧਰੇ ॥ ਪ੍ਰਸੰ ਜਬ ਸੁਰ ਭਏ ॥ ਮਾਨੁਖੋਂ ਕਉ ਬਰ ਕਹੇ
 ॥ ਨਰ ਕਰੇ ਸੁਰ ਕਲਿਆਨ ॥ ਸੁਰ ਨਰੋ ਦੇਵੈ ਦਾਨ ॥ ਜੋ ਦੇਵ ਬਾਛਾ ਕਰੇ ॥ ਮਾਨੁਖ ਤਿਸ ਪਰ ਧਰੇ ॥
 ਜੋ ਮਾਨਸੋਂ ਕੀ ਚਾਹਿ ॥ ਸੋ ਦੇਤ ਹੈਂ ਸੁਰ ਤਾਹੀ ॥ ਜੋ ਕਰਮਵਾਨ ਮਾਨੁਖ ॥ ਤਿਸ ਕਰਮ ਹੀ ਕੀ ਭੂਖ ॥
 ਦੇਵਪੂਜਾ ਬਾਝ ਜੋ ਖਾਹਿ ॥ ਸੋ ਚੋਰ ਦੇਵਤਿਓ ਕੇ ਆਹਿ ॥ ਆਦਿ ਜੱਗ ਪੁਰਖ ਪੂਜਾ ਕਰੈ ॥ ਫਿਰਿ ਚਿਤ
 ਭੋਜਨ ਮਾਹੀ ਧਰੈ ॥ ਭਗਵਾਨ ਭੋਗ ਲਗਾਇ ॥ ਤਬ ਬਹੁੜ ਵਹੁ ਕਛੁ ਖਾਇ ॥ ਸੋ ਪਾਪ ਤੇ ਹੋਇ ਮੁਕਤਿ
 ॥ ਤਿਸੁ ਭਈ ਐਸੀ ਜੁਗਤਿ ॥੩੭॥ ਟੀਕਾ ਕਾਰ ਬਾਚ ॥ ਮੰਗਲ ਛੰਦ ॥ ਭਗਵਾਨ ਭੋਗ ਕਾ ਅਰਥ ॥
 ਕਹੇ ਗਿਆਨਵਾਨ ਸਮਰਥ ॥ ਕਹੇ ਕਰਤ ਭੋਜਨ ਮਾਹਿ ॥ ਮੈਂ ਕਦੇ ਖਾਧਾ ਨਾਹਿ ॥ ਭਗਵਾਨ ਏਕ ਅਦੁਈਤ
 ॥ ਤਿਸੁ ਬਿਨ ਨਾਹਿੰ ਦੂਜਾ ਮੀਤ ॥ ਸਭ ਵਸਤੁ ਹੈ ਭਗਵਾਨ ॥ ਏਹ ਸਕਲ ਜੋ ਦ੍ਰਿਸਟਾਹਿ ॥ ਤਿਸ ਬਿਨਾਂ
 ਕੋਈ ਨਾਹਿ ॥ ਤਬ ਕਉਨ ਖਾਵੈ ਮੀਤ ॥ ਏਹ ਬਾਤ ਧਰ ਤੂੰ ਚੀਤ ॥ ਬਿਨ ਇਸ ਪੂਜੈ ਜੋ ਕਛੁ ਖਾਇ ॥
 ਸੋ ਪਾਪ ਹੀ ਅਤਿ ਪਾਇ ॥ ਅਲਿਆਨ ਜਿਤ ਪਰਕਾਰ ॥ ਸੰਸਾਰ ਕੀ ਸੁਣ ਯਾਰ ॥ ਸੋ ਕਹੈ ਹਉ ਅਬ ਤਾਹਿ
 ॥ ਤੂੰ ਸਮਝ ਲੇਹਿ ਮਨ ਮਾਹਿ ॥੩੮॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਉਤਪਤ ਸਗਲੀ ਪ੍ਰਾਨੀਓ ਅੰਨ

ਭੋਜਨ ਤੇ ਹੋਇ ॥ ਪ੍ਰਾਨੀ ਅੰਨ ਉਤਪਤ ਕਰੇ ਓਤ ਪੋਤ ਹੈ ਸੋਇ ॥੩੯॥ ਦੋਹਰਾ ॥ ਅੰਨ ਉਪਜੇ ਹੈ ਮੇਘ
 ਤੇ ਮੇਘ ਪੁਰਖ ਤੇ ਹੋਇ ॥ ਜਗ ਪੁਰਖ ਜਬ ਪੂਜੀਐ ਬਰਖਾ ਕਰ ਹੈ ਸੋਇ ॥੪੦॥ ਦੋਹਰਾ ॥ ਜਗ ਉਪਜੇ
 ਹੈ ਕਰਮ ਤੇ ਕਰਮ ਉਤਪਤ ਹੈ ਬੇਦ ॥ ਬੇਦ ਉਤਪਤ ਹੈ ਬ੍ਰਹਮ ਤੇ ਸਭੀ ਬ੍ਰਹਮ ਨਰ ਭੇਦ ॥੪੧॥ ਦੋਹਰਾ
 ॥ ਜਿਸ ਬ੍ਰਹਮ ਤੇ ਸਗਲੀ ਭਈ ਸੋ ਸਭ ਏਕੋ ਬ੍ਰਹਮ ॥ ਮਾਨੁਖ ਕਾ ਜੋ ਸੁਤ ਹੈ ਸੋ ਭੀ ਮਾਨੁਖ ਕਰਮ ॥੪੨॥
 ਦੋਹਰਾ ॥ ਤਾਂਤੇ ਬ੍ਰਹਮ ਬੀਚਾਰ ਕੈ ਨਿਸ ਦਿਨ ਏਹ ਜਗ ਕਰੇ ॥ ਜੋ ਦੀਸੈ ਸੋ ਬ੍ਰਹਮ ਹੈ ਐਸੇ ਮਨ ਮੋਂ ਧਰੇ
 ॥੪੩॥ ਸ੍ਰੀ ਭਗਵਾਨੋ ਵਾਚ ॥ ਚੋਪਈ ॥ ਐਸੇ ਜਗ ਕਰਿ ਬ੍ਰਹਮ ਕੋ ਪੂਜੈ ॥ ਕਲਿਆਨ ਜਗਤ ਕੀ ਬ੍ਰਹਮ
 ਤੇ ਸੂਝੈ ॥ ਪੁਰਾਤਨ ਤੇ ਕਹੀਏ ਏਹੁ ਧਰਮ ॥ ਕਰੇ ਨ ਚਾਹੇ ਸੋ ਸਤਿ ਕਰਮ ॥੪੪॥ ਪੁਰਖ ਨਮਿਤ ਜੋ ਜਗ
 ਨਾ ਕਰੇ ॥ ਇੰਦ੍ਰੀਓ ਕੋ ਪੂਜਾ ਨ ਮਨ ਧਰੇ ॥ ਤਿਸਕਾ ਕਰਨਾ ਦੁਖ ਤੂੰ ਜਾਨ ॥ ਆਤਮ ਹਤਿਆਰਾ ਪਹਿਚਾਨ
 ॥੪੫॥ ਭੋਗੋਂ ਕਾਰਨ ਬਕਰੇ ਮਾਰੇ ॥ ਬੁਧ ਅਪਨੀ ਕੋ ਆਪੇ ਜਾਰੇ ॥ ਮਾਰਨ ਜੋਗ ਕਾਮ ਨਾ ਆਹੀ ॥ ਬਕਰੇ
 ਮਾਰ ਮਾਰ ਫਲ ਚਾਹੀ ॥੪੬॥ ਸੋ ਮੈਂ ਪਾਪੀ ਮਹਾਂ ਅਪਰਾਧੀ ॥ ਨਿਸਚੇ ਪਾਪੋਂ ਹੀ ਕੇ ਸਾਧੀ ॥ ਜਿਸ ਲਾਰੈ
 ਹੈ ਮੇਰੀ ਪ੍ਰੀਤ ॥ ਅਘਾਇ ਰਹਿਆ ਹੈ ਤਿਸਕਾ ਚੀਤ ॥੪੭॥ ਤਿਸ ਕੋ ਕਰਨਾ ਕਛੂ ਨ ਰਹਿਆ ॥ ਗ੍ਰਿਹਨ
 ਤਿਆਗ ਸਮ ਉਸ ਕਉ ਭਇਆ ॥ ਸੰਸਾਰ ਭਰਮ ਕੋ ਦੇਖੈ ਨਾਹਿ ॥ ਏਕ ਬ੍ਰਹਮ ਮੈਂ ਇਸਥਿਤ ਆਹਿ
 ॥੪੮॥ ਐਸਾ ਪੁਰਖ ਕਰੇ ਸੁ ਕਰੇ ॥ ਆਪ ਤਰੇ ਅਵਰਾ ਲੇ ਤਰੇ ॥ ਅ ਆਰੈ ਕਰਮੋ ਕੀ ਬਾਤ ॥ ਬਹੁੜ
 ਬਖਾਨੋ ਸੁਨਹੋ ਤਾਤ ॥੪੯॥ ਕਰਮੋ ਕਥਾ ਨਿਰੂਪਤੇ ॥ ਚੋਪਈ ॥ ਸਤ ਕਰਮ ਅਰੁ ਤਿਸਕੈ ਧਰਮ ॥ ਫਲ
 ਤਿਸਕੇ ਕੋ ਜਾਨੇ ਦਰਬ ॥ ਫਲ ਅਰਪੇ ਮੁਝ ਈਸਰ ਮਾਹਿ ॥ ਸੋ ਤੋ ਮੁਝ ਈਸਰ ਕੋ ਪਾਹਿ ॥੫੦॥ ਅਰੁ
 ਜਨਕ ਗਿਆਨੀ ਆਦਿ ਜੋ ਰਾਜੇ ॥ ਸੁਭ ਪਰਕਾਰ ਗਿਆਨ ਜਿਨ ਸਾਜੇ ॥ ਸੋ ਭੀ ਦੇਹਿ ਕਰਮ ਸਭ ਕਰੈ ॥
 ਲੋਕ ਦੇਖੈ ਤਿਨਕੇ ਮਗ ਪਰੈ ॥੫੧॥ ਲੋਕ ਨਮਿਤ ਕਰਮ ਤਿਨ ਕੀਏ ॥ ਹਿਰਦੈ ਗਿਆਨ ਧਾਰ ਕੇ ਜੀਏ ॥
 ਅਰੁ ਜੋ ਕਰਮ ਨ ਕਰਤੇ ਓਹੁ ॥ ਨਿਰਖੇ ਲੋਕ ਜਬ ਉਨਕੀ ਜੋਹ ॥੫੨॥ ਅਰੁ ਵਹੁ ਆਖੈ ਆਪਸ ਮਾਹਿ ॥
 ਜਿਨ ਕਉ ਗਿਆਨ ਮੈਂ ਨਿਸਚਾ ਨਾਹਿ ॥ ਉਨ ਦੇਖੈ ਜਬ ਰਾਜਾ ਅਉਰ ॥ ਬਿਨਾ ਗਿਆਨ ਸਭ ਦੇਵੈ ਛੋਰ

॥੫੩॥ ਗਿਆਨ ਨ ਜਾਨੈ ਕਰਮ ਸਭ ਤਿਆਗੇ ॥ ਤਮ ਗੁਣ ਮਾਹਿ ਤਬ ਸਹਜੇ ਲਾਗੇ ॥ ਅਰੁ ਸਭ ਆਖੈ
ਆਪਸ ਮਾਹਿ ॥ ਕਰਮ ਨ ਕਰੋ ਰਾਜੇ ਨ ਕਰਾਹਿ ॥੫੪॥ ਹਮ ਭੀ ਕਰਮ ਕੈਸੇ ਅਬ ਕਰੈ ॥ ਕਰਮ ਸੰਸੇ
ਤੇ ਡਰ ਨਾ ਧਰੈ ॥ ਇਸ ਕਾਰਨ ਤੇ ਸ੍ਰੇਸਟਿ ਜੋ ਆਹੀ ॥ ਦੇਹਿ ਕਰਮ ਮੈਂ ਨਿਤ ਰਹਾਹੀ ॥ ਅਬ ਆਗੈ ਤੇਰਾ
ਦੁਖ ਦਹੈ ॥ ਅਪਨਾ ਅਉਤਾਰ ਨਮਿਤ ਤੁਝ ਕਹੈ ॥੫੫॥ ਦੋਹਰਾ ॥ ਹੇ ਅਰਜਨ ਤੁਝ ਭਾਖਹੈ ਅਪਨੀ ਸੋਭਾ
ਮੀਤ ॥ ਬੇਦ ਕਰਮ ਸਭ ਮੈਂ ਕਰੋਂ ਜਿਸ ਕਾਰਜ ਧਰ ਚੀਤ ॥੫੬॥ ਦੋਹਰਾ ॥ ਸੁਰਗ ਪਇਆਲ ਭੂ ਲੋਕ
ਮੈਂਮੁਝ ਨਮਿਤ ਕੋ ਨਾਹਿ ॥ ਕਰਮ ਕਰੋ ਤਬ ਪੁੰਨ ਨਹੀਂ ਤਿਆਗੋ ਪਾਪ ਨ ਪਾਹਿ ॥੫੭॥ ਦੋਹਰਾ ॥ ਜਗਤ
ਲੋਕ ਮੁਝ ਜਾਣਹੈ ਈਸ਼ੁਰ ਪਰਮ ਅਪਾਰ ॥ ਜੋ ਮੈਂ ਕਰੋਂ ਸੋ ਸਭ ਕਰੈ ਭਾਖੈ ਕਰੇ ਅਉਤਾਰ ॥੫੮॥ ਦੋਹਰਾ
॥ ਜੋ ਕਛੁ ਮੁਝ ਤੇ ਹੋਤ ਹੈ ਜਗ ਭੀ ਕਰਹੈ ਸੋਇ ॥ ਤਿਆਗੋ ਸਭ ਅਰੁ ਨਾ ਕਰੋ ਅਉਰ ਕਰੈ ਨਾ ਕੋਇ
॥੫੯॥ ਦੋਹਰਾ ॥ ਗਿਆਨ ਨ ਆਵੈ ਕਿਸੀ ਕਉ ਸਭੀ ਪਾਪ ਕਉ ਪਾਹਿ ॥ ਲੋਕੋਂ ਕੇ ਉਪਕਾਰ ਕੋ ਮੈਂ ਸੁਭ
ਕਰਮ ਕਰਾਹਿ ॥੬੦॥ ਚੋਪਈ ॥ ਜੋ ਅਰਜਨ ਮੈਂ ਕਰਮ ਨ ਕਰੋ ॥ ਬੇਦ ਬਚਨ ਮੈਂ ਚਿਤ ਨ ਧਰੋ ॥ ਮੁਝ
ਕੋ ਦੇਖ ਛੋਡ ਦੇ ਲੋਕ ॥ ਸਭ ਜਗ ਵਰਨ ਸੰਕਰ ਤਬ ਹੋਗ ॥੬੧॥ ਪਸ ਜੈਸੇ ਮਾਨੁਖ ਸਭ ਹੋਵੈ ॥ ਗਿਆਨ
ਕਰਮ ਏ ਦੋਨੋਂ ਖੋਵੈ ॥ ਤਬ ਮੈਂ ਲੋਕ ਦੁਖਦਾਇਕ ਹੋਇਆ ॥ ਇਨ ਨਮਿਤ ਕਰਮ ਮੈਂ ਗੋਇਆ ॥੬੨॥
ਬਿਬੇਕੀ ਪੁਰਖ ਜੋ ਉੱਤਮ ਅਹੇ ॥ ਤਿਨ ਕੇ ਸੰਗ ਲੋਕ ਬਹੁ ਰਹੇ ॥ ਸੋ ਲੋਕ ਦਿਖਲਾਵਨ ਕਰਮ ਸਭ ਕਰੇ ॥
ਕਰਮਨ ਮੋਂ ਵਹੁ ਚਿਤ ਨ ਧਰੇ ॥੬੩॥ ਜੋ ਉਨਕੀ ਸੰਗਤਿ ਮੈਂ ਆਵੈ ॥ ਪ੍ਰਿਥਮੈ ਉਨ ਕਉ ਗਿਆਨ ਬਤਾਵੈ
॥ ਜੇਕਰਿ ਗਿਆਨ ਉਸ ਰਿਦੈ ਨ ਆਵੈ ॥ ਤਿਸ ਕਉ ਕਰਮ ਉਪਦੇਸ ਸੁਨਾਵੈ ॥੬੪॥ ਅਪਨੀ ਬੁਧਿ ਸੋ
ਤਿਨ ਤਿਪਤਿ ਨ ਕਰੈ ॥ ਕਰਮ ਬਾਤ ਸਾਚ ਲੇ ਧਰੈ ॥ ਦੇਹਿ ਇੰਦ੍ਰੀ ਤੇ ਕਰਮ ਸਭ ਹੋਇ ॥ ਗੁਣ ਪ੍ਰਕ੍ਰਿਤ
ਮਾਇਆ ਹੈ ਸੋਇ ॥੬੫॥ ਜੈਸੇ ਗੁਣ ਹੋਵੈ ਬਪ ਕੇ ਮਾਹਿ ॥ ਸੁਭਾਵ ਪ੍ਰਕ੍ਰਿਤ ਕੇ ਕਰਮ ਕਰਾਹਿ ॥ ਹੰਕਾਰ
ਮੋਹੁ ਜੋ ਮੂੜਤਾ ਆਹਿ ॥ ਸੋਈ ਕਹੈ ਮੈਂ ਕਰਮ ਕਮਾਹਿ ॥੬੬॥ ਪਾਰਬ ਗਿਆਨੀ ਸਰ ਇਉਂ ਕਹੈ ॥ ਗੁਣ
ਸੰਜੁਗਤਿ ਇੰਦ੍ਰੀ ਦੇਹ ਅਹੈ ॥ ਗੁਣ ਹੀ ਵਰਤੈ ਗੁਣ ਕੇ ਮਾਹਿ ॥ ਇੰਦ੍ਰੀ ਮਾਹਿ ਇੰਦ੍ਰੀ ਬਰਤਾਹਿ ॥੬੭॥

ਇਨ ਮੈਂ ਆਤਮ ਸਾਢੀ ਰੂਪ ॥ ਅਕ੍ਰੇ ਨਿਰਮਲ ਗਿਆਨ ਸਰੂਪ ॥ ਆਖੈ ਕਰਮੁ ਸੁਭਾਵਕ ਹੋਵੈ ॥ ਮੂੜ ਪੁਰਖ
 ਸੰਸੇ ਮਹਿ ਰੋਵੈ ॥੬੮॥ ਮਮਤਾ ਦੇਹਿ ਸਾਥ ਨ ਕਰੈ ॥ ਆਤਮ ਮਾਹਿ ਚਿਤ ਕੋ ਧਰੈ ॥ ਬਿਬੇਕੀ ਉਦਾਸ
 ਦੇਹਿ ਤੇ ਰਹੈ ॥ ਜੀਵਨ ਮੁਕਤਿ ਕੋ ਲਛਨ ਏ ਅਹੈ ॥੬੯॥ ਪ੍ਰਕ੍ਰਿਤ ਮਾਇਆ ਤੇ ਸਭ ਕਛੁ ਹੋਇ ॥ ਤਿਸਤੇ
 ਭਿੰਨ ਗਿਆਨੀ ਸੋਇ ॥ ਆਤਮ ਮਾਹਿ ਜਬ ਮਨ ਕੋ ਲਾਵੈ ॥ ਬਿਖਿਆ ਤੇ ਮਨ ਵਰਜ ਰਖਾਵੈ ॥੭੦॥
 ਜਬ ਮਨ ਰਾਖੈ ਆਤਮ ਮਾਹਿ ॥ ਮਨ ਬਿਤ੍ਰੇਕ ਕਛੁ ਹੋਵੈ ਨਾਹਿ ॥ ਸਹਜੇ ਹੀ ਕਰਮ ਛੁਟ ਜਾਵੈ ॥ ਇਸ ਪ੍ਰਕਾਰ
 ਵਹੁ ਮੁਝੈ ਧਿਆਵੈ ॥੭੧॥ ਤੈਸੇ ਅਰਜਨ ਤੂੰ ਭੀ ਜਾਨ ॥ ਮਨ ਕਾ ਦੇਤਾ ਮੁਝ ਮੈਂ ਮਾਨ ॥ ਦੇਹਿ ਕਰਮ ਸੋ
 ਜੁਧ ਕਰਿ ਮੀਤ ॥ ਫਲ ਕਰਮ ਕਾ ਨ ਧਰ ਚੀਤ ॥੭੨॥ ਲਾਭ ਲਾਭ ਏਕ ਸਮ ਜਾਨ ॥ ਰਾਗ ਦ੍ਵੈਖ
 ਬਰਾਬਰ ਮਾਨ ॥ ਮਨ ਮੈਂ ਕ੍ਰੋਧ ਨ ਧਾਰੋ ਕੋਇ ॥ ਸਕਲ ਬਿਖਿਆ ਤੇ ਰਹਤਾ ਹੋਇ ॥੭੩॥ ਐਸੀ ਭਾਂਤਿ
 ਜੁਧ ਸੋ ਲਾਗ ॥ ਸਰਧਾ ਫਲ ਕੀ ਬੇਗ ਗਿਆਗ ॥ ਏਹੁ ਮੇਰਾ ਉਪਦੇਸ਼ ਜੋ ਮਾਨੈ ॥ ਮਨਕਾ ਚੇਤਾ ਮੁਝ ਮੈਂ
 ਜਾਨੈ ॥੭੪॥ ਜੋ ਇਸ ਮੇਰੇ ਮਾਰਤ ਚਲੇ ॥ ਲੇਖ ਕਰਮ ਤਿਸ ਨਰ ਸੋ ਹਲੇ ॥ ਜੋ ਨਰ ਮੇਰੀ ਮਤ ਨਹੀਂ ਮਾਨੈ
 ॥ ਮੇਰੇ ਮਤ ਕੀ ਨਿੰਦਾ ਠਾਨੈ ॥੭੫॥ ਤੇ ਅਗਿਆਨੀ ਮੂੜ ਮਤ ਹੀਨ ॥ ਤਿਨ ਕੀ ਬੁਧ ਨਾਮ ਤੂੰ ਚੀਨ ॥
 ਚਿਤ ਨਾਸੁ ਤਿਸ ਨਰ ਕਾ ਹੋਇ ॥ ਬੁਧ ਨਾਮ ਜਾਨੋ ਤੁਮ ਸੋਇ ॥੭੬॥ ਦੋਹਰਾ ॥ ਹੇ ਕੁਰਨੰਦਨ ਅਵਰ ਸੁਣ
 ਪ੍ਰਕ੍ਰਿਤ ਗੁਨੋ ਕੀ ਦੇਹ ॥ ਜੈਸੇ ਪ੍ਰਕ੍ਰਿਤ ਗੁਭਾਵ ਹੈ ਤੈਸੇ ਕਰਮ ਕਰੇਹਿ ॥੭੭॥ ਦੋਹਰਾ ॥ ਅਪਨੀ ਅਪਨੀ
 ਪ੍ਰਕ੍ਰਿਤ ਤੇ ਦੇਹ ਕਰਮ ਸਭ ਕਰੈ ॥ ਬਿਬੇਕੀ ਐਸੇ ਸਮਝ ਕਰਿ ਉਸਤਤਿ ਨਿੰਦ ਨ ਧਰੈ ॥੭੮॥ ਦੋਹਰਾ ॥
 ਨਾ ਕਰੇ ਵਹੁ ਕਿਸੀ ਕੋ ਸੁਭ ਅਸੁਭ ਤੁਧ ਕੀਓ ॥ ਬੁਰਾ ਭਲਾ ਸਭ ਗਿਆਗ ਕੈ ਗਿਆਨ ਅੰਮ੍ਰਿਤ ਤਿਨ ਪੀਓ
 ॥੭੯॥ ਦੋਹਰਾ ॥ ਕਰਨ ਨਾ ਕਰਨ ਮਤ ਭਾਖ ਤੂੰ ਸਹਜ ਮਾਹਿ ਛਕ ਜਾਹਿ ॥ ਸਾਖੀ ਭੂਤ ਹੋਇਕੈ ਜੀਵਨ
 ਮੁਕਤਿ ਕੋ ਪਾਹਿ ॥੮੦॥ ਚੋਪਈ ਹੇ ਅਰਜਨ ਅਬ ਜੋ ਤੁਝ ਕਰਨਾ ॥ ਮੁਝ ਤੇ ਸੁਣ ਕਰਿ ਮਨ ਮੈਂ ਧਰਨਾ
 ॥ ਇੰਦ੍ਰੀ ਅਰਥ ਨਾ ਵਰਤੋ ਮੀਤ ॥ ਇੰਦ੍ਰੀ ਅਰਥ ਦੋਖ ਧਰ ਚੀਤ ॥੮੧॥ ਇੰਦ੍ਰੀ ਗੁਣ ਤੇ ਉਤਪਤ ਜਾਨ
 ॥ ਇਨ ਕਾ ਤਿਆਗ ਸਤਿ ਕਰਿ ਮਾਨ ॥ ਮਨ ਕਾ ਚੇਤਾ ਮੁਝ ਮੈਂ ਰਾਖ ॥ ਅਪਨੀ ਸਲਿਆਨ ਇਸੀ ਮੋਂ ਲਾਖ

॥੮੨॥ ਮਨ ਇੰਦ੍ਰੀ ਕੇ ਗੁਣ ਸਭ ਖੋਇ ॥ ਮੇਰੀ ਬਾਤ ਸੁਣ ਨਿਰਮਲ ਹੋਇ ॥ ਜਬ ਏਤੀ ਭਗਵਾਨ ਬਖਾਨੀ
 ॥ ਅਰਜਨ ਅਪਨੇ ਮਨ ਸਭ ਮਾਨੀ ॥੮੩॥ ਪ੍ਰਸ਼ਨ ਕਰੈ ਭਗਵਾਨ ਪੈ ਪਾਰਬ ॥ ਹੇ ਮਾਧਵ ਤੁਮ ਕਹੋ ਜਬਾਰਬ
 ॥ ਏਕ ਪ੍ਰਸ਼ਨ ਅਵਰ ਮੈਂ ਕਹੂੰ ॥ ਤਿਸ ਕਾ ਉਤਰ ਤੁਮ ਸੋ ਲਹੂੰ ॥੮੪॥ ਅਰਜਨੋ ਵਾਚ ॥ ਚੋਪਈ ॥ ਪਾਪੀ
 ਨਰ ਜੋ ਜਗਤ ਮੈਂ ਆਹਿ ॥ ਸੋ ਭੀ ਪਾਪ ਬੁਰਾ ਕਹਿ ਗਾਹਿ ॥ ਅਰੁ ਜੋ ਪੁੰਨੀ ਵਹੁ ਭੀ ਕਹੈ ॥ ਪਾਪ ਬੁਰਾ
 ਵਹੁ ਮਨ ਮੈਂ ਗਹੈ ॥੮੪॥ ਅਰਜਨੋ ਵਾਚ ॥ ਚੋਪਈ ॥ ਪਾਪੀ ਨਰ ਜੋ ਜਗਤ ਮੈਂ ਆਹਿ ॥ ਸੋ ਭੀ ਪਾਪ
 ਬੁਰਾ ਕਹਿ ਗਾਹਿ ॥ ਅਰੁ ਜੋ ਪੁੰਨੀ ਵਹੁ ਭੀ ਕਹੈ ॥ ਪਾਪ ਬੁਰਾ ਵਹੁ ਮਨ ਮੈਂ ਗਹੈ ॥੮੫॥ ਜਾਨੈ ਬੁਰਾ ਅਰੁ
 ਨਿਤ ਵਹੁ ਕਰੈ ॥ ਬੁਰੀ ਬਾਤ ਮੈਂ ਚਿਤ ਕਉ ਧਰੈ ॥ ਐਸਾ ਕਵਨ ਜੋ ਪਾਪ ਕਰਾਵੈ ॥ ਸਮਝੀ ਬਾਤ ਕਿਉਂ
 ਬਹੁੜ ਭੁਲਾਵੈ ॥ ਇਸੀ ਪ੍ਰਸ਼ਨ ਕਾ ਉਤਰ ਪਾਵਉ ॥ ਉਤਰ ਪਾਇ ਮਨ ਸੰਕ ਮਿਟਾਵਉ ॥੮੬॥ ਸ੍ਰੀ
 ਭਗਵਾਨੋ ਵਾਚ ॥ ਦੋਹਰਾ ॥ ਬਾਸਦੇਵ ਐਸੇ ਕਹੇ ਸੁਨ ਪਾਰਬ ਪਰਧਾਨ ॥ ਉਤਪਤ ਕਾਮ ਕ੍ਰੋਧ ਕੀ ਰਜ ਗੁਣ
 ਤੇ ਤੂੰ ਜਾਨ ॥੮੭॥ ਦੋਹਰਾ ॥ ਸੋਈ ਪਾਪ ਕਰਾਵਹੈ ਜਾਨਨਹਾਰ ਕੈ ਮੀਤ ॥ ਦੋਨੋ ਸਤ੍ਰ ਅਤ ਬਲੀ ਹੈਂ ਜਿਨ
 ਭਰਮਾਇਓ ਚੀਤ ॥੮੮॥ ਦੋਹਰਾ ॥ ਅਹਾਰ ਬਡਾ ਉਨ ਪੁਰਖ ਕਾ ਤੋਖ ਨ ਕਬਹੂੰ ਪਾਇ ॥ ਪਾਪ ਰੂਪ ਹੈ
 ਕਾਮ ਕ੍ਰੋਧ ਏਹੀ ਪਾਪ ਕਰਾਹਿ ॥੮੯॥ ਅਰਜਨੋ ਵਾਚ ॥ ਦੋਹਰਾ ॥ ਜਬ ਅਰਜਨ ਐਸੇ ਸੁਨਿਓ ਪ੍ਰਸ਼ਨ
 ਕਰਿਓ ਤਬ ਹੋਰ ॥ ਉਤਪਤ ਦੋਨੋਂ ਸਤ੍ਰ ਕੀ ਸਭੀ ਬਤਾਵਹੁ ਮੋਰ ॥੯੦॥ ਦੋਹਰਾ ॥ ਕਿਸ ਤੇ ਉਪਜੇ ਸਤ੍ਰ
 ਦੋਇ ਅਰੁ ਬਡੇ ਭਾਂਤ ਕਿਸ ਹੋਇ ॥ ਕਰਤੂਤ ਇਨਕੀ ਕਉਨ ਹੈ ਅਰੁ ਆਤਮ ਇਨ ਹੈ ਕੋਇ ॥੯੧॥ ਦੋਹਰਾ
 ॥ ਭਲੀ ਭਾਂਤਿ ਵਿਸਤਾਰ ਕਰਿ ਮੁਝੈ ਸੁਨਾਵਹੁ ਦੇਵ ॥ ਇਹੁ ਜੋ ਦੋਨੋਂ ਸੁਸ਼ਟ ਹੈ ਤਿਨ ਕਾ ਆਖੇ ਭੇਵ ॥੯੨॥
 ਸੋਰਠਾ ॥ ਅਰਜਨ ਪ੍ਰਸ਼ਨ ਭਗਵਾਨ ਜਬ ਸੁਨਿਓ ਬਹੁ ਪ੍ਰੀਬ ਸੋ ॥ ਆਖੈ ਹਰਿ ਪਰ ਧਾਨ ਹੇ ਪਾਰਬ ਸੁਨ ਸਮਝ
 ਲੇਹਿ ॥੯੩॥ ਚੋਪਈ ॥ ਅਰਜਨ ਏਹ ਸੂਖਮ ਤੇ ਸੂਖਮ ਸਤ੍ਰ ॥ ਦੇਹ ਇੰਦ੍ਰੀਆਂ ਕੇ ਏ ਹੈਂ ਮਿਤ੍ਰ ॥ ਨਿਵਾਸ
 ਇਨ ਕਾ ਹੈ ਬਪ ਕੇ ਮਾਹਿ ॥ ਦੇਹੀ ਬਿਖੈ ਅਤ ਸੂਛਮ ਆਹਿ ॥੯੪॥ ਇਹੀ ਪੁਰਖ ਕਉ ਮੋਹੁ ਉਪਜਾਵੈ
 ॥ ਤਿਸ ਕੋ ਮੋਹਿ ਬੇਗ ਲੇ ਜਾਵੈ ॥ ਅਬ ਇਨ ਕੀ ਉਤਪਤਿ ਬਖਾਨੋ ॥ ਜਿਸ ਪ੍ਰਕਾਰ ਕਹੈਂ ਸੋ ਮਾਨੋ ॥੯੫॥

ਭਲੇ ਖਾਏ ਸੁੰਘੇ ਅਰੁ ਪਹਰੇ ॥ ਮਨ ਕੇ ਮਾਹਿ ਹਰਖ ਆਇ ਠਹਰੇ ॥ ਹਰਖ ਤੇ ਕਾਮ ਕੀ ਉਪਜਤ ਹੋਇ ॥
ਕਾਮ ਤੇ ਕ੍ਰੋਧ ਕੀ ਉਤਪਤਿ ਜੋਇ ॥੯੬॥ ਕ੍ਰੋਧ ਕੀ ਉਤਪਤਿ ਇਸ ਬਿਧ ਹੋਇ ॥ ਕਹ ਮੁਝ ਸਮਾਨ ਨਹੀਂ
ਕੋਇ ॥ ਇਹੀ ਅਹੰਕਾਰ ਅਭਮਾਨ ਕਹਾਵੈ ॥ ਅਹੰਕਾਰ ਤੇ ਨਰ ਦੁਖ ਪਾਵੈ ॥੯੭॥ ਇਹ ਦੋ ਸਤ੍ਰੁ ਮਹਾ
ਬਲਵਾਨ ॥ ਇਨ ਕੇ ਕਰਮ ਪਾਪ ਤੂੰ ਜਾਨ ॥ ਅਬ ਇਨ ਕਾ ਫਲ ਸੁਨਹੋ ਪਾਰਬ ॥ ਪ੍ਰਿਥਮ ਕਾਮ ਫਲ ਕਹੈ
ਜਥਾਰਬ ॥੯੮॥ ਕਾਮ ਫਲ ॥ ਚੋਪਈ ॥ ਅਪਨੀ ਤੀਆ ਸੋ ਜੋ ਸੰਗ ਕਰੈ ॥ ਸੰਗ ਉਪਰਾਂਤ ਸੋਕ ਮੋ ਪਰੈ
॥ ਸੋਗ ਚਿੰਤਾ ਮੈਂ ਮਗਨ ਹੋ ਜਾਵੈ ॥ ਮਨ ਕੋ ਸੰਘ ਕਾਮ ਤੇ ਪਾਵੈ ॥੯੯॥ ਜੋ ਪਰ ਇਸਤ੍ਰੀ ਸਾਧ ਸੰਗਿ ਕਰੈ
॥ ਰਾਜ ਦੁਆਰ ਮੈਂ ਚਰਚਾ ਚਰੈ ॥ ਬੰਧਿਆ ਮਾਰਿਆ ਲੂਆ ਜਾਵੈ ॥ ਇਸ ਲੋਕ ਮੈਂ ਅਤਿ ਦੁਖ ਪਾਵੈ ॥
ਪਰਲੋਕ ਬਿਖੈ ਜਮ ਸਾਸਨਾ ਦੇਇ ॥ ਇਤਨੇ ਫਲ ਕਾਮੀ ਨਰ ਲੇਇ ॥੧੦੦॥ ਕ੍ਰੋਧ ਫਲ ॥ ਚੋਪਈ ॥
ਅਭਿਮਾਨ ਸਾਬ ਜੇ ਕਿਸੈ ਦੁਖਾਵੈ ॥ ਅਬਵਾ ਆਯਧ ਕਿਸੈ ਚਲਾਵੈ ॥ ਵਹੁ ਜਬ ਜਾਵੈ ਰਾਜ ਦੁਆਰ ॥ ਤਿਸ
ਜਨ ਕੀ ਵਹੁ ਕਰੈ ਪੁਕਾਰ ॥੧੦੧॥ ਤਬ ਰਾਜਾ ਤਿਸੁ ਡੰਡ ਲਗਾਵੈ ॥ ਪਰਲੋਕ ਬਿਖੈ ਜਮ ਸਾਸਨਾ ਪਾਵੈ
॥ ਏਹ ਫਲ ਸਭੀ ਕ੍ਰੋਧ ਕੇ ਕਹੇ ॥ ਸੁਖ ਦੁਖ ਕਾਮ ਕ੍ਰੋਧ ਤੇ ਲਹੇ ॥੧੦੨॥ ਪ੍ਰਾਨੀ ਕਉ ਇਹ ਨਿਰ ਹੀ ਮੋਹੈਂ
॥ ਪਾਪ ਰੂਪ ਅਰੁ ਨੀਚ ਏ ਦੋਹੈਂ ॥ ਹੇ ਅਰਜਨ ਏਹ ਦੋਨੋਂ ਵੈਰੀ ॥ ਜੀਵ ਮਾਹਿ ਸਦਾ ਏਹ ਗਹਰੀ ॥੧੦੩॥
ਇਹੀ ਕਹੈ ਏ ਆਪਸ ਮਾਹਿ ॥ ਕਬ ਇਹੁ ਸਿਮਰਨ ਤੇ ਭੁਲਿ ਜਾਹਿ ॥ ਤਬ ਹਮ ਚੋਟ ਲਗਾਵਹਿ ਇਸ ਪਰੁ
॥ ਜਬ ਰਹਿਤ ਸਿਮਰਨ ਤੇ ਹੋਵੈ ਇਹੁ ਨਰੁ ॥੧੦੪॥ ਰਜ ਗੁਣ ਤੇ ਉਤਪਤਿ ਹੈ ਇਨ ਕੀ ॥ ਮੋਹ ਬਢਾਵਨ
ਰੀਤ ਹੈ ਤਿਸ ਕੀ ॥ ਦੋਉ ਪਾਦ੍ਰਵ ਮਾਨੁਖੋਂ ਮਾਹਿ ॥ ਤਿਨ ਕੇ ਸੰਗਤੇ ਅਤਿ ਦੁਖ ਪਾਹਿ ॥੧੦੫॥ ਟਿਕਾਕਾਰ
ਵਾਚ ॥ ਚੋਪਈ ॥ ਕਾਮ ਕ੍ਰੋਧ ਇੰਦ੍ਰੀਆਂ ਕਾ ਗਿਆਨ ॥ ਜੋ ਇਨ ਰਹੈ ਅਸਰ ਤੂੰ ਜਾਨ ॥ ਇਸ ਕਾ ਅਰਬ
ਇੰਦ੍ਰੀ ਸਭ ਕਹੀਐ ॥ ਪਰ ਕਾ ਅਰਬ ਮਤ ਚਿਤ ਲਹੀਐ ॥੧੦੬॥ ਇੰਦ੍ਰੀਓ ਮੈਂ ਰਮੈ ਸੋ ਅਸੁਰ ॥ ਅਸੁਰ
ਸਭ ਰਹੈ ਜਗ ਮੈਂ ਪਸਰ ॥ ਕੋ ਵਿਰਲਾ ਸੁਰ ਦ੍ਰਿਸਟੀ ਆਵੈ ॥ ਆਤਮ ਮਾਹਿ ਰਮਨ ਕੋ ਪਾਵੈ ॥੧੦੭॥
ਸੁਰ ਕਾ ਅਰਬ ਬੇਦੋਂ ਇਉਂ ਕਹਾ ॥ ਸੋਈ ਨਾਮ ਗੋਬਿੰਦ ਕੋ ਲਹਾ ॥ ਦਰਮਤਿ ਅਸੁਰ ਸਭ ਕੋ ਕਹਿ ਗਾਵੈ

॥ ਐਸਾ ਗਿਆਨ ਜੋ ਮੈਂ ਕਹਾ ਸੋ ਤੁਮ ਰਾਖੋ ਚੀਤ ॥੧੨੩॥ ਸੋਰਠਾ ॥ ਹੇ ਅਰਜਨ ਇਹ ਗਿਆਨ ਅਵ
ਜੋ ਮੈਂ ਤੁਝ ਕੋ ਕਹਾ ॥ ਐਸੇ ਨਿਸਚੈ ਜਾਨ ਜੈਸੇ ਅਬ ਫੁਨ ਕਹਤ ਹੈ ॥੧੨੪॥ ਟੀਕਾਕਾਰ ਵਾਚ ॥ ਚੌਪਈ
॥ ਤੀਸਰਾ ਧਿਆਇ ਗੀਤਾ ਕਾ ਭਾਈ ॥ ਸੋ ਰਿਖੀ ਕੇਸ ਅਰਜਨ ਤੂਤ ਗਾਈ ॥ ਜੋਗ ਸਾਸਤ੍ਰ ਤਿਸ ਨਾਮੁ
ਉਚਾਰੈ ॥ ਜੋ ਧਾਰੈ ਸੋ ਆਪ ਕੋ ਤਾਰੈ ॥੧੨੫॥ ਜੈਸੇ ਤਤ ਹੈ ਬੇਦੋਂ ਮਾਹਿ ॥ ਰਿਖੀ ਕੇਸ ਕਹਿਓ ਹੈ ਤਾਹਿ
॥ ਜੋ ਕੋ ਸੁਨੈ ਅਰ ਮਨ ਮੋ ਧਾਰੈ ॥ ਪਾਂਚ ਮੈਨ ਕੋ ਤਿਸ ਸੋ ਜਾਰੈ ॥੧੨੬॥ ਆਤਮ ਜਾਨੈ ਸਭ ਕੇ ਮਾਹਿ
॥ ਵਹਿ ਭੀ ਤੋ ਆਤਮ ਹੀ ਆਹਿ ॥ ਜਬ ਐਸੇ ਤਿਸ ਮਨ ਮੋ ਧਰੀ ॥ ਜੀਵਨ ਮੁਕਤਿ ਤਿਸ ਨਰ ਨੇ ਕਰੀ
॥ ਜਨਮ ਮਰਨ ਫੀਰਿ ਤਿਸੈ ਨ ਹੋਈ ॥ ਅਬਿਨਾਸੀ ਪਦ ਮੈਂ ਪ੍ਰਾਪਤਿ ਹੋਈ ॥੧੨੭॥ ੩॥ ਇਤ ਸ੍ਰੀ ਭਗਵਤ
ਗੀਤਾ ਸੂਪਿਨਖਤ੍ਰ ਸੁ ਬ੍ਰਹਮ ਵਿਦਿਆ ਜੋਗ ਸਾਸਤ੍ਰ ਸ੍ਰੀ ਕ੍ਰਿਸ਼ਨ ਅਰਜਨ ਸੰਬਾਦੇ ਕਰਮ ਜੋਗੋ ਪਦਮ ਪੁਰਾਣੇ
ਸਤੀ ਈਸਰ ਸੰਬਾਦੇ ਉਤਰ ਖੰਡੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਤ੍ਰਿਤੀਓ ਧਿਆਇ ॥੩॥ ਆਗੈ ਮਹਾਤਮ ਚਲਿਆ
ਸ੍ਰੀ ਭਗਵਾਨੋ ਵਾਚ ॥ ਸ੍ਰੀ ਨਾਰਾਇਣ ਜੀ ਬੋਲੇ ॥ ਹੇ ਸ੍ਰੀ ਲਛਮੀ ਅਬ ਤੀਸਰੇ ਧਿਆਇ ਕੋ ਫਲ ਕਹਤਾ ਹੈ
॥ ਤੁਮ ਸੁਨੋ ॥ ਏਕ ਸੂਦ੍ਰ ਨਾਮ ਉਸ ਕਾ ਜੜ ਐਸਾ ਏਕ ਮਾਨੁਖ ਥਾ ॥ ਸੋ ਉਸ ਅਨਰਥ ਕਰਕੈ ਧਨ ਬਹੁਤ
ਜੋੜਿਆ ਥਾ ॥ ਅਨਰਥ ਕਾ ਧਨ ਜੋੜਿਆ ਸੋ ਅਨਰਥ ਹੀ ਕਰਿ ਗਇਆ ॥ ਤਬ ਉਸ ਕਉ ਮਹਾਂ ਚਿੰਤਾ
ਭਈ ॥ ਬਡਾ ਦੁਖ ਲਾਗਾ ॥ ਤਬ ਹਰਿ ਕਿਸੀ ਕਉ ਪੂਛੈ ॥ ਅਜੀ ਤੁਮ ਮੁਝ ਕਉ ਧਰਤੀ ਕਾ ਸੁੰਘਨਾ ਸਿਖਾਵੋ
॥ ਜੋ ਕਹੂੰ ਧਨ ਪੂਰਿਆ ਹੋਵੈ ਤੋ ਖੋਦ ਲੇ ਆਵਉਂ ॥ ਅਰੁ ਕਿਸੀ ਕਉ ਕਹੇ ਮੁਝ ਕਉ ਅੰਜਨ ਸਿਖਾਵੋ ॥
ਜੋ ਅੰਜਨ ਆਖੀਓ ਮੈਂ ਦੇਇਕੇ ਕਿਸੀ ਕੀ ਬੈਲੀ ਚਾਇ ਲੇ ਆਵਉਂ ॥ ਕੋਈ ਮੁਝ ਕਉ ਪਕੜੇ ਨਾਹੀਂ ॥ ਕੋਈ
ਕਹੇ ਰੇ ਤੂੰ ਮਾਸ ਖਾਉ ਅਧਰਮ ਕਰਿ ਤਉ ਮੈਂ ਮਾਸ ਭੀ ਖਾਉਂ ॥ ਕੋਈ ਕਹੇ ਤੇ ਹੂੰ ਮਦ ਪੀਉ ॥ ਤਉ ਮੈਂ ਮਦ
ਭੀ ਪੀਉਂ ॥ ਅਰੁ ਕੋਈ ਕਹੇ ਰੇ ਤੂੰ ਚੋਰੀ ਕਰ ਤਉ ਮੈਂ ਚੋਰੀ ਭੀ ਕਰੋਂ ॥ ਐਸੇ ਧਰਮ ਕਰਤੇ ਕਰਤੇ ਬਹੁਤ ਦਿਨ
ਬੀਤੇ ॥ ਏਕ ਦਿਨ ਧਨ ਕਾਮਨਾ ਕਰਿ ਬਨ ਮੈਂ ਗਇਆ ॥ ਤਬ ਉਸ ਕਉ ਚੋਰੋਂ ਨੇ ਮਾਰਿਆ ॥ ਤਬ ਮਰਕੇ
ਓਹੁ ਪ੍ਰੇਤ ਭਇਆ ॥ ਸੋ ਏਕ ਜੰਡ ਕੇ ਮੁੰਢ ਮੈ ਰਹੈ ॥ ਮਹਾਂ ਦੁਖੀ ਰਹੇ ॥ ਹਾਇ ਹਾਇ ਪੜਾ ਕਰੇ ॥ ਤ੍ਰਾਹਿ

ਤ੍ਰਾਹਿ ਪੜਾ ਕਰੇ ॥ ਅਰੁ ਕਹੇ ਅਰੇ ਕੋਈ ਐਸਾ ਭੀ ਹੈ ॥ ਮੇਰੇ ਕੁਲ ਮੈਂ ਮੇਰੇ ਵੰਸ ਮੈਂ ॥ ਜੋ ਮੁਝ ਕਉ ਨੀਚ ਦੇਹਿ ਤੇ ਛੁਡਾਵੈ ॥ ਐਸੇ ਹਾਇ ਹਾਇ ਕਰਤੇ ਬਹੁਤ ਦਿਨ ਗੁਜਰੇ ॥ ਤਬ ਏਕ ਬੇਟਾ ਉਸ ਪ੍ਰੇਤ ਕਾ ਬਡਾ ਭਇਆ ॥ ਤਬ ਉਸਨੇ ਮਾਤਾ ਕਉ ਪੁਛਿਆ ॥ ਹੇ ਮਾਤਾ ਮੇਰਾ ਪਿਤਾ ਕਉਨ ਵਾਪਾਰ ਕਰਤਾ ਥਾ ॥ ਅਰੁ ਉਸਕਾ ਮਰਨਾ ਕਿਸ ਭਾਂਤ ਭਇਆ ॥ ਤਬ ਮਾਤਾ ਨੇ ਕਹਿਆ ਰੇ ਪੁਤ੍ਰ ਤੇਰੇ ਪਿਤਾ ਕੇ ਧਨ ਬਹੁਤ ਥਾ ॥ ਜੋ ਅਨਰਥ ਕਰਿ ਧਨ ਆਇਆ ਥਾ ਤਿਸੀ ਪ੍ਰਕਾਰ ਗਇਆ ਥਾ ॥ ਤਹਾਂ ਉਸ ਧਨ ਗਏ ਤੇ ਬਹੁਤ ਸੋਕ ਭਇਆ ॥ ਅਰੁ ਧਨ ਕਾਮਨਾ ਕਰਿ ਗਇਆ ਥਾ ॥ ਤਹਾਂ ਉਸ ਕਉ ਬਨ ਵਿਖੇ ਚੋਰੋਂ ਨੇ ਮਾਰਿਆ ॥ ਤਬ ਬਾਲਿਕ ਬੋਲਿਆ ॥ ਮਾਤਾ ਜੀ ਕਿਸ ਦਿਸਾ ਵਿਖੇ ਪਿਤਾ ਕਾ ਮਰਨਾ ਭਇਆ ॥ ਰੇ ਬਾਲਕ ਧਨ ਕੀ ਕਾਮਨਾ ਕਰਿ ਗਇਆ ਥਾ ॥ ਕਿਆ ਜਾਣੀਐ ਕਿਸ ਦਿਸਾ ਵਿਖੇ ਮਰਨ ਭਇਆ ॥ ਤਬ ਵਹੁ ਬਾਲਿਕ ਬ੍ਰਾਹਮਣਹੁ ਕਉ ਪੰਡਿਤੋਂ ਕਉ ਪੁਛੈ ॥ ਜੋ ਮੇਰਾ ਪਿਤਾ ਅਕਾਲ ਮ੍ਰਿਤ ਮੂਆ ਹੈ ॥ ਕਿਸੀ ਭਾਂਤ ਮੇਰੇ ਪਿਤਾ ਕਾ ਉਧਾਰ ਹੋਵੇ ॥ ਤਬ ਬ੍ਰਾਹਮਣ ਬੋਲਿਆ ਤੂੰ ਗਇਆ ਜਾਇ ॥ ਪਿੰਡ ਭਰ ਸਿਰਾਧ ਕਰਿ ॥ ਬ੍ਰਾਹਮਣ ਜਿਵਾਇ ॥ ਤਬ ਤੇਰੇ ਪਿਤਾ ਕਾ ਉਧਾਰ ਹੋਵੇਗਾ ॥ ਅਉਰ ਤੇਰੇ ਸਭ ਪਿਤਰ ਉਧਰਹਿਗੇ ॥ ਤਬ ਬਾਲਿਕ ਬੋਲਿਆ ॥ ਮੈਂ ਗਇਆ ਪਿੰਡ ਡਾਲੋਂਗਾ ॥ ਤਬ ਗਇਆ ਕਉ ਚਲਿਆ ॥ ਪਹਿਲੇ ਪਿਰਾਗ ਇਸਨਾਨ ਕੀਆ ॥ ਬਨਾਰਸ ਇਸਨਾਨ ਕੀਆ ॥ ਤਬ ਆਗੈ ਚਲਿਆ ਜਾਤਾ ਥਾ ॥ ਜੋ ਏਕ ਜੰਡ ਕੇ ਬ੍ਰਿਛ ਤਲੇ ਉਤਰਿਆ ॥ ਸੋ ਉਹੀ ਜੰਡ ਕਾ ਬ੍ਰਿਛ ਥਾ ॥ ਜਿਸਕੇ ਮੁੰਢ ਮੈਂ ਇਸਕਾ ਪਿਤਾ ਪ੍ਰੇਤ ਹੋਇਕੇ ਰਹਿਆ ਥਾ ॥ ਤਬ ਇਸ ਬਾਲਕ ਨੇ ਇਸਨਾਨ ਕੀਆ ॥ ਅਉਰ ਇਸਕਾ ਨੇਮ ਥਾ ॥ ਏਕ ਗੀਤਾ ਕਾ ਧਿਆਇ ਨਿਤ ਪਾਠ ਕਰਤਾ ਥਾ ॥ ਤਉ ਉਸ ਦਿਨ ਗੀਤਾ ਕਾ ਤੀਸਰਾ ਧਿਆਇ ਇਸਨੇ ਪਾਠ ਕੀਆ ॥ ਉਸੀ ਜੰਡ ਕੇ ਤਲੇ ॥ ਤਬ ਜੰਡ ਕੇ ਬ੍ਰਿਛ ਤਲੇ ਉਸ ਪ੍ਰੇਤ ਨੇ ਸੁਣਿਆ ॥ ਤਬ ਸੁਣਤੇ ਹੀ ਪ੍ਰੇਤ ਕੀ ਦੇਹ ਛੂਟੀ ॥ ਦੇਵਤਾ ਕੀ ਦੇਹ ਪਾਈ ॥ ਸ੍ਰਾਗ ਤੇ ਵਿਮਾਨ ਆਇਆ ॥ ਤਿਸ ਉਪਰਿ ਬੈਠ ਕੇ ਬੇਟੇ ਕੇ ਆਗੇ ਆਨ ਖੜਾ ॥ ਪਿਤਾ ਨੇ ਕਹਿਆ ਰੇ ਪੁਤ੍ਰ ਮੈਂ ਤੇਰਾ ਪਿਤਾ ਹੋਂ ॥ ਮਰਕੇ ਪ੍ਰੇਤ ਹੁਆ ਥਾ ॥ ਤੈ ਨੇ ਇਸ ਗੀਤਾ ਕਾ ਤੀਸਰਾ ਧਿਆਇ ਪੜਿਆ ॥ ਸੋ ਮੈਨੇ ਸੁਣਿਆ ॥

ਇਸ ਕੇ ਸੁਣ ਤੇ ਹੀ ਪ੍ਰੇਤ ਦੇਹ ਤੇ ਛੂਟਾ ਹੈਂ ॥ ਦੇਵ ਦੇਹੀ ਭਈ ਹੈ ॥ ਸ੍ਰਗ ਲੋਗ ਤੇ ਵਿਮਾਨ ਆਇਆ ॥
ਤਿਸ ਪਰ ਬੈਠਕੇ ਵੈਕੁੰਠ ਕਉ ਜਾਤਾ ਹੈਂ ॥ ਸੁਣ ਬੇਟਾ ਅਬ ਤੂੰ ਗਇਆ ਕਉ ਨ ਜਾਉ ॥ ਤੂੰ ਜਾਤਾ ਥਾ ਮੇਰੇ
ਉਦਾਰਨੇ ਕਉ ॥ ਸੋ ਮੇਰਾ ਉਧਾਰ ਗੀਤਾ ਕੇ ਤੀਸਰੇ ਧਿਆਇ ਕੇ ਸੁਨਣੇ ਕਰਿ ਭਇਆ ॥ ਤੂੰ ਧੰਨ ਹੈਂ ਤੇਰਾ
ਕਲਿਆਨ ਹੋਵੈ ॥ ਤਬ ਬਾਲਿਕ ਬੋਲਿਆ ਪਿਤਾ ਜੀ ਮੁਝ ਕਉ ਕਛੁ ਆਗਿਆ ਕਰੋ ॥ ਜੋ ਮੈਂ ਤੁਮਾਰੀ ਸੇਵਾ
ਕਰੌਂ ॥ ਤਬ ਪਿਤਾ ਬੋਲਿਆ ॥ ਹੇ ਪੁਤ੍ਰ ਮੇਰੀ ਸਾਤ ਪੀੜੀ ਨਰਕ ਮੈਂ ਪੜੀ ਹੈ ॥ ਤੂੰ ਏਕ ਏਕ ਵਾਰੀ ਗੀਤਾ
ਕਾ ਤੀਸਰਾ ਧਿਆਇ ਪਾਠ ਕਰਿ ॥ ਏਕ ਏਕ ਪੀੜੀ ਕਉ ਪੁੰਨ ਦੇਹਿ ॥ ਓਹੁ ਸਾਤੋਂ ਪੀੜੀ ਨਰਕ ਤੇ ਨਿਕਾਸ
ਕਰਿ ਵੈਕੁੰਠ ਕਉ ਪ੍ਰਾਪਤਿ ਕਰਿ ॥ ਇਤਨਾ ਕਹਿਕੇ ਓਹੁ ਤੋ ਵਈਕੁੰਠ ਗਇਆ ॥ ਤਬ ਇਸ ਬਾਲਿਕ ਨੇ
ਏਕ ਏਕ ਵਾਰੀ ਗੀਤਾ ਕਾ ਤੀਸਰਾ ਧਿਆਇ ਪਾਠ ਕੀਆ ॥ ਏਕ ਏਕ ਪਿਤਰ ਕਉ ਪੁੰਨ ਦੀਆ ॥ ਉਸ
ਪਿਤਰ ਕਉ ਨਰਕ ਤੇ ਨਿਕਾਸ ਕਰਿ ਪਵਿਤ੍ਰ ਕੀਆ ॥ ਸਭ ਪਿਤਰ ਵਿਮਾਨ ਉਪਰ ਬੈਠਕੇ ਵਈਕੁੰਠ ਕਉ ਚਲੇ
॥ ਐਸੇ ਸਾਤ ਵਾਰ ਪੜਕੇ ਸਾਤੋਂ ਪੀੜੀ ਵਈਕੁੰਠ ਕਉ ਪ੍ਰਾਪਤ ਕੀਆ ॥ ਤਬ ਜੋ ਜਮ ਨਰਕ ਕੇ ਰਖਵਾਲੇ
ਥੇ ॥ ਸੋ ਜਮ ਰਾਜਾ ਕੇ ਪਾਸ ਜਾਇ ਕੂਕੇ ॥ ਕਹਣੇ ਲਾਗੇ ਹੇ ਜਮ ਰਾਜਾ ਜੀ ਨਰਕ ਤਉ ਉਜਾੜ ਭਇਆ
॥ ਪਾਪੀ ਜੀਵ ਜਨਮ ਜਨਮ ਕੇ ਬੈ ॥ ਤਿਨ ਕਉ ਪਾਰਖਦ ਵਿਮਾਨ ਪਰ ਬੈਠਾਇ ਕਰਿਕੇ ਵਈਕੁੰਠ ਲੇ ਗਏ
ਹੈਂ ॥ ਸੁਣਤੇ ਹੀ ਜਮ ਰਾਜਾ ਉਠ ਚਲਿਆ ॥ ਜਹਾਂ ਪਾਤਾਲ ਖੰਡ ਹੈਂ ॥ ਸੇਸ ਕੀ ਸਿਹਜਾ ਉਪਰਿ ਨਾਰਾਇਣ
ਜੀ ਪੋਢੇ ਹੈਂ ॥ ਸ੍ਰੀ ਲਛਮੀ ਜੀ ਚਰਣ ਮੰਡਤੀ ਹੈ ॥ ਤਹਾਂ ਜਾਇਕੇ ਜਮਰਾਜਾ ਅਸਟਾਂਗ ਡੰਡਉਤ ਕਰਤ ਭਇਆ
॥ ਅਰ ਹਾਥ ਜੋੜ ਕਰ ਬੇਨਤੀ ਕਰਤ ਭਇਆ ਅਰੁ ਕਰਣੇ ਲਾਗਾ ਹੇ ਮਹਾਰਾਜ ਜੀ ਕਈ ਜਨਮੋਂ ਕੇ ਜੀਵ
ਜਨਮ ਜਨਮ ਕੇ ਪੜੇ ਥੇ ॥ ਤਿਨ ਕਉ ਪਾਰਖਦ ਵਿਮਾਨੋਂ ਉਪਰਿ ਬੈਠਾਇਕੇ ਵਈਕੁੰਠ ਲੇ ਗਏ ਹੈਂ ॥ ਤਿਸ
ਤੇ ਹੇ ਮਹਾਰਾਜ ਜੀ ਏ ਡੰਡ ਅਰੁ ਮੁੰਦ੍ਰਾ ਆਪਣੀ ਕਿਸੀ ਅਉਰ ਕਉ ਦੇਵੋ ॥ ਜੋ ਐਸੇ ਜੀਵ ਵਈਕੁੰਠ ਕਉ
ਪ੍ਰਾਪਤ ਕੀਏ ॥ ਤਉ ਹਮ ਕਿਸ ਕਉ ਡੰਡ ਦੇਵੇਂਗੇ ॥ ਤਬ ਸ੍ਰੀ ਨਾਰਾਇਣ ਜੀ ਬੋਲੇ ॥ ਜਮਰਾਜ ਤੂੰ ਦੁਖੀ
ਨ ਹੋਇ ॥ ਕਛੁ ਅਪਣੇ ਮਨ ਮੈਂ ਨ ਆਨ ॥ ਜੋ ਮੈਂ ਕਹੌਂ ਸੋ ਤੂੰ ਸੁਣ ॥ ਏਹ ਜੀਵ ਪਾਪੀ ਤਬ ਹੀ ਥੇ ॥ ਅਬ

ਇਸ ਕਾ ਕੋਈ ਪੁੰਨ ਉਦੇ ਭਇਆ ਹੈ ॥ ਤਿਸ ਤੇ ਵਈਕੁੰਠ ਕਉ ਪ੍ਰਾਪਤਿ ਭਏ ਹੈਂ ॥ ਏਕ ਮੇਰੀ ਆਗਿਆ ਹੈ ਸੋ ਤੂੰ ਮਾਨ ॥ ਜੋ ਜੀਵ ਗੀਤਾ ਪਾਠ ਕਰੇ ਅਥਵਾ ਕਰਕੇ ਕਿਸੀ ਕਉ ਪੁੰਨ ਦੇਵੇ ॥ ਤਿਨ ਜੀਵਉਂ ਕਉ ਤਿਨ ਜੀਵਉਂ ਕਉ ਨਰਕ ਵਿਖੇ ਨ ਪ੍ਰਾਪਤਿ ਕਰੀਓ ਭੂਲ ਕੇ ਭੀ ॥ ਹੇ ਧਰਮਰਾਇ ਏਹ ਮੇਰੀ ਤੁਝ ਕਉ ਆਗਿਆ ਹੈ ॥ ਇਤਨਾ ਸੁਨ ਕੇ ਜਮ ਰਾਜ ਨੇ ਡੰਡਉਤ ਕੀਆ ॥ ਆਗਿਆ ਮਾਨ ਕੇ ਜਮ ਲੋਕ ਕਉ ਆਇਆ ॥ ਤਬ ਜਮੋ ਕਉ ਆਗਿਆ ਦਿਲੀ ॥ ਹੇ ਜਮੋ ਜੋ ਜੀਵ ਗੀਤਾ ਕਾ ਪਾਠ ਕਰੈ ॥ ਅਰੁ ਕਿਸੀ ਕਉ ਪੁੰਨ ਦੇਇ ॥ ਅਰੁ ਗੀਬਾ ਕਉ ਸੁਣੇ ॥ ਤਿਨ ਜੀਵਉਂ ਕਉ ਭੂਲ ਕੇ ਭੀ ਨਰਕ ਬਿਖੇ ਨਹੀਂ ਲੇ ਜਾਣਾ ॥ ਇਹੁ ਮੇਰੀ ਤੁਮ ਕਉ ਆਗਿਆ ਹੈ ॥ ਜਿਸ ਗੀਤਾ ਕੇ ਪੁੰਨ ਦੀਏ ਤੇ ਭੀ ਨਰਕ ਤੇ ਨਿਕਾਸ ਕਰਿ ਵੈਕੁੰਠ ਕਉ ਪ੍ਰਾਪਤਿ ਕੀਏ ॥ ਅਰੁ ਜੋ ਜੀਵ ਗੀਤਾ ਪਾਠ ਕਰਤੇ ਹੈਂ ਸੁਣਤੇ ਹੈਂ ॥ ਤਿਨ ਕਾ ਫਲ ਤੇ ਕਿਤਨਾ ਵਰਨਨ ਕਰੀਏ ॥ ਤਬ ਸ੍ਰੀ ਨਾਰਾਇਣ ਜੀ ਬੋਲੇ ॥ ਹੇ ਸ੍ਰੀ ਲਛਮੀ ਤੀਸਰੇ ਧਿਆਇ ਕਾ ਫਲੁ ਕਹਿਆ ॥ ਸੋ ਤੈਨੇ ਸੁਣਿਆ ॥੩॥ ਇਤ ਸ੍ਰੀ ਪਦਮ ਪੁਰਾਣੇ ਸਤੀ ਈਸਰ ਸੰਵਾਦੇ ਉਤਰ ਖੰਡੇ ਸ੍ਰੀ ਗੀਤਾ ਮਹਾਤਮੇ ਸ੍ਰੀ ਕ੍ਰਿਸ਼ਨ ਅਰਜਨ ਸੰਬਾਦੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮੁ ਤ੍ਰਿਤੀਓ ਧਿਆਇ ॥੩॥

ਅਗੈ ਚਉਥਾ ਧਿਆਇ ਚਲਿਆ ॥ ਸ੍ਰੀ ਭਗਵਾਨੋ ਵਾਰ ॥ ਸੋਰਠਾ ॥ ਅਬਿਨਾਸੀ ਇਹ ਗਿਆਨ ਅਬ ਅਰਜਨ ਤੁਝਕੋ ਕਹਾ ॥ ਪੁਰਾ ਪੁਰਾਤਨ ਜਾਨ ਰਾਜ ਰਿਖ ਵਰਤੈ ਤਿਸੀ ਮੋ ॥੧॥ ਸਵੈਯਾ ॥ ਪਪਿਥਮੇ ਹੀ ਸੂਰਜ ਕਉ ਉਪਦੇਸ ਕਹਿਓ ਇਹ ਗਿਆਨ ਤਿਸਕੋ ਵਹੁ ਧਾਰ ਜੀਵਨ ਮੁਕਤਿ ਹੋ ਜੀਓ ਹੈ ॥ ਕਹਿਓ ਸੂਰਜ ਪੂਤ ਮਾਹਿ ਇਹੀ ਗਿਆਨ ਅਮਲ ਰੂਪ ਮਨ ਸੁਤਤੇ ਇਖਵਾਕ ਬਹੁੜ ਤਿਨ ਲੀਓ ਹੈ ॥ ਤਿਸਕੇ ਪ੍ਰਸਾਦਿ ਤੇ ਰਾਜ ਲੇਪ ਲਾਰੈ ਨਾਹਿ ਪਰਮ ਤੱਤ ਇਹੁ ਗਿਆਨ ਅਰਜਨ ਤੁਝਕੋ ਦੀਓ ਹੈ ॥ ਬਿਤੀਤ ਭਏ ਚਿਰੰਕਾਲ ਭਾਖਿਆ ਮੈਂ ਇਹੁ ਗਿਆਨ ਜਗਤ ਕੇ ਉਧਾਰ ਨਮਿਤ ਬਹੁੜ ਈਹਾ ਕਹਿਓ ਹੈ ॥੨॥ ਦੋਹਰਾ ॥ ਹੇ ਅਰਜਨ ਇਸ ਕਾਰਨੇ ਐਸਾ ਉੱਤਮ ਗਿਆਨ ॥ ਜੋ ਤੂੰ ਮੇਰਾ ਪ੍ਰਿਅ ਭਗਤ ਤੇ ਤੁਝ ਪੈ ਕੀਆ ਬਖਾਨ ॥੩॥ ਅਰਜਨੋ ਵਾਰ ॥ ਸੋਰਠਾ ॥ ਅਰਜਨ ਸੁਨ ਕਰਿ ਬਾਤ ਇਉਂ ਭਾਖੈ ਸ੍ਰੀ ਭਗਵਾਨ ਪੈ ॥ ਰਵਿ ਕੀ ਕਹੀ ਜੋ ਗਾਥ ਸੋ ਤੁ ਸੋ ਆਗੈ ਭਇਆ ॥੪॥

ਦੋਹਰਾ ॥ ਹੇ ਮਾਧਵ ਤੁਮ ਅਬ ਭਏ ਬਾਸ ਦੇਵ ਗਿ੍ਹ ਮਾਹਿ ॥ ਆਗੈ ਤੁਝ ਤੇ ਸੂਰ ਬਾ ਕੈਸੇ ਭਾਖਿਓ
 ਤਾਹਿ॥੫॥ ਸ੍ਰੀ ਭਗਵਾਨੋ ਵਾਰ ॥ ਦੋਹਰਾ ॥ਤਬ ਗੋਬਿੰਦ ਇਉਂ ਉਚਰਿਓ ਸੁਨ ਅਰਜਨ ਕੁਰ ਨੰਦ ॥ ਤੇਰੇ
 ਮੇਰੇ ਬਹੁਤ ਜਨਮ ਬੀਤੇ ਹੈਂ ਪਰਚੰਡ ॥੬॥ ਦੋਹਰਾ ॥ ਮੈਂ ਜਾਨੋ ਸਭ ਜਨਮ ਕੋ ਤੂੰ ਨਹੀਂ ਜਾਨੈ ਮੀਤ ॥ ਇਸਰ
 ਅਜ ਅਬਿਨਾਸ ਹੋ ਐਸੇ ਧਰ ਤੂੰ ਚੀਤ ॥੭॥ ਦੋਹਰਾ ॥ ਅਪਨੀ ਮਾਇਆ ਕੇ ਆਸਰੇ ਤਬ ਮੈਂ ਜਨਮ ਧਰੋਂ
 ॥ ਜਬ ਅਧਰਮ ਧਰਮ ਛਾਦ ਹੈ ਤਬ ਅਧਰਮ ਨਾਸ ਕਰੋਂ ॥੮॥ ਕਬਿਤ ॥ ਸਾਧੋਂ ਕੇ ਸੁਖ ਨਮਿਤ ਦੇਹ ਧਰੋਂ
 ਜਗ ਮਾਹਿ ਸਕਲ ਪਾਪ ਜਗਤ ਕੇ ਖੰਡਨ ਮੈਂ ਕਰਤ ਹੋਂ ॥ ਐਸੀ ਭਾਂਤ ਜੁਗੋ ਜੁਗ ਅਓਤਾਰ ਲੀਏ ਲੋਕ ਮਾਹਿ
 ਜੈਸੇ ਮੇਰੇ ਦਿਬ ਕਰਮ ਤੈਸੇ ਹੀ ਕਹਤ ਹੋ ॥ ਅਜਨਮ ਅਰ ਅਬਰਨ ਹੋ ਅਕ੍ਰੇ ਅਕਰਮ ਹੋਤ ਤੋ ਕੀ ਦੇਹਿ ਤੇ
 ਭਿੰਨ ਮੈਂ ਰਹਤ ਹੋ ॥ ਜੈਸੇ ਜੀਵ ਕਰਮ ਸਾਬ ਭਰਿਆ ਰਹੈ ਜਗਤ ਮਾਹਿ ਤੈਸੇ ਹਉ ਕਰਮ ਤੇ ਸਦਾ ਹੀ ਬਚਤ
 ਹੋ ॥੯॥ ਚੌਪਈ ॥ ਜਗਤ ਲੋਕ ਹੈਂ ਕਰਮੋ ਬਸ ॥ ਕਰਮ ਗਏ ਸਭ ਮੁਝ ਤੇ ਨਸ ॥ ਮੈਂ ਅਜਨਮ ਅਕਾਲ
 ਅਰੂਪ ॥ ਭੀਤਰਿ ਬਾਹਿਰ ਮੇਰੇ ਰੂਪ ॥੧੦॥ ਬਿਆਪ ਰਹਿਆ ਮੈਂ ਜਗ ਕੇ ਮਾਹਿ ॥ ਜਹਾ ਤੇ ਚਾਹੋ ਤਹਾ
 ਪ੍ਰਗਟਾਹਿ ॥ ਜਨਮ ਦਿਬ ਅਪਨੋ ਮੁਝ ਕਹਿਓ ॥ ਸੋ ਤੈ ਸੁਨ ਕਹਿ ਮਨ ਮੋ ਲਹਿਓ ॥੧੧॥ ਕਰਮ ਦਿਬ
 ਅਬ ਤੋਹਿ ਬਤਾਵਹੁ ॥ ਅਕ੍ਰੇ ਰੂਪ ਮੈਂ ਤੁਝੈ ਸੁਨਾਉ ॥ ਕਰਮ ਕਰਤ ਮੁਝ ਕਸਟ ਨ ਲਾਗੈ ॥ ਲੇਪ ਕਰਮ ਕੇ
 ਮੁਝ ਤੇ ਭਾਗੈ ॥੧੨॥ ਜੇਕਰ ਕਿਸੀ ਦੇਹਿ ਕੋ ਮਾਰੋ ॥ ਸੋ ਵਡਭਾਗੀ ਤਿਸ ਕੋ ਤਾਰੋ ॥ ਵਹੁ ਤੋ ਮੁਝ ਸਰੂਪ
 ਹੋਇ ਜਾਇ ॥ ਦਿਬ ਕਰਮ ਏ ਕਹੇ ਸੁਨਾਇ ॥੧੩॥ ਜੋ ਇਸ ਭਾਂਤ ਜਨਮ ਕਰਮ ਮੁਝ ਮਾਨੈ ॥ ਦੇਹਿ ਛਾਡ
 ਮੁਝ ਪਦ ਸੈਂ ਠਾਨੈ ॥ ਫਿਰ ਮਾਤਾ ਕੇ ਗਰਤ ਨ ਆਵੈ ॥ ਮੁਕਤਿ ਹੋਇ ਮੁਝ ਸੰਗ ਸਮਾਵੈ ॥੧੪॥ ਐਸਾ
 ਫਲ ਸੁਝ ਜਾਨਨ ਜਾਨ ॥ ਭਗਤ ਪ੍ਰੀਤ ਅਬ ਕਹਤ ਬਖਾਨ ॥ ਜਿਸਕੀ ਪ੍ਰੀਤਿ ਮੇਰੇ ਸੰਗ ਲਾਗੀ ॥ ਤਿਸਕੋ
 ਲਛਨ ਸੁਨ ਵਡਭਾਗੀ ॥੧੫॥ ਦੋਹਰਾ ॥ ਲਛਨ ਤਿਸਕੇ ਇਉਂ ਸੁਨੋ ਮੋਹ ਨਹੀਂ ਤਿਸ ਮਾਹਿ ॥ ਕਰੈ ਕ੍ਰੋਧ
 ਨਹੀਂ ਕਿਸੀ ਪਰ ਬਸੈ ਨਿਰਭੈ ਜਗ ਮਾਹਿ ॥੧੬॥ ਮਨ ਰਾਖੈ ਮੇਰੈ ਬਿਖੈ ਅਰ ਬਾਛੈ ਮੇਰਾ ਗਿਆਨ ॥ ਗਿਆਨ
 ਭਾਨ ਪ੍ਰਕਾਸ਼ ਤੇ ਮੋ ਮੁਝ ਮਿਲਿਆ ਜਾਨ ॥੧੭॥ ਛੰਦ ॥ ਅਰਜਨ ਪ੍ਰੀਤਿ ਭਗਵਾਨ ਬਖਾਨੈ ਹੇ ਅਰਜਨ ਤੁਮ

ਰੀਤ ਤਿਸੁ ਦੇਹ ਬਨਾਏ ॥ ਸਭਹੂ ਮਧ ਆਪ ਵਰਤਾਏ ॥ ਸਭ ਕੈ ਸਧਿ ਵਰਤੈ ਵਹੁ ਆਪ ॥ ਸਭ ਵਹੁ ਰਹਿਆ
ਏਕ ਬਿਆਪ ॥੩੨॥ ਚੋਪਈ ॥ ਸਭੀ ਕਹਾ ਵਹੁ ਏਕੋ ਹੀ ਹੈ ॥ ਜਗਤ ਕਹਾਂ ਸਮ ਬ੍ਰਹਮੁ ਸਹੀ ਹੈਂ ॥
ਨਿਰਗੁਣ ਰੂਪ ਜਬ ਸੁਰ ਗੁਣ ਹੋਇ ॥ ਤਬ ਇਹ ਬਾਜੀ ਰਾਚੈ ਸੋਇ ॥੩੩॥ ਇਹੀ ਬਾਤ ਨਿਸਚੈ ਮੈਂ ਜਾਨੋ
॥ ਸੁਤਹ ਸਿਧ ਬ੍ਰਹਮ ਕਰਿ ਮਾਨੋ ॥ ਤਾਂ ਤੇ ਜੋ ਕਛੁ ਦ੍ਰਿਸਟੀ ਆਹਿ ॥ ਏਕ ਬ੍ਰਹਮ ਦੂਜਾ ਕੋ ਨਾਹਿ ॥੩੪॥
ਅਬ ਆਗੈ ਸ੍ਰੀ ਕ੍ਰਿਸ਼ਨ ਅਕਾਲ ॥ ਕਹੇ ਸੁਨੋ ਤੁਮੁ ਹੇ ਪੰਡ ਲਾਲ ॥ ਕਰਮ ਬਾਤ ਬਹੁਢ ਤੁਝ ਕਹੋ ॥ ਭਲੇ
ਪੁਰਖ ਕਰਮੋ ਤੇ ਲਹੋ ॥੩੫॥ ਦੋਹਰਾ ॥ ਅਰਜਨ ਤੂੰ ਏਹ ਸਮਝ ਕਰਿ ਦੇਹ ਕਰਮ ਨਿਤ ਧਾਰ ॥ ਜਿਨ ਕੋ
ਇਧਾ ਮੁਕਤਿ ਕੀ ਤਿਨ ਸਤ ਕਰਮ ਬੀਚਾਰ ॥੩੬॥ ਸਤ ਕਰਮ ਕੇ ਕੀਏ ਤੇ, ਨਿਰਮਨ ਮਨ ਹੋਇ ਮੀਤ
॥ ਅਮਲ ਰਿਦਾ ਜਬ ਹੋਇਗਾ, ਆਵੈ ਗਿਆਨ ਤੁਮ ਚੀਤ ॥੩੭॥ ਸੋਰਠਾ ॥ ਜਬ ਉਪਜੈ ਤੁਝ ਗਿਆਨ
ਮੁਕਤਿ ਰੂਪ ਤੂੰ ਹੋਇ ਗਾ ॥ ਪਾਰਬ ਇਹ ਸਭ ਮਾਨ ਸਤ ਕਰਮ ਕੋ ਨਿਰ ਕਰਿ ॥੩੮॥ ਜੇ ਕੋ ਪੁਰਖੁ ਪ੍ਰਧਾਨ
ਕਰਮ ਤਿਨ ਕੀਏ ਹੈਂ ॥ ਜਬ ਤੇ ਉਪਜੇ ਗਿਆਨ ਮਿਟੇ ਕਰਮ ਤਿਹ ਰਿਦੈ ਤੇ ॥੩੯॥ ਦੋਹਰਾ ॥ ਕਰਮ
ਅਕਰਮ ਕੇ ਸਮਝ ਨੇ ਸੂਤ ਭੀ ਸਮਰਥ ਨਾਹਿ ॥ ਕਰਮ ਅਕਰਮ ਕੀ ਬਾਰਤਾ ਭਾਖੇ ਤੇਰੇ ਮਾਹਿ ॥੪੦॥ ਪ੍ਰਥਮ
ਕਰਮ ਤੁਝ ਕੋ ਕਹੋ ਜਾਤੇ ਦੁਖ ਨਗ ਜਾਹਿ ॥ ਸੰਸਾਰ ਬੰਧਨ ਤੇ ਮੁਕਤ ਹੋਇ ਜੋ ਸਮਝੈ ਸੋ ਪਾਇ ॥੪੧॥
ਛੰਦ ॥ ਕਰਮ ਅਕਰਮ ਬਿਕਰਮ ਤ੍ਰੈ ਸੋ ਭਿੰਨ ਭਿੰਨ ਆਖੋ ॥ ਜੈਸੇ ਗਿਆਨੀ ਕਹੈ ਤੈਸੇ ਮੈਂ ਤੁਝ ਕੋ ਭਾਖੋ ॥
ਸਾਸਤ੍ਰ ਆਗਿਆ ਪਾਇ ਬਰਨ ਅਧਿਕਾਰ ਹੋ ਆਹੀ ॥ ਅਪਨੇ ਅਪਨੇ ਅਧਿਕਾਰ ਮੈਂ ਜੋ ਕਰਮ ਕਮਾਹੀ ॥ ਸੋਈ
ਕਰਮ ਕਰਾਵਤੇ ਏਹੀ ਧਰੋ ਮਨ ਸਤ ॥ ਆਗੇ ਬਾਤ ਅਕਰਮ ਕੀ ਉਨਕਾ ਭਾਖੇ ਤੱਤ ॥੪੨॥ ਦੋਹਰਾ ॥
ਜੋ ਜਾਨੈ ਮੈਂ ਸਭ ਕਰਮ ਕਰਤਾ ਹੋਂ ਨਿਸ ਭੋਰ ॥ ਸਾਸਤ੍ਰ ਤੇ ਵਹੁ ਭੂਲ ਕਰਿ ਕਰਤਾ ਹੈ ਕਧੁ ਅਉਰ ॥੪੩॥
ਵਹੁ ਅਕਰਮ ਕਰਾਵਤੇ ਜਿਹ ਸਾਸਤ੍ਰ ਆਗਿਆ ਨਾਹਿ ॥ ਆਗੇ ਬਾਤ ਬਿਕਰਮ ਕੀ ਭਾਖਿ ਇਨਾਊ ਤਾਹਿ
॥੪੪॥ ਜੋ ਅਪਨੇ ਅਹੰਕਾਰ ਤੇ ਸਾਸਤ੍ਰ ਆਗਿਆ ਤਿਆਰਾ ॥ ਬਰਨ ਕਰਮ ਤੇ ਰਹਿਤ ਹੈ ਸੋ ਬਿਕਰਮ ਸੰਗ
ਲਾਗ ॥੪੫॥ ਤੀਨੋ ਮੈਂ ਵਹੁ ਸ੍ਰੇਸ਼ਟ ਹੈ ਜੋ ਸਾਸਤ੍ਰ ਆਗਿਆ ਪਾਇ ॥ ਕਰਮ ਕਰਤ ਹੈ ਦੇ ਸੋ ਮੁਕਤ ਪ੍ਰੀਤ

ਧਾਰੋ ਤੁਮ ਚੀਤ ॥੫੮॥ ਸੋਰਠਾ ॥ ਸੁਨ ਪਾਰਬ ਕੁਰਨੰਦਨਾ ਹੋਰ ਬਿਧਿ ਜੋ ਪੂਜਤੇ ॥ ਤਿਸ ਜਾਨੈ ਆਨੰਦ
ਨਿਸਚੈ ਭਾਖੈ ਮੀਤ ਰੇ ॥੫੯॥ ਚੋਪਈ ॥ ਹੋਰ ਜਗ ਕਰਿ ਜੈਸੇ ਪੂਜੈ ॥ ਸੋ ਜੋਗੀਸਰ ਭਗਤ ਸੋ ਸੂਝੈ ॥ ਐਸੇ
ਕਰੇ ਉਪਾਸ਼ਨਾ ਮੇਰੀ ॥ ਮੁਝ ਧਿਆਨ ਸੋ ਮੁਨਿਜਨ ਹੇਰੀ ॥੬੦॥ ਏਕ ਸੰਜਮ ਕਰਿ ਪੂਜਾ ਕਰਤੇ ॥ ਸੰਜਮ
ਅਗਨ ਮੈਂ ਇੰਦ੍ਰੀਆਂ ਜਰਤੇ ॥ ਹੋਮੈ ਇੰਦ੍ਰੀ ਸੰਜਮ ਮਾਹਿ ॥ ਨਏਮ ਬ੍ਰਤ ਸੋ ਪੂਜ ਕਰਾਹਿ ॥ ॥੬੧॥ ਏਕ
ਪ੍ਰਾਨ ਅਪਾਨ ਮਹਿ ਇੰਦ੍ਰੀ ਧਰਮ ॥ ਹੋਮੈ ਆਤਮ ਅਗਨਿ ਮੈਂ ਕਰਮ ॥ ਪ੍ਰਾਣਾਯਾਮ ਕਰਮ ਮੁਝ ਕੋ ਜਜੈ ॥
ਮੇਰੇ ਧਿਆਨ ਮੈਂ ਨਿਸ ਦਿਨ ਰਚੈ ॥੬੨॥ ਏਕ ਮੁਝ ਕੋ ਦ੍ਰਬ ਜਗ ਕਰਿ ਪੂਜੈ ॥ ਦ੍ਰਬ ਜਗ ਐਸੇ ਬਿਧਿ ਸੂਝੈ
॥ ਦੇਹ ਧਾਰੀਓ ਪਰ ਦਇਆ ਨਿਤ ਕਰੈ ॥ ਬਸਤ੍ਰ ਅੰਨ ਤਿਸ ਆਗੈ ਧਰੈ ॥੬੩॥ ਮਨ ਕੋ ਲੋਭ ਵਿਖਿਆ ਕਰਿ
ਫੇਰੈ ॥ ਇਤ ਪ੍ਰਕਾਰ ਮੁਝਕੋ ਵਹੁ ਘੇਰੈ ॥ ਏਕ ਪੂਜਾ ਮੁਝ ਪਾਠ ਕਰ ਕਰਤੇ ॥ ਬੇਦ ਰੁਚਾ ਅਸਤੋਤ੍ਰ ਪੜਤੇ
॥੬੪॥ ਸਹੰਸ੍ਰੀ ਰਖਿਆ ਅਉਰ ਪੁਰਾਣੁ ॥ ਅਉਰ ਸਲੋਕੁ ਬਹੁ ਕਰੈ ਬਖਾਨ ॥ ਐਸੇ ਮੇਰੇ ਤਾਈ ॥ ਜੋ ਚਿਤਵੈ
ਸੋਈ ਫਲ ਪਾਈ ॥੬੫॥ ਪੂਜੈ ਏਕ ਮੁਝ ਅਉਰ ਪ੍ਰਕਾਰ ॥ ਮੇਰੇ ਮਨ ਸਿਉ ਕਰੈ ਪਿਆਰ ॥ ਰਾਮ ਕ੍ਰਿਸ਼ਨ
ਨਾਰਾਇਣ ਆਖੈ ॥ ਮੇਰੇ ਬਿਸਨ ਪਦ ਮੁਖ ਸੋ ਭਾਖੈ ॥੬੬॥ ਗਾਵੈ ਸਦਾ ਮਗਨ ਹੋ ਜਾਵੈ ॥ ਜੋ ਚਾਹੈ ਸੋਈ
ਕਛੁ ਪਾਵੈ ॥ ਏਕ ਪੂਜਾ ਮੁਝ ਗਿਆਨ ਕਰਿ ਜਾਨੈ ॥ ਭਗਵਤ ਕਥਾ ਨਿਤ ਬਖਾਨੈ ॥੬੭॥ ਗੋਸਟ ਕਰੇ
ਸਾਧੋ ਕੇ ਸਾਥ ॥ ਭਾਗਵਤ ਬਚਨ ਕੀ ਆਖੈ ਗਾਥ ॥ ਜੋ ਵਹੁ ਕਹੀ ਸਾਧ ਨਹੀਂ ਪਾਵੈ ॥ ਮਨ ਮੋ ਪੜਿ ਪੜਿ
ਮਗਨ ਹੋ ਜਾਵੈ ॥੬੮॥ ਗਿਆਨ ਜਗ ਹੈ ਇਸ ਕਾ ਨਾਮ ॥ ਗਿਆਨ ਕਰੇ ਪਾਵੈ ਆਰਾਮ ॥ ਏਕ ਪੂਜੈ
ਮੋਹਿ ਮਨ ਕੇ ਮਾਹਿ ॥ ਭਾਖੈ ਰਾਮੁ ਸਭੀ ਕਛੁ ਆਹਿ ॥੬੯॥ ਪੂਜਾ ਏਕ ਬ੍ਰਤੋ ਸੋ ਕਰੈ ॥ ਤਿਸ ਕੇ ਪਾਪ
ਬ੍ਰਿਤੋ ਤੇ ਝੜੇ ॥ ਏਕ ਪ੍ਰਾਨ ਅਪਾਨ ਮੈਂ ਹੋਮੈ ॥ ਦੋਨੋਂ ਜੋੜ ਪਾਪ ਮਨ ਧੋਵੈ ॥੭੦॥ ਸਭ ਪ੍ਰਕਾਰ ਕੇ ਤੂੰ ਜਗ
ਜਾਨ ॥ ਮੇਰੇ ਨਮਿਤਿ ਸਭ ਜਗ ਕਰਾਨ ॥ ਜਾਨੋ ਸਭ ਜਗੋਂ ਕੋ ਆਪ ॥ ਤਿਨ ਜਗੋਂ ਕਾ ਕਹੋ ਪ੍ਰਤਾਪ ॥੭੧॥
ਏ ਸਭ ਜਗ ਮੁਕਤਿ ਕੇ ਦਾਤੇ ॥ ਅਕਾਮ ਜਗ ਕਰਿ ਮੁਝ ਸੋ ਮਾਤੇ ॥ ਜੋ ਪ੍ਰਾਨੀ ਕਰਤੇ ਜਗ ਮਾਹੀ ॥ ਜਨਮੋਂ
ਕੇ ਪਾਪੋਂ ਕੋ ਦਾਹੀ ॥੭੨॥ ਜਬ ਲਗ ਜੀਵੈ ਜਗ ਕੇ ਮਾਹਿ ॥ ਤਿਨ ਕਾ ਜੀਵਨ ਅੰਮ੍ਰਿਤ ਆਹਿ ॥ ਮੇਰੀ

ਭਗਤਿ ਨਮਿਤਿ ਵਹੁ ਜੀਵੈ ॥ ਮੁਝ ਪੂਜਾ ਕਰਿ ਅੰਮ੍ਰਿਤੁ ਪੀਵੈ ॥ ਮੁਝ ਇਸਥਾਨ ਮੇਂ ਪ੍ਰਾਪਤ ਹੋਵੈ ॥ ਬ੍ਰਹਮ
 ਜਾਨ ਸਭ ਆਪਾ ਖੋਵੈ ॥੭੩॥ ਦੋਹਰਾ ॥ ਜੋ ਪੂਜਾ ਮੁਝ ਨਾ ਕਰੈ ਤਿਨ ਕੋ ਕਿਆ ਮੁਖ ਹੋਇ ॥ ਏਤ ਲੋਕ
 ਦੁਖ ਪਾਇਕੈ ਆਗੈ ਚਲੈ ਪਤਿ ਖੋਇ ॥੭੪॥ ਸੋਰਠਾ ॥ ਬਹੁ ਪ੍ਰਕਾਰ ਕੇ ਜਗ ਜੈਸੇ ਪਾਰਥ ਮੈਂ ਕਹੈ ॥ ਬ੍ਰਹਮਾ
 ਕਹਿਓ ਇਹ ਗਤ ਆਦਿ ਕਲਪ ਜਵ ਉਪਜਿਉ ॥੭੫॥ ਦੋਹਰਾ ॥ ਗਿਆਨ ਸਭੁ ਤੇ ਸ੍ਰੇਸ਼ਟ ਹੈ ਸੋ ਤੁਮ ਧਾਰੋ
 ਮੀਤੁ ॥ ਗਿਆਨ ਜਗ ਅਤਿ ਨਿਰਮਲਾ ਧਾਰੇ ਦ੍ਰਿੜ ਹੋਇ ਚੀਤ ॥੭੬॥ ਗਿਆਨ ਜਗ ਇਸ ਆਖੀਐ ਜਾਨੈ
 ਸਭ ਹੀ ਰਾਮ ॥ ਜੋ ਕਧੁ ਦ੍ਰਿਸਟੀ ਆਵਤਾ ਸਭ ਕੇ ਮਧਿ ਬਿਸ੍ਰਾਮ ॥੭੭॥ ਟਿਕਾਕਾਰ ਵਾਚ ॥ ਦੋਹਰਾ ॥
 ਪੂਰਨ ਜਗ ਇਹ ਗਿਆਨ ਹੈ ਸਭ ਪਾਛੈ ਇਸ ਹੋਇ ॥ ਸਭ ਜਗ ਗਿਆਨ ਨਮਿਤਿ ਹੈ ਗਿਆਨ ਮੁਕਤਿ ਹੈ
 ਸੋਇ ॥੭੮॥ ਸੋਰਠਾ ॥ ਜਿਨ ਨੇ ਧਾਰਿਆ ਗਿਆਨ ਸਕਲ ਜਗ ਤਿਨ ਤੇ ਰਹੈ ॥ ਹੇ ਅਰਜਨ ਇਉਂ ਜਾਨ
 ਗਿਆਨ ਜਗ ਹੈ ਮੁਕਤਿ ਰੂਪ ॥੭੯॥ ਸੋਰਠਾ ॥ ਜਬ ਗਿਆਨ ਉਪਜਿਓ ਮੀਤ ਸਕਲ ਕਰਮ ਤਬ ਛੁਟ
 ਗਏ ॥ ਇਹੁ ਰਾਖੇ ਤੁਨ ਚੀਤ ਜੈਸੇ ਅਬ ਮੈਂ ਭਾਖ ਹੋ ॥੮੦॥ ਕਵਿਤ ॥ ਜੈਸੇ ਖੂਏ ਖੋਦਨ ਨਮਿਤਿ ਆਇਧਿ
 ਪਕੜਿ ਲਏ ਤੋਇ ਆਇਓ ਦ੍ਰਿਸਟਿ ਮਾਹਿ ਆਇਧਿ ਛਾਡ ਦੀਓ ਹੈ ॥ ਤੈਸੇ ਗਿਆਨ ਕਾਰਨ ਅਨੇਕ ਕਰਮ
 ਜੀਵ ਕਰੈ ਗਿਆਨ ਜਬ ਪ੍ਰਕਾਸਿਓ ਸਭ ਕਰਮ ਬੰਧ ਗਇਓ ਹੈ ॥ ਵਹੀ ਚਿਦਾਨੰਦ ਬ੍ਰਹਮ ਸੁਪਨੈ ਮੈਂ ਜੀਵਨ
 ਭਇਆ ਅਪਨੇ ਬੀਚਾਰ ਤੇ ਗਿਆਨ ਖੰਡਾ ਲੀਓ ਹੈ ॥ ਸਤ ਚਿਤ ਅਨੰਦ ਅਦ੍ਵੈਤ ਹੈ ਵਹੀ ਬ੍ਰਹਮ ਸੁਪਨੇ ਸੋ
 ਜਾਗ ਅੰਮ੍ਰਿਤ ਮਧ ਪੀਓ ਹੈ ॥੮੧॥ ਚੌਪਈ ॥ ਜਿਨ ਮੋ ਜਾਨ ਨ ਪਾਇਆ ਗਿਆਨ ॥ ਤਿਨ ਕੋ ਬ੍ਰਹਮ
 ਅਰਜਨ ਤੂੰ ਜਾਨ ॥ ਆਗੈ ਉਸ ਤੇ ਜੇ ਕੋ ਲੇਵੈ ॥ ਵਹੁ ਗਿਆਨੀ ਤਿਸ ਕੋ ਵਹੁ ਦੇਵੈ ॥੮੨॥ ਅਬ ਜੋ ਜੁਗਤ
 ਕਹੋ ਤੁਝ ਮਾਹਿ ॥ ਤੂੰ ਮੇਰਾ ਪਿਆਰਾ ਅਤਿ ਆਹਿ ॥ ਲੇਨਹਾਰ ਪੁਰਖੁ ਜੋ ਹੋਇ ॥ ਨਮਾਮ ਕਰੈ ਗਿਆਨੀ
 ਕੋ ਸੋਇ ॥੮੩॥ ਹਾਥ ਜੋੜ ਕਰੈ ਅਰਦਾਸਿ ॥ ਮੈਂ ਸੇਵਕੁ ਆਇਆ ਤੁਮ ਪਾਸਿ ॥ ਹੇ ਗੋਪਾਲ ਜੀ ਦੀਨ
 ਦਇਆਨ ॥ ਹੇ ਗੋਬਿੰਦ ਸਦਾ ਕ੍ਰਿਪਾਲ ॥੮੪॥ ਕ੍ਰਿਪਾ ਕਰਿ ਮੁਝ ਗਿਆਨ ਸੁਣਾਵਹੁ ॥ ਮੇਰੇ ਮਨ ਕੀ ਤਪਤਿ
 ਮਿਟਾਵਹੁ ॥ ਏਤੀ ਅਰਦਾਸਿ ਸੇਵਕ ਜਬ ਕਰੈ ॥ ਬੇਨਤੀ ਕਰਿ ਤਿਸੁ ਪਾਈ ਪਰੈ ॥੮੫॥ ਆਗੈ ਗੁਰੂ

ਦੋਹਰਾ ॥ ਮੁਝ ਕੋ ਜਜੈ ਗਿਆਨ ਸੋ ਜਾਨੈ ਮਨ ਹੀ ਮਾਹਿ ॥ ਮੇਰੇ ਸਿਮਤਨ ਸੋ ਜੁੜੈ ਉਸਤਤਿ ਤਿਸ ਅਬ ਗਾਹਿ
 ॥੧੧੩॥ ਜਿਸਕਾ ਮਨ ਮੁਝ ਭਜਨ ਸੋ ਜੁੜਿਆ ਦਿਨ ਅਰ ਰਾਤਿ ॥ ਲੀਨ ਭਇਆ ਵਹੁ ਮੁਝ ਬਿਖੈ ਸੁਨਹੋ
 ਅਰਜਨ ਤਾਤ ॥੧੧੪॥ ਮਨ ਤੇ ਉਠੇ ਸਕਲ ਕਰਮ ਸੋ ਮਨ ਮੁਝ ਮੈਂ ਲੀਨ ॥ ਕਟੇ ਕਰਮ ਤਿਸ ਜਨਮ ਕੈ
 ਜਿਨ ਇਹ ਨਿਹਚਾ ਕੀਨ ॥ ੧੧੪॥ ਮੇਰੇ ਗਿਆਨ ਪ੍ਰਸਾਦ ਤੇ ਸੰਸਾਰ ਹੈ ਨ ਕੋਇ ॥ ਕਾਟੇ ਜੋਗ ਮੁਝ ਸ
 ਕਰਮ ਗਿਆਨ ਸੰਦੇਹ ਸਭ ਖੋਇ ॥੧੧੬॥ ਹੇ ਪਾਰਥ ਹੇ ਸਖੇ ਮਿਤ੍ਰ ਤੁਝ ਰਿਦੈ ਸੰਸੈ ਮਾਹਿ ॥ ਸਭ ਸੰਦੇਹ
 ਤੁਝ ਰਿਦੈ ਮੈਂ ਅਗਿਆਨ ਹੀ ਤੇ ਆਹਿ ॥੧੧੭॥ ਗਿਆਨ ਖੜਗ ਕੋ ਪਕੜਿ ਕੈ ਸਭ ਸੰਦੇਹ ਕਟਿ ਡਾਰ ॥
 ਐਸੇ ਗਿਆਨ ਕੀ ਅਗਨ ਸੋ ਅਘ ਬਨ ਕੋ ਤੂੰ ਜਾਰ ॥੧੧੮॥ ਲਾਭ ਅਲਾਭ ਤਿਆਗ ਕੈ ਉਠ ਤੂੰ ਜੁਧ ਕਰ
 ਮੀਤ ॥ ਤੇਰੀ ਕਲਿਆਨ ਹੈ ਇਸੀ ਮੇਂ ਦ੍ਰਿੜ ਕਰਿ ਰਾਖੋ ਚੀਤ ॥੧੧੯॥ ਸੋਰਠਾ ॥ ਏਹ ਬਚਨ ਭਗਵਾਨ
 ਪਾਰਥ ਪ੍ਰਤਿ ਜਬ ਕਹਿ ਰੇ ॥ ਸੁਨਿ ਕਰਿ ਕਹੇ ਬਖਾਨ ਪਾਰਥ ਕੇਸੁਰਾਇ ਸੋ ॥੧੨੦॥ ਚੌਪਈ ॥ ਚਤੁਰਥ
 ਧਿਆਇ ਗੀਤਾ ਕਾ ਮੀਤਾ ॥ ਸੋ ਸੰਬਾਦ ਮਾਧਵ ਜੂ ਕੀਤਾ ॥ ਬ੍ਰਹਮ ਬਾਤ ਸਭ ਤਿਸੈ ਬਖਾਨੀ ॥ ਜਿਨਕੇ
 ਭਾਗ ਤਿਨਹੁ ਨੇ ਜਾਨੀ ॥ ਜੇ ਕੋ ਸੁਨੈ ਅਰ ਮਨ ਬਸਾਵੈ ॥ ਈਹਾਂ ਸੁਖ ਆਗੈ ਜਸੁ ਪਾਵੈ ॥ ਆਗੈ ਪੀਛੈ ਏਕੋ
 ਬ੍ਰਹਮ ॥ ਬ੍ਰਹਮ ਪਛਾਨ ਕਾ ਏਹੋ ਮਰਮੁ ॥ ਬ੍ਰਹਮ ਮਾਹਿ ਬ੍ਰਹਮ ਹੋ ਰਹੈ ॥ ਜੇ ਕੋ ਧਾਰੈ ਸੁਣੈ ਅਰ ਕਹੈ ॥
 ੧੨੧॥ ਇਤ ਸ੍ਰੀ ਭਗਵਤ ਗੀਤਾ ਸੂਪਨਿਖਤ੍ਰਸੁ ਬ੍ਰਹਮ ਵਿਦਿਆ ਜੋਗ ਸਾਸਤ੍ਰੇ ਸ੍ਰੀ ਕ੍ਰਿਸ਼ਨ ਅਰਜਨ ਸੰਬਾਦੇ
 ਪਦਮ ਪੁਰਾਣੇ ਸਤੀ ਈਸਰ ਸੰਬਾਦੇ ਉਤਰਾਖੰਡੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਚਤੁਰਥੇ ਧਿਆਇ ॥ ਆਗੈ ਮਹਾਤਮ
 ਚਲਿਆ ॥ ਸ੍ਰੀ ਭਗਵਾਨੋ ਵਾਚ ॥ ਹੇ ਲਛਮੀ ਅਬ ਚਉਥੇ ਅਧਿਆਇ ਕਾ ਫਲ ਕਹਿਤਾ ਹੋਂ ਸੋ ਤੂੰ ਸੁਣ ॥
 ਜੇ ਜੀਵ ਗੀਤਾ ਪਾਠ ਕਰਤੇ ਹੈਂ ਤਿਨਕੇ ਅੰਗੋਂ ਸੇ ਅਥਵਾ ਚਰਨੋਂ ਕੋ ਭੀ ਜੋ ਕੋਈ ਛੁਹੇ ਸੋ ਭੀ ਨੀਚ ਦੇਹ ਤੇ ਛੁਟਤਾ
 ਹੈ ਮੁਕਤ ਕੋ ਪ੍ਰਾਪਤ ਹੋਤਾ ਹੈ ॥ ਤਬ ਸ੍ਰੀ ਲਛਮੀ ਬੋਲੀ ਹੇ ਮਹਾਰਾਜ ਜੀ ਗੀਤਾ ਕੇ ਪਾਠ ਕਰਨੇ ਵਾਲੇ ਕੇ ਚਰਨ
 ਛੁਹੇ ਤੇ ਕੋਈ ਮੁਕਤਿ ਹੁਏ ਹੈਂ ॥ ਏਕ ਪੂਰਬਲੀ ਕਥਾ ਮੈਂ ਤੁਝ ਕਉ ਕਹਿਤਾ ਹੋਂ ਸੋ ਤੂੰ ਸੁਣ ॥ ਏਕ ਭਰੀਰਬੀ
 ਗੰਗਾ ਜੀ ਨਦੀ ਤਿਸਕੇ ਨਿਕਟਿ ਕਾਸੀ ਨਾਮ ਨਗਰੀ ਹੈ ਤਹਾਂ ਏਕ ਜਾਤ ਕਾ ਬਾਣੀਆ ਨਾਮ ਤਿਸਕਾ ਭਰਥ

ਸੋ ਉਹਾ ਰਹਤਾ ਥਾ ਸੋ ਉਸਕਾ ਨੇਮੁ ਥਾ ਜੋ ਨਿਤ ਇਸਨਾਨ ਕਰੇ ਅਰ ਗੀਤਾ ਕਾ ਅਧਿਆਇ ਚਉਥਾ ਪਾਠ ਕਰੇ ਸੋ ਬਡਾ ਤਪਸੀ ਥਾ ਸੋ ਏਕ ਦਿਨ ਬਨ ਕੀ ਸੈਲ ਕਰਨੇ ਕੋ ਗਇਆ ਬਨ ਕੇ ਸੁਖ ਦੇਖਕੇ ਤਹਾਂ ਤਿਸ ਕੋ ਧੂਪ ਲਾਰੀ ਗਰਮੀ ਕਰਿ ਵਿਆਕੁਲ ਭਇਆ ਤਬ ਬਿਰਛ ਕੀ ਛਾਇਆ ਤਲੇ ਆਨ ਬੈਠਾ ਦੋ ਬ੍ਰਿਛ ਸਘਨ ਥੇ ਨਜੀਕ ਨਜੀਕ ਥੇ ਤਿਨ ਕੇ ਬੀਚ ਸੋਇ ਰਹਿਆ ਇਸਕੇ ਅੰਗ ਛੁਹਤੇ ਹੀ ਦੋਨੋਂ ਬੇਰੀ ਸੂਕ ਗਈ ਇਤਨੇ ਮੈਂ ਪਵਨ ਚਲੀ ਓਹੁ ਦੋਨੋਂ ਬੇਰੀ ਅਰੜਾਇਕੈ ਧਰਤੀ ਪਰ ਗਿੜ ਪੜੀ ਦੋਨੋਂ ਬੇਰੀ ਕੀ ਦੇਹ ਛੂਟੀ ਬ੍ਰਹਮਣ ਕੇ ਘਰ ਕੰਨਿਆਂ ਦੋਨੋਂ ਭਈ ਸੋ ਏ ਦੋਨੋਂ ਬਾਲਪਨ ਸੋ ਤਪਸਿਆ ਕਰਤੀ ਰਹੈ ਜਬ ਵਡਿਆਂ ਭਈਆਂ ਤਬ ਮਾਤਾ ਪਿਤਾ ਨੇ ਕਹਿਆ ਹੇ ਪੁਤ੍ਰੀ ਤੁਮਾਰਾ ਹਮ ਕਾਜ ਕਰਤੇ ਹੈਂ ਤਬ ਕੰਨਿਆਂ ਬੋਲੀਆਂ ਮਾਤਾ ਪਿਤਾ ਜੀ ਹਮ ਵਿਵਾਹ ਨਹੀਂ ਕਰੇਂਗੀ ਹਮਾਰੈ ਮਨ ਮੈਂ ਏਕ ਕਾਮਨਾ ਹੈ ਸੋ ਪੂਰਨ ਹੋਵੈ ਤੋ ਹਮ ਆਪਣਾ ਜਨਮੁ ਸਫਲ ਮਾਨੈ ਸੋ ਇਹ ਦੋਨੋਂ ਕੰਨਿਆਂ ਬੋਲੀਆਂ ਮਾਤਾ ਪਿਤਾ ਜੀ ਹਮ ਵਿਵਾਹ ਨ ਕਰੇਂਗੀ ਦੋਨੋਂ ਕੰਨਿਆਂ ਕੋ ਅਪਣੇ ਪਹਿਲੇ ਜਨਮ ਕੀ ਸੁਧ ਯਾਦ ਰਹੀ ਸੋ ਮਨ ਮੈਂ ਵਿਚਾਰ ਕਰਤੀ ਰਹੈਂ ਜਿਸ ਸਾਧ ਨੇ ਹਮ ਕੋ ਬੇਰੀ ਕੀ ਦੇਹ ਤੇ ਛੁਡਾਇਆ ਹੈ ਹੋਵੈ ਤੋ ਉਸ ਸਾਧ ਕਾ ਦਰਸ਼ਨੁ ਕਰੈਂ ।। ਤਬ ਏਕ ਦਿਨ ਕੰਨਿਆਂ ਬੋਲੀਆਂ ਹੇ ਪਿਤਾ ਜੀ ਜੇ ਤੁਮ ਆਦਿਆ ਦੇਵੋ ਤੋ ਹਮ ਤਿਰਥ ਇਸ਼ਨਾਨ ਕਰੈਂ ਤਬ ਮਾਤਾ ਪਿਤਾ ਬੋਲੇ ਭਲੀ ਬਾਤਿ ਹੈ ਤੀਰਥ ਇਸ਼ਨਾਨ ਕਰੋ ਤਬ ਓਹ ਦੋਨੋਂ ਕੰਨਿਆਂ ਮਾਤਾ ਪਿਤਾ ਕੀ ਆਗਿਆ ਲੈ ਕਰਿ ਚਲੀਆਂ ਸੋ ਤੀਰਥ ਇਸ਼ਨਾਨ ਕਰਤੀ ਕਾਂਸੀ ਪੁਰੀ ਮੈਂ ਆਈਆਂ ਜੋ ਦੇਖੈ ਤੋ ਓਹੀ ਤਪਸੀ ਬੈਠਾ ਹੈ ਜਿਸ ਨੇ ਹਮ ਕੋ ਬੇਰੀ ਕੀ ਜੋਨਿ ਤੇ ਛੁਡਾਇਆ ਹੈ ਤਬ ਕੰਨਿਆਂ ਤਿਸ ਤਪਸੀ ਕੇ ਨਿਕਟਿ ਆਇਆਂ ਡੰਡਵਤ ਕਰੀ ਚਰਨੋਂ ਲਾਰੀਆਂ ਬਹੁਤ ਬੇਨਤੀ ਕੀਤੀ ਧੰਨ ਹੋ ਤੁਮ ਜੋ ਹਮ ਕੋ ਕ੍ਰਿਤਾਰਥ ਕੀਤਾ ਹੈ ਤਬ ਤਪਸੀ ਬੋਲਿਆ ਤੁਮਕੋਨ ਹੋ ਮੈਂ ਤੁਮ ਕੋ ਜਾਨਤਾ ਨਹੀਂ ।। ਤਬ ਕੰਨਿਆਂ ਬੋਲਿਆਂ ਹਮ ਤੁਮ ਕੋ ਜਾਨਤੀ ਹੈਂ ਹਮ ਪਹਿਲੇ ਜਨਮ ਬੇਰੀ ਥੀ ਤੁਮ ਏਕ ਦਿਨ ਬਨ ਮੈਂ ਆਏ ਥੇ ਜਬ ਧੂਪ ਲਾਰੀ ਤਬ ਤੁਮ ਬੇਰੀ ਕੀ ਛਾਂਹ ਤਲੇ ਆਂ ਬੈਠੈ ।। ਤਬ ਤੁਮਾਰੇ ਅੰਗ ਹਮ ਕੋ ਲਾਗੇ ਤਿਸੀ ਸਮੇਂ ਬੇਰੀ ਕੀ ਦੇਹ ਤੇ ਛੂਟੀ ਬ੍ਰਹਮਣ ਕੀ ਕੰਨਿਆਂ ਭਈ ਸੋ ਤੁਮਾਰੇ ਪ੍ਰਤਾਪ ਸੇ ।। ਤਬ ਤਪਸੀ ਬੋਲਿਆ ਮੁਝ ਕੋ ਤੋ ਇਸ ਬਾਤ ਕੀ ਖਬਰ ਨਾਹੀਂ ।। ਅਬ ਕਛੁ ਆਗਿਆ ਕਰੋ ਤੋ ਤੁਮਾਰੀ

ਸੇਵਾ ਕਰੋਂ ਤਬ ਕੰਨਿਆਂ ਬੋਲੀਆਂ ਹੇ ਤਪਸੀ ਜੀ ਤੁਮ ਹਮ ਕੋ ਗੀਤਾ ਕੇ ਚਉਥੇ ਧਿਆਇ ਕਾ ਪੁੰਨ ਫੇਰਿ ਦੇਵੇ
ਅਉਰ ਐਸੇ ਕਹੋ ਜੋ ਤੁਮ ਇਸ ਦਹੀ ਕੋ ਛੋਡੇ ਦੇਵ ਦੇਹੀ ਪਾਵੋ ॥ ਆਵਾ ਗਮਨ ਤੇ ਰਹਤ ਹੋਵੇ ॥ ਤਬ ਤਪਸੀ
ਬੋਲਿਆ ਅਵਸਮੇਵ ਐਸੇ ਹੀ ਬੋਵੈ ਗੀਤਾ ਕੇ ਚਉਥੇ ਧਿਆਇ ਕਾ ਪੁੰਨ ਮੈਂ ਨੇ ਤੁਮ ਕੋ ਦੀਆ ਤੁਮ ਆਵਾਗਵਨ
ਤੇ ਰਹਤ ਹੋਵੇ ॥ ਇਤਨਾ ਕਹਤੇ ਹੀ ਵਿਮਾਨ ਆਇਆ ਤਿਸ ਉਪਰਿ ਬੈਠਕੇ ਵੈਕੁੰਠ ਕੋ ਚਲੀਆਂ ਗਈਆਂ ॥
ਆਵਾਗਵਨ ਸਿਉਂ ਰਹਤ ਭਈਆਂ ॥ ਤਬ ਤਪਸੀ ਕਹਿਆ ਮੈਂ ਨ ਜਾਨਤਾ ਥਾ ਜੋ ਚਉਥੇ ਅਧਿਆਇ ਕਾ ਫਲ
ਐਸਾ ਹੈ ਤਬ ਮਨ ਵਚਨ ਕਰਮ ਕਰਿ ਕੈ ਪ੍ਰੀਤਿ ਸਿਉ ਪਾਠ ਕਰਣੇ ਲਗਾ ॥ ਤਬ ਸ੍ਰੀ ਨਾਰਾਇਣ ਜੀ ਬੋਲੇ
ਹੇ ਲਛਮੀ ਚਉਥੇ ਧਿਆਇ ਕਾ ਫਲ ਐਸਾ ਹੈ ਜੋ ਮੈਂ ਨੇ ਤੁਝ ਕੋ ਕਹਿ ਸੁਣਾਇਆ ॥੪॥ ਇਤਿ ਸ੍ਰੀ ਪਦਮ
ਪੁਰਾਣੇ ਸਤੀ ਈਸ਼ੁਰ ਸੰਬਾਦੇ ਉਤਰ ਖੰਡੇ ਸ੍ਰੀ ਗੀਤਾ ਮਹਾਤਮੇ ਸ੍ਰੀ ਕ੍ਰਿਸ਼ਨ ਅਰਜਨ ਸੰਬਾਦੇ ॥ ਸ੍ਰੀ ਗੋਬਿੰਦ ਸਿੰਘ
ਕ੍ਰਿਤੇ ਨਾਲ ਉਤੁਰਬੋ ਧਿਆਇ ਸਮਾਪਤ ॥

ਆਗੈ ਪੰਚਵਾਂ ਚਲਿਆ ॥ ਅਰਜਨੋ ਵਾਰ ॥ ਦੋਹਰਾ ॥ ਹੇ ਮਾਧਵ ਤੁਮ ਕਹਤ ਹੋ ਸਗਲੇ ਕਰਮ ਤਿਆਗ
॥ ਸੰਨਿਆਸੀ ਪਦ ਧਾਰਿਕੈ ਆਤਮ ਮਹਿ ਨਿਤ ਲਾਗ ॥੧॥ ਬਹੁੜ ਕਹੋ ਉਠ ਜੁਪ ਕਰ ਖਤ੍ਰੀ ਦੇਹ ਏਹ
ਧਰਮ ॥ ਮਿਸ੍ਰਤ ਬਾਤੈਂ ਆਖਕੈ ਮੋਹਿ ਉਪਜਾਵਹੁ ਭਰਮੁ ॥੨॥ ਸੋਰਠਾ ॥ ਨਿਸਚੈ ਕਰਿ ਇਕ ਬਾਤ ਸਧਸੂਦਨ
ਮੁਝਕੋ ਕਹੋ ॥ ਕਲਿਆਨ ਹੋਇ ਮੁਝ ਤਾਤ ਜਾਤੇ ਸੰਸਾ ਨ ਰਹੈ ॥੩॥ ਦੋਹਰਾ ॥ ਮਧਸੂਦਨ ਏਹ ਸੁਨਤ ਹੀ
ਭਾਖੈ ਅਰਜਨ ਮਾਹਿ ॥ ਸੁਨ ਪਾਰਥ ਅਬ ਤੁਝ ਕਹੋ ਜੈਸੇ ਨਿਸਚੈ ਆਹਿ ॥੪॥ ਚੌਪਈ ॥ ਕਰਮ ਫਲ
ਤਿਆਗ ਨਾਮ ਸੰਨਿਆਸ ॥ ਤਿਸ ਮੈਂ ਹੋਇ ਗਿਆਨ ਪ੍ਰਕਾਸ ॥ ਸਤ ਕਰਮ ਹੈ ਈਸਰ ਅਰਥ ॥ ਕਰਮ ਜੋਗ
ਤਿਸ ਨਾਮ ਸਮਰਥ ॥੫॥ ਜੋਗ ਅਰਥ ਜੁੜਨੇ ਕਾ ਮੀਤ ॥ ਗਿਆਨ ਨਾਮ ਜਾਨਨ ਧਰ ਚੀਤ ॥ ਜੇ ਕੋ
ਮਿਲਤਾ ਦੂਜੈ ਮਾਹਿ ॥ ਮਿਲਨ ਬਾਤ ਤਿਸ ਤੇ ਉਠਿ ਜਾਹਿ ॥੬॥ ਜੋਗ ਕਰਮ ਤੇ ਗਿਆਨ ਕੋ ਪਾਵੈ ॥
ਗਿਆਨ ਪਾਇ ਤਬ ਕਰਮ ਭੁਲਾਵੈ ॥ ਕਰਮ ਜੋ ਗਅਰੁ ਤਿਆਗ ਸੰਨਿਆਸ ॥ ਦੇਵੈ ਪਰਮ ਕਲਿਆਨ ਕੋ
ਬਾਸ ॥੭॥ ਜਿਸਕੋ ਸਮਝ ਗਿਆਨ ਨਹੀਂ ਆਵੈ ॥ ਵਹੁ ਨਰ ਕਰਮ ਮਾਹਿ ਚਿਤ ਲਾਵੈ ॥ ਇਹ ਬਿਧਿ ਸਤ

ਕਰਮ ਵਹੁ ਕਰੈ ॥ ਮੁਝ ਅਰਪੈ ਫਲ ਮਨ ਨਾ ਧਰੈ ॥੮॥ ਤਿਸਕੋ ਕਰਮ ਜੋ ਗਅਤਿ ਨੀਕਾ ॥ ਕਰਤੇ ਹੋਵੈ
 ਸੁਖ ਮਨ ਜੀਅ ਕਾ ॥ ਬਹੁੜ ਅਬ ਤਿਸਕੀ ਰਹਤ ਬਖਾਨੇ ॥ ਐਸੇ ਕੋ ਸੰਨਿਆਸੀ ਜਾਨੇ ॥੯॥ ਬੁਰੇ ਭਲੇ
 ਕਾ ਹਰਖ ਨ ਸੋਗ ॥ ਲਾਭ ਅਲਾਭ ਸਮ ਤਿਸ ਹੋਗੁ ॥ ਕੰਚਨ ਮਾਟੀ ਏਕ ਸਮਾਨ ॥ ਜਿਸ ਭਾਸੈ ਸੋ ਮੁਕਤਾ
 ਜਾਨ ॥੧੦॥ ਜੋਗ ਸਾਂਖ ਕਾ ਕਰੋ ਬੀਚਾਰ ॥ ਦੋਨੋ ਏਕ ਪਾਰਥ ਮਨ ਧਾਰ ॥ ਜਾਨਨ ਮਿਲਨ ਏਕ ਹੀ ਭਾਈ
 ॥ ਵਸਤ ਏਕ ਦੋ ਨਾਮੁ ਕਹਾਈ ॥੧੧॥ ਗੋਸਟ ਮੇਰੀ ਸਾਧੋਂ ਸੰਗ ਕਰੈ ॥ ਸਾਧ ਨ ਮਿਲੈ ਤ ਮਨ ਮੋਂ ਧਰੈ
 ॥ ਸਾਂਖ ਜੋਗ ਹੈ ਇਸਕਾ ਨਾਮ ॥ ਨਿਤ ਅਣਿਤ ਬੀਚਾਰ ਕਰਾਨ ॥੧੨॥ ਮੇਰੇ ਸਿਮਰਨ ਧਿਆਨ ਕੀ ਬਾਤ
 ॥ ਜੁੜੈ ਨਿਤ ਅਰ ਇਸਥਿਤ ਆਤ ॥ ਏਹੀ ਕਰਮ ਜੋਗ ਮਨਿ ਧਰੋ ॥ ਦੋਨੋਂ ਕੋ ਸਮ ਮਨਮੋਂ ਕਰੋ ॥੧੩॥
 ਸਾਂਖ ਹੋਗ ਜੋ ਭਿੰਨ ਭਿੰਨ ਭਾਖੈ ॥ ਪੰਡਤਿ ਤਿਸਕੋ ਬਾਲਕ ਲਾਖੈ ॥ ਪੰਡਤ ਕਹੈ ਦੋਊ ਸਮ ਦੇਖੈ ॥ ਸਾਧਕ
 ਸਾਂਖ ਜੋਗ ਇਕ ਪੇਖੈ ॥੧੪॥ ਪ੍ਰਾਪਤ ਜਹਾ ਸਾਂਖ ਸੋ ਪਾਵੈ ॥ ਕਰਮ ਹੋਰੀ ਭੀ ਤਹਾਂ ਸਮਾਵੈ ॥ ਜਿਨ ਸਾਂਖ
 ਜੋਗ ਏਕ ਕਰਿ ਜਾਨਿਆ ॥ ਤਿਨਕਾ ਰਿਦਾ ਆਤਮ ਸੋ ਮਾਨਿਆ ॥੧੫॥ ਛੰਦ ॥ ਮੁਝ ਸਿਮਰਨ ਅਰ
 ਧਿਆਨ ਸਾਥ ਜਬ ਲਗ ਨਹੀਂ ਜੁੜੈ ॥ ਤਬ ਲਗ ਮਾਇਆ ਜਗਤ ਸੋ ਤਿਸ ਮਨ ਨਹੀਂ ਮੁੜੈ ॥ ਮਨ ਮੁੜੈ ਕੇ
 ਬਾਝ ਗਿਆਨ ਸੋਭਾ ਨਹੀਂ ਪਾਵੈ ॥ ਕਠਨ ਕੋਇ ਤਿਹ ਤਿਆਗ ਮਨ ਬਿਖਿਆ ਸੋ ਧਾਵੈ ॥ ਮੇਰੇ ਸਿਮਰਨ
 ਧਿਆਨ ਸਾਥ ਜਿਕਾ ਮਨ ਜੁੜਿਆ ॥ ਜੁੜਨੇ ਕੇ ਪ੍ਰਸਾਦਿ ਮਨ ਬਿਖਿਆ ਤੇ ਮੁੜਿਆ ॥ ਸੰਸਾਰ ਮਾਇਆ
 ਕੋ ਗਿਆਗ ਬ੍ਰਹਮ ਮੈਂ ਵਹੁ ਮਿਲੈ ॥ ਸੁਖ ਮੈਂ ਮਗਨ ਹੋਇ ਜਾਇ ਸੰਸੈ ਸਭ ਤਿਸ ਕੇ ਗਲੇ ॥ ਸਿਮਰਨ ਧਿਆਨ
 ਕੀ ਬਾਤ ਏਹੀ ਕਹੀ ਮੈਂ ਸਤ ॥ ਅਬ ਸੁਨ ਅਰਜਨ ਮੀਤ ਜੁਗਤ ਜੋਗੀ ਕੀ ਗਤਿ ॥੧੬॥ ਦੋਹਰਾ ॥ ਏਤੇ
 ਲਛਨ ਜਿਸ ਬਿਖੈ ਸੋ ਮੁਝ ਜੋਗੀ ਜਾਨ ॥ ਮੇਰੇ ਸਾਥ ਵਹੁ ਜੁੜ ਰਹਿਆ ਅਰੁ ਮੇਰਾ ਜਿਸ ਗਿਆਨ ॥੧੭॥
 ਮੇਰੇ ਜੋਗ ਪ੍ਰਸਾਦਿ ਤੇ ਮਿਟਿ ਗਏ ਸਗਲੇ ਰੋਗ ॥ ਹਿਰਦਾ ਤਿਸਕਾ ਸੁਧ ਭਇਆ ਨਿਹਚਲ ਹੈ ਤਿਸ ਜੋਗ ॥
 ੧੮॥ ਐਸੇ ਮੈਂ ਹੋ ਆਤਮਾ ਭੂਤੋਂ ਪ੍ਰਾਣੀਓ ਮਾਹਿ ॥ ਲੇਪ ਨ ਲਾਗੈ ਕਰਮ ਕਾ ਮੁਖ ਬਪ ਕਰਮ ਕਰਾਹਿ
 ॥੧੯॥ ਤੈਸੇ ਹੀ ਵਹੁ ਕਰੈ ਕਰਮ ਲੇਪ ਨ ਲਾਗੈ ਤਾਹਿ ॥ ਏਹੀ ਬੀਚਾਰ ਬੀਚਾਰ ਕੈ ਮਨ ਕੈ ਸੰਸੈ ਦਾਹਿ

॥੨੦॥ ਛੰਦ ॥ ਦੇਖਨ ਸੁਨਨ ਸਪਰਸ਼ ਬੋਲਨ ਜੋ ਕਹੀਏ ॥ ਪਲਕ ਫੁਰਨ ਅਰ ਸੁਆਸ ਲੇਨ ਗ੍ਰਿਹਨ ਤਿਆਗ
ਜੋ ਲਹੀਏ ॥ ਮੀਚਨ ਖੋਲਨ ਨੈਨ ਅਰ ਪਾਛੈ ਜੋ ਕਹਿਆ ॥ ਵਰਤੈ ਇੰਦ੍ਰੀ ਕਰਮ ਸੋ ਭੀਤ ਤੋਤੇ ਲਹਿਆ ॥
ਜੋਗੀ ਐਸੇ ਕਹੈ ਇੰਦ੍ਰੀ ਤਤ ਗੁਣ ਮਿਲ ਵਰਤੈ ॥ ਮੈਂ ਸਾਖੀ ਸਭ ਮਾਹਿ ਕਰਮ ਮਿਲ ਕਰਿ ਏਹ ਕਰਤੈ ॥੨੧॥
ਚੋਪਈ ॥ ਇਤ ਪ੍ਰਕਾਰ ਵਹੁ ਬਪ ਭਿੰਨ ਜਾਨੈ ॥ ਕਰਮ ਲੇਪ ਆਪ ਮਾਹਿ ਨ ਮਾਨੈ ॥ ਨਿਰਲੇਪ ਬਪ ਮਾਹਿ
ਜੋ ਰਹਿਤਾ ॥ ਨਿਸਦਿਨ ਆਤਮ ਹੀ ਤੋ ਕਹਿਤਾ ॥੨੨॥ ਤਿਸਕਾ ਚੇਤਾ ਮੇਰੇ ਮਾਹਿ ॥ ਮੁਝ ਬਿਤ੍ਰੇਕ ਕੋਊ
ਦੇਖੈ ਨਾਹਿ ॥ ਤਿਸ ਕੇ ਦੇਹ ਕੀ ਏਹ ਗਤਿ ਜਾਨੈ ॥ ਬਸਤਰ ਰੀਤਿ ਦੇਹ ਕਿ ਮਾਨੈ ॥੨੩॥ ਜੈਸੇ ਬਸਤਰ
ਅੰਗ ਲਗਾਏ ॥ ਭਿੰਨ ਦੇਹ ਬਸਤਰ ਤੇ ਪਾਏ ॥ ਬਸਤਰ ਨਿਆਈਂ ਦੇਹ ਤਿਸ ਕਰੈ ॥ ਬਸਤਰ ਜੁਗਤ ਬਪ
ਤਿਸ ਕਰੈ ॥੨੪॥ ਬਪ ਕਰਮ ਤੁਮ ਲੇਪ ਨ ਲਾਗੈ ॥ ਕਮਲ ਦਿਸਟਾਂਤ ਕਹੋ ਤਿਸ ਆਗੈ ॥ ਜਿਉਂ ਜਲ
ਤੇ ਨਿਆਰਾ ਪੰਕਜ ਰਹੈ ॥ ਤਿਉਂ ਨਿਆਰਾ ਵਹੁ ਬਪ ਮੈਂ ਲਹੈ ॥੨੫॥ ਦੋਹਰਾ ॥ ਜਿਸ ਮਨਸਾ ਮੁਝ ਮਿਲਨ
ਕੀ ਉਸ ਕੀ ਸੁਣ ਅਬ ਬਾਤ ॥ ਮਨ ਇੰਦ੍ਰੀ ਅਰ ਬੁਧ ਸੋ ਕਰਮ ਨਿਹਕਾਮ ਕਮਾਤ ॥੨੬॥ ਸਤਿਕਰਮ ਜੋਗੀ
ਕਰੇ ਅਰਪਣ ਮੇਰੇ ਮਾਹਿ ॥ ਆਤਮ ਹੀ ਸਭ ਜਾਨਕੈ ਮਨ ਬਾਛੈ ਕਛੁ ਨਾਹਿ ॥੨੭॥ ਅਪਨੇ ਸੁਤਹ ਸਿਧਕੋ
ਸਤ ਕਰਮ ਨਿਤ ਕਰੈ ॥ ਕਰੇ ਸਮਰਨ ਮੁਝ ਬਿਖੈ ਫਲ ਤਿਸ ਚਿਤ ਨ ਧਰੈ ॥੨੮॥ ਤਿਸਕੋ ਨਿਸਚਲ ਸਾਂਤ
ਸੁਖ ਪ੍ਰਾਪਤ ਸੁਝ ਮੈਂ ਹੋਇ ॥ ਸਕਾਮ ਕਰਮ ਜੋ ਕਰਤ ਹੈ ਕਰਮ ਬੰਧ ਤਿਸ ਹੋਇ ॥੨੯॥ ਜਿਸ ਇੰਦ੍ਰੀ ਕੇ
ਸਕਲ ਕਰਮ ਅਰ ਮਨ ਕੀ ਚਿਤਵਨ ਜੋਇ ॥ ਸਕਲ ਤਿਆਗੇ ਦੇਹ ਤੇ ਸੋ ਸੰਨਿਆਸੀ ਹੋਇ ॥੩੦॥
ਸੰਨਿਆਸੀ ਸੋਈ ਜਾਨੀਐ ਦੇਹ ਅਭਿਮਾਨ ਜਿਸ ਨਾਹਿ ॥ ਸਦਾ ਰਹੈ ਭਿੰਨ ਦੇਹ ਤੇ ਅਕ੍ਰੋ ਕਹੀਐ ਤਾ ਹੀ
॥੩੧॥ ਅਪਨੀ ਸੋਭਾ ਤੁਮ ਕਹੋ ਜੋ ਮੈਂ ਅਕ੍ਰੋ ਰੂਪ ॥ ਜੋ ਐਸਾ ਮੁਝ ਜਾਨਤਾ ਸੋ ਭੀ ਮੁਝੈ ਸਰੂਪ ॥੩੨॥
ਮੰਗਲਛੰਦ ॥ ਅਬ ਕਛੁ ਮੇਰੀ ਸੋਭਾ ਸੁਨ ॥ ਜੋ ਕਹੋ ਅਪਨੇ ਗੁਨ ॥ ਮੁਝ ਕੁੰ ਅਕ੍ਰੋ ਅਚਲ ਜਾਨੈ ਸੋਇ ॥ ਮੁਝ
ਕਰਮ ਬੰਧਨ ਨਾਹਿ ॥ ਮੈਂ ਨਿਤ ਮੁਕਤਿ ਹੀ ਆਹਿ ॥ ਸੰਸਾਰ ਉਤਪਤਿ ਜੋਇ ॥ ਅਰ ਪ੍ਰਤਪਾਲ ਪੁੰਨ ਜੋ ਹੋਇ
॥ ਸਭ ਮਾਇਆ ਮੇਰੀ ਕਰੈ ॥ ਸੁਭਾਵ ਤੇਜ ਜਗ ਧਰੈ ॥ ਜਿਉਂ ਕੰਨਿਆ ਹੈ ਸੁਆਰ ॥ ਗੁਡੀ ਸਾਥਿ ਤਿਸ

ਹੈ ਪਿਆਰੁ ॥ ਤਿਉਂ ਸੰਸਾਰ ਐਸਾ ਜਾਨ ॥ ਵਹੁ ਲੇਪ ਮਾਇਆ ਮਾਨ ॥ ਹਉਂ ਨਿਰਲੇਪ ਨਿਆਰਾ ਰਹੋ ॥
 ਨਿਰੰਜਨ ਰੂਪ ਅਪਨਾ ਕਹੋ ॥ ਮੈ ਨਾ ਕਰਾਵੋ ਪਾਪ ॥ ਪੁੰਨ ਨਾ ਕਰਾਵੋ ਆਪ ॥ ਜਿਉ ਅਛਾਦਿਆ ਅਗਿਆਨ
 ॥ ਵਹੁ ਮੋਹ ਰੂਪੀ ਜਾਨ ॥ ਵਹੁ ਕਹੈ ਕਰਮ ਹਮ ਕਰੈ ॥ ਨਿਰਲੇਪ ਚਿਤ ਨਾ ਧਰੈ ॥ ਤਿਨ ਭਾਂਤ ਮੈਂ ਤਿੰਨ
 ਮੀਤ ॥ ਨਿਰਲੇਪ ਮੇਰੀ ਰੀਤ ॥੩੩॥ ਦੋਹਰਾ ॥ ਕਰਨ ਕਰਾਵਨਿ ਹਾਰ ਹੋ ਐਸਾ ਮੁਝ ਕੋ ਜਾਨ ॥ ਇਸ
 ਜਾਨਨ ਪ੍ਰਸਾਦ ਤੇ ਨਾਮੈ ਤਿਸੈ ਅਗਿਆਨ ॥੩੪॥ ਜਿਉਂ ਰਵਿ ਕੋ ਹੈ ਚਾਂਦਨਾ ਅਪਨੇ ਚਾਂਦਨ ਮਾਹਿ ॥ ਤੈਸੇ
 ਗਿਆਨੀ ਗਿਆਨ ਤੇ ਮੁਕਤ ਰੂਪ ਹੀ ਆਹਿ ॥੩੫॥ ਸ੍ਵੈਯਾ ॥ ਬੁਧ ਨਿਸਚਾ ਗਿਆਨੀ ਕਾ ਸਦਾ ਰਹੈ ਮੇਰੇ
 ਮਾਹਿ ॥ ਮੇਰਾਹੀ ਨਾਮ ਭਜੈ ਮੇਰੀ ਭਾਖੈ ਮਹਿਮਾ ਜੀਉ ॥ ਮੇਰਾ ਹੀ ਪਹਿਚਾਨ ਕੀ ਅਗਨਿ ਭਈ ਉਸ ਹੀ ਅਗਨਿ
 ਸਾਥਿ ਸਕਲ ਪਾਪ ਘੋਰ ਧਮਾ ਜੀਉ ॥ ਮੇਰਾ ਅਬਿਨਾਸੀ ਪਦ ਪ੍ਰਾਪਤ ਵਹੁ ਹੋਇ ਰਹਿਆ ਜਗਤ ਸਭ ਅਨਿਤ
 ਸਿਖਿਆ ਤਿਨ ਫੁਰਮਾਇਜੀਉ ॥ ਐਸੇ ਉਸ ਕੀ ਦ੍ਰਿਸਟਿ ਭਈ ਜੈਸੇ ਅਬ ਕਹਤ ਹੋ ਚੀਟੀ ਅਰ ਕੁੰਚਰ ਬਿਖੈ
 ਨਿਰਖੈ ਏਕ ਬ੍ਰਹਮ ਜੀਉ ॥੩੬॥ ਚੌਪਈ ॥ ਐਸੀ ਦਿਸਟਿ ਤਿਸ ਨਰ ਕੀ ਭਈ ॥ ਜੋ ਆਗੈ ਮੈਂ ਬਹੁ ਬਿਧਿ
 ਕਹੀ ॥ ਜੈਸੇ ਬ੍ਰਹਮਨ ਕਾ ਅਉਤਾਰ ॥ ਮੁਖ ਸੋ ਬੇਦ ਹੀ ਚਾਰ ॥੩੭॥ ਬ੍ਰਹਮਨ ਪਰਮ ਵਿਦਿਆ ਮਾਹਿ
 ॥ ਦੋਨੋਂ ਮੈਂ ਅਹੰਕਾਰੀ ਨਾਹਿ ॥ ਨਿੰਮ੍ਰ ਭੂਤ ਐਸਾ ਕੋ ਸਾਧੂ ॥ ਐਸੇ ਬਿਰਲੇ ਬਪ ਕੋ ਲਾਧੂ ॥੩੮॥ ਕੁੰਚਰ
 ਸੁਆਨ ਅਰ ਨੀਚ ਚੰਡਾਲ ॥ ਚਤੁਰਥ ਸੁਰ ਭੀ ਹੋਵੈ ਨਾਲਿ ॥ ਏਹ ਪਾਂਚੇ ਵਹੁ ਸਮਕਰਿ ਜਾਨੈ ॥ ਬਿਬੇਕੀ
 ਐਸਾ ਪੰਡਿਤ ਮਾਨੈ ॥੩੯॥ ਗਿਆਨ ਚਖ ਕਰਿ ਸਮ ਵਹੁ ਦੇਖੈ ॥ ਸਭਹੂ ਨਰ ਤ੍ਰਿਅ ਸਮ ਪੇਖੈ ॥ ਸਭ ਮੈਂ
 ਏਕੋ ਆਤਮ ਜਾਨੈ ॥ ਨਾਨਾ ਦੇਹ ਕੋ ਮੂਲ ਨ ਮਾਨੈ ॥੪੦॥ ਇਸ ਸਮਤਾ ਸੋ ਜਿਸ ਮੁਝ ਦੇਖਿਆ ॥ ਸੋ ਨਰ
 ਮੁਕਤ ਰੂਪ ਮੈਂ ਪੇਖਿਆ ॥ ਬਹੁੜ ਹਉ ਜਨਮ ਤਿਸੈ ਨਾ ਦੇਵੋਂ ॥ ਅਪਨੇ ਸੰਗ ਆਪ ਕਰਿ ਲੇਵਉਂ ॥ ਜਿਨ
 ਸਭ ਸੰਤਰਿ ਗੋਬਿੰਦ ਜਾਨਿਆ ॥ ਗੋਬਿੰਦ ਸਾਥ ਤਿਸਕਾ ਮਨੁ ਮਾਨਿਆ ॥੪੧॥ ਭਲੇ ਪਾਏ ਪ੍ਰਸੰਨ ਨ ਹੋਇ
 ॥ ਬੁਰੇ ਪਾਏ ਚਿੰਤਾ ਨਹੀਂ ਕੋਇ ॥ ਸੋ ਇਸਥਿਰ ਬੁਧ ਗਿਆਨੀ ਕਹੀਐ ॥ ਐਸਾ ਬ੍ਰਹਮ ਵੇਤਾ ਕੋ ਲਹੀਐ
 ॥੪੨॥ ਬ੍ਰਹਮ ਮਾਹਿ ਇਸਥਿਤ ਜੋ ਰਹੈ ॥ ਇੰਦ੍ਰੀ ਭੋਗ ਵਹੁ ਮੂਲ ਨ ਚਹੈ ॥ ਆਤਮ ਸੁਖ ਮੈਂ ਮਗਨ ਵਹੁ

ਬੁਧ ਨਿਸਚਾ ਅਰ ਮਨ ਕਾ ਚੇਤਾ ॥ ਮੇਰੇ ਬਿਖੈ ਰਾਖ ਸੁਖ ਲੇਤਾ ॥ ਮੁਖ ਸੋ ਮੋਨ ਬਾਛੈ ਹੀ ਰਹਤਾ ॥ ਨਿਰਭੈ
 ਨਿਰਮਲ ਏਕ ਪ੍ਰਭ ਕਹਤਾ ॥੫੭॥ ਕਰਤੇ ਕਰਤੇ ਗਿਆਨ ਤਿਸ ਆਵੈ ॥ ਗਿਆਨ ਨ ਪਾਇ ਅਮਰ ਹੋ ਜਾਵੈ
 ॥ ਸੋ ਤੋ ਸਦਾ ਮੁਕਤ ਹੈ ਭਾਈ ॥ ਬ੍ਰਹਮ ਗਿਆਨ ਸੋ ਜਿਸ ਮਨ ਲਾਈ ॥੫੮॥ ਦੋਹਤਾ ॥ ਹੇ ਅਰਜਨ
 ਅਬ ਸ੍ਰਵਨ ਕਰਿ ਮੇਰਾ ਕਛੁ ਪ੍ਰਤਾਪ ॥ ਨਾਨਾ ਭਾਂਤ ਮੈਂ ਸਾਜ ਕੈ ਸਭ ਮੈਂ ਰਹਿਾ ਬਿਆਪ ॥੫੯॥ ਬਹੁ ਭਾਵਨ
 ਮਨ ਧਾਰ ਕੈ ਸਕਲ ਜੁਗਤ ਕੇ ਲੋਗ ॥ ਕਰੇ ਤਪਸਿਆ ਮੁਝ ਨਮਿਤ ਤਿਸ ਕਾ ਭੋਗੈ ਭੋਗੁ ॥੬੦॥ ਬਹੁ ਪ੍ਰਕਾਰ
 ਕੇ ਜਗ ਦਾਨ ਤਿਨ ਕੋ ਭੋਗੈ ਮੀਤ ॥ ਬਾਂਛੇ ਭਲਾ ਹੋਇ ਸਭੀ ਕਾ ਨ ਨਿਸਚੈ ਧਰ ਤੂੰ ਚੀਤ ॥੬੧॥ ਸੋਰਠਾ
 ॥ ਮੇਰੇ ਚਾਰ ਪ੍ਰਤਾਪ ਜੇ ਕੋ ਪ੍ਰਾਨੀ ਜਾਨਤਾ ॥ ਤਿਸ ਕੇ ਮਿਟੇ ਸੰਤਾਪ ਸੰਤ ਪਦ ਮੈਂ ਪ੍ਰਾਪਤ ਭਇਆ ॥੬੨॥
 ਟੀਕਾ ਕਾਰ ਬਾਚ ਦੋਹਰਾ ॥ ਪੰਚ ਅਧਿਆਇ ਜੋ ਕਹਾ ਸਿਨਾਇ ॥ ਸੰਨਿਆਸ ਕਰਮ ਜੋਗ ਮਨ ਲਾਇ ॥
 ਜੋ ਠਾਕੁਰ ਅਰਜਨ ਪ੍ਰਤਿ ਭਾਖਿਓ ॥ ਖਾਲਸੇ ਕਉ ਸਭ ਹੀ ਮੈਂ ਆਖਿਓ ॥੬੩॥ ਸੋ ਮੁਕਤਾ ਜੋ ਬ੍ਰਹਮ ਕਹਾਵੈ
 ॥ ਅਕ੍ਰੈ ਅਦ੍ਵੈਤ ਮਾਹਿ ਗਤਿ ਪਾਵੈ ॥ ਏਹ ਜਾਨੈ ਸਭ ਘਟ ਹੈ ਰਾਮ ॥ ਰਮਤੀਤ ਅਰਥ ਰਾਮ ਕੋ ਜਾਨ ॥੬੪॥
 ਤਾਂਤੇ ਵਹੁ ਭੀ ਰਾਮ ਹੀ ਆਹੀ ॥ ਰਾਮ ਬਿਨਾ ਦੂਜਾ ਕੋ ਨਾਹੀ ॥ ਜੋ ਇਹ ਸੁਨੈ ਅਰੁ ਮਨ ਮੋ ਧਾਰੈ ॥ ਰਾਮ
 ਹੋਇ ਮੈਂ ਕਹੋ ਪੁਕਾਰੇ ॥ ਜੇ ਕੋ ਭਿੰਨ ਦੇਹ ਤੇ ਹੋਇ ॥ ਮੁਕਤਿ ਰੂਪ ਹੈ ਨਿਸਚੈ ਸੋਇ ॥੬੫॥ ਇਤ ਸ੍ਰੀ ਭਗਵਤ
 ਗੀਤਾ ਸੂਪ ਨਖਤ੍ਰ ਸੁ ਬ੍ਰਹਮ ਵਿਦਿਆ ਜੋਗ ਸਾਸਤ੍ਰੇ ਸ੍ਰੀ ਕ੍ਰਿਸ਼ਨ ਅਰਜਨ ਸੰਬਾਦੇ ਸਾਂਖ ਜੋਗੋ ਪਦਮ ਪੁਰਾਣੇ ਸਤੀ
 ਇਸਰ ਸੰਬਾਦੇ ਉਤਰ ਖੰਡੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮੁ ਪੰਚਮੇ ਧਿਆਇ ॥ ਆਗੈ ਮਹਾਤਮ ਚਲਿਆ ਸ੍ਰੀ ਭਗਵਾਨੋ
 ਵਾਰ ॥ ਹੇ ਲਛਮੀ ਅਬ ਪੰਚਮੇ ਧਿਆਇ ਕਾ ਫਲ ਕਹਤਾ ਹੋਂ ਸੋ ਸੁਣੋ ॥ ਏਕ ਬ੍ਰਹਮਣ ਨਾਮ ਉਨਕਾ ਪਿੰਗਲ
 ਥਾ ਸੋ ਕਰਮ ਭ੍ਰਸ਼ਟੋਂ ਕੇ ਕਰੇ ॥ ਸੋ ਕੁਸੰਗਤਿ ਮੈਂ ਬੈਠੇ ਮਾਸ ਖਾਵੈ ਮਦਰਾ ਪਿਵੈ ॥ ਤਬ ਉਸ ਪਿੰਗਲ ਬ੍ਰਹਮਣ
 ਕੋ ਪੰਚੋਂ ਨੇ ਆਪਣੀ ਪੰਗਤਿ ਸਿਉਂ ਨਿਕਾਲ ਦੀਆ ॥ ਤਬ ਓਹੁ ਬ੍ਰਹਮਣ ਅਉਰ ਨਗਰ ਕੋ ਗਇਆ ॥
 ਅਜੀਵਕਾ ਕੇ ਵਾਸਤੇ ਏਕ ਰਾਜਾ ਕੇ ਆਗੇ ਲੋਕੋਂ ਕੀਆਂ ਚੁਗਲੀਆਂ ਕਰੇ ਤਬ ਬਹੁਤ ਧਨਵੰਤ ਭਇਆ ਤਬ
 ਵਿਵਾਹ ਕੀਆ ॥ ਸੋ ਉਸਕੀ ਇਸਤ੍ਰੀ ਵਿਭਚਾਰਣੀ ਜੈਸਾ ਉਹ ਅਧਰਮੀ ਥਾ ਤੈਸੀ ਉਸ ਕੀ ਇਸਤ੍ਰੀ ਭੀ ਉਸ

ਕੋ ਮਿਲੀ ਜੋ ਕੁਛ ਉਹ ਬ੍ਰਹਮਨ ਕਹੈ ਸੋ ਓਹ ਨ ਕਰੈ ।। ਏਹ ਕਹੈ ਤੂੰ ਬਾਹਰ ਨ ਜਾਇ ।। ਉਸ ਇਸਤ੍ਰੀ ਕਹਿਆ ਨ ਮਾਨੈ ।। ਤਬ ਬ੍ਰਹਮਣ ਇਸਤ੍ਰੀ ਕੋ ਮਾਰਨੇ ਲਾਗਾ ।। ਤਬ ਏਕ ਦਿਨ ਇਸਤ੍ਰੀ ਨੇ ਉਸ ਬ੍ਰਹਮਣ ਕੋ ਵਿਖ ਦੇਕੈ ਮਾਰਿਆ ।। ਉਹ ਮਰ ਕੈਰੀਧ ਪੰਥੀ ਹੂਆ ਕਿਤਨੇ ਦਿਨ ਪੀਛੈ ਇਸਤ੍ਰੀ ਭੀ ਮੂਈ ਤਬ ਉਸਨੇ ਸੂਵਟੀ ਕੀ ਦੇਹ ਪਾਈ ।। ਤਬ ਤੋਤੇ ਕੀ ਇਸਤ੍ਰੀ ਭਈ ਸੋ ਏਕ ਜਾਹਗਾ ਏ ਦੋਨੋਂ ਰਹੈਂ ਤਬ ਏਕ ਦਿਨ ਉਸ ਰੀਧ ਨੇ ਪਹਿਚਾਨੀ ਏ ਸੂਵਟੀ ਓਹੀ ਹੈ ਜਿਸਨੇ ਪਹਿਲੇ ਜਨਮ ਮੁਝ ਕਉ ਵਿਖ ਦੇਕੇ ਮਾਰਿਆ ਹੈ ।। ਸੋ ਮੈਂ ਮਰਿਕੇ ਰੀਧ ਭਇਆ ਹੋਂ ।। ਕਿਤਨੇ ਕੁ ਦਿਨ ਪੀਛੈ ਰੀਧ ਉਸ ਸੂਵਟੀ ਕੋ ਮਾਰਨੇ ਲਾਗਾ ।। ਤਬ ਸੂਵਟੀ ਭਾਰੀ ਜਾਵੈ ਰੀਧ ਪੀਛੈ ਮਾਰਤਾ ਜਾਵੈ ਤਬ ਐਸੇ ਹੀ ਗਿੜਤੀ ਪੜਤੀ ਏਕ ਸਮਾਣ ਮੈਂ ਆਈ ਉਹਾਂ ਏਕ ਬ੍ਰਹਮਣ ਜਲਿਆ ਥਾ ਸੋ ਉਸਕੀ ਖੋਪਰੀ ਮੈਂ ਮੇਘ ਕਾ ਪਾਣੀ ਭਰ ਰਹਿਆ ਥਾ ਤਬ ਏ ਸੂਵਟੀ ਉਸੀ ਖੋਪਰੀ ਮੈਂ ਜਾਇ ਕਰ ਗਿਰ ਪੜੀ ਇਤਨੇ ਮੈਂ ਪੀਛੈ ਤੇ ਰੀਧ ਆਣ ਪਹੁੰਚਾ ਲਾਗਾ ਮਾਰਨੇ ।। ਤਬ ਇਤਨੇ ਮੈਂ ਉਸ ਖੋਪਰੀ ਕਾਜਲ ਉਛਲਕੇ ਇਨ ਦੋਨੋਂ ਕੇ ਅੰਗੋਂ ਕੋ ਲਾਗਾ ਤਿਸੀ ਸਮੇਂ ਤਤਿਕਾਲ ਇਨ ਦੋਨੋਂ ਕੀ ਦੇਹ ਛੂਟੀ ਦੇਵ ਦੇਹੀ ਪਾਈ ਵਿਮਾਨ ਆਇਆ ਤਿਸ ਉਪਰਿ ਬੈਠ ਕੇ ਵੈਕੁੰਠ ਕੋ ਚਲੈ ।। ਤਬ ਸੂਵਟੀ ਬੋਲੀ ਹੇ ਰੀਧ ਐਸਾ ਹਮਾਰਾ ਕਉਨ ਪੁੰਨ ਹੈ ਜੋ ਹਮ ਵਿਮਾਨ ਪਰ ਬੈਠਕੇ ਵੈਕੁੰਠ ਕੋ ਚਲੇ ।। ਹਮ ਤੋ ਜਨਮ ਜਨਮ ਕੇ ਪਾਪੀ ਥੇ ।। ਤਬ ਰੀਧ ਬੋਲਿਆ ਮੈਨੇ ਭੀ ਏਹ ਚਲਿਤ੍ਰ ਜਾਣਿਆ ਨਾਹੀਂ ।। ਤਬ ਇਤਨੇ ਮੈਂ ਪਾਰਖਦ ਧਰਮਰਾਜਾ ਪਾਸ ਲੇ ਆਏ ।। ਤਬ ਧਰਮ ਰਾਜਾ ਨੇ ਕਹਿਆ ਤੁਮ ਕਉਨ ਹੋ ।। ਤਬ ਰੀਧ ਬੋਲਿਆ ਮੈਂ ਅਗਲੇ ਜਨਮ ਕਾ ਬ੍ਰਹਮਣ ਹੋ ।। ਧਰਮ ਤੇ ਭ੍ਰਸ਼ਟ ਹੂਆ ਥਾ ਤਬ ਮੈਨੇ ਏਹੀ ਇਸਤ੍ਰੀ ਵਿਵਾਹੀ ਥੀ ਜੋ ਕੁਛ ਮੈਂ ਕਹੋਂ ਸੋ ਏਹ ਨ ਕਰੇ ਤਬ ਮੈਨੇ ਇਸਕੋ ਮਾਰਿਆ ਤਬ ਮੈਂ ਰੀਧ ਭਇਆ ।। ਅਰੁ ਜਬ ਏਹ ਮੂਈ ਤਬ ਤੋਤੀ ਭਈ ।। ਤਬ ਮੈਨੇ ਇਸਕੋ ਪਹਿਚਾਨਿਆ ।। ਏਹ ਉਹੀ ਹੈ ਜਿਸਨੇ ਮੁਝਕੋ ਵਿਖ ਦੇਕੇ ਮਾਰਿਆ ਥਾ ਤਬ ਇਸਕੋ ਮੈਂ ਮਾਰਨੇ ਲਾਗਾ ।। ਤਬ ਏ ਭਾਰੀ ਏਕ ਮਸਾਣ ਮੈਂ ਚਲੀ ਗਈ ਤਹਾਂ ਜਾਇ ਕੈ ਗਿੜਿ ਪੜੀ ਤਹਾਂ ਮੈਂ ਭੀ ਜਾਇ ਪਹੁਤਾ ।। ਮਾਰਨੇ ਲਾਗਾ ਸੋ ਉਸ ਮਸਾਣ ਮੈਂ ਏਕ ਖੋਪੜੀ ਪੜੀ ਥੀ ਤਿਸ ਮੈਂ ਜਲ ਭਰਿ ਰਹਿਆ ਥਾ ਸੋ ਵਹੁ ਜਲੁ ਹਮ ਦੋਨੋਂ ਕੇ ਅੰਗੋਂ ਕੋ ਲਾਗਾ ਤਬ ਹੀ ਤਤਕਾਲ

{

D:\Gobind Geeta\Giani Hardeep Singhji Hazur Sahib Nanded (Billu-9960448233)(28-5-2016)\55}

॥੨੧॥ ਦੋਹਰਾ ॥ ਐਸੀ ਠਉੜੈ ਬੈਠ ਕਰਿ ਚਿਤਵਨ ਮਨ ਕੀ ਤਿਆਗ ॥ ਇਕਾਂਤ ਕਰੇ ਮਨ ਇੰਦ੍ਰੀਆਂ
ਆਤਮ ਜੋਗ ਸਿਉ ਲਾਗ ॥੨੨॥ ਦੋਹਰਾ ॥ ਤੇਡਾ ਬਾਂਕਾ ਨਾ ਬਹੈ ਚਉਕੜੀ ਆਸਨ ਧਾਰ ॥ ਸਭੀ ਅੰਗ
ਸੂਧੇ ਰਖੈ ਸਗਲੀ ਚਿਤਵਨ ਜਾਰ ॥੨੩॥ ਦੋਹਰਾ ॥ ਅਗਨਾਸਕਾ ਆਪਣੀ ਨੇਤ੍ਰੰ ਪੇਖੈ ਸੋਇ ॥ ਬਾਏਂ ਦਾਏਂ
ਨ ਪੇਖਤਾ ਪਰਮ ਸੰਤ ਤਬ ਹੋਇ ॥੨੪॥ ਦੋਹਰਾ ॥ ਮਨ ਮੈਂ ਨਿਰਭਉ ਹੋਇ ਰਹੈ ਬੀਰਜ ਗਿੜਨ ਨ ਦੇਇ
॥ ਸੰਜਮ ਕਰਿਕੈ ਇਉ ਬਹੈ ਮਨ ਚਲਤੇ ਕਉ ਲੇਇ ॥੨੫॥ ਪਉੜੀ ॥ ਐਸਾ ਜੋ ਜੋਗੀਸਰ ਮਿਲੇ ਮੁਝ
ਆਤਮ ਮਾਹੀ ॥ ਮਨ ਕਾ ਚੇਤਾ ਨਿਹਚਲ ਮੁਝ ਪਰਿ ਆਹੀ ॥ ਮਨ ਜੁੜਨੇ ਕੇ ਸਾਥ ਸਾਂਤ ਪਦ ਵਹੁ ਪਾਹੀ
॥ ਰਹਤ ਜੋਗ ਇਹ ਰੀਤ ਪੇਟ ਭਰ ਸਾਥ ਸਾਂਤ ਪਦ ਵਹੁ ਪਾਹੀ ॥ ਰਹਤ ਜੋਗ ਇਹ ਰੀਤ ਪੇਟ ਭਰ ਅੰਨ
ਨ ਖਾਹੀ ॥ ਬੋਲਨ ਚਲਨ ਬਿਉਹਾਰ ਭੀ ਜੁਗਤ ਕਰਾਹੀ ॥ ਦੇਹਿ ਬਿਚਹਾਰ ਤਿਸ ਜੁਗਤ ਜਾਗਨ ਸੋਵਨ ਜੋ
ਖਾਹੀ ॥ ਜੋ ਵਰਤੈ ਐਸੀ ਭਾਂਤਿ ਅਘ ਬਪ ਕੇ ਦਾਹੀ ॥ ਸਿਧ ਗਤਿ ਪ੍ਰਾਪਤਿ ਹੋਇ ਤਾਹਿ ਸੰਸੇ ਨ ਰਹਾਹੀ
॥੨੬॥ ਦੋਹਰਾ ॥ ਜੋਗ ਪ੍ਰਾਪਤਿ ਹੋਇ ਜਿਸ ਪਾਪ ਨਾਸ ਤਿਹ ਹੋਇ ॥ ਮਨ ਰਾਖੈ ਆਤਮ ਮੈਂ, ਬਿਖੈ ਚਾਹਿ
ਨ ਬਾਛੈ ਕੋਇ ॥੨੭॥ ਦੋਹਰਾ ॥ ਜੇ ਕੋ ਐਸਾ ਹੋਤ ਹੈ ਸੋ ਜੋਗੀ ਤਿਹ ਜੁਗਤਿ ॥ ਗਿਆਨ ਉਪਜੈ ਮੁਝ ਭਜਨ
ਤੇ ਭਜਨੋ ਪਾਵੈ ਮੁਕਤਿ ॥੨੮॥ ਦੋਹਰਾ ਜੋਗੀ ਕਉ ਇਕਾਂਤ ਠਉੜ ਇਤ ਬਿਧਿ ਕਹੀਐ ਮੀਤ ॥ ਤਿਸਕਾ
ਅਬ ਦਿਸਟਾਂਤ ਸੁਨ ਤੁਮ ਰਾਖੋ ਦੇ ਚੀਤ ॥੨੯॥ ਦੋਹਰਾ ॥ ਜੈਸੇ ਦੀਪਕ ਪਵਨ ਮੈਂ ਜਲੈ ਨਹੀਂ ਸੁਭ ਬਿਧ
॥ ਗ੍ਰਿਹ ਮਹਿ ਪਵਨ ਨ ਲਾਗਈ ਦੀਪਕ ਜਲੈ ਪ੍ਰਸਿਧ ॥੩੦॥ ਟੀਕਾ ਕਾਰ ਵਾਚ ॥ਦੋਹਰਾ ॥ ਸੰਸਾਰ ਲੋਕ
ਤਿਸ ਪਵਨ ਹੈ ਜੋਗ ਮਾਹਿ ਜੋ ਲੀਨ ॥ ਦੇਖਨ ਸੁਨਨ ਤਿਆਗ ਕਰਿ ਇਕਾਂਤ ਠਉਰ ਤਿਨ ਕੀਨ ॥੩੧॥
ਦੋਹਰਾ ॥ ਜਾਨੈ ਬ੍ਰਹਮ ਹੈ ਤਿਸ ਮਹਿ ਬੋਲਨ ਨਾਹਿ ॥ ਜੇਕੋ ਧਾਰੇ ਮੋਨ ਇਹ ਸੋ ਨਿਰ ਬਚਨੀ ਆਹਿ ॥੩੨॥
ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਬਿਖਿਆ ਤੇ ਮਨ ਵਰਜ ਕਰਿ ਆਤਮ ਮੈਂ ਕੀਓ ਲੀਨ ॥ ਅਪਨੇ ਆਤਮ
ਕੇ ਬਿਖੈ ਪਰਮਾਤਮ ਤਿਹ ਚੀਨ ॥੩੩॥ ਦੋਹਰਾ ॥ ਜੋ ਦੇਖੈ ਪਰਮਾਤਮਾ ਤੋਖ ਰਹੈ ਮਨ ਮਾਹਿ ॥ ਐਸਾ ਸੁਖ
ਤਿਸ ਉਦੈ ਜੈਸਾ ਕਹੋ ਬੁਧ ਜਾਨੈ ਏਹ ਬਾਤ ॥ ਪ੍ਰਾਪਤ ਜਿਸਕੋ ਵਹੁ ਭਇਆ ਸਕਲ ਬਿਖੈ ਤਿਹ ਕਾਟ ॥੩੪॥

ਦੋਹਰਾ ॥ ਐਸੇ ਸੁਖ ਕੇ ਲਾਭ ਤੇ ਜੋਗੀ ਤ੍ਰਿਪਤਿਓਂ ਮੀਤ ॥ ਤਿਸ ਕੇ ਤੁਲ ਨਾ ਆਉਰ ਸੁਖ ਏਹੀ ਭਾਂਤ ਧਰ
 ਚੀਤ ॥੩੬॥ ਚੋਪਈ ॥ ਤਿਸ ਸੁਖ ਮਾਹਿ ਮਗਨ ਜੋ ਭਇਆ ॥ ਤਿਸ ਕੋ ਕਾਰਜ ਕੋਈ ਨ ਰਹਿਆ ॥
 ਜੋ ਦੁਖ ਤਿਸ ਕੇ ਬਪ ਕੋ ਦੇਇ ॥ ਸਸਤ੍ਰ ਕੇ ਸੰਗ ਦੇਹਿ ਕਟੇਇ ॥੩੭॥ ਅਗਨਿ ਮਾਹਿ ਤਿਸਕੋ ਜੇ ਜਾਰੇ
 ॥ ਤਉ ਭੀ ਤਿਸ ਕੋ ਦੁਖ ਨਹੀਂ ਪਿਆਰੇ ॥ ਅਪਨੇ ਸੁਖ ਮੈਂ ਲੀਨ ਵਹੁ ਰਹੈ ॥ ਨਿਸਚਲ ਸੁਖ ਮੈਂ ਆਪ ਕੋ
 ਲਹੈ ॥੩੮॥ ਇਸ ਸੁਖ ਤੇ ਸਭ ਦੁਖ ਮਿਟ ਜਾਵੈ ॥ ਤਿਸ ਤੇ ਪਾਰਬੁ ਮੁਕਤ ਵਹੁ ਪਾਵੈ ॥ ਮਾਇਆ ਤੀਰ
 ਤਿਸੁ ਸੁਖ ਤੇ ਤਰੈ ॥ ਮਾਇਆ ਤਿਆਗ ਮੇਰੇ ਸੰਗਿ ਜੁੜੈ ॥੩੯॥ ਜੋਗ ਸੁਖ ਜਿਸ ਨਰ ਨੇ ਪਾਇਆ ॥
 ਆਤਮ ਜੁੜੈ ਆਤਮ ਚਿਤੁ ਲਾਇਆ ॥ ਚਿਤਵਨ ਤਿਆਗ ਮਨ ਕੋ ਬਸ ਕਰੇ ॥ ਇੰਦ੍ਰੀ ਜੀਤਿ ਗਿਆਨ ਮਨ
 ਧਰੈ ॥੪੦॥ ਮਨ ਚਲਤੇ ਕਉ ਪਕੜਿ ਲਿਆਵੈ ॥ ਦੇਹਿ ਅਨਿਤ ਤਿਸੁ ਜਾਪ ਜਪਾਵੈ ॥ ਮਨ ਅਰ ਸਕਲੀ
 ਇੰਦ੍ਰੀ ਭਾਈ ॥ ਏਕ ਬਾਰ ਪਕੜੀ ਨਹੀਂ ਜਾਈ ॥੪੧॥ ਸਹਜਿ ਸਹਜ ਬੁਧ ਸੋ ਮਨ ਪਕਰੇ ॥ ਸਤ ਬੀਚਾਰ
 ਕਰਿ ਮਨ ਕੋ ਜਕੜੇ ॥ ਚਿਤ ਥਾ ਭੈ ਮੁਝ ਸਿਮਰਨ ਮਾਹੀ ॥ ਚਿਤ ਬ੍ਰਿਤ ਕਰਿ ਵਰਜ ਰਖਾਹੀ ॥੪੨॥ ਮਨ
 ਕਉ ਚਲਣੇ ਮੂਲ ਨ ਦੇਵੈ ॥ ਬੁਧ ਸੋ ਬੇਗ ਪਕਰਿ ਕਰਿ ਲੇਵੈ ॥ ਯਾ ਐਸੇ ਮਨ ਕਉ ਸਮਝਾਵੈ ॥ ਜਹਾ ਜਾਇ
 ਤਹਾ ਬ੍ਰਹਮ ਦਿਖਾਵੈ ॥੪੩॥ ਮਿਥਿਆ ਮਾਇਆ ਤੇ ਵਹੁ ਰਹੈ ॥ ਆਤਮ ਬੁਧ ਸੋ ਮਨ ਕੋ ਗਹੈ ॥ ਇਹੁ
 ਸਾਧਨ ਮਨ ਕਾ ਤਬ ਲਗ ਕਰੈ ॥ ਜਬ ਲਗ ਦ੍ਰਿੜ ਅਭਿਆਸੁ ਮਨ ਧਰੈ ॥੪੪॥ ਮਨ ਜਬ ਮਾਇਆ ਤੇ
 ਦ੍ਰਿੜ ਰਾਖੈ ॥ ਆਤਮ ਮਾਹਿ ਆਪ ਕੋ ਲਾਖੈ ॥ ਆਪ ਬੀਚਾਰ ਆਤਮ ਕੋ ਪਾਵੈ ॥ ਏਹੀ ਮਨ ਆਤਮ ਹੋ
 ਜਾਵੈ ॥੪੫॥ ਸਾਂਤਿ ਸੁਖ ਮੈਂ ਲੀਨ ਵਹੁ ਹੋਵੈ ॥ ਪ੍ਰਕਿਰਤ ਗੁਣ ਤਬ ਸਗਲੇ ਖੋਵੈ ॥ ਰਜਿ ਤਮਿ ਮਿਟੈ ਪਾਪ
 ਸਭ ਜਾਵੈ ॥ ਵਹੁ ਜੋਗੀ ਬ੍ਰਹਮ ਭੂਤ ਕਹਾਵੈ ॥੪੬॥ ਤਬ ਮੁਝ ਆਤਮ ਸਿਉ ਇਕ ਹੋਇ ॥ ਮਹਾ ਅਨੰਦ
 ਸੁਖ ਪਾਵੈ ਸੋਇ ॥ ਬ੍ਰਹਮ ਪਰਸੇ ਤੇ ਬ੍ਰਹਮ ਹੋ ਜਾਵੈ ॥ ਬ੍ਰਹਮ ਹੋਇ ਤਬ ਅਤਿ ਸੁਖ ਪਾਵੈ ॥੪੭॥ ਸਭ ਕੋ
 ਜਾਨੈ ਅਪਨੇ ਮਾਹਿ ॥ ਆਪ ਜਾਨੈ ਸਭ ਹੂੰ ਮੈਂ ਆਹਿ ॥ ਐਸਾ ਜੋਗੀ ਬ੍ਰਹਮੈ ਲੀਨ ॥ ਦੇਖੇ ਮੁਝ ਕਉ ਐਸਾ
 ਚੀਨ ॥੪੮॥ ਬੈਰਾਟ ਰੂਪ ਬ੍ਰਿਛ ਕੋ ਦੇਖੈ ॥ ਚਉਰਾਸੀ ਲਖ ਜੀ ਬ੍ਰਿਛ ਪਰ ਪੇਖੈ ॥ ਜੋ ਕਛੁ ਦੀਸੈ ਮੁਝ ਮੈਂ

ਬਸੈ ॥ ਏਹ ਜਾਨੈ ਮਨ ਤੇ ਦੁਖ ਨਸੈ ॥੪੯॥ ਜਿਸ ਪ੍ਰਕਾਰ ਮੈਂ ਆਭਹੂ ਮਾਹਿ ॥ ਅਬ ਏਹੁ ਕਹੈ ਜੈਸੇ ਸਭ
 ਮਾਹਿ ॥ ਏਕ ਬ੍ਰਹਮ ਸਭ ਅੰਤਰਿ ਦਿਆਪਿਆ ॥ ਇਸ ਪ੍ਰਕਾਰ ਮੈਂ ਸਭ ਬਿਧ ਜਾਪਿਆ ॥੫੦॥ ਜੋ ਮੁਝ
 ਕੋ ਸਭ ਕੈ ਸਾਧਿ ਜਾਨੈ ॥ ਆਪਤੇ ਭਿੰਨ ਮੁਝ ਤੇ ਨਹੀਂ ਮਾਨੈ ॥ ਉਸਕੇ ਨਿਕਟਿ ਸਦਾ ਹਉ ਰਹੈ ॥ ਜੋ ਵਹੁ
 ਕਹੈ ਸੋ ਹਉ ਹੀ ਕਹੈ ॥ ਉਹ ਮੁਝ ਦ੍ਰਿਸਟਿ ਨਿਤ ਆਗੈ ਰਹੈ ॥ ਉਸਕੀ ਦ੍ਰਿਸਟਿ ਮੁਝ ਪਰ ਨਿਤੁ ਅਹੈ ॥੫੧॥
 ਪਉੜੀ ॥ ਜੋ ਸਭ ਹੀ ਪ੍ਰਾਨੀਓ ਮਾਹੀ ਮੁਝ ਆਤਮ ਕੋ ਦੇਖਤਾ ॥ ਏਕ ਅਦ੍ਵੈਤ ਬ੍ਰਹਮ ਸਭ ਹੂ ਮਹਿ ਪੇਖਤਾ
 ॥ ਐਸਾ ਹੋਸੈ ਬ੍ਰਹਮ ਜਿਸ ਰੂਪ ਨ ਹੋਵੈ ਜਨਮ ਮੇਰੇ ਮੇ ਖਤਾ ॥ ਮੁਝ ਮੈਂ ਵਰਤੈ ਉਇ ਮੈਂ ਤਿਸ ਵਲ ਦੇਖਤਾ
 ॥ ਤਿਸਕੀ ਏਹ ਨੀਸਾਨੀ ਜੋ ਮੁਝੇ ਨ ਰੇਖਤਾ ॥ ਜੋ ਅਪਨੇ ਮੈਂ ਦੁਖ ਸੁਖ ਅਉਰ ਮੈਂ ਪੇਖਤਾ ॥੫੨॥ ਸਲੋਕੁ
 ॥ ਪਰਮ ਜੋਗੀ ਤਿਸ ਨਾਮੁ ਦੁਖਾਵੈ ਕਿਸੀ ਨਾਹਿ ॥ ਸਭ ਆਪ ਹੀ ਕਉ ਦੇਖੇ ਏਕੋ ਬ੍ਰਹਮ ਜਾਨ ॥੫੩॥
 ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਅਰਜਨ ਇਹ ਬਿਧ ਸ੍ਰਵਨ ਕਰਿ ਸੁਖ ਤੇ ਭਾਖਿਓ ਦੇਹ ॥ ਹੇ ਪ੍ਰਭ ਮੇਰੇ
 ਪ੍ਰਸ਼ਨ ਕਾ ਬੇਗ ਉਤਰ ਮੋਹਿ ਦੇਹਿ ॥੫੪॥ ਦੋਹਰਾ ॥ ਤੁਮ ਜੋ ਕਹੈ ਬਿਧਿ ਜੋਗ ਕੀ ਜਾਨੋ ਕਠਨ ਅਤਿ ਏਹੁ
 ॥ ਤਿਨਕੀ ਜੁਗਤਿ ਅਤਿ ਕਠਨ ਹੈ ਕਰਨੈ ਮੈਂ ਦੁਖ ਦੇਹੁ ॥੫੫॥ ਦੋਹਰਾ ॥ ਚੰਚਲ ਮਨ ਇੰਦ੍ਰੀ ਸਭੀ ਕਉਨ
 ਭਾਂਤਿ ਬਿਰ ਹੋਇ ॥ ਅਤਿ ਬਲਵਾਨ ਮਨ ਰੂਪ ਹੈ ਪਕਰ ਨ ਸਾਕੋ ਸੋਇ ॥੫੬॥ ਦੋਹਰਾ ॥ ਇਹੁ ਮਨ ਪਵਨ
 ਤੇ ਸਰਸੁ ਹੈ ਕਿਹ ਬਿਧਿ ਪਕੜੋ ਮੀਤ ॥ ਬਿਨ ਸਾਧਨ ਜਿਸਤੇ ਰਹੈ ਸੋਇ ਬਤਾਵਹੁ ਰੀਤਿ ॥੫੭॥ ਸ੍ਰੀ ਭਗਵਾਨੋ
 ਵਾਚ ॥ ਚੌਪਈ ॥ ਰਿਖੀਕੇਸ ਸੁਣ ਉਤਰ ਕਹੈ ॥ ਅਰਜਨ ਕੇ ਸਗਲੇ ਦੁਖ ਦਹੈ ॥ ਹੇ ਮਹਾ ਬਾਹੁ ਮਨ ਐਸੇ
 ਆਹੀ ॥ ਮਾਰਤ ਰੂਪ ਹੈ ਸੰਸਾ ਨਾਹੀ ॥੫੮॥ ਅਤ ਕਠਨ ਮਨ ਪਕੜ ਨ ਹੋਇ ॥ ਬਹੁ ਅਭਿਮਾਨ ਕਰੈ
 ਨਿਤ ਕੋਇ ॥ ਅਭਿਆਸੁ ਬੀਚਾਰ ਜਬ ਮਨ ਮੈਂ ਆਇਆ ॥ ਚਿਤਵਨ ਠਉੜ ਬੀਚਾਰ ਜਬ ਭਇਆ ॥ ਤਬ
 ਬੀਚਾਰ ਭੀ ਸਹਜੇ ਰਹਿਆ ॥ ਉਨ ਮਨ ਅਵਸਥਾ ਸੋਈ ਹੋਇ ॥ ਚਲਤੇ ਰਹਤ ਮਨ ਹੋਵੈ ਸੋਇ ॥੬੦॥
 ਦੋਊ ਬਾਤੈ ਇਹੁ ਬਸ ਹੋਇ ॥ ਪ੍ਰਥਮ ਅਭਿਆਸ ਬੈਰਾਗ ਹੈ ਦੋਇ ॥ ਅਭਿਆਸ ਬੈਰਾਗੁ ਤੇ ਨਿਸਚਲ ਰਹੈ
 ॥ ਪਰਮ ਬ੍ਰਹਮ ਆਪ ਕੋ ਲਹੈ ॥੬੧॥ ਸੰਸਾਰ ਬ੍ਰਿਤ ਮਨ ਮੈਂ ਨਹੀਂ ਆਵੈ ॥ ਜੋ ਆਵੈ ਤਿਸ ਬੇਗ ਮਿਟਾਵੈ

॥ ਜਾਨੈ ਏਕੋ ਗੋਬਿੰਦ ਰੂਪ ॥ ਜਹਾ ਜਾਇ ਤਹ ਵਹੀ ਸਰੂਪ ॥੬੨॥ ਜਿਨ ਅਭਿਆਸੁ ਮਹਿ ਮਨ ਨਹੀਂ ਦੀਨਾ
 ॥ ਅਰ ਬੈਰਾਗੁ ਜਗਤ ਤੇ ਲੀਨਾ ॥ ਤਿਨ ਕਉ ਜਗਤ ਨਿਤ ਹੀ ਭਾਸੈ ॥ ਜਗਤ ਜਾਲ ਮੈਂ ਵਹੁ ਨਰ ਢਾਸੈ
 ॥੬੩॥ ਬੈਰਾਗ ਜਗਤ ਸੋ ਜਿਨ ਨਰ ਕੀਆ ॥ ਸਤ ਬੀਚਾਰ ਰਿਦੈ ਮੈਂ ਲੀਆ ॥ ਆਠਪਹਰ ਮਨ ਕਰੈ
 ਬੀਚਾਰ ॥ ਸੋ ਨਿਸਚੈ ਮੁਝ ਮਿਲਿਆ ਯਾਰ ॥ ਅਖੰਡ ਸੁਖ ਤਿਸ ਪ੍ਰਾਪਤ ਹੋਵੈ ॥ ਬ੍ਰਹਮ ਜਲ ਮੈਂ ਬਪ ਮਨ
 ਹੋਵੈ ॥੬੪॥ ਅਰਜਨੋ ਵਾਰ ॥ ਚੋਪਈ ॥ ਫਿਰ ਪ੍ਰਸ਼ਨ ਇਉਂ ਅਰਜਨ ਕਹੈ ॥ ਸੁਖ ਤਬ ਹੋਇ ਜਬ ਬ੍ਰਹਮ
 ਕੋ ਲਹੈ ॥ ਅਰ ਜੋ ਜੁੜੈ ਜੋਗ ਕੇ ਮਾਹਿ ॥ ਚਿਰੰਕਾਲ ਅਭਿਆਸ ਕਰਾਹਿ ॥੬੫॥ ਤਿਸ ਤੇ ਮਨ ਕੋ ਸਾਂਤ
 ਨ ਆਵੈ ॥ ਪਦਵੀ ਸਿਧੋਂ ਕੀ ਨਹੀਂ ਪਾਵੈ ॥ ਛੂਟ ਜਾਇ ਬੀਚ ਜਿਸ ਦੇਹਿ ॥ ਛੂਟਨ ਸਮੇਂ ਅਭਿਆਸੁ ਭੁਲੇਹਿ
 ॥੬੬॥ ਅਉਰ ਬਾਤ ਮੈਂ ਮਨ ਤਿਸੁ ਲਾਗੈ ॥ ਕਿਆ ਗਤਿ ਤਿਸ ਕੀ ਕਹੀਐ ਆਗੈ ॥ ਮੈਂ ਸੁਨਿਓ ਬੇਦੋਂ
 ਮੋ ਏਹਿ ॥ ਤਿਆਗ ਸਮੇਂ ਜਿਸ ਸੋ ਮਨ ਦੇਇ ॥੬੭॥ ਤੈਸੀ ਹੀ ਦੇਹਿ ਵਹੁ ਪਾਵੈ ॥ ਐਸੀ ਬਾਤ ਸਭ ਬੇਦ
 ਬਤਾਵੈ ॥ ਜਿਸ ਕਾ ਦੇਹਿ ਛੂਟਨ ਕੇ ਸਮੇਂ ॥ ਅਉਰ ਠਉਰ ਮੈਂ ਮਨ ਤਿਸ ਗਮੈ ॥੬੮॥ ਤੁਮਰਾ ਧਿਆਨ
 ਬਿਸਰ ਤਬ ਜਾਇ ॥ ਬ੍ਰਹਮ ਅਭਿਆਸ ਵਹੁ ਦੇਇ ਭੁਲਾਇ ॥ ਐਸਾ ਜੋਗ ਭਰਿਸਟ ਜੇ ਹੋਇ ॥ ਤਿਸ ਕੀ
 ਗਰਿ ਪ੍ਰਭ ਜੀ ਹੈ ਕੋਇ ॥੬੯॥ ਤਿਸ ਕਾ ਦਿਸਟਾਂਤ ਐਸੇ ਮੈਂ ਪਾਇਆ ॥ ਜੈਸੇ ਮੇਘ ਕਉ ਮਗ ਕਰਿ
 ਆਇਆ ॥ ਸਭ ਕੋ ਕਹੈ ਜੋ ਬਰਖਾ ਹੋਇ ॥ ਪਰਜਾ ਕੋ ਸੁਖ ਦੇਵੈ ਸੋਇ ॥੭੦॥ ਤਿਸੀ ਸਮੇਂ ਅਤਿ ਤੀਖਣ
 ਬਾਉ ॥ ਤਿਸੀ ਮੇਘ ਕੋ ਦੇਇ ਚਲਾਇ ॥ ਤਬ ਵਹੁ ਮੇਘ ਬਰਖਾ ਤੇ ਰਹੈ ॥ ਸਭ ਕੋ ਮੇਘ ਗਇਆ ਤਬ
 ਕਹੈ ॥੭੧॥ ਜੋਗੀ ਜੁੜੈ ਤੈਸੇ ਤੁਮ ਮਾਹਿ ॥ ਦੇਹ ਤਿਆਗ ਮੈਂ ਮਨ ਤਿਸ ਜਾਹਿ ॥ ਅਉਰ ਠਉਰ ਮਹਿ
 ਮਨ ਤਿਸੁ ਜਾਵੈ ॥ ਮੇਘੋਂ ਕਉ ਜਿਉਂ ਪਵਨ ਚਲਾਵੈ ॥੭੨॥ ਜੋਗੀ ਜੋਗ ਤਬ ਕਛੂ ਨ ਰਹੈ ॥ ਜਾਵੈ ਜੋਗ
 ਗਤ ਕੈਸੀ ਲਹੈ ॥ ਹੇ ਪ੍ਰਭ ਜੀ ਤਿਸ ਉਤਰ ਕਹੋ ॥ ਉਤਰ ਕਹਿ ਮੁਝ ਸੰਸਾਰ ਦਹੋ ॥੭੩॥ ਤੁਮਰੇ ਤੁਲ
 ਮੈਂ ਅਵਰ ਨ ਜਾਨੋ ॥ ਜਿਸਕੀ ਬਾਤ ਸੁਨੋ ਅਰ ਮਾਨੋ ॥ ਤੁਮਰੀ ਕਿਰਪਾ ਤੇ ਸੰਸਾ ਮਿਟ ਜਾਵੈ ॥ ਇਹ ਮਨ
 ਦੁਖੀ ਤਬ ਸੁਖ ਕੋ ਪਾਵੈ ॥੭੪॥ ਸ੍ਰੀ ਭਗਵਾਨੋ ਵਾਚ ਦੋਹਰਾ ॥ ਅਰਜਨ ਨਿਸਚੈ ਜਾਨ ਤੂੰ ਜੋ ਆਖੇ ਅਬ

ਤਾਹਿ ॥੭੫॥ ਦੋਹਰਾ ॥ ਮੇਰਾ ਸਿਮਰਨ ਭਜਨ ਨਰ ਏਕ ਬਾਰ ਮਨ ਧਤੇ ॥ ਕਲਿਆਨ ਬੀਜ ਜਿਹ ਬੀਜਿਆ
 ਸੁਨ ਵਹੁ ਕੈਸੇ ਤਰੇ ॥੭੬॥ ਦੋਹਰਾ ॥ ਸਿਰਤ ਅਵਸਥਾ ਕੇ ਸਮੇਂ ਜਿਸ ਅਭਿਆਸ ਮਿਟ ਜਾਇ ॥ ਬੇਗਜਾਇ
 ਵਹੁ ਸੁਰਗੁ ਮੈਂ ਦੇਵਨ ਪਦਵੀ ਪਾਇ ॥੭੭॥ ਦੋਹਰਾ ॥ ਸੁਰਗੁ ਮਾਹਿ ਦਿਬ ਭੋਗ ਹੈ ਇੰਦ੍ਰੀ ਬਹੁ ਸੁਖ ਪਾਹਿ
 ॥ ਤਿਸ ਭੋਗੋਂ ਕੀ ਬਾਰਤਾ ਅਬ ਤੁਝ ਕਹੁ ਸਮਝਾਇ ॥੭੮॥ ਦੋਹਰਾ ॥ ਸੂਘਨ ਕੋ ਹੈ ਦਿਬ ਸੁਸੰਘ ਸੁਨਨੇ
 ਕੋ ਬਹੁ ਰਾਗ ॥ ਅਪਸਰਾ ਸੁੰਦਰ ਦਿਬ ਹੈ ਬਹੁ ਭੁਖਨ ਤਨ ਲਾਗ ॥ ੭੯॥ ਦੋਹਰਾ ॥ ਨਾ ਇਸਤ੍ਰੀ ਕੋ ਪੁਰਖ
 ਹੈ ਪੁਰਖ ਨਹੀਂ ਕੋ ਨਾਰ ॥ ਜਬ ਇਛਾ ਤਿਨ ਹੋਤ ਹੈ ਤਬ ਰਮਤੇ ਕਰਿ ਪਿਆਰ ॥੮੦॥ ਦੋਹਰਾ ॥ ਜੋਗ
 ਭਰਿਸਟ ਤਬ ਸੁਰਗ ਮੈਂ ਐਸੇ ਭੋਗੇ ਭੋਗ ॥ ਬਹੁ ਭੋਗ ਤਬ ਹੋਇ ਅਰੁਚ ਗਿਝੈ ਭਰਿਸਟੀ ਹੋਗ ॥੮੧॥ ਦੋਹਰਾ
 ॥ ਪਵਿਤ੍ਰ ਕੁਲ ਮੈਂ ਜਨਮ ਲੇਇ ਬ੍ਰਾਹਮਨ ਖੜ੍ਹੀ ਹੋਇ ॥ ਬਹੁਤ ਦ੍ਰਬ ਜਿਸਕੇ ਗ੍ਰਿਹ ਬਿਖੈ ਐਸਾ ਕੁਲ ਹੈ ਸੋਇ
 ॥੮੨॥ ਦੋਹਰਾ ॥ ਤਹਾ ਉਪਜੈ ਸੁਖ ਭੋਗ ਕੈ ਬਹੁੜ ਜੋਗ ਵਹੁ ਕਰੈ ॥ ਨਿਸਚਲ ਮਨ ਵਹੁ ਹੋਇ ਕਰ ਨਿਸ
 ਦਿਨ ਮੁਝ ਸੰਗਿ ਜੁੜੈ ॥੮੩॥ ਦੋਹਰਾ ॥ ਜੁੜਨੇ ਕੇ ਪ੍ਰਸਾਦਿ ਤੇ ਮੁਝਕੋ ਪ੍ਰਾਪਤਿ ਹੋਇ ॥ ਲਘ ਅਭਿਆਸ
 ਜਿਸ ਨਰ ਕੀਆ ਤਿਸਕੀ ਗਤਿ ਹੈ ਸੋਇ ॥੮੪॥ ਦੋਹਰਾ ॥ ਦੁਸਟ ਜੋਗੀ ਅਉਰ ਹੈ ਬਹੁ ਅਭਿਆਸ ਜਿਸ
 ਕੀਨ ॥ ਮ੍ਰਿਤ ਅਵਸਥਾ ਦੇਹਿ ਕੀ ਮਨ ਜਗ ਮੈਂ ਭਇਓ ਲੀਨ ॥੮੫॥ ਦੋਹਰਾ ॥ ਤਿਸਕੀ ਗਤਿ ਏਹ ਹੋਤ
 ਹੈ ਵਹੁ ਭੀ ਸੁਰਗੇ ਜਾਇ ॥ ਅਘਾਇ ਰਹੇ ਜਬ ਭੋਗ ਤੇ ਗਿਝੈ ਸੁਰਗ ਤੇ ਆਇ ॥੮੬॥ ਦੋਹਰਾ ॥ ਜੋਗੀਸਰ
 ਕੇ ਗ੍ਰਿਹ ਬਿਖੈ ਜਨਮ ਲੇਵੈ ਵਹੁ ਸਾਧ ॥ ਜਿਉਂ ਸੁਕਦੇਵ ਬਿਆਸ ਕੇ ਗ੍ਰਿਹਿ ਮੈਂ ਭਏ ਅਗਾਧ ॥੮੭॥ ਦੋਹਰਾ
 ॥ ਜਨਮਤ ਹੀ ਤਿਸ ਪੁਰਖ ਕੀ ਬੁਧ ਹੋਵੈ ਪਰਗਾਸੁ ॥ ਬਹੁੜ ਜੁੜੈ ਮੁਝ ਜੋਗ ਮੈਂ ਪਾਵੈ ਸੁਖ ਮੈਂ ਬਾਸ ॥੮੮॥
 ਦੋਹਰਾ ॥ ਜੈਸੇ ਕਰਜ ਕਿਰਤ ਮੈਂ ਸੋਇ ਜਾਇ ਕੋ ਮੀਤ ॥ ਜਬ ਆਗੈ ਤਬ ਫੇਰ ਵਹੁ ਕਾਰਜ ਰਾਖੈ ਚੀਤ
 ॥੮੯॥ ਦੋਹਰਾ ॥ ਅਪਨੇ ਕਾਰਜ ਮੈਂ ਲਗੈ ਤੈਸੇ ਜੋਗੀ ਜਾਨ ॥ ਜੋਗੀਸਰ ਕੇ ਗ੍ਰਿਹਿ ਬਿਖੇ ਉਪਜਤ ਜੋਗ
 ਕਮਾਨ ॥੯੦॥ ਦੋਹਰਾ ॥ ਅਭਿਆਸ ਜੋ ਪੂਰਨ ਜੋਗ ਕਾ ਤਿਸਕੇ ਮਨ ਮੈਂ ਸੋਇ ॥ ਜਤਨ ਬਿਨਾ ਅਭਿਆਸ
 ਵਹੁ ਆਪੇ ਹੀ ਸਿਧ ਹੋਇ ॥੯੧॥ ਦੋਹਰਾ ॥ ਨਿਤ ਅਭਿਆਸ ਕੀ ਜੁਗਤਿ ਸੋ ਬ੍ਰਹਮ ਸਬਦ ਵਹੁ ਪਾਇ ॥

ਤੇ ਸ੍ਰੇਸ਼ਟਿ ਜੋਗੀ ਹੇ ਅਰਜਨ ਮੈਂ ਤੁਝ ਕੋ ਭਾਖੇਂ ॥੧੦੩॥ ਟੀਕਾਕਾਰ ਵਾਚ ॥ ਚੋਪਈ ॥ ਛੇਵਾਂ ਧਿਆਇ
 ਅਰਥ ਕਹਿ ਗਾਇਆ ॥ ਜੋਗ ਗਿਆਨ ਕਾ ਭੇਟ ਬਤਾਇਆ ॥ ਮੁਖ ਸੋ ਕਹੈ ਨਿਰਭਉ ਹੋਇ ਵਰਤੈ ॥ ਮਨ
 ਥਾਕੇ ਨਹੀਂ ਬਿਖਿਆ ਕਰਤੇ ॥੧੦੪॥ ਗਿਆਨ ਪ੍ਰਾਪਤ ਤੇ ਵਹੁ ਸੁਖ ਪਾਵੈ ॥ ਜਬ ਦੁਖ ਹੋਇ ਤਬ ਗਿਆਨ
 ਭੁਲਾਵੈ ॥ ਕਰਮ ਜੋਗ ਹੈ ਇਸਕਾ ਨਾਮ ॥ ਮਨ ਚਲਤੇ ਕਉ ਸਾਂਤ ਕਰਾਨ ॥੧੦੫॥ ਕਰਮ ਜੋਗ ਨਿਰੂਪਨ
 ਅਰਥ ॥ ਚੋਪਈ ॥ ਮਨ ਧਾਵਤ ਵਰਜ ਕਰਿ ਰਾਖੈ ॥ ਅੰਮ੍ਰਿਤ ਅਪਨੇ ਅੰਤਰਿ ਚਾਖੈ ॥ ਅਮੰਨ ਹੋਇ ਫੁਰੈ
 ਕਛੁ ਨਾਹਿ ॥ ਸਭ ਕੇ ਸ੍ਰੇਸ਼ਟ ਕਰਮ ਇਉ ਆਹਿ ॥੧੦੬॥ ਦੋਮੋਂ ਮਾਰਗ ਮੁਕਤੇ ਮੀਤਾ ॥ ਦੋਨੋਂ ਸਾਧ ਮਨ
 ਅਪਨਾ ਜੀਤਾ ॥ ਮਨ ਜੀਤਾ ਤਬ ਬ੍ਰਹਮ ਸੁਖ ਪਾਇਆ ॥ ਸਭੀ ਬ੍ਰਹਮ ਤਬ ਦ੍ਰਿਸ਼ਟੀ ਆਇਆ ॥੧੦੭॥
 ਏਹੀ ਗਿਆਨ ਬਾਤ ਪ੍ਰਭ ਕਹੀ ॥ ਕਰਮ ਜੋਗ ਤੇ ਸ੍ਰੇਸ਼ਟਿ ਲਹੀ ॥ ਕਰਮ ਜੋਗ ਗਿਆਨ ਏਕ ਮੀਤ ॥ ਦੋਨੋਂ
 ਕੀ ਹੈ ਏਕੋ ਰੀਤ ॥੧੦੮॥ ਜੋ ਨਰ ਸਭੀ ਏਕ ਹਰਿ ਦੇਖੈ ॥ ਆਪਸ ਕਉ ਭੀ ਹਰਿ ਹੀ ਪੇਖੈ ॥ ਜੋ ਇਹੁ
 ਜਾਨੈ ਮੁਕਤਾ ਸੋਇ ॥ ਤਿਸ ਕੋ ਆਵਾਗਵਨ ਨ ਹੋਇ ॥੧੦੯॥ ਆਵਾਗਵਨ ਨਹੀਂ ਕਛੁ ਭਾਈ ॥ ਮੁਕਤਿ
 ਬੰਧ ਸਭ ਮਨ ਤੇ ਪਾਈ ॥ ਮਨ ਕਰਿ ਮੁਕਤਿ ਸੁ ਮੁਕਤਾ ਜਾਨੈ ॥ ਮਨ ਕਰਿ ਬੰਧ ਸੁ ਬੰਧ ਪਹਿਚਾਨੈ ॥੧੧੦॥
 ਜੋ ਜੋ ਦੀਸੈ ਸੋ ਏਕੋ ਮਨ ਹੈ ॥ ਮਨ ਹੀ ਬ੍ਰਹਮ ਮਨ ਹੀ ਬਹੁ ਤਨ ਹੈ ॥ ਜੋ ਮਨ ਚਾਹੈ ਕਛੁ ਦਿਬਸਟਿ ਨ ਆਵੈ
 ॥ ਅਵਾਚ ਦਿਆ ਐਸੇ ਕਹਿਲਾਵੈ ॥੧੧੧॥ ਇਸ ਸ੍ਰੀ ਕ੍ਰਿਸ਼ਨ ਅਰਜਨ ਸੰਵਾਦੇ ਆਤਮ ਸੰਯਮ ਜੋਗੋ ਗੋਬਿੰਦ
 ਕ੍ਰਿਤੇ ਨਾਮ ਖਸਟਮੋ ਧਿਆਇ ॥ ਸ੍ਰੀ ਭਗਵਾਨੋ ਵਾਚ ॥ ਸ੍ਰੀ ਭਗਵਾਨ ਜੀ ਬੋਲੇ ॥ ਹੇ ਸ੍ਰੀ ਲਛਮੀ ਜੀ ਅਬ
 ਛਿਹਵੇਂ ਧਿਆਇ ਕਾ ਫਲ ਕਹਾ ਹੋ ਸੋ ਤੂੰ ਸੁਣ ॥ ਗੋਦਾਵਰੀ ਨਗਰੀ ਕਾ ਏਕ ਰਾਜਾ ਥਾ ॥ ਨਾਮੁ ਉਸਕਾ
 ਜਾਨ ਸੁਰਤ ॥ ਸੋ ਰਾਜਾ ਬਡੋਈ ਧਰਮਾਤਮਾ ਉਸ ਰਾਜਾ ਕੇ ਨਗਰ ਕੇ ਪੰਛੀ ਜੀਵ ਸਭ ਉਸ ਰਾਜਾ ਕੀ ਉਸਤਤ
 ਕਰੈ ॥ ਏਕ ਦਿਨ ਹੰਸ ਉਸ ਨਗਰ ਮੈਂ ਉਡਤੇ ਆਇ ਨਿਕਸੇ ਤਿਨਮੈਂ ਏਕ ਹੰਸ ਉਤਾਵਲਾ ਉਡੇ ॥ ਤਬ ਪੰਛੀ
 ਨਗਰ ਕੇ ਬੋਲੇ ਅਰੇ ਹੰਸ ਤੂੰ ਜੋ ਐਸਾ ਉਤਾਵਲਾ ਉਡਤਾ ਹੈਂ ॥ ਸੋ ॥ ਕਿਆ ਰਾਜਾ ਜਾਨਸੁਰਤ ਹੂਤੇ ਆਗੈਸੁਰਗ
 ਲੋਕ ਕਉ ਪਹੁੰਚਾ ਚਾਹਤਾ ਹੈਂ ॥ ਤਬ ਵਹੁ ਹੰਸ ਬੋਲਿਆ ਪੰਛੀਓ ਕਾ ਰਾਜਾ ॥ ਰਾਜਾ ਜਾਨ ਸੁਰਤ ਤੇ ਸੁਅਰਗ

ਕਾ ਅਧਕਾਰੀ ਹੋਵੇਗਾ ।। ਪਰ ਉਸਤੇ ਏਹ ਸ਼੍ਰੇਣੀ ਰਖੀਸਰ ਹੈ ।। ਨਾਮ ਉਸਕਾ ਰਈਕ ਮੁਨੀਸਰ ਹੈ ।। ਸੋ ਵਈਕੁੰਠ ਕਾ ਅਧਕਾਰੀ ਹੋਵੇਗਾ ।। ਸੁਅਰਗ ਲੋਕ ਤੇ ਭੀ ਉਚਾ ।। ਤਬ ਇਤਨੀ ਬਾਤ ਰਾਜਾ ਜਾਨ ਸੁਰਤ ਨੇ ਸੁਨੀ ।। ਤਬ ਰਾਜਾ ਨੇ ਮਨ ਮੈਂ ਵਿਚਾਰਿਆ ।। ਮੇਰੇ ਤੇ ਭੀ ਉਸਕਾ ਪੁੰਨ ਅਧਿਕ ਹੋਵੇਗਾ ।। ਜਿਸ ਕੀ ਏਹ ਹੰਸ ਉਸਤਤ ਕਰਤੇ ਹੈਂ ਹੋਵੇ ਤਉ ਉਸ ਰਖੀਸਰ ਕਾ ਸਰਸਨ ਕੀਜੀਐ ।। ਤਬ ਰਾਜਾ ਨੇ ਅਹਿਲਵਾਨ ਕਉ ਬੁਲਾਇਆ ।। ਕਹਾ ਹੇ ਅਹਿਲਵਾਨ ਮੇਰਾ ਰਬ ਲੇ ਆਉ ।। ਜੋ ਉਸ ਰਈਕ ਰਖੀਸਰ ਕਾ ਦਰਸਨ ਕਰੇਂ ।। ਦੇਖੇਂ ਜੋ ਕਉਨ ਨਗਰ ਮੈਂ ਕਉਨ ਤੀਰਥ ਮੈਂ ਰਹਤਾ ਹੈ ।। ਦੇਖੇਂ ਜੋ ਕਉਨ ਨਗਰ ਮੈਂ ਕਉਨ ਤੀਰਥ ਮੈਂ ਰਹਤਾ ਹੈ ।। ਤਬ ਰਾਜਾ ਰਈਕ ਰਖੀਸਰ ਕੇ ਦਰਸਨ ਕਉ ਚਲਿਆ ।। ਪ੍ਰਥਮੇ ਤਉ ਬਨਾਰਸ ਕਉ ਗਇਆ ।। ਉਹਾਂ ਇਸਨਾਨ ਕੀਆ ।। ਅਰ ਲੋਕੋ ਕਉ ਪੂਛਾ ਜੋ ਕੋਈ ਈਹਾਂ ਰਈਕ ਰਖੀਸਰ ਭੀ ਰਹਤਾ ਹੈ ।। ਤਬ ਲੋਕ ਬੋਲੇ ਈਹਾਂ ਤੋ ਨਹੀਂ ਰਹਤਾ ।। ਤਬ ਰਾਜਾ ਆਗੈ ਚਲਿਆ ।। ਤਬ ਸ੍ਰੀ ਜਗਨ ਨਾਥ ਜੀ ਕਾ ਦਰਸਨ ਕੀਆ ।। ਲੋਕੋ ਕਉ ਪੂਛਾ ਈਹਾਂ ਕੋਈ ਰਈਕ ਰਖੀਸਰ ਰਹਤਾ ਹੈ ।। ਤਬ ਲੋਕ ਬੋਲੇ ਈਹਾਂ ਤੋ ਨਹੀਂ ਰਹਤਾ ।। ਤਬ ਰਾਜਾ ਆਗੈ ਕਉ ਚਲਿਆ ।। ਤਬ ਰਾਜਾ ਦਖਣ ਦੇਸ ਕਉ ਗਇਆ ।। ਆਗੈ ਦੁਆਰਕਾ ਗਇਆ ।। ਦੁਆਰਕਾ ਨਾਥ ਕਾ ਦਰਸਨ ਕੀਆ ।। ਉਹਾਂ ਕੇ ਲੋਕੋ ਕੋ ਪੂਛਾ ਈਹਾਂ ਕੋਈ ਰਈਕ ਰਖੀਸਰ ਰਹਤਾ ਹੈ ।। ਤਬ ਲੋਕ ਬੋਲੇ ਈਹਾਂ ਤੋ ਨਹੀਂ ਰਹਤਾ ।। ਤਬ ਰਾਜਾ ਪਸਚਮ ਦੇਸ ਕਉ ਗਇਆ ।। ਜੋ ਜੋ ਤੀਰਥ ਆਵੈ ਤਹਾ ਤਹਾ ਇਸ਼ਨਾਨ ਕਰੈ ਅਰ ਪੁੰਨ ਕਰੇ ।। ਤਬ ਉਤਰ ਦੇਸ ਕਉ ਚਲਿਆ ਬਦਿੰ ਕਾ ਆਸ਼੍ਰਮ ਮੈਂ ਆਏ ।। ਤਬ ਰਬ ਚਲੇ ਨਾਹੀ ।। ਤਬ ਰਾਜਾ ਨੇ ਮਨ ਵਿਖੈ ਵੀਚਾਰਿਆ ।। ਸਕਲ ਪ੍ਰਿਥਮੀ ਕੀ ਪ੍ਰਕਰਮਾ ਕਰੀ ਮੈਂ ਕਹੀਂ ਮੇਰਾ ਰਬ ਥਕਿਆ ਨਾਹੀ ।। ਅਰ ਈਹਾਂ ਜੋ ਥਕਿਆ ਹੈ ਸੋ ਕੋਈ ਮੇਰੇ ਤੇ ਭੀ ਵਾਧਾ ਪੁੰਨ ਆਤਮਾ ਰਹਤਾ ਨਜ਼ਰ ਆਵਤਾ ਹੈ ਜਿਸ ਕੇ ਤੇਜ ਤੇ ਮੇਰਾ ਰਬ ਚਲਤਾ ਨਾਹੀ ।। ਤਬ ਰਾਜਾ ਰਬ ਤੇ ਉਤਰਿਆ ਆਗੈ ਕਉ ਚਲਿਆ ।। ਜੋ ਦੇਖੈ ਤਉ ਏਕ ਪਰਬਤ ਕੀ ਕੁੰਦਰਾ ਮੈਂ ਏਕ ਰਖੀਸਰ ਬੈਠਾ ਹੈ ।। ਉਸ ਕੇ ਤੇਜ ਸੋ ਕੁੰਦਰਾ ਮੈਂ ਉਜਾਲਾ ਹੋ ਰਹਾ ਹੈ ।। ਜੈਸੇ ਸੁਰਜ ਕੀ ਕਿਰਣਾ ਉਦੈ ਭਈ ਹੋਵੈ ।। ਤਬ ਰਾਜਾ ਨੇ ਜਾਣਿਆ ਜੋ ਰਈਕ ਰਖੀਸਰ ਈਹਾ

ਹੀ ਹੈ ॥ ਡੰਡਉਤ ਕਰੀ ਚਰਨ ਪਕੜ ਰਹਿਆ ॥ ਹਾਥ ਜੋੜ ਕੇ ਵੇਨਤੀ ਕਰੀ ਤੁਮਾਰੇ ਦਰਸਨ ਕੀਏ ਤੇ ਮੇਰਾ ਜਨਮ ਸਫਲ ਭਇਆ ਹੈ ॥ ਮੈਂ ਕ੍ਰਿਤਾਰਥ ਭਇਆ ਹੋਂ ॥ ਤਬ ਰਈਕ ਰਖੀਸਰ ਬੋਲਿਆ ॥ ਹੇ ਰਾਜਾ ਤੁਮ ਪ੍ਰਿਥਵੀ ਪਤਿ ਹੋ ਚਾਰ ਧਰਮ ਕੇ ਸਾਧਣ ਵਾਲੇ ਹੋ ॥ ਬਡੇ ਪੁੰਨ ਆਤਮਾ ਹੋ ॥ ਮੈਂ ਭੀ ਨਾਮ ਤੁਮਾਰਾ ਸੁਣਿਆ ਹੈ ਤੁਮ ਰਾਜਾ ਜਾਨ ਸੁਰਤ ਹੋ ॥ ਬਡੇ ਧਰਮਾਤਮਾ ਹੋ ॥ ਤਬ ਰਾਜਾ ਕਉ ਬਡਾ ਆਦਰ ਦੀਆ ॥ ਬੈਠਾਇਆ ਸਿਖ ਕਉ ਆਗਿਆ ਦੀਨੀ ॥ ਤੁਮ ਕੰਦ ਮੂਲ ਲੇ ਆਵੇ ॥ ਰਾਜਾ ਕਉ ਦੇਵੇ ॥ ਤਬ ਸਿਖ ਲੇ ਆਏ ਰਾਜਾ ਕਉ ਦੀਏ ॥ ਤਬ ਦਈਕ ਰਖੀਸਰ ਬੋਲਿਆ ॥ ਹੇ ਰਾਜਾ ਜਾਨ ਸੁਰਤ ਕੁਛ ਆਗਿਆ ਕਰੋ ਤੁਮਾਰੀ ਸੇਵਾ ਕਰੇਂ ॥ ਤਬ ਰਾਜਾ ਬੋਲਿਆ ਹੇ ਰਖੀਸਰ ਜੀ ਉਂਹ ਪੁੰਨ ਧਰਮ ਮੁਝ ਕਉ ਕਹੋ ॥ ਜਿਸ ਸਿਉ ਤੁਮਾਰੀ ਸੰਸਾਰ ਮੋਂ ਉਸਤਤ ਹੋਇ ਰਹੀ ਹੈ ॥ ਲੋਕ ਸਭ ਤੁਮਾਰੀ ਉਸਤਤ ਕਰੇ ਹੈਂ ॥ ਅਉਰ ਸੂਰਜ ਕੀ ਕਿਰਣੇਂ ਕੀ ਨਿਆਈਂ ਚਾਂਦਨਾ ਹੋ ਰਹਿਆ ਹੈ ॥ ਤਬ ਰਈਕ ਰਖੀਸਰ ਬੋਲਿਆ ॥ ਹੇ ਰਾਜਾ ਹਮ ਤੋ ਅਤੀਤ ਹੈਂ ਭਸਮ ਲਗਵਾਤੇ ਹੈਂ ਹਮ ਨੇ ਤੋ ਕੋਈ ਪੁੰਨ ਧਰਮ ਐਸਾ ਕੀਆ ਨਹੀਂ ॥ ਹਾਂ ਏਕ ਬਾਤ ਹੈ ਰੀਤਾ ਕਾ ਛਿਹਵਾਂ ਧਿਆਇ ਪਾਠ ਕਰਤਾ ਹੋਂ ॥ ਤਿਸਕਾ ਪੁੰਨ ਹੈ ॥ ਜਿਸਤੇ ਸੰਸਾਰ ਉਸਤਤ ਕਰਤਾ ਹੈ ॥ ਅਉਰ ਇਸ ਪਰਬਤ ਕੀ ਕੰਦਰਾ ਮੈਂ ਚਾਂਦਨਾ ਹੋ ਰਹਾ ਹੈ ॥ ਸਭ ਪਰਤਾਪ ਰੀਤਾ ਕੇ ਛਿਹਵੇਂ ਧਿਆਇ ਕੇ ਪਾਠ ਕਾ ਹੈ ॥ ਏਹ ਬਾਤ ਰਾਜਾ ਸੁਣਕੇ ਰਾਜਾ ਨੇ ਆਪਣਾ ਪੁਤਰ ਬੁਲਾਇ ਲੀਆ ॥ ਅਰ ਕਹਿਆ ॥ ਹੇ ਪੁਤਰ ਏਹ ਰਾਜਾ ਤੂੰ ਕਰਿ ॥ ਤਬ ਰਾਜਾ ਜਾਨ ਸੁਰਤ ਰਈਕ ਰਖੀਸਰ ਕੇ ਦਰਸਨ ਕਰ ਵਿਕਤ ਭਇਆ ॥ ਤਿਸ ਕਉ ਡੰਡਉਤ ਕਰੀ ਅਰ ਕਹਿਆ ਮੁਝ ਕਉ ਰੀਤਾ ਕਾ ਪਾਠ ਕਰਨੇ ਸਿਖਾਵੇ ॥ ਤਬ ਰਾਜਾ ਰੀਤਾ ਪਾਠ ਕਰਨੇ ਸੀਖਿਆ ॥ ਤਬ ਰਾਜਾ ਤ੍ਰਿਕਾਲ ਦਰਸੀ ਭਇਆ ॥ ਐਸੇ ਹੀ ਬ ਮੈਂ ਰਹਤੇ ਹੂਏ ਬਹੁਤ ਵਰਖ ਗੁਜਰੇ ॥ ਤਬ ਏਕ ਦਿਨ ਪ੍ਰਾਣਾਯਾਮ ਕਰਿਕੇ ਦੋਨੋ ਨੇ ਦੇਹ ਛੋਡੀ ਤਬ ਏਕ ਵਿਮਾਨ ਪਾਰਖਦ ਲੇ ਆਏ ॥ ਤਬ ਏਕ ਵਿਮਾਨ ਪਰ ਦੋਨੋ ਬੈਠਕੇ ਵੈਕੁੰਠ ਗਏ ॥ ਤਬ ਨਾਰਾਇਣ ਜੀ ਬੋਲੇ ॥ ਸ੍ਰੀ ਲਛਮੀ ਛਿਹਵੇਂ ਧਿਆਇ ਕਾ ਫਲ ਕਹਿਆ ॥ ਸੋ ਤੁਮ ਸੁਣਿਆ ॥੬॥ ਇਤ ਸ੍ਰੀ ਪਦਮ ਪੁਰਾਣੇ ਸਤੀ ਈਸੁਰ ਸੰਬਾਦੇ ਉਤਰਖੰਡੇ ਸ੍ਰੀ ਰੀਤਾ ਮਹਾਤਮੇ ਸ੍ਰੀ ਗੋਬਿੰਦ ਸਿੰਘ ਕ੍ਰਿਤੇ ਨਾਮ

D. Gobind Geeta | Giani Hardeep Singh | Hazur Sahib Nanded (Billa-9960448233) (28-5-2016) (66)

ਕਰਾਹਿ ॥੧੨॥ ਜਗ ਅਧਾਰ ਹੈ ਤਿਸ ਗਿਆਨ ॥ ਬੇਦੋਂ ਅਧਾਰ ਓਅੰ ਜਾਨ ॥ ਸੋ ਮੇਰੇ ਆਧਾਰ ਓਅੰਕਾਰ
 ॥ ਤਿਸੁ ਓਅੰਕਾਰ ਮੁਝ ਅਧਾਰ ॥੧੩॥ ਸਭ ਜਗ ਆਸਰੇ ਆਕਾਸ ॥ ਜਿਸ ਮੈਂ ਸਬਦੁ ਕਾ ਹੈ ਬਾਸ ॥
 ਅਕਾਸ ਸਬਦੁ ਅਧਾਰ ॥ ਸਬਦੁ ਆਸਰੇ ਹੈ ਮੁਝ ਯਾਰ ॥੧੪॥ ਬਲ ਅਧਾਰ ਸਭ ਜਗ ਭਰੇ ॥ ਸੋ ਬਲ
 ਆਸਰਾ ਮੁਝ ਕਰੇ ॥ ਸਭ ਭੂਮ ਕਾ ਜੀਵ ਹੈ ਗੰਧ ॥ ਭੂਮ ਆਸਰੇ ਤਿਸ ਬੰਧ ॥੧੫॥ ਸੰਘ ਅਧਾਰ ਮੇਰਾ
 ਅਹੈ ॥ ਤਿਸੁ ਅਧਾਰ ਸੇ ਵਹੁ ਰਹੈ ॥ ਅਧਾਰ ਅਗਨਿ ਸੰਸਾਰ ॥ ਤੇਜ ਅਗਨਿ ਕੋ ਅਧਾਰ ॥੧੬॥ ਤੇਜ
 ਅਧਾਰ ਮੇਰਾ ਹੋਇ ॥ ਮੇਰੇ ਅਧਾਰ ਹੈ ਸਭ ਕੋਇ ॥ ਜੀਵ ਕਾ ਜੀਵ ਮੁਝ ਕੋ ਜਾਨ ॥ ਸਰਬ ਮਾਹਿ ਮੁਝ ਕੋ
 ਮਾਨਿ ॥੧੭॥ ਤਪਸੀ ਤਪ ਕਾ ਆਧਾਰ ॥ ਮੇਰੇ ਆਧਾਰ ਤਪ ਬੀਚਾਰ ॥ ਅਰਜਨ ਐਸਾ ਮੁਝ ਕੋ ਜਾਨ
 ॥ ਮੁਝ ਕੋ ਜਗਤ ਕੇ ਮਧ ਮਾਨ ॥੧੮॥ ਸੋਰਠਾ ॥ ਸਭ ਸੰਸਾਰ ਕਾ ਬੀਜ ਮੁਝਕੋ ਜਾਨੋ ਮੀਤ ਤੂੰ ॥ ਐਸੇ
 ਹੀ ਤੂੰ ਸਮਝ ਸਭ ਕਾ ਬੀਜ ਏਕ ਆਤਮਾ ॥੧੯॥ ਦੋਹਰਾ ॥ ਸਨਾਤਨ ਪੁਰਾਤਨ ਮੈਂ ਹੋ ਮੀਤਾ ॥ ਜਿਨਿ
 ਇਹ ਸਕਲ ਪਸਾਰਾ ਕੀਤਾ ॥੨੦॥ ਦੋਹਰਾ ॥ ਨੇਤ੍ਰ ਉਘਾਰੋ ਤਬ ਜਗ ਦ੍ਰਿਸਟਾਵੈ ॥ ਮੂੰਦੇ ਆਂਖ ਸਭ ਲੈ
 ਹੋ ਜਾਵੈ ॥੨੧॥ ਦੋਹਰਾ ॥ ਅੰਤਹ ਕਰਣ ਮੈਂ ਸੁਪਨ ਬਨਾਊ ॥ ਸੁਪਨ ਤਿਆਗ ਸੁਖੋਪਤ ਮੈਂ ਜਾਊ ॥੨੨॥
 ਦੋਹਰਾ ॥ ਤਹਾ ਅਰੂਪ ਨਿਰ ਦੁੰਦ ਬਿਰਾਜੋ ॥ ਸਭ ਕਾ ਸਾਛੀ ਸਭ ਕੋ ਸਾਜੇ ॥੨੩॥ ਟੀਕਾ ਕਾਰ ਵਾਚ ॥
 ਚੌਪਈ ॥ ਜੋ ਦੀਸੈ ਸੋ ਸਕਲ ਅਕਾਲ ॥ ਹਰਿ ਹੈ ਬਿਰਧ ਤਰਨ ਅਰੁ ਬਾਲ ॥ ਸਭ ਕੋ ਰੂਪ ਬਿਸਨ ਕਾ ਭਾਈ
 ॥ ਏਕੋ ਬਿਸਨ ਸੂਜਾ ਨਹੀਂ ਰਾਈ ॥੨੪॥ ਵਹੀ ਬਿਸਨ ਜਬ ਮਾਇਆ ਰਾਚੇ ॥ ਵਰਨ ਆਸ਼੍ਰਮ ਮੈਂ ਆਪੇ
 ਨਾਚੇ ॥ ਆਪ ਤੇ ਭਲਾ ਗੈਰ ਕੋ ਜਾਨੈ ॥ ਜੀਵ ਦੁਖੀ ਆਵਪਕੋ ਮਾਨੈ ॥੨੫॥ ਜਬ ਚਾਭਹੈ ਮੈਂ ਪਾਵਉਂ ਆਪ
 ॥ ਨਿਤ ਅਨਿਤ ਕਾ ਜਾਪੈ ਜਾਪ ॥ ਅਨਿਤ ਦੇਹਿ ਕੋ ਜਬ ਵਹਿ ਮਾਨੇ ॥ ਤਬ ਵਹਿ ਬਿਸਨ ਆਪ ਕੋ ਜਾਨੈ
 ॥੨੬॥ ਵਹੀ ਬਿਸਨ ਆਪ ਕੋ ਜਾਨੈ ॥੨੬॥ ਵਹੀ ਬਿਸਨ ਆਪ ਫੁਨਿ ਹੋਵੈ ॥ ਆਪ ਤੇ ਭਲਾ ਮਨ ਸੋ
 ਖੇਵੈ ॥ ਏਕ ਅਦ੍ਵੈਤ ਭਲਾ ਨ ਬੁਰਾ ॥ ਸੋ ਜਾਨੈ ਜੋ ਜੁੜਾ ॥੨੭॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਤੇਜੋ
 ਕਾ ਮੈਂ ਤੇਜ ਹੋਂ ਅਰ ਬੁਧੋਂ ਕੀ ਮੈਂ ਸਿਧ ॥੨੮॥ ਦੋਹਰਾ ॥ ਕਿਸੀ ਵਸਤ ਕੀ ਕਾਮਨਾ ਰਾਖੇ ਨਾ ਮਨ ਮਾਹਿ

ਸੁਧ ਹੋਵੈ ਸੁਧ ਤੇ ਇੰਦ੍ਰੀ ਜੀਤੇ ॥ ਜਬ ਇੰਦ੍ਰੀ ਮਨ ਮੋ ਲੈ ਹੋਈ ਮਨ ਬੁਧ ਆਤਮ ਮੈ ਲੈ ਕੀਤੇ ॥ ਤਬ ਗਿਆਨ
 ਮੇਰਾ ਤਿਸ ਉਪਜਿਆ ਸਮ ਲਾਗੈ ਉਸ ਵੈਰੀ ਮੀਤੇ ॥੪੪॥ ਦੋਹਰਾ ॥ ਜਿਸ ਗਿਆਨ ਮੇਰਾ ਉਪਜਿਆ
 ਦ੍ਰਿਸਟਿ ਜੈਸੀ ਤਿਸ ਹੋਇ ॥ ਜਾਨੈ ਸਗਲਾ ਬਾਸਦੇਵ ਦੁਤੀਆ ਨਾਹੀ ਕੋਇ ॥੪੫॥ ਦੋਹਰਾ ॥ ਦ੍ਰਿਸਟਿ
 ਬਕਤਾ ਸੁਨਤਾ ਲੇਤਾ ਏਕੋ ਪ੍ਰਭ ਜੀ ਹੋਇ ॥ ਬਾਸਦੇਵ ਜਿਨਿ ਜਾਨਿਆ ਬਾਸਦੇਵ ਹੈ ਸੋਇ ॥੪੬॥ ਦੋਹਰਾ
 ॥ ਐਸਾ ਮਹਾਤਮਾ ਪੁਰਖ ਵਿਰਲਾ ਜਗ ਮੈਂ ਜਾਨੀਐ ॥ ਸੰਸਾਰ ਬਿਖੈ ਦੁਰਲਭ ਮੁਝ ਸਰੂਪ ਵਹੁ ਮਾਨੀਐ
 ॥੪੭॥ ਦੋਹਰਾ ॥ ਅਰਥ ਨਮਿਤਿ ਉਪਾਸਨਾ ਦੇਵੋਂ ਕੀ ਜੋ ਕਰੈ ॥ ਮੋਹੇ ਹੂਏ ਕਾਮਨਾ ਮੁਝ ਸੋ ਪ੍ਰੀਤ ਨ ਕਰੈ
 ॥੪੮॥ ਚੋਪਈ ॥ ਕਾਮਨਾ ਨਮਿਤ ਦੇਵ ਜੋ ਮਾਨੈ ॥ ਮੇਰਾ ਗਿਆਨ ਵਹੁ ਮੂਲ ਨ ਜਾਨੈ ॥ ਉਪਾਸਨਾ ਦੇਵੋਂ
 ਕੀ ਮਨ ਧਰੈ ॥ ਨਿਸਚਾ ਦ੍ਰਿੜ ਸੁਰੋਂ ਮੈਂ ਕਰੈ ॥੪੯॥ ਤਿਨਕਾ ਰਿਦਾ ਸੁਰੋਂ ਸੋ ਲਾਉਂ ॥ ਤਿਨਕੀ ਪ੍ਰੀਤਿ ਸੁਰ
 ਮਾਹਿ ਬਢਾਉਂ ॥ ਜਿਸ ਜਿਸ ਦੇਵਤਾ ਕੋ ਜੋ ਜਾਪੈ ॥ ਉਪਸਕ ਉਪਾਸਨਾਂ ਜਿਸ ਮਨ ਥਾਪੈ ॥੫੦॥ ਪੂਜਾ
 ਕਰਿ ਕਰਿ ਫਲ ਕਉ ਚਾਹੀ ॥ ਤਿਸੀ ਦੇਵਤਾ ਤੇ ਵਰ ਪਾਹੀ ॥ ਤਿਸ ਦੇਵਤਾ ਕੋ ਮੈਂ ਸਮਝਾਉਂ ॥ ਮਾਂਗਨ
 ਹਾਰੇ ਕਉ ਢਲ ਦੇਵਾਉਂ ॥੫੧॥ ਜੋ ਨਰ ਦੇਵਤਾ ਤੇ ਬਰ ਪਾਵੈ ॥ ਸੋ ਬਰ ਅੰਤਿ ਨਾਮ ਹੋ ਜਾਵੈ ॥ ਜਿਸਕੀ
 ਬੁਧ ਹੈ ਮਹਾਂ ਮਲੀਨ ॥ ਸੁਝਕੋ ਤਿਆਗ ਸੁਰੋਂ ਕੋ ਲੀਨ ॥੫੨॥ ਅਰਾਧੇ ਸੁਰ ਅਰੁ ਪੂਜਾ ਕਰੈ ॥ ਸੋ ਦੇਵਤਿਓ
 ਕੇ ਲੋਕੋ ਮੈਂ ਪੜੈ ॥ ਜਬ ਦੇਹਿ ਛਾਡੇ ਦੇਵ ਪੂਰ ਜਾਵੈ ॥ ਦੇਵ ਪੂਰ ਤੇ ਵਹੁ ਫਿਰਿ ਕਰਿ ਆਵੈ ॥੫੩॥ ਅਰੁ
 ਜੋ ਮੁਝਕੋ ਅਵਿਕਤ ਨਹੀਂ ਜਾਨੈ ॥ ਵਿਯਕਤ ਜਨਮਿਆ ਮੁਝਕਿ ਮਾਨੈ ॥ ਮੇਰਾ ਪ੍ਰਤਾਪ ਵਹੁ ਮਾਨੈ ਨਾਹੀ ॥
 ਜੋ ਉਤਮ ਮੈਂ ਸਭ ਤੇ ਆਹੀ ॥੫੪॥ ਮੁਝ ਤੇ ਉਤਮ ਅਉਰ ਨ ਕੋਈ ॥ ਅਬਿਨਾਸੀ ਮੈਂ ਆਤਮ ਸੋਈ ॥
 ਐਸਾ ਮੁਝਕੋ ਜਾਨੈ ਨਾਹੀ ॥ ਮੋਹੇ ਮੇਰੀ ਮਾਇਆ ਮਾਹੀ ॥ ਵਹੁ ਮੂਰਖ ਮੁਝ ਨਾਹਿ ਪਛਾਨੈ ॥ ਹਉ ਅਜਨਮ
 ਜਨਮ ਮੁਝ ਮਾਨੈ ॥੫੫॥ ਦੋਹਰਾ ॥ ਚਉਦਾ ਹੀ ਬ੍ਰਹਮੰਡ ਮੈਂ ਜੋ ਕਛੁ ਵਰਤੈ ਜੀਵ ॥ ਸਭ ਹੂ ਕੋ ਮੈਂ ਜਾਨਤਾ
 ਅਰੁ ਸਭ ਹੀ ਕੋ ਮੈਂ ਕੀਉ ॥੫੬॥ ਦੋਹਰਾ ॥ ਜਿਸਕੋ ਆਗੈ ਹੋਵਣਾ ਤਿਨਕੋ ਜਾਨੋ ਮੀਤ ॥ ਬੀਤੈ ਪੀਛੈ ਲੋਕ
 ਜੋ ਸੋ ਸਭ ਹੀ ਮੁਝਕੋ ਚੀਤ ॥੫੭॥ ਦੋਹਰਾ ॥ ਮੁਝਕੋ ਨਾ ਕੋ ਜਾਨਤਾ ਮੈਂ ਗੋਬਿੰਦ ਭਗਵਾਨਾ ॥ ਸਭ ਦੇਹੋਂ

ਕੇ ਅੰਤਰੇ ਮੈਂ ਨਾ ਕੋ ਜਾਨਤਾ ਮੈਂ ਹੀ ਪੁਰਖ ਪ੍ਰਧਾਨ ॥੫੮॥ ਦੋਹਰਾ ॥ ਅਰਜਨ ਇਕ ਤੂ ਜਾਨਤਾ ਜਿਉਂ ਕਾ
 ਤਿਉਂਮੁਝ ਮੀਤ ॥ ਸੰਸਾਰੀ ਮੁਝੈ ਨ ਜਾਨਤੇ ਭੋਗੋਂ ਸੋ ਤਿਨ ਪ੍ਰੀਤ ॥੫੯॥ ਦੋਹਰਾ ॥ ਭਲੀ ਵਸਤ ਕਉ ਚਾਹਤੇ
 ਬੁਰੀ ਵਸਤ ਤੇ ਕ੍ਰੋਧ ॥ ਅਗਿਆਨ ਹੀ ਕਰਿ ਮੂਝ ਹੈ ਤਿਨਕੋ ਨਾਹੀ ਬੋਧ ॥੬੦॥ ਦੋਹਰਾ ॥ ਦੁੰਦ ਭਾਵ ਕਰਿ
 ਆਖ ਹੈ ਜਨਮ ਮਰੈ ਵਹੁ ਨੀਤ ॥ ਉਪਜੈ ਬਿਨਸੈ ਜਗਤ ਮੈਂ ਹੇ ਅਰਜਨ ਧਰ ਚੀਤ ॥੬੧॥ ਦੋਹਰਾ ॥ ਹੇ
 ਪਾਰਥ ਅਬ ਅਉਰ ਸੁਨ ਗਲਤ ਕੀਏ ਜਿਹ ਪਾਪ ॥ ਸੋ ਪੁੰਨ ਆਤਮ ਜੀਵ ਹੈ ਤਿਨਾ ਪਛਾਤਾ ਆਪ ॥੬੨॥
 ਸੋਰਠਾ ॥ ਕਰਮ ਜੋਰੀ ਸੋ ਜਾਨ ਪਾਂਚ ਤੀਨ ਮੈਂ ਮੁਕਤ ਹੈ ॥ ਸੋ ਮੇਰੇ ਸੰਗ ਮਾਨ ਜਿਨ ਨਿਹਚਾ ਮੇਰੀ ਭਗਤ
 ਕਾ ॥੬੩॥ ਕਬਿਤ ॥ ਮੇਰੇ ਹੀ ਆਸਤੇ ਮੇਰੀ ਹੀ ਪੂਜਾ ਸੋ ਹੀ ਧਿਆਨ ਸਾਥ ਮੇਰੇ ਸੰਗਿ ਜੁੜੇ ਹੈਂ ॥ ਜੜਾ
 ਮਰਣ ਆਦਿ ਤੇ ਸਕਲੇ ਦੁਖ ਹੈ ਅਉਰ ਪਾਪ ਦੇਹਿ ਕੇ ਤਿਸ ਤੇ ਸਭ ਮੁੜੇ ਹੈਂ ॥ ਗਿਆਨ ਕੇ ਪ੍ਰਸਾਦਿ ਤੇ ਜਾਨੈ
 ਮੁਝ ਈਸਰ ਕੋ ਮੇਰਾ ਹੀ ਸਿਰਮਨਿ ਤਿਹ ਅੰਤਰਿ ਮਹਿ ਫੁਰੇ ਹੈ ॥ ਅਧਿਆ ਤਮ ਵਹੁ ਸਭੀ ਤੇ ਜਾਨੈ ਹੈ ਮੁਝੀ
 ਕੋ ਮੇਰੇ ਪਹਿਚਾਨ ਕਰਿ ਆਨੰਦ ਮਾਹਿ ਦੁਰੇ ਹੈਂ ॥੬੪॥ ਸੋਰਠਾ ॥ ਅਧਭੂਤਕ ਅਧਦਇਵ ਗਿਆਨੀ ਜਾਨੈ
 ਮੁਝੀ ਕੋ ॥ ਤਿਸ ਜਾਨਨ ਪ੍ਰਸਾਦਿ ਨਿਸ ਦਿਨ ਰਹਤੇ ਮੁਝੀ ਮੈਂ ॥੬੫॥ ਦੋਹਰਾ ਦੇਹਿ ਤਿਆਗਨ ਕੇ ਸਮੈਂ ਮੁਝ
 ਸਿਮਰਨ ਮੈਂ ਆਹਿ ॥ ਤਿਆਗ ਕਰੈ ਜਬ ਪ੍ਰਾਨ ਕਾ ਮੁਝ ਪਦਵੀ ਕੋ ਪਾਹਿ ॥੬੬॥ ਸੋਰਠਾ ॥ ਮੇਰੇ ਪਦ
 ਮੈਂ ਆਇ ਜੋ ਨਰ ਪ੍ਰਾਪਤ ਹੋਤ ਹੈਂ ॥ ਮਹਾ ਪਰਮ ਸੁਖ ਪਾਇ ਸਦਾ ਰਹੈ ਵਹੁ ਮੁਝ ਬਿਖੈ ॥੬੭॥ ਟੀਕਾਕਾਰ
 ਵਾਚ ॥ ਚੋਪਈ ॥ ਸਪਤਮੇ ਧਿਆਇ ਸੰਪੂਰਨ ਇਹੁ ਭਇਆ ॥ ਹੰਸ ਜੋਗ ਨਾਮ ਤਿਸ ਕਹਿਆ ॥ ਜੋ ਸੁਨ
 ਧਾਰੈ ਮਨ ਕੇ ਮਾਹਿ ॥ ਸੋ ਭੀ ਬਾਸਦੇਵ ਹੋ ਜਾਹਿ ॥ ਸੰਸਾਰ ਭਰਮ ਤਿਸ ਦਿਸਟਿ ਨ ਆਵੈ ॥ ਏਕੋ ਬਾਸਦੇਵ
 ਸਭ ਪਾਵੈ ॥੬੮॥੭॥ ਇਤ ਸ੍ਰੀ ਭਗਵਤ ਗੀਤਾ ਸੂਪਨਖਤ੍ਰੁ ਸੁ ਬ੍ਰਹਮ ਵਿਦਿਆ ਜੋਗ ਸਾਸਤ੍ਰੇ ਸ੍ਰੀ ਕ੍ਰਿਸ਼ਨ
 ਅਰਜਨ ਬੰਵਾਦੇ ਉਤਰ ਖੰਡੇ ਸਤੀ ਇਸਰ ਸੰਬਾਦੇ ਗਯਾਨ ਬਿਗਿਆਨ ਜੋਗੋ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਸਪਤਮੇ
 ਧਿਆਇ ॥੭॥ ਸ੍ਰੀ ਭਗਵਾਨੋ ਵਾਚ ॥ ਹੇ ਸ੍ਰੀ ਲਛਮੀ ਅਬ ਸਾਤਵੇਂ ਅਧਿਆਇ ਕਾ ਫਲ ਕਹਤਾ ਹੋਂ ਸੋ ਭੂੰ
 ਸੁਣ ॥ ਏਕ ਨਗਰ ਥਾ ॥ ਨਾਮ ਉਸਕਾ ਪਾਟਲ ਥਾ ॥ ਉਸ ਮੈਂ ਏਕ ਬਾਣੀਆ ਰਹਤਾ ਥਾ ॥ ਨਾਮ ਉਸਕਾ

ਸੰਕੂਕਰਨ ਥਾ ॥ ਸੋ ਵਪਾਰ ਕਰਨੈ ਕਉ ਅਉਰ ਨਗਰ ਕਉ ਚਲਿਆ ॥ ਅਉਰ ਵਾਪਾਰੀ ਭੀ ਚਲੇ ॥ ਸੋ ਮਾਰਗ ਮੈਂ ਚਲੇ ਜਾਤੇ ਥੇ ॥ ਜੋ ਏਕ ਸਰਪ ਨੇ ਸੰਕੂਕਰਨ ਕਉ ਕਾਟਿਆ ਸੋ ਤਿਸੀ ਸਮੇਂ ਤਤਕਾਲ ਮਰਿ ਗਇਆ ॥ ਤਬ ਅਉਰ ਵਾਪਾਰੀ ਸਭ ਸਾਥ ਥੇ ॥ ਤਿਨੋਂ ਨੇ ਦਾਗ ਦੀਆ ॥ ਤਬ ਵਾਪਾਰੀ ਆਗੇ ਚਲੇ ॥ ਐਸੇ ਹੀ ਬਹੁਤ ਦਿਨੋਂ ਮੈਂ ਵਾਪਾਰ ਕਰਕੇ ਫੇਰੀ ਆਏ ॥ ਤਬ ਸੰਕੂਕਰਨ ਕੇ ਬੇਟੇ ਨੇ ਇਨ ਵਾਪਾਰੀ ਕਉ ਪੂਛਾ ॥ ਜੋ ਮੇਰਾ ਪਿਤਾ ਤੁਮਾਰੇ ਸਾਥ ਵਾਪਾਰ ਕਉ ਗਇਆ ਥਾ ਸੋ ਕਹਾਂ ਰਹਿਆ ਥਾ ॥ ਤਬ ਵਾਪਾਰੀ ਬੋਲੇ ॥ ਤੇਰੇ ਪਿਤਾ ਕਉ ਸਰਪ ਨੇ ਡਸਿਆ ਹੈ ॥ ਸੋ ਵਹੁ ਮੂਆ ਹੈ ॥ ਏਹ ਉਸ ਤੇਰੇ ਪਿਤਾ ਧਨ ਸਾਥ ਉਠਾਇਆ ਥਾ ॥ ਸੋ ਤੂੰ ਲੇਹਿ ॥ ਏਕ ਕਾਮ ਕਰਿ ਕੇ ਬਾਲਕ ਤੂੰ ਉਸਕੀ ਗਤਿ ਕਰਿ ॥ ਜੋ ਵਹੁ ਦੇਹਿ ਤੇ ਛੂਟੇ ॥ ਤਬ ਬਾਲਕ ਆਪਣੇ ਘਰਿ ਆਇਆ ॥ ਉਸਨੇ ਬ੍ਰਾਹਮਣੋਂ ਕਉ ਪੂਛਾ ॥ ਜੋ ਮੇਰੇ ਪਿਤਾ ਕਉ ਸਰਪ ਨੇ ਕਾਟਿਆ ਹੈ ਸੋ ਕੁਮਉਤ ਸੂਆ ਹੈ ॥ ਉਸ ਕਾ ਕਛੁ ਉਪਾਇ ਬਤਾਵਉ ਜੋ ਮੈਂ ਕਰੋਂ ॥ ਜਿਸ ਸਿਉਂ ਪਿਤਾ ਮੇਰਾ ਨੀਚ ਦੇਹ ਤੇ ਛੂਟੇ ॥ ਮੁਕਤ ਹੋਵੈ ॥ ਤਬ ਬ੍ਰਾਹਮਣ ਬੋਲੇ ॥ ਤੂੰ ਨਾਰਾਇਣੀ ਬਲ ਕਰਿ ॥ ਮਾਂਹ ਕੇ ਆਟੇ ਕਾ ਉਸਕਾ ਸਰੀਰ ਬਨਾਇ ॥ ਅਉਰ ਰਤਨ ਚੂਨੀਆ ਉਸ ਕੇ ਅੰਗੋਂ ਕਉ ਲਗਾਵਉ ॥ ਜੈਸੀ ਤੈਸੀ ਵਿਧ ਉਸਨੇ ਬਤਾਈ ਤੈਸੀ ਤੈਸੀ ਸਭ ਕਰੀ ॥ ਤਿਲਾਂਜਲੀ ਕਰੀ ਪਿੰਡ ਭਰੇ ਜੇਵਣ ਵਾਰ ਕੀਨੀ ॥ ਅਰ ਬਹੁਤ ਬ੍ਰਾਹਮਣ ਜਿਵਾਏ ॥ ਸਰਾਧ ਕੀਆ ॥ ਜੋ ਜੋ ਕਛੁ ਬ੍ਰਾਹਮਣੋਂ ਨੇ ਬਤਾਇਆ ਸੋ ਸਭ ਕੀਆ ॥ ਤਬ ਜੋ ਕਛੁ ਦਰਬ ਬਚਾ ਸੋ ਚਾਰ ਪੁਤ੍ਰ ਥੇ ਤਿਨੋਂ ਨੇ ਬਾਂਟਲੀਆ ॥ ਤਬ ਏਕ ਪੁਤ੍ਰ ਨੇ ਕਹਾ ॥ ਜਿਸੁ ਸਰਪ ਨੇ ਪਿਤਾਕਉ ਖਾਇਆ ਹੈ ॥ ਤਿਸੁ ਸਰਪ ਕਉ ਮਾਰੋਂਗਾ ॥ ਤਬ ਉਸ ਨੇ ਵਾਪਾਰੀਓਂ ਕਉ ਪੂਛਾ ॥ ਤੁਮ ਉਹ ਠਉਰ ਬਤਾਵਹੁ ਜਹਾਂ ਸਰਪ ਨੇ ਮੇਰੇ ਪਿਤਾ ਕਉ ਕਾਟਿਆ ਥਾ ॥ ਤਬ ਵਾਪਾਰੀ ਬੋਲੇ ਤੂੰ ਹਮਾਰੇ ਸਾਥ ਆਵਹੁ ਤੁਝ ਕਉ ਓਹੀ ਠਉਰ ਬਤਾਵਹੁ ॥ ਤਬ ਉਹਾਂ ਗਇਆ ॥ ਜਉ ਦੇਖੈ ਤਉਏਕ ਖੁਡ ਹੈ ਤਹਾਂ ਕੁਹਾੜੇ ਸਾਥ ਖੋਦਨੇ ਲਾਗਾ ਭੁਇੰ ਬਹੁਤ ਖੋਦੀ ਤਬ ਏਕ ਸਰਪ ਭੀਤਰਿ ਸਿਉਂ ਬੋਲਿਆ ਤੂੰ ਕਉਨ ਹੈ ਈਹਾਂ ਖੋਦਤਾ ਹੈਂ ॥ ਤਬ ਏਹ ਬਾਲਕ ਬੋਲਿਆ ਮੈਂ ਸੰਕੂਕਰਨ ਕਾ ਬੇਟਾ ਹੋਂ ॥ ਮੇਰੇ ਪਿਤਾ ਕਉ ਸਰਪ ਨੇ ਖਾਇਆ ਹੈ ॥ ਸੋ ਮੈਂ ਉਸ ਕਉ ਮਾਰੋਂਗਾ ॥ ਤਬ ਭੀਤਰ

ਦੇਹਿਕੋ ॥੩॥ ਦੋਹਰਾ ॥ ਤਿਆਗ ਦੇਹਿ ਕਾ ਜਬ ਕਰੈ ਤੁਮਰੈ ਪਦ ਕਉ ਜਾਇ ॥ ਕਿਹ ਬਿਧਿ ਇਹ ਪਦਵੀ
 ਲਹੈ ਮੁਝ ਸਮਝਾਵਹੁ ਤਾਹਿ ॥੪॥ ਦੋਹਰਾ ॥ ਅਰਜਨ ਪ੍ਰਸਨ ਜਬ ਆਖਿਓ ਉਤਰ ਕਹੈ ਭਗਵਾਨ ॥ ਹੇ
 ਅਰਜਨ ਮੈਂ ਬ੍ਰਹਮ ਹੋ ਸਭ ਤੇ ਪਰੇ ਮੁਝ ਮਾਨ ॥੫॥ ਚੌਪਈ ॥ ਸਭ ਤੇ ਪਰੇ ਅਬਿਣਾਸੀ ਆਹੀ ॥ ਯਹ ਬਿਧਿ
 ਬ੍ਰਹਮ ਕਹੈ ਤੁਝ ਮਾਹੀ ॥ ਅਧਿਆਤਮ ਨਾਮ ਜੋ ਮੇਤਾ ਗਿਆਨ ॥ ਤਿਸ ਕਾ ਅਰਥ ਤੂੰ ਐਸਾ ਜਾਨ ॥੬॥
 ਅਪਨੇ ਪ੍ਰਤਾਪ ਤੇ ਮੁਝ ਪ੍ਰਤਾਪ ॥ ਅਪਨੇ ਗਿਆਨ ਸੋ ਜਾਨੋ ਆਪ ॥ ਅਪਨੇ ਪ੍ਰਕਾਸ ਜੋਤਿ ਮੁਝ ਅਹੈ ॥ ਮੇਰਾ
 ਪ੍ਰਕਾਸ ਸਭ ਬਪ ਮੋ ਰਹੈ ॥੭॥ ਬ੍ਰਹਮਾ ਆਦਿ ਚੀਟੀ ਪਰਚੰਤ ॥ ਤਿਨ ਕੇ ਮਧਿ ਮੈਂ ਹੀ ਵਰਤੰਤੁ ॥ ਸਭ
 ਕੋ ਉਤਪਤ ਮੈਂ ਹੀ ਕਰਤਾ ॥ ਕਰਮ ਰਿਖ ਸਭ ਕੇ ਸਿਰਿ ਧਰਤਾ ॥੮॥ ਜੈਸਾ ਲਿਖੋਂ ਮਸਤਕ ਕੇ ਮਾਹਿ ॥
 ਤਿਸੀ ਭਾਂਤਿ ਵਹੁ ਦੇਹਿ ਵਰਤਾਹਿ ॥ ਅਬ ਅਧਭੂਤ ਕਾ ਅਰਥ ਸੁਨਾਉਂ ॥ ਭੂਤ ਅਰਥ ਬਪ ਕੋ ਪਾਉਂ ॥੯॥
 ਤਿਨ ਤੀਨੋਂ ਮੈਂ ਰਵਿਓ ਰਾਮ ॥ ਇਉਂ ਅਧਭੂਤ ਮੇਰੇ ਨਾਉਂ ॥ ਅਧਦੈਵ ਅਰਥ ॥ ਅਧਦਈਵ ਅਖਰ ਅਰਥ
 ਇਹੁ ਜਾਨੋ ॥ ਈਵ ਨਾਮ ਹੋਵਨ ਹਾਰ ਕੋ ਮਾਨੋ ॥੧੦॥ ਤਿਸ ਹੋਨਹਾਰ ਕਾ ਮੈਂ ਪ੍ਰਭ ਆਪੁ ॥ ਅਧਦਈਵ
 ਨਾਮੁ ਹੈ ਮੁਝ ਪ੍ਰਤਾਪ ॥ ਮੈ ਠਾਕੁਰ ਸਭ ਸੁਰਕਾ ਮੀਤਾ ॥ ਸੁਰੋਂ ਜਾਪ ਮੇਰਾ ਨਿਤ ਕੀਤਾ ॥੧੧॥ ਤਾਂਤੇ
 ਅਧਦਈਵ ਅਖਰ ਮੈਂ ਆਪ ॥ ਸਭ ਕੇ ਅੰਤਰਿ ਰਹਿਆ ਬਿਆਪ ॥ ਅਧ ਜਗਤ ਅਰਥੁ ॥ ਅਧਿ ਜਗ ਮੈਂ
 ਇਹ ਬਿਧ ਹੂਆ ॥ ਜੇਤੇ ਜਗ ਹੋਇ ਵਿਚਿ ਭੂਆ ॥੧੨॥ ਦੇਵਤਾ ਪਿਤ੍ਰ ਨਮਿਤ ਜੋ ਕਰਤੇ ॥ ਠਾਕੁਰ ਕੋ
 ਅਧਕਾਰੀ ਧਰਤੇ ॥ ਸਭ ਜਗੋਂ ਕਾ ਮੈਂ ਅਧਕਾਰੀ ॥ ਪ੍ਰਥਮੈਂ ਸਭ ਮੁਝ ਨਾਮੁ ਉਚਾਰੀ ॥੧੩॥ ਜਿਨ ਜਗ ਮਾਹਿ
 ਪ੍ਰਿਥਮ ਮੁਝ ਪੂਜੈ ॥ ਸਫਲਾ ਜਗ ਸੋ ਸਭ ਕੋ ਸੂਝੈ ॥ ਸੁਰ ਪਿਤ੍ਰ ਕੋ ਸੋ ਪ੍ਰਾਪਤ ਹੋਇ ॥ ਅਧ ਜਗ ਨਾਮੁ ਐਸਾ
 ਮੁਝ ਸੋਇ ॥੧੪॥ ਦੇਹਿ ਭ੍ਰਾਂਤ ॥ ਦੇਹਿ ਭ੍ਰਾਂਤਾਵਰ ਨਾਮੁ ਮੁਝ ਸੁਨੋ ॥ ਸੋ ਅਰਜਨ ਤੁਮ ਸੋ ਅਬ ਭਨੋ ॥
 ਮੁਝ ਬਪ ਸਾਰਖਾ ਦੇਹਿ ਨ ਕੋਇ ॥ ਸਭ ਤੇ ਸੁੰਦਰ ਬਪ ਮੁਝ ਹੋਇ ॥੧੫॥ ਜੋ ਬਲ ਮੇਰੇ ਦੇਹਿ ਮੈਂ ਅਹੈ ॥
 ਤਿਸ ਕੇ ਸਮ ਅਉਰ ਨ ਲਹੈ ॥ ਦੇਹਿ ਨਾਰੀਓ ਬਿਖੈ ਸ੍ਰੇਸਟਿ ਆਹਿ ॥ ਦੇਹਿ ਭ੍ਰਾਂਤਾਵਰ ਮੁਝ ਨਾਮ ਕਹਾਹਿ
 ॥ ਸਭ ਨਾਮੋ ਕਾ ਅਰਥ ਤੁਝ ਕਹਾ ॥ ਸਭੀ ਨਾਮ ਅਪਨਾ ਮੈਂ ਲਹਾ ॥੧੬॥ ਦੋਹਰਾ ॥ ਪ੍ਰਾਨ ਛੋਡਨ ਕੇ

ਸਮੇਂ ਸਿਮਰੇ ਮੇਰੇ ਜਾਪ ॥ ਜਬ ਵਹੁ ਪ੍ਰਾਨ ਤਿਆਗ ਹੈ ਮੁਝ ਮੈਂ ਰਹੈ ਬਿਆਪ ॥੧੭॥ ਦੋਹਰਾ ॥ ਇਨ ਮੈਂ
ਸੰਸਾ ਕੋਇ ਨਾਹਿ ਪ੍ਰਾਪਤ ਮੁਝ ਮੈਂ ਹੋਇ ॥ ਜੋ ਜੀਵਤ ਮੁਝਕੋ ਮਿਲੈ ਮੇਰਾ ਰੂਪ ਹੈ ਸੋਇ ॥੧੮॥ ਚੋਪਈ ॥
ਸਭ ਬੇਦ ਭੀ ਇਉਂ ਕਹੈ ॥ ਸੰਸਾਰ ਲੋਕ ਜੋ ਅਹੈ ॥ ਜੋ ਵਸਤ ਸਿਮਰਨ ਕਰੈ ॥ ਨਿ ਜੀਵ ਤਿਸਮੈ ਧਰੈ ॥
ਜਬ ਪ੍ਰਾਨ ਤਿਆਗੈ ਆਹਿ ॥ ਤਿਸ ਵਸਤ ਹੀ ਕਉ ਪਾਹਿ ॥ ਤਿਸੁ ਕਾਰਨ ਤੁਝ ਕੋ ਕਹੈ ॥ ਅਪਨਾ ਮਿਤ੍ਰ
ਤੁਝ ਕੋ ਲਹੈ ॥ ਨਿਸਦਿਨ ਸਿਮਰਿ ਮੇਰਾ ਨਾਮ ॥ ਸਿਮਰਨ ਮਾਹਿ ਕਰਿ ਬਿਸਰਾਮ ॥ ਛਿਨ ਭੰਗਰ ਦੇਹ ਹੈ
ਮੀਤ ॥ ਨਿਤ ਤਿਆਗ ਤਿਸਕੀ ਪ੍ਰੀਤ ॥ ਕਿਆ ਜਾਨੀਐ ਕਬ ਜਾਇ ॥ ਤਿਸੁ ਅਭਿਆਸ ਕੋ ਪਾਹਿ ॥ ਜੋ
ਜਾਨਤੇ ਮੁਝ ਨਾਮ ॥ ਮੁਝ ਮਾਹਿ ਤਿਹ ਬਿਸ੍ਰਾਮ ॥ ਨਾਮ ਬਾਝ ਜੋ ਬਿਸ੍ਰਾਮ ॥ ਸੋ ਨਿਤ ਦੁਖ ਹੀ ਕਾ ਕਾਮ
॥ ਨਾਮੁ ਬਾਝ ਜੋ ਅਭਿਆਸੁ ॥ ਤਿਸ ਮੈਂ ਸਦਾ ਦੁਖ ਕੋ ਬਾਸ ॥ ਜੈਸਾ ਅਭਿਆਸੁ ਨਿਤਕੋ ਕਰੈ ॥ ਤੈਸੀ
ਜੂਨ ਮੈਂ ਹੀ ਪਰੈ ॥ ਤਾਂਤੇ ਸੁਣੇ ਪਾਰਥ ਰਾਥ ॥ ਜੁਧ ਕਰੇ ਮਨ ਕੇ ਸਾਥ ॥ ਮਨ ਚਲਤ ਪਕੜ ਨੇ ਆਇ ॥
ਬੁਧ ਸਾਥ ਮਨ ਠਹਰਾਇ ॥ ਚੇਤਾ ਰਾਖ ਮੇਰੇ ਮਾਹਿ ॥ ਤਾਂਤੇ ਜੋਗ ਕਉ ਤੂੰ ਪਾਹਿ ॥ ਇਹੁ ਜੋਗ ਕਰਤਾ ਜੋਇ
॥ ਮੁਝ ਪਾਵਤਾ ਹੈ ਸੋਇ ॥ ਇਸ ਮਾਹਿ ਸੰਸਾ ਨਾਹਿ ॥ ਜੈਸੀ ਮਤਿ ਸੋ ਗਤਿ ਪਾਹਿ ॥੧੯॥ ਦੋਹਰਾ ॥
ਜਿਨ ਐਸਾ ਅਭਿਆਸ ਕਰਿ ਮਨ ਰਾਖਓ ਮੁਝ ਮਾਹਿ ॥ ਚਿਤਵਨ ਮਨ ਕੀ ਸਾਂਤਿ ਕਰਿ ਮੁਝ ਧਿਆਨ ਮੈਂ
ਆਹਿ ॥੨੦॥ ਦੋਹਰਾ ॥ ਸਭ ਤੇ ਪਰੈ ਮੈਂ ਦਿਬ ਪੁਰਖੁ ਕਿਸ ਕਰਿ ਮੁਝਕੋ ਪਾਹਿ ॥ ਸਰਬ ਸੰਗੀ ਸਭ ਕਛੁ
ਜਾਨਤਾ ਸਨਾਤਨ ਪੁਰਾਨ ਆਹਿ ॥੨੧॥ ਦੋਹਰਾ ॥ ਪਹਿਲਿਓ ਤੇ ਪਹਿਲਾ ਹੋਂ ਸਭ ਕੋ ਆਗਿਆ ਕਰੋਂ ॥
ਮੁਝ ਕੋ ਆਗਿਆ ਕੋ ਨਾ ਕਰੈ ਮੈਂ ਸੂਖਮ ਦੇਹਿ ਧਰੈ ॥੨੨॥ ਦੋਹਰਾ ॥ ਉਤਪਤ ਕਰਤਾ ਸਭ ਸ੍ਰਿਸਟਿ ਕਾ
ਮੈਂ ਐਸਾ ਮੁਝ ਪ੍ਰਤਾਪ ॥ ਚਿਤ ਕਰਿ ਚਿਤਵਿਆ ਨ ਜਾਇ ਅਚਿੰਤ ਰੂਪ ਮੈਂ ਆਪ ॥੨੩॥ ਦੋਹਰਾ ॥ ਸੂਰਜ
ਤੇ ਜੋ ਆਦਿ ਨੇ ਪ੍ਰਗਾਸ ਕਰੇ ਜਗ ਸੋਇ ॥ ਤਿਸਕੀ ਜੋਤਿ ਮੈਂ ਜੋਤਿ ਮੁਝ ਸੋ ਪ੍ਰਕਾਸ ਮੁਝ ਹੋਇ ॥੨੪॥ ਦੋਹਰਾ
॥ ਐਸਾ ਮੁਝੇ ਪਹਿਚਾਨ ਕਰਿ ਮਨ ਸੋ ਸਿਮਰੇ ਜੋਇ ॥ ਜਬ ਵਹੁ ਪ੍ਰਾਨ ਤਿਆਗਤਾ ਮੁਝ ਮੈਂ ਪ੍ਰਾਪਤਿ ਹੋਇ
॥੨੪੫॥ ਚੋਪਈ ॥ ਭਗਤ ਦੇਹ ਤਿਆਗਨ ਕੇ ਸਮੇਂ ॥ ਮੇਰੇ ਰੂਪ ਮੈਂ ਮਨ ਕਰਿ ਰਮੇਂ ॥ ਜਨਮ ਤੇ ਆਦਿ

ਦੇਹਿ ਨਾਮ ਪਰਜੰਤ ॥ ਮੇਰੀ ਭਗਤਿ ਕੇ ਮਾਹਿ ਵਰਤੰਤ ॥੨੬॥ ਭਗਤਿ ਜੋਗ ਕੇ ਬਲ ਕਰਿ ਪ੍ਰਾਨੀ ॥ ਦੇਹ
ਤਿਆਗ ਮੈਂ ਮੇਰੇ ਧਿਆਨੀ ॥ ਮੇਰੇ ਧਿਆਨ ਸੇ ਮੁੜਕੇ ਮਿਲੇ । ਐਸਾ ਭਗਤਿ ਕਲੰਕ ਸਭ ਚਲੇ ॥ ਅਰੁ ਜੋਗਿਸਰੁ
ਭਲੇ ਪ੍ਰਕਾਰੁ ॥ ਲਿਆਵੈ ਪ੍ਰਾਨ ਤ੍ਰਿਕੁਟੀ ਮਹਿ ਯਾਰ ॥ ਪ੍ਰਾਨੇ ਕਉ ਤ੍ਰਿਕੁਟੀ ਮਹਿ ਠਾਨੈ ॥ ਦਿਬ ਪੁਰਖ ਪਰੇ
ਤੇ ਵਹੁ ਮਾਨੈ ॥੨੮॥ ਤਿਸੀ ਜਾਪ ਮੈਂ ਪ੍ਰਾਨ ਤਿਆਗੈ ॥ ਬੇਗ ਮੇਰੇ ਪਦ ਮੈਂ ਆਇ ਲਾਗੈ ॥ ਹੇ ਅਰਜਨ
ਸਭ ਤੇਜ ਪ੍ਰਤਾਪ ॥ ਸੁੜਕੇ ਕਰੋ ਸਕਲ ਮੈਂ ਆਪ ॥੨੯॥ ਅਬਿਨਾਸੀ ਬੇਦ ਬਕਤਾ ਜਿਸ ਕਹਤੇ ॥ ਸਕਲ
ਜੀ ਤਿਸਹੀ ਮਹਿ ਰਹਤੇ ॥ ਸਭ ਪ੍ਰਾਨੀ ਸੰਸਾਰੀ ਜੇ ਹੈ ॥ ਪ੍ਰਾਨ ਤਿਆਗ ਤਿਸ ਪ੍ਰਾਪਤਿ ਹੋਇ ਹੈ ॥੩੦॥
ਨਮਿਤ ਪਾਵਨੇ ਤਿਸ ਕਾ ਕਾਰਨ ॥ ਬ੍ਰਹਮਚਰਜ ਬ੍ਰਹਮਚਾਰੀ ਧਾਰਨ ॥ ਤਿਸੁ ਪੁਰਖੁ ਕਾ ਏਹੁ ਪਰਤਾਪ ॥
ਬੋਰੇ ਮਹਿ ਕਹਿਓ ਤਿਸੁ ਜਾਪ ॥੩੧॥ ਆਗੇ ਤੁੜਕੇ ਅਉਰ ਸੁਨਾਊਂ ॥ ਜੋਗੀਸਰੋਂ ਕੀ ਜੁਗਤਿ ਬਤਾਊਂ ॥
ਐਸੀ ਭਾਂਤਿ ਇਕ ਮੁੜ ਕੋ ਚੇਤੈ ॥ ਨਉਂ ਦੁਆਰ ਸੰਜਮ ਕਰਿ ਬੈਠੇ ॥੩੨॥ ਮਨ ਕੋ ਮੇਰੇ ਮਾਹਿ ਵਹੁ ਰਾਖੈ
॥ ਪ੍ਰਾਨ ਬਾਉ ਮਸਤਕ ਮੈ ਲਾਖੈ ॥ ਜੋਗੁ ਜੁਗਤਿ ਕੀ ਧਾਰਨਾ ਧਾਰੈ ॥ ਓਅੰ ਬ੍ਰਹਮ ਇਹੁ ਜਾਪ ਉਚਾਰੈ
॥੩੩॥ ਇਸੀ ਜਾਪ ਮੈਂ ਬਪ ਕੋ ਛੋਟੈ ॥ ਪਾਂਚ ਤੀਨ ਗੋਬਿੰਦ ਹੀ ਲੋੜੈ ॥ ਮੇਰੀ ਗਤਿ ਕੋ ਪ੍ਰਾਪਤਿ ਹੋਵੈ ॥
ਮੁੜ ਸੌਂ ਲਾਗ ਬਪ ਮਲ ਧੋਵੈ ॥੩੪॥ ਦੋਹਰਾ ॥ ਪ੍ਰਥਮੈ ਮੇਰੇ ਭਗਤਿ ਕਾ ਬ੍ਰਿਤੰਤ ਸੁਨੋ ਮੇਰੇ ਮੀਤ ॥ ਨਿਸਚਲ
ਚੇਤਾ ਚਿਤਕਾ ਮੁੜ ਮੈਂ ਰਾਖੈ ਨੀਤ ॥੩੫॥ ਦੋਹਰਾ ॥ ਮੇਰੀ ਕਰੈ ਉਪਾਸ਼ਨਾ ਮੇਰੇ ਨਾਮੁ ਮੁਖ ਲੇਇ ॥ ਮੇਰੇ
ਨਾਮ ਅਧਾਰ ਬਿਨ ਸਵਾਸ ਨ ਜਾਨੈ ਦੋਂ ॥੩੬॥ ਦੋਹਰਾ ॥ ਤਿਨ ਕੋ ਮੈਂ ਸੁਖ ਦੇਤ ਹੋ ਕਸਟ ਬਿਨਾਂ ਮੁੜ ਮਾਹਿ
॥ ਮੇਰੇ ਸੁਖ ਸੌਂ ਮਗਨ ਹੋਇ ਮੇਰੇ ਜੋਗੁ ਜੁੜ ਜਾਹਿ ॥੩੭॥ ਦੋਹਰਾ ॥ ਮੁੜਕੇ ਭਗਤਿ ਵਹੁ ਪਾਵਤੇ ਸਭ ਦੁਖ
ਤਿਨਕੇ ਦਾਹਿ ॥ ਜਨਮ ਮਰਨ ਤੇ ਮੁਕਤਿ ਹੋਇ ਰਹੈ ਸਦਾ ਮੁੜ ਮਾਹਿ ॥੩੮॥ ਦੋਹਰਾ ॥ ਸੰਸਾਰ ਜਨਮ
ਅਤ ਦੁਖ ਹੈ ਸੁਖ ਨਾਹੀਂ ਤਿਹ ਕੋਇ ॥ ਜਿਨ ਪੁਰਖੋਂ ਹਰਿ ਜਾਨਿਆ ਇਹੁ ਜਾਨੈ ਹੈ ਸੋਇ ॥੩੯॥ ਦੋਹਰਾ
॥ ਪਰਮ ਪਦ ਬੈਕੁੰਠ ਮੁਕਤਿ ਜੋ ਤਿਸ ਮੈਂ ਪ੍ਰਾਪਤਿ ਪਾਇ ॥ ਐਸੀ ਮੁਕਤਿ ਕੇ ਲਾਭ ਤੇ ਬਹੁੜ ਨ ਜਗ ਮੈਂ ਆਇ
॥੪੦॥ ਕਬਿਤ ॥ ਬ੍ਰਹਮਾ ਕੇ ਲੋਗ ਲਗ ਚਰਮੀ ਜੀਉ ਜਾਨ ਹੈ ਕਰਮੋਂ ਕੋ ਭੋਗ ਕਰਿ ਤਹਾਂ ਤੇ ਗਿੜਾਵੇ ਹੈ

ਜੀਵ ਬੰਧ ਪਹਿਚਾਨੈ ॥ ਜਾਨੈ ਕਰਤਾ ਅਉਰ ਹੈ ਕੋਈ ॥ ਜਿਸਤੇ ਸਭ ਕਛੁ ਪਰਗਟੁ ਹੋਈ ॥੫੩॥ ਜੋ ਤਿਸ
 ਇਛਾ ਸੋਈ ਕਰੈ ॥ ਭਰੇ ਸਖਨਾਵੈ ਖਾਲੀ ਭਰੇ ॥ ਸਭ ਕਛੁ ਵਰਤੈ ਤਿਸੈ ਰਜਾਇ ॥ ਜਿਤ ਭਾਵੈ ਤਿਤ ਜੀਵ
 ਕੋ ਲਾਇ ॥੫੪॥ ਜੀਵ ਉਮਾਹਿ ਸਕਤ ਕਛੁ ਨਾਹਿ ॥ ਜੋ ਤਿਸੁ ਭਾਵੈ ਸੋ ਵਰਤਾਹਿ ॥ ਤਾਂਤੇ ਆਪਾ ਬੇਗ
 ਤਿਆਗੋ ॥ ਤਿਸਕੇ ਹੁਕਮ ਮੈਂ ਨਿਸਦਿਨ ਲਾਗੋ ॥੫੫॥ ਜਾਨੋਹਮ ਸੋ ਹੋਇ ਕਛੁ ਨਾਹੀ ॥ ਜੋ ਹਰਿ ਭਾਵੈ
 ਸੋ ਵਰਤਾਹੀ ॥ ਤਾ ਭੀ ਏਕ ਗੋਬਿੰਦ ਹੈ ਭਾਈ ॥ ਏਹੀ ਬਾਤ ਨਿਆਇ ਕਹਿ ਗਾਈ ॥੫੬॥ ਜੋ ਜਾਨੈ ਬੇਦਾਂਤ
 ਕੋ ਜਾਪ ॥ ਏਕੋ ਬ੍ਰਹਮ ਹੈ ਸਭ ਕਛੁ ਆਪ ॥ ਤਿਸਤੇ ਦੂਜਾ ਹੈ ਕੋ ਨਾਹੀ ॥ ਏਕੋ ਰਾਖੋ ਮਨ ਕੇ ਮਾਹੀ ॥੫੭॥
 ਅਰਥ ਮੀਮਾਸਾ ਕਾ ਜੋ ਜਾਨੋ ॥ ਕਰਮ ਬਾਤ ਰਿਦੈ ਮੈਂ ਮਾਨੋ ॥ ਭਲੇ ਕਰਮ ਤੇ ਸੁਖੁ ਤੁਮ ਪਾਵੋ ॥ ਬੁਰੇ ਕਰਮ
 ਤੇ ਦੁਖ ਮੈਂ ਧਾਵੋ ॥੫੮॥ ਬੁਰਾ ਭਲਾ ਤੁਮ ਤੇ ਹੀ ਹੋਇ ॥ ਸੁਖ ਦੁਖ ਤੁਝਕੋ ਦੇਇ ਨ ਕੋਇ ॥ ਤਾਤੇ ਮੀਮਾਸਾ
 ਏਹੁ ਕਹੈ ॥ ਜੈਸਾ ਬੀਜੈ ਤੈਸਾ ਲਹੈ ॥੫੯॥ ਸਭ ਕਿਛੁ ਹੈ ਜੋ ਤੁਮਰੈ ਹਾਥ ॥ ਤੁਮ ਕਉਂ ਰਾਚੇ ਦੁਤੀਏ ਸਾਥ
 ॥ ਬ੍ਰਹਮ ਰੂਪ ਕਰਮ ਸਭ ਬੋਵਹੁ ॥ ਜੈਸਾ ਬੋਵਹੁ ਤੈਸਾ ਹੋਵਹੁ ॥੬੦॥ ਤਾਂਤੇ ਜੋ ਦੀਸੈ ਸੋ ਬ੍ਰਹਮ ॥ ਭਲਾ
 ਬੁਰਾ ਹੈ ਤਿਸਕਾ ਮਰਮ ॥ ਅਰੁ ਜੋ ਸਾਂਖ ਬਾਤ ਚਿਤ ਧਰੋ ॥ ਨਿਤ ਅਨਿਤ ਬਿਬੇਕ ਨਿਤ ਕਰੋ ॥੬੧॥ ਤਾਭੀ
 ਨਗਤ ਨਾਹੀ ਏਕ ਸਾਹਿ ॥ ਭਰਮ ਮਾਹਿ ਜਗਤ ਸਭ ਆਹੀ ॥ ਏਕ ਬ੍ਰਹਮ ਸਾਂਖ ਕਰਿ ਗਾਇਓ ॥ ਦਿਸਟਿ
 ਮਾਹਿ ਅਨਿਤ ਬਤਾਇਓ ॥੬੨॥ ਜੋ ਬਸੇਖਕ ਕੋ ਤੁਮ ਧਾਰੋ ॥ ਸਭ ਆਧੀਨ ਕਾਲ ਬੀਚਾਰੋ ॥ ਸਮੈਂ ਮਾਹਿ
 ਜੋ ਕਛੁ ਤੁਮ ਦੇਖੋ ॥ ਸਾਖੀ ਸਭ ਮੈਂ ਆਪ ਕੋ ਪੇਖੋ ॥੬੩॥ ਮਰਨ ਜੀਵਨ ਕੀ ਸੋਝੀ ਜਾਨੋ ॥ ਸੀਤ ਉਸਨ
 ਕੋ ਬੇਗ ਪਹਿਚਾਨੋ ॥ ਤੁਮਰੀ ਇਧਾ ਸਮਾ ਹੈ ਭਾਈ ॥ ਇਛਿਆ ਤੁਮ ਤਬ ਬੀਜ ਕਰਾਈ ॥੬੪॥ ਤੁਮਰੇ
 ਇਛਿਆ ਸਹਜੈ ਹੋਇ ॥ ਵਹੀ ਸਮਾ ਫਿਰਿ ਆਵੈ ਸੋਇ ॥ ਤਾਤੇ ਸਮਾ ਤੁਮ ਇਛਿਆ ਮਾਹਿ ॥ ਦੂਜਾ ਨਾਹੀ
 ਸਮਾ ਇਕ ਆਹਿ ॥੬੫॥ ਤੁਮ ਅਰੁ ਇਛਿਆ ਏਕੋ ਆਹੀ ॥ ਜੈਸੇ ਬ੍ਰਿਛ ਮਾਹਿ ਪਰਛਾਹੀ ॥ ਤਾ ਭੀ ਏਕੋ
 ਬ੍ਰਹਮ ਮੈਂ ਮੀਤ ॥ ਬ੍ਰਹਮ ਇਛਿ ਏਕ ਹੈ ਨੀਤ ॥੬੬॥ ਜੋ ਪਤੰਜਲ ਪਰ ਚਿਤ ਛਰੈ ॥ ਜੋ ਗਮਾਰਗ ਕੋ ਤੂੰ
 ਨਿਤ ਕਰੈ ॥ ਦਸਵੈ ਚੜਾਇ ਜੋਤ ਕੋ ਦੇਖੈ ॥ ਸੋ ਭੀ ਏਕ ਆਪ ਕੋ ਪੇਖੈ ॥੬੭॥ ਐਸਾ ਹੈਂ ਤੂੰ ਪੂਰਨ ਪ੍ਰਾਨੀ

॥ ਉਦਮ ਕਰਿ ਜੋਤ ਤੁਮ ਜਾਨੀ ॥ ਪ੍ਰਥਮ ਜੋਤ ਕੇ ਤੁਮ ਹੋ ਮੀਤਾ ॥ ਜਿਸ ਦੇਖਨ ਕਾ ਉਦਮ ਕੀਤਾ ॥੬੮॥
 ਅਪਨਾ ਖਿਆਲ ਸਭ ਜੋਤ ਬਨਾਏ ॥ ਤੂ ਨਰ ਦੇਖੈ ਤਬ ਦੇਇ ਨ ਦਿਖਾਏ ॥ ਸਭ ਕਾ ਦੇਖਨ ਹਾਰਾ ਤੂੰ ਆਪ
 ॥ ਸਰਬ ਮਾਹਿ ਤੂੰ ਤਹਿਆ ਬਿਆਪ ॥੬੯॥ ਸਰਬ ਨਹੀਂ ਤੂੰ ਗੋਬਿੰਦ ਏਕ ॥ ਏਕੋ ਤੂੰ ਜਿਸ ਤੇ ਅਨੇਕ ॥
 ਤਾਂਤੇ ਨਿਰਅੰਜਨੀ ਏਹ ਬਾਤ ॥ ਖਾਲਸੇ ਮਾਹਿ ਕਹੀ ਅਬ ਗਾਥ ॥ ਖਾਲਸਾ ਵਹੀ ਜੋ ਆਪ ਕੋ ਜਾਨੈ ॥ ਜਗਤ
 ਆਪ ਗੋਬਿੰਦ ਏਕ ਮਾਨੈ ॥੭੦॥ ਸ੍ਰੀ ਭਗਵਾਨੋ ਵਾਚ ॥ ਸੋਰਠਾ ਅਬਗਤ ਸਰੂਪ ਕੀ ਬਾਤ ਹੇ ਪਾਰਬ ਤੁਝ
 ਕੋ ਮੈਂ ਕਹੀ ॥ ਅਬ ਤੂੰ ਸੁਨਹੋ ਤਾਤ ਜਿਤ ਪ੍ਰਕਾਰ ਤਿਸੁ ਲਾਭ ਹੋਇ ॥੭੧॥ ਦੋਹਰਾ ॥ ਅਬਗਤ ਸਰੂਪ ਸਭ
 ਤੇ ਪਰੇ ਕਠਨ ਪਾਵੈ ਤਿਸ ਕੋਇ ॥ ਅਖੰਡ ਭਗਤ ਮੈਂ ਜੋਰ ਹੈ ਤਿਸ ਕੋ ਪਾਵੈ ਸੋਇ ॥੭੨॥ ਦੋਹਰਾ ॥ ਅਖੰਡ
 ਭਗਤ ਕਾ ਅਰਥ ਏਹੁ ਜੋ ਜਾਨੈ ਸਭ ਏਕ ॥ ਪਾਠ ਪਹਿਰ ਇਕ ਦੇਖਤਾ ਮੁਝ ਅਵਗਤ ਪਰ ਟੇਕ ॥੭੩॥
 ਦੋਹਰਾ ॥ ਸੁਆਸ ਨ ਲੇਤਾ ਮੁਝ ਬਿਨਾ ਸੁਨੈ ਨਹੀਂ ਬਿਆ ਬਾਤ ॥ ਸੁਨੈ ਸੁਨਾਵੈ ਮੁਝ ਕਥਾ ਚਿਤਵੈ ਮੇਰੀ ਗਾਥ
 ॥੭੪॥ ਦੋਹਰਾ ॥ ਮੇਰੇ ਭਜਨ ਤੇ ਬਾਹਰਾ ਸੁਆਸ ਨ ਲੇਤਾ ਕੋਇ ॥ ਇਸ ਭਾਂਤ ਜੋ ਵਰਤਦਾ ਅਮਲ ਭਗਤ
 ਹੈ ਸੋਇ ॥੭੪॥ ਦੋਹਰਾ ॥ ਐਸੀ ਭਗਤਿ ਅਤਿ ਸ੍ਰੇਸ਼ਟਿ ਹੈ ਤਿਸਤੇ ਪਾਵੈ ਸੋਹਿ ॥ ਮੇਰੇ ਤੇ ਸਭ ਉਪਜਿ
 ਹੈ ਬਹੁੜ ਲੀਨ ਮੁਝ ਹੋਹਿ ॥੭੬॥ ਦੋਹਰਾ ॥ ਇਹ ਮੇਰੇ ਪਰਤਾਪ ਜੋ ਤੁਝ ਕੋ ਕਹਾ ਬਖਾਨ ॥ ਕਹੋ ਜੁਗੀਸਰ
 ਕੀ ਕਥਾ ਤਿਸ ਕੋ ਤਿਆਗ ॥ ਮੁਝ ਬ੍ਰਹਮ ਸੰਗ ਰਹਤਾ ਲਾਗ ॥ ਮੁਝ ਕੋ ਪ੍ਰਾਪਤ ਹੋਵੈ ਜੋਗੀ ॥ ਜਿਨ ਦੇਖਿਆ
 ਏਕ ਹਰਿ ਸਭ ਲੋਗੀ ॥੭੮॥ ਏਕ ਚੰਦ੍ਰਮਾ ਕੀ ਜੋਤਿ ਪਰਜੰਤ ॥ ਜਾਵੈ ਗਿੜੈ ਬਹੁੜਿ ਜਗ ਵਰਤੰਤ ॥ ਤਿਨ
 ਕੀ ਜਗਤ ਬਿਸਥਾਰ ਕਰਿ ਮਨੋ ॥ ਹੇ ਅਰਜਨ ਜੈਸੇ ਆਸ ਕਰੋ ॥੭੯॥ ਵਹੁ ਜੋਗੀ ਹੈ ਇਛਾ ਚਾਰੀ ॥
 ਆਵਨ ਜਾਵਨ ਇਛਾ ਧਾਰੀ ॥ ਜਬ ਇਛਾ ਤਿਨ ਮੁਕਤਿ ਕੀ ਹੋਇ ॥ ਦੇਹਿ ਤਿਆਗ ਮੁਝ ਮਿਲਈ ਸੋਇ
 ॥੮੦॥ ਮੇਰੇ ਮਾਹਿ ਲੀਨ ਵਹੁ ਰਹੈ ॥ ਜਨਮ ਮਰਨ ਕਾ ਮਾਰਗ ਦਹੈ ॥ ਛਾਡੈ ਦੇਹ ਵਹੁ ਐਸੀ ਭਾਂਤ ॥
 ਬ੍ਰਤੰਤ ਕਹੋ ਸੁਝ ਆਵੈ ਸਾਂਤ ॥੮੧॥ ਸੁਕਲ ਪਖ ਪਿਤ੍ਰੋ ਦਿਨ ਲਹੋ ॥ ਦੇਵਤਾ ਦਿਨਮ ਅਉਰ ਅਬ ਕਹੋ ॥
 ਓਹ ਕਾਲ ਸੂਰਜੁ ਉਤਰਾਇਣੁ ਆਵੈ ॥ ਸੋਈ ਦੇਵਤਿਓ ਕਾ ਦਿਵਸ ਕਹਾਵੈ ॥੮੨॥ ਜਬ ਛੈਮਾਸ

ਦਖਣਾਇਣ ਜਾਵੈ ॥ ਦੇਵਤਿਓ ਕੀ ਵਹੁ ਰਾਤ੍ਰ ਕਹਾਵੈ ॥ ਵਹੁ ਜੋਗੀ ਦੇਵਤਿਓ ਦਿਨ ਮਾਹੀ ॥ ਦੇਹਿ ਤਿਆਗ
 ਬ੍ਰਹਮਪੁਰ ਮੈਂ ਜਾਹੀ ॥੮੩॥ ਪਰੋਜਨ ਤਿਨਕਾ ਅਵ ਸੁਣ ਲੇਹਿ ॥ ਸਕਲ ਪਖ ਜੋ ਤਿਆਗੈ ਦੇਹਿ ॥ ਦੇਵਤਿਓ
 ਕੇ ਲੋਕੋ ਮਾਹੀ ॥ ਤਿਨਕੇ ਲੋਕ ਦੇਖਤੇ ਜਾਹੀ ॥੮੪॥ ਦੇਵ ਦਿਵਸ ਮੈਂ ਵਾਕੋ ਦੇਖੈ ॥ ਦੇਵਤਿਓ ਕਾ ਮਾਰਗ
 ਸਭ ਪੇਖੈ ॥ ਵਹੁ ਮਾਰਗ ਕਉ ਦੇਖ ਤਿਆਗੈ ॥ ਅਨਿਤ ਜਾਨ ਬ੍ਰਹਮ ਸੰਗਿ ਲਾਗੈ ॥੮੫॥ ਮੁਝ ਬ੍ਰਹਮ ਮੈਂ
 ਲੀਨ ਜਬ ਹੋਇ ॥ ਸੰਸਾਰ ਮੈਂ ਬਹੁਢ ਨ ਆਵੈ ਸੋਇ ॥ ਬ੍ਰਹਮ ਪਹੁਚਾਨ ਬ੍ਰਹਮ ਹੋਇ ਗਇਆ ॥ ਆਵਾ
 ਗਵਨ ਜਗਤ ਤੇ ਰਹਿਆ ॥੮੬॥ ਦੋਹਰਾ ॥ ਅਬ ਜੋ ਬਹੁੜ ਜਗਤ ਆਵਤਾ ਤਾਕੀ ਆਖੋ ਬਾਤ ॥ ਦੇਹ
 ਤਿਆਗੈ ਕਿਸਨ ਪਖ ਜੋ ਸੁਰ ਪਿਤ੍ਰੋਂ ਕੀ ਰਾਤ ॥੮੭॥ ਦੋਹਰਾ ॥ ਸੂਰਜ ਸਖਣਾਇਣ ਹੋਤ ਹੈ ਜਬ ਵਹੁ
 ਤਿਆਗੈ ਦੇਹਿ ॥ ਸੋ ਦੇਵਤਿਓ ਖੀ ਰਾਤ੍ਰ ਹੈ ਹੇ ਸਰਜਨ ਸੁਣ ਲੇਹਿ ॥੮੮॥ ਦੋਹਰਾ ॥ ਜੋਗੀ ਦੇਹਿ ਗਿਆਗ
 ਕੈ ਸੋਮ ਜੋਤਿ ਮੈਂ ਜਾਇ ॥ ਤਹਾ ਦੋਹੀ ਕਾ ਮੰਦ੍ਰ ਹੈ ਤਾਂ ਮੈਂ ਪ੍ਰਾਪਤ ਪਾਇ ॥੮੯॥ ਦੋਹਰਾ ॥ ਤਹਾ ਪ੍ਰਾਪਤ
 ਜੋ ਭਇਆ ਬਹੁੜ ਗਿੜੈ ਜਗ ਮਾਹਿ ॥ ਜਨਮ ਲੇਤ ਸੰਸਾਰ ਮੈਂ ਕਰਮ ਨਹੀਂ ਕੋ ਪਾਹਿ ॥੯੦॥ ਚੋਪਈ ॥
 ਦੋ ਮਾਰਗ ਜੋ ਗੀਓ ਕੇ ਮੀਤਾ ॥ ਤਿਨਕਾ ਨਾਮ ਸੁਣੇ ਦੇ ਚੀਤਾ ॥ ਏਕ ਮਾਰਗ ਸੁਕਲ ਗਤ ਕਹੀਐ ॥ ਤਿਸਤੇ
 ਬ੍ਰਹਮ ਪਦਾਰਥ ਪਹੀਐ ॥੯੧॥ ਦੁਤੀਆ ਮਾਰਗ ਕ੍ਰਿਸ਼ਨ ਗਤ ਜਾਨੋ ॥ ਤਿਸਤੇ ਕਰਤਾ ਜੋਗੀ ਮਾਨੋ ॥
 ਪੁਰਾਤਨ ਤੇ ਮਾਰਗ ਦੋ ਕਹੀਏ ॥ ਤਿਨਕੀ ਗਤ ਭਿੰਨ ਭਿੰਨ ਲਹੀਏ ॥੯੨॥ ਏਕ ਮਾਰਗ ਤੇ ਮੁਕਤ ਨਰ
 ਪਾਵੈ ॥ ਦੁਤੀਏ ਮਾਰਗ ਤੇ ਬਹੁੜ ਜਨਮ ਆਵੈ ॥ ਹੇ ਪਾਰਥ ਦੋ ਗਤਿ ਤੁਝ ਆਖੀ ॥ ਜਿਨ ਸੋ ਸਮਝੀ ਰਿਦ
 ਮੈਂ ਰਾਖੀ ॥੯੩॥ ਸੋ ਜੋਗੀ ਐਸੀ ਗਤਿ ਪਾਵੈ ॥ ਮਾਇਆ ਕਰਿ ਮੋਹਿਯਾ ਨਹੀਂ ਜਾਵੈ ॥ ਰੈਨ ਦਿਨਸ ਮੁਝ
 ਜੋਗ ਕਮਾਵੈ ॥ ਮੇਰੇ ਜੋਗ ਤੇ ਮੁਕਤਿ ਕੋ ਪਾਵੈ ॥੯੪॥ ਟੀਕਾਕਾਰ ਵਾਚ ॥ ਚੋਪਈ ॥ ਟੀਕਾਕਾਰ ਆਗੈ
 ਇਉਂ ਆਖੈ ॥ ਅਰਥ ਸੁਕਲ ਕਿਸਨ ਕਾ ਭਾਖੈ ॥ ਦੋ ਪਖ ਅਰਜਨ ਕੋ ਪ੍ਰਭ ਕਹੇ ॥ ਤਿਨਕਾ ਅਰਥ ਮੈਂ ਐਸੇ
 ਲਹੇ ॥੯੫॥ ਪ੍ਰਥਮ ਸੁਕਲ ਅਰਥ ਇਉਂ ਕਹੇ ॥ ਸੁਕਲ ਨਾਮ ਚਾਂਦਨ ਕੋ ਲਹੇ ॥ ਚਾਂਦਨ ਅਰਥ ਗਿਆਨ
 ਧਰ ਚੀਤ ॥ ਗਿਆਨ ਮੈਂ ਬਪੁ ਜੋ ਤਿਆਗੈ ਮੀਤ ॥੯੬॥ ਤਿਸ ਪ੍ਰਸਾਦਿ ਸੁਰ ਲੋਕ ਵਹੁ ਦੇਖੈ ॥ ਤਿਸਕੋ

ਫਿਰ ਵਹੁ ਜਗ ਮੈਂ ਆਹਿ ॥ ਭੂਤ ਹੋਇ ਕਰਮੋਂ ਕਉ ਪਾਇ ॥ ਭੋਗੈ ਰਾਜ ਫਿਰ ਨਰਕੈ ਜਾਇ ॥ ਐਸੇ ਹੀ
ਆਵੈ ਅਰੁ ਜਾਇ ॥੧੧੦॥ ਖਾਲਸੇ ਮਾਹਿ ਐਸੇ ਅਵ ਭਾਖੋ ॥ ਅਕਾਲ ਜਾਪ ਤਿਸ ਕੋ ਨਿਤ ਆਖੋ ॥ ਤੁਮ
ਭੀ ਸੁਕਲ ਗਿਆਨ ਕੋ ਧਾਰੋ ॥ ਅਕਾਲ ਸਰਬ ਕੇ ਮਾਹਿ ਬੀਚਾਰੋ ॥੧੧੧॥ ਸਭ ਮੈਂ ਤੁਮ ਭੀ ਆਪ ਕੋ ਜਾਨੋ
॥ ਆਪ ਮਧ ਅਕਾਲ ਪਹਿਚਾਨੋ ॥ ਜੋ ਅਕਾਲ ਹੈ ਤੁਮਰੇ ਮਾਹਿ ॥ ਤੁਮ ਨਾਹੀ ਅਕਾਲ ਹੀ ਆਹਿ ॥੧੧੨॥
ਜਬ ਅਕਾਲ ਏਕ ਤੁਮ ਜਾਨਿਆ ॥ ਅਕਾਲ ਮਾਹਿ ਆਪ ਕੋ ਮਾਨਿਆ ॥ ਤਬ ਤੁਮ ਮੁਕਤਿ ਸੁ ਕਲ ਮੈਂ ਹੋਵਉ
॥ ਅਗਿਆਨ ਕਿਸ਼ਨ ਪਖ ਕੋ ਖੋਵਉ ॥ ਐਸੇ ਬਾਸਦੇਵ ਜੀ ਕਹਿਓ ॥ ਅਪਨੇ ਮਨ ਮੈਂ ਅਰਜਨ ਲਹਿਓ
॥੧੧੩॥ ਟੀਕਾਕਾਰ ਵਾਚ ॥ ਦੋਹਰਾ ॥ ਫਲ ਇਸ ਆਠਵੈਂ ਧਿਆਇ ਕਾ ਐਸੇ ਤੂੰ ਚਿਤ ਲਾਇ ॥ ਜੇਕੋ
ਸੁਨੈ ਅਰ ਪੜੈ ਹੈ ਸੋ ਅਤਿ ਫਲ ਕੋ ਪਾਇ ॥੧੧੪॥ ਕਵਿਤਾ ॥ ਚਾਰੋਂ ਬੇਦ ਪੜੈ ਤੇ ਸਰਬ ਜਗ ਕਰੇ ਤੇ ਤੀਰਥੋਂ
ਕੇ ਨਾ ਦੇਤੇ ਜੋ ਕਛੁ ਫਲ ਪਾਵਹੈ ॥ ਪੁੰਨ ਅੰਗ ਧਰੇ ਤੇ ਅਨਾਥ ਉਦਰ ਭਰੇ ਤੇ ਰਣਮ੍ਰਿਤ ਪਾਏ ਜੋ ਅਪਸਰਾਰ
ਮਾਵ ਹੈ ॥ ਤਿਸ ਤੇ ਵਸੇਖਫਲ ਜੇ ਕੋ ਏਹ ਬ੍ਰਹਮ ਵਿਦਿਆ ਸੁਨੈ ਪੜੈ ਅਰ ਧਾਰੇ ਸਮਝਾਵਹੈ ॥ ਪਾਵੈ ਵਹੁ
ਐਸਾ ਨਰ ਪਦਵੀ ਮੁਝ ਬ੍ਰਹਮ ਕੇ ਹ੍ਰਹਮ ਮਾਹਿ ਲੀਨ ਹੋਇ ਸੁਖ ਮੈਂ ਸਮਾਵ ਹੈ ॥੧੧੫॥ ਚੌਪਈ ॥ ਅਠਵਾਂ
ਅਧਿਆਇ ਅਤਿ ਨਿਰਮਲ ਗੰਤ ॥ ਭਾਖਿਆ ਕਹੀ ਤਿਸਕੀ ਹੇ ਮੀਤ ॥ ਜੇ ਕੋ ਪੜੈ ਅਰ ਮਨ ਮੋਂ ਧਾਰੈ ॥
ਬ੍ਰਹਮ ਵਿਦਿਆ ਕੋ ਨਿਤ ਵਿਚਾਰੈ ॥ ਮੁਕਤਿ ਪਾਵੈ ਹੈ ਐਸਾ ਸੋਇ ॥ ਸੋ ਭੀ ਆਪ ਬ੍ਰਹਮ ਹੀ ਹੋਇ
॥੧੧੬॥੮॥ ਇਤ ਸ੍ਰੀ ਭਗਵਤ ਗੀਤਾ ਸੂਪ ਨਖਤਰ ਸੁ ਬ੍ਰਹਮ ਵਿਦਿਆ ਜੋਗ ਸ਼ਾਸਤ੍ਰੇ ਸ੍ਰੀ ਕ੍ਰਿਸ਼ਨ ਅਰਜਨ
ਸੰਵਾਦੇ ਮਹਾਂ ਪੁਰਖੋਤਮ ਜੋਗੁ ਪਦਮ ਪੁਰਾਣੇ ਸਤੀ ਈਸ਼ਰ ਸੰਵਾਦੇ ਉਤਰ ਖੰਡੇ ਗੋਬਿੰਦ ਸਿੰਘ ਕ੍ਰਿਤ ਨਾਮ ਆਠਵੇਂ
ਧਿਆਇ ॥ ਆਗੈ ਇਸ ਕਾ ਮਹਾਤਮ ਚਲਿਆ ਸ੍ਰੀ ਭਗਵਾਨੋ ਵਾਚੁ ॥ ਹੇ ਸ੍ਰੀ ਲਛਮੀ ਅਬ ਆਠਵੇਂ ਅਧਿਆਇ
ਕਾ ਫਲ ਕਹਤੇ ਹੈਂ ਸੋ ਤੂੰ ਸੁਣ ॥ ਏਕ ਨਰਪਦਾ ਨਦੀ ਹੈ ॥ ਤਹਾਂ ਏਕ ਮਾਡੇ ਨਗਰ ਹੈ ॥ ਤਹਾਂ ਏਕ ਬ੍ਰਹਮਣ
ਰਹਤਾ ਥਾ ॥ ਨਾਮੁ ਉਸ ਕਾ ਮਾਧੋ ਸੁਸਰਮਾ ॥ ਸੇਵਾ ਕਰੇ ਅਰੁ ਉਸ ਕੇ ਧਨ ਬਹੁਤ ਥਾ ॥ ਪਰ ਉਸ ਕੇ
ਸੰਤਾਨ ਨ ਹੋਵੈ ॥ ਸੋ ਵਹੁ ਬ੍ਰਹਮਣ ਜਗ ਬਹੁਤ ਕਰੇ ॥ ਅਸਮੇਧ ਜਗ ਕਰੇ ॥ ਅਉਰ ਬਹੁ ਭਾਂਤ ਕੇ ਜਗ

ਕਰੇ ॥ ਤਬ ਏਕ ਨੇ ਕਹਿਆ ॥ ਤੂੰ ਅਜਾ ਜਗ ਕਰਿ ॥ ਦੇਵੀ ਕੋ ਚਢਾਇ ॥ ਦੇਵੀ ਤੋਕਉ ਪੁਤ੍ਰ ਦੇਵੇਗੀ ॥
 ॥ ਤਬ ਉਸ ਬ੍ਰਾਹਮਣ ਨੇ ਅਜਾ ਜਗ ਕੀਆ ॥ ਏਕ ਬਕਰਾ ਲੇ ਆਇਆ ਉਸ ਕਉ ਇਸ਼ਨਾਨ ਕਰਾਇਆ ॥
 ॥ ਸੇਵਾ ਖਵਾਇਆ ॥ ਜਬ ਉਸ ਕਉ ਲਾਗੇ ਮਾਰਨ ਤਬ ਵਹੁ ਬਕਰਾ ਕਹ ਕਹ ਕਰ ਹਸਾ ॥ ਤਬ ਤਬ
 ਬ੍ਰਾਹਮਣ ਨੇ ਕਹਾ ਹੇ ਬਕਰੇ ਤੂੰ ਕਿਉਂ ਹਸਾ ॥ ਤਬ ਬਕਰਾ ਬੋਲਿਆ ॥ ਮੈਂ ਜੋ ਹਸਾ ਹੋਂ ਸੋ ਮੇਰੇ ਭੀ ਸੰਤਾਨ
 ਨ ਹੋਤੀ ਥੀ ॥ ਸੋ ਮੈਨੇ ਭੀ ਬਹੁਤ ਜਗ ਕੀਏ ਥੇ ॥ ਤਬ ਏਕ ਬ੍ਰਾਹਮਣ ਨੇ ਕਹਿਆ ਤੂੰ ਅਜਾ ਜਗ ਕਰ ॥
 ਤਬ ਮੈਂ ਨੇ ਕਹਿਆ ਤੂੰ ਅਜਾ ਜਗ ਕਰਾ ਤਬ ਮੈਂ ਨੇ ਕਹਿਆ ਭਲੀ ਬਾਤ ॥ ਉਸ ਨਗਰ ਮੈਂ ਬਕਰੇ ਬਹੁਤ ਢੂੰਢੇ
 ਪਰ ਕੋਈ ਨ ਪਾਇਆ ॥ ਤਬ ਏਕ ਬਕਰੀ ਥੀ ਉਸ ਕਾ ਏਕ ਬਚਾ ਥਾ ॥ ਉਸ ਬਕਰੀ ਕਉ ਬਚੇ ਸਮੇਤ
 ਮੋਲ ਲਿਆ ॥ ਜਬ ਉਸ ਕਉ ਲੇ ਆਇਆ ॥ ਤਬ ਉਸ ਬਕਰੀ ਨੇ ਬਣੇ ਸਿਉਂ ਉਸ ਬਚੇ ਕਉ ਛਡਾਇ
 ਕਰ ਲਾਗਾ ਜਗ ਮੈਂ ਹੋਮਣ ॥ ਤਬ ਵਹੁ ਬਕਰੀ ਬੋਲੀ ॥ ਅਰੇ ਬ੍ਰਾਹਮਣੋ ਅਰੇ ਪਾਪੀਓ ਤੁਮ ਮੇਰੇ ਬਚੇ ਕਉ
 ਮਾਰਤੇ ਹੋ ॥ ਸੋ ਕਿਸੀ ਠਉਰ ਮੈਂ ਐਸੇ ਭੀ ਸੁਣਾ ਹੈ ॥ ਜੋ ਕਿਸੀ ਕੇ ਪੁਤ੍ਰ ਮਾਰਕੇ ਕਿਸੀ ਨੇ ਪੁਤ੍ਰ ਪਾਇਆ
 ਹੋਵੈ ਸੰਤਾਨ ਕੇ ਲੀਏ ਤੁਮ ਮੇਰੇ ਪੁਤ੍ਰ ਕਉ ਮਾਰਤੇ ਹੋ ਤੁਮਰੇ ਭੀ ਸੰਤਾਨ ਨ ਹੋਵੇਗੀ ॥ ਤੁਮ ਨਰਦਈ ਹੋ ॥
 ਤਬ ਵਹੁ ਬਕਰੀ ਕਹਤੀ ਕਹਤੀ ਰਹੀ ਉਸ ਬ੍ਰਾਹਮਣ ਨੇ ਉਸਕੇ ਬਚੇ ਕਉ ਜਗ ਮੈਂ ਹੋਮਿਆ ॥ ਤਬ ਵਹੁ ਬਕਰੀ
 ਬੋਲੀ ॥ ਅਰੇ ਬ੍ਰਾਹਮਣ ਏਹ ਮੇਰਾ ਤੁਝ ਕੋ ਸਰਾਪ ਹੈ ॥ ਤੇਰਾ ਗਲਾ ਭੀ ਇਸੀ ਭਾਂਤ ਕਟੀਵੈਗਾ ॥ ਤਬ
 ਇਤਨਾ ਕਹਿਕੇ ਬਕਰੀ ਤੜਪ ਕੇ ਮਰ ਗਈ ॥ ਜਬ ਬਹੁਤ ਦਿਨ ਗੁਜਰੇ ॥ ਤਬ ਜਮ ਆਏ ਬਾਂਧ ਕਰਿ ਮੁਝ
 ਕਉ ਧਰਮਰਾਜਾ ਪਾਸ ਲੇ ਗਏ ॥ ਤਬ ਧਰਮਰਾਜਾ ਨੇ ਆਗਿਆ ਕਰੀ ਏਹ ਪਾਪੀ ਹੈ ਇਸ ਕਉ ਨਰਕ ਮੈਂ
 ਡਾਲੇ ॥ ਤਬ ਮੁਝ ਕਉ ਬਾਦਰ ਕਾ ਜਨਮ ਦੀਆ ॥ ਸੋ ਏਕ ਬਾਜੀਗਰ ਨੇ ਮਿਲ ਲੀਆ ॥ ਸੋ ਸਾਰਾ ਦਿਨ
 ਮਾਂਗਤਾ ਫਿਰੇ ॥ ਮੁਝ ਕਉ ਖਾਵਣ ਕਉ ਭੀ ਕਛੁ ਨ ਦੇਵੈ ॥ ਜਬ ਬਾਂਤਰ ਕੀ ਦੇਹੀ ਛੋਡੀ ਤਬ ਕੁਤੇ ਕੀ ਦੇਹੀ
 ਪਾਈ ॥ ਤਬ ਮੈਂ ਨੇ ਏਕ ਕੀ ਰੋਟੀ ਛਪਾਇ ਖਾਈ ॥ ਤਬ ਤਹਾਂ ਕੋਈ ਮਾਨੁਖ ਦੇਖਤਾ ਥਾ ॥ ਤਿਸ ਕਉ
 ਉਸਨੇ ਕਹਿ ਦੀਆ ॥ ਅਰੇ ਤੇਰੀ ਰੋਟੀ ਕੁਤਾ ਖਾਤਾ ਹੈ ॥ ਤਬ ਉਸਨੇ ਏਕ ਡਾਂਗ ਮੇਰੀ ਕਮਰ ਮੇਂ ਮਾਰੀ ॥

ਓਹੁ ਕਾਰਨ ਬਤਾਉ ਜਿਸਸੇ ਤੂੰ ਅਨੇਕ ਦਾਨ ਪਚਾਵਤਾ ਹੈ ॥ ਤਬ ਬ੍ਰਾਹਮਣ ਨੇ ਕਹਾ ਜੋ ਗੁਨ ਜੋ ਕਾਰਨ ਹਮਾਰੇ
 ਮੈਂ ਹੈ ਸੋ ਹੈ ॥ ਤਬ ਇਤਬਾ ਕਹਤੇ ਹੀ ਉਹ ਕਾਲ ਪੁਰਖ ਅਧ ਬੀਚ ਤੇ ਦੋ ਟੁਕੜੇ ਹੋ ਪੜਾ ॥ ਤਿਸਕੇ ਬੀਚ
 ਤੇ ਏਕ ਕਾਲਕੀ ਮੂਰਤਿ ਨਿਕਸੀ ॥ ਤਬ ਬ੍ਰਾਹਮਣ ਨੇ ਗੀਤਾ ਕਾ ਆਠਵਾਂ ਧਿਆਇ ਪਾਠ ਕੀਆ ॥ ਸੋ ਉਸ
 ਕਾਲ ਮੂਰਤਿ ਸੁਣਾ ॥ ਤਬ ਸੁਣਕੇ ਹੀ ਤਤਕਾਲ ਰੂਪ ਉਸਕਾ ਅਉਰ ਹੋਇ ਗਇਆ ॥ ਤਬ ਜਲ ਕੀ ਚੁਲੀ
 ਭਰਿਕੇ ਉਸ ਬ੍ਰਾਹਮਣ ਨੇ ਉਸ ਕਾਲ ਮੂਰਤਿ ਉਪਰਿ ਡਾਲੀ ॥ ਜਲ ਕੇ ਪੜਤੇ ਹੀ ਤਤਕਾਲ ਦੇਹ ਛੁਟੀ ॥
 ਦੇਵ ਦੇਹੀ ਪਾਇ ਤਬ ਵਿਮਾਨ ਆਇਆ ॥ ਤਿਸ ਉਪਰਿ ਬੈਠ ਵੈਕੁੰਠ ਗਇਆ ਤਬ ਏਹ ਬਕਰਾ ਬੋਲਿਆ
 । ਹੇ ਬ੍ਰਾਹਮਣੋ ਤੁ ਮੈਂ ਕੋਈ ਐਸਾ ਬ੍ਰਾਹਮਣ ਹੈ ॥ ਜੋ ਗੀਤਾ ਕਾ ਆਠਵਾਂ ਅਧਿਆਇ ਪਾਠ ਕਰੇ ॥ ਜੋ ਸੁਣਕੇ
 ਮੈਂ ਇਸ ਨੀਚ ਦੇਹ ਤੇ ਛੂਟੋਂ ॥ ਤਬ ਬ੍ਰਾਹਮਣ ਬੋਲੇ ॥ ਕੋਈ ਕਹੈ ਮੈਂ ਦੋ ਵੇਦ ਪੜੇ ਹੈਂ ॥ ਕਿਸੀ ਕਹਾ ਮੈਂ ਤੀਨ
 ਵੇਦ ਪੜੇ ਹੈਂ ॥ ਏਕ ਬ੍ਰਾਹਮਣ ਗੀਤਾ ਪਾਠੀ ਭੀ ਉਸ ਨਗਰ ਮੋ ਰਹਤਾ ਥਾ ॥ ਜਬ ਉਸ ਬ੍ਰਾਹਮਣ ਨੇ ਗੀਤਾ
 ਕਾ ਆਠਵਾਂ ਧਿਆਇ ਪੜਾ ॥ ਤਬ ਉਸਕੇ ਸੁਣਤੇ ਹੀ ਬਕਰੇ ਨੇ ਦੇਹ ਛੋੜੀ ਦੇਵ ਦੇਹੀ ਪਾਈ ॥ ਵਿਮਾਨ
 ਆਇਆ ॥ ਤਿਸ ਉਪਰਿ ਬੈਠ ਕੇ ਵੈਕੁੰਠ ਗਇਆ ਤਬ ਵਿਮਾਨ ਉਪਰਿ ਚੜਾ ਹੂਆ ਉਪਰ ਤੇ ਬੋਲਾ ॥
 ਹੇ ਬ੍ਰਾਹਮਣੋ ਤੁਮ ਵੈਸਨਵ ਹੋ ॥ ਗੀਤਾ ਪਾਠ ਕੀਆ ਕਰੋ ॥ ਤੁਮਾਰਾ ਕਲਿਆਣ ਹੋਵੈਗਾ ॥ ਤਬ ਓਹ
 ਬ੍ਰਾਹਮਣ ਸਭ ਵੈਸਨੋ ਭਏ ॥ ਤਬ ਗੀਤਾ ਪਾਠ ਕਰਨੇ ਲਗੇ ॥ ਤਬ ਸ੍ਰੀ ਨਾਰਾਇਣ ਜੀ ਬੋਲੇ ॥ ਹੇ ਸ੍ਰੀ ਲਛਮੀ
 ਅਬ ਆਠਵੇਂ ਧਿਆਇ ਕਾ ਫਲ ਕਹਿਆ ॥ ਸੋ ਤੁਮ ਸੁਣਿਆ ॥੮॥ ਇਤ ਸ੍ਰੀ ਪਦਮ ਪੁਰਾਣੇ ਸਤੀ ਈਸੁਰ
 ਸੰਵਾਦੇ ਉਤਰ ਖੰਡੇ ਸ੍ਰੀ ਗੀਤਾ ਮਹਾਤਮੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਆਠਵੇਂ ਧਿਆਇ ॥੮॥ ਆਗੈ ਨਾਵਾਂ
 ਚਲਿਆ ॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਬੋਲੇ ਸ੍ਰੀ ਭਗਵਾਨ ਅਰਜਨ ਪਿਆਰੇ ਮੀਤ ਕੋ ॥ ਸੁਨ ਪਾਰਬ
 ਇਹ ਗਿਆਨ ਗੁਹਜ ਤੇ ਗੁਹਜ ਮੈਂ ਕਹਤ ਹੋ ॥੧॥ ਦੋਹਰਾ ॥ ਤੁਝਕੋ ਕਹੋ ਇਸ ਕਰਨੇ ਜੋ ਤੂੰ ਮੇਰਾ ਮੀਤ
 ॥ ਮੋ ਖਾਭਣ ਨਿੰਦਾ ਨਾ ਕਰੈਂ ਸਤਿ ਸਤਿ ਕਰਿ ਮਾਨੈ ਚੀਤ ॥੨॥ ਕਵਿਤ ॥ ਜੇਤੀ ਹੈ ਵਿਦਿਆ ਸਭ ਹੁੰਤੇ
 ਬਹੁਤ ਏਹ ਗੁਹਜ ਬਾਤ ਸਕਲ ਤੇ ਉਤਮ ਇਹ ਗਿਆਨ ਹੈ ॥ ਆਗਮ ਤੇ ਆਗਮ ਜਾਨ ਆਗਮ ਕੀ ਪਛਾਨ

ਮਾਨ ਜਿਸ ਕੇ ਉਚਰੇ ਅਰੁ ਸੁਨੇ ਤੇ ਅਗਮ ਪੁਰਖ ਮਾਨ ਹੈ ॥ ਅਥਿਨਾਸੀ ਸੁਖ ਪ੍ਰਾਪਤਿ ਹੋਇ ਜੇ ਕੋ ਮਨ ਧਾਰੇ
ਸੋ ਮਹਿਮਾ ਇਸ ਗਿਆਨ ਕੀ ਸ੍ਰੇਸ਼ਟ ਪਰਧਾਨ ਹੈ ॥ ਤਿਸ ਕੇ ਮਨ ਧਾਰੇ ਤੇ ਬਪ ਸੋ ਨਿਆਰਾ ਮਾਨ ਅਪਣੇ
ਹੀ ਆਪ ਮੈਂ ਦੇਖੈ ਹਰਿ ਭਾਨ ਹੈ ॥੩॥ ਦੋਹਰਾ ॥ ਜੇ ਇਹ ਗਿਆਨ ਨ ਪਾਵਤੇ ਐਸੀ ਹੈ ਤਿਹ ਬਾਤ ॥ ਮੁਕਤਿ
ਨ ਹੋਵੈ ਦੇਹਿ ਮੈਂ ਆਵਾਗਵਨ ਭ੍ਰਮਾਤ ॥੪॥ ਦੋਹਰਾ ॥ ਬਾਰੰਬਾਰ ਸੰਸਾਰ ਮੈਂ ਜਨਮੈਂ ਮਰੈ ਵਹੁ ਨੀਤ ॥ ਬਿਨ
ਸ਼ਰਧਾ ਮੇਰੇ ਗਿਆਨ ਕੀ ਮੁਕਤਿ ਨ ਪਾਵੈ ਮੀਤ ॥੫॥ ਦੋਹਰਾ ॥ ਹੇ ਅਰਜਨ ਤੂ ਅਉਰ ਸੁਨ ਤ੍ਰੈਬਿਧਿ ਮੇਰੇ
ਰੂਪ ॥ ਪ੍ਰਥਮੈਂ ਅਵਗਤ ਦੁਤੀਏ ਬੈਰਾਟ ਤ੍ਰਿਤੀਏ ਕ੍ਰਿਸ਼ਨ ਸਰੂਪ ॥੬॥ ਸੋਰਠਾ ॥ ਅਬਗਤ ਰੂਪ ਅਪਾਰਾ ਸਭ
ਕਛ ਪਰਗਟ ਤਿਨ ਕੀਆ ॥ ਨਾਨਾ ਬਿਧਿ ਸੰਸਾਰ ਸਭ ਉਪਜਿਓ ਹੈ ਤਿਸੀ ਸੋ ॥੭॥ ਸੋਰਠਾ ॥ ਬੈਰਾਠ
ਰੂਪ ਮੁਝ ਜਾਨ ਧਾਰ ਰਹਿਆ ਹੈ ਸਰਬ ਕੋ ॥ ਸੋ ਹੈ ਪਰਮ ਪ੍ਰਧਾਨ ਏਕ ਸਰੀਰ ਏਹ ਜਗਤ ਹੈ ॥੮॥ ਸੋਰਠਾ
॥ ਏਕ ਸਰੂਪ ਏਹ ਪੇਖ ਅਪਨੇ ਰਬ ਕਾ ਸਾਰਥੀ ॥ ਪਰਤਖ ਮੁਝ ਕੋ ਦੇਖ ਗਿਆਨ ਉਪਦੇਸੋ ਭਗਤ ਕੋ ॥੯॥
ਅੜਲ ॥ ਸਰਬ ਜਗਤ ਕਾ ਈਸਰ ਸਭ ਕਾ ਤੇਜ ਮੈਂ ॥ ਸਭ ਹੂੰ ਕੇ ਮਧ ਵਰਤੋ ਰਹੋ ਅਭੇਜ ਮੈਂ ॥ ਨਿਰਲੇਪ
ਲਿਆਰਾ ਬਸੋ ਉਪਜਾਵੋ ਸਰਬ ਕੋ ॥ ਜੈਸੇ ਨਿਤ ਰਹੈ ਅਕਾਲਕੇ ਉਦਰ ਮੇ ॥ ਅਕਾਸ ਨਾਹਿ ਸਪਰਸ਼ੈ ਤੈਸੇ
ਜਾਨ ਮੁਝ ॥ ਇਸ ਬਿਧਿ ਬੀਚ ਨਿਆਰਾ ਭਾਖੋ ਮੀਤ ਤੁਝ ॥੧੦॥ ਦੋਹਰਾ ॥ ਉਤਪਤਿ ਕਰੋਂ ਸਭ ਜਗਤ
ਕੋ ਲੇਪ ਨ ਲਾਗੇ ਮੋਹ ॥ ਸਦਾ ਨਿਰਲੇਪੀ ਮੈਂ ਰਹੋਂ ਉਪਜਾਵਉ ਸਭ ਕੋ ॥੧੧॥ ਮੰਗਲ ਛੰਦ ॥ ਹੇ ਕੁੰਤੇ ਸੁਤੁ
ਤੁਝ ਕਹੋ ॥ ਤੁਝਕੋ ਅਪਨਾ ਮਿਤ੍ਰ ਲਹੋ ॥ ਕਲਪ ਅੰਤ ਕੀ ਏਹ ਬਾਤ ॥ ਮਹਾਂ ਪ੍ਰਲੈ ਜਬ ਹੋਇ ਤਾਤ ॥ ਤਬ
ਸਕਲ ਪ੍ਰਾਨੀ ਜੋਇ ॥ ਲੀਨ ਮਾਇਆ ਕੇ ਮਧ ਹੋਇ ॥ ਸੋ ਮਾਇਆ ਮੁਝ ਮੈਂ ਰਹੇ ॥ ਅਰਥ ਮਾਇਆ ਕਾ
ਇਛਿਆ ਅਹੈ ॥ ਜਬ ਬਹੁੜ ਇਧਿਆ ਮੈਂ ਕਹੋਂ ॥ ਆਦ ਰੂਪ ਅਪਨਾ ਧਰੋਂ ॥ ਸੋ ਇਛਿਆ ਮਾਇਆ ਰੂਪ
॥ ਸੰਸਾਰ ਇਛਿ ਸਰੂਪ ॥ ਸਿਰਜੋ ਜਗਤ ਮਾਇਆ ਸਾਥ ॥ ਸਭ ਬ੍ਰਹਮੰਡ ਕਾ ਮੈਂ ਨਾਥ ॥ ਸੋ ਬ੍ਰਹਮੰਡ ਆਪ
ਬਸ ਨਾਹਿ ॥ ਮੇਰੀ ਮਾਇਆ ਕੈ ਬਸ ਆਹਿ ॥ ਜੋ ਕਛੁ ਕਰੈ ਪਰਾਨੀ ਕੋਇ ॥ ਤਿਸਕੋ ਲੇਪ ਨਾਹੀ ਹੋਇ
॥ ਮੁਝ ਇਛੁ ਵਰਤੈ ਨੀਤ ॥ ਸਭ ਕਰਮ ਮਾਇਆ ਕੀਤ ॥ ਅਬ ਸੁਨ ਧਨੰਜੈ ਯਾਰ ॥ ਸਿਰਜੋ ਅਨਿਕ ਬਿਧਿ

ਸੰਸਾਰ ॥ ਰਚਨਾ ਰਚੇ ਅਰ ਪ੍ਰਤਪਾਲੇ ॥ ਸੰਖਾਰੇ ਆਪ ਮੈਂ ਡਾਲੇ ॥ ਲਾਗੈ ਨਾਹੀ ਮੁਝ ਕਛੁ ਲੇਪ ॥ ਰਹਤਾ
ਸਗਲ ਮਧ ਅਲੇਪ ॥ ਅਬ ਨਿਰਲੇਪ ਗਤਿ ਤੁਮ ਸੁਣੇ ॥ ਹੇ ਅਰਜਨ ਜੈਸੇ ਭਨੇ ॥ ਮਮ ਮੋਹ ਨਾਹੀ ਕਰੋ ॥
ਉਦਾਰੀ ਰੀਤ ਅਪਨੀ ਧਰੋ ॥ ਸੰਸਾਰ ਤੇ ਜੋ ਉਦਾਸ ॥ ਨਿਰਲੇਪ ਜਾਨੋ ਤਾਸ ॥ ਜੋ ਉਦਾਸ ਜਗ ਤੇ ਰਹੈ
॥ ਤਿਸ ਬੰਦਨਾ ਕੋ ਲਹੈ ॥ ਹੇ ਸਖੇ ਇਉਂ ਧਰ ਚੀਤ ॥ ਉਦਾਸੀਨ ਹੋ ਤੂੰ ਮੀਤ ॥ ਤਬ ਤੁਝ ਲੇਪ ਕਾ ਕੋ
ਲਾਗੈ ॥ ਮਮ ਮੋਹ ਤੁਝ ਸੋ ਭਾਗੈ ॥੧੨॥ ਦੋਹਰਾ ॥ ਅਬ ਮੇਰੀ ਬ੍ਰਿਥਾ ਸੁਣੇ ਜੋ ਮੈਂ ਕੈਸਾ ਮੀਤ ॥ ਇਸਥਾਵਰ
ਜੰਗਮ ਜਗ ਸਭ ਮਾਇਆ ਮੇਰੀ ਕੀਤ ॥੧੩॥ ਦੋਹਰਾ ॥ ਉਪਜਨ ਠਉਰ ਸੰਸਾਰ ਕੀ ਮੁਝ ਸੋ ਅਵਰੁ ਨ
ਜਾਨ ॥ ਮੁਝ ਤੇ ਸ੍ਰੇਸ਼ਟਿ ਨ ਅਵਰੁ ਕੋ ਹੇ ਅਰਜਨ ਮਤਿ ਮਾਨ ॥੧੪॥ ਦੋਹਰਾ ॥ ਬਿਰਾਜੇ ਤੇਰੇ ਰਬ ਬਿਖੈ
ਮੈਂ ਪ੍ਰਭ ਤ੍ਰਿਭਵਣਿ ਨਾਥ ॥ ਜੋ ਕਛੁ ਦ੍ਰਿਸ਼ਟੀ ਆਵਤਾ ਏਕੋ ਮੈਂ ਸਭ ਸਾਥ ॥੧੫॥ ਦੋਹਰਾ ॥ ਮੈਂ ਈਸਰ
ਭਗਵਾਨ ਕੋ ਮੂਰਖ ਮੁਗਧ ਅਰ ਅਰ ਅਗ ॥ ਮਾਨੁਖ ਰੂਪ ਜੋ ਧਾਰਿਆ ਪੇਖਹਿ ਨਾਹਿ ਕਰਿ ਤਗ ॥੧੬॥
ਦੋਹਰਾ ॥ ਜਾਨੈ ਨਹੀਂ ਪਰਤਾਪ ਮੁਝ ਪਹਿਚਾਨੈ ਨਹੀਂ ਕੋਇ ॥ ਕਹੈ ਕ੍ਰਿਸ਼ਨ ਇਕ ਦੇਹਿ ਹੈ ਅਵਰ ਬਪ ਜਿਉ
ਹੋਇ ॥੧੭॥ ਦੋਹਰਾ ॥ ਤਿਨਕਾ ਫਲ ਤੂੰ ਸੁਨ ਸਖੇ ਕਿਆ ਪਾਵੈ ਵਹੁ ਲੋਕ ॥ ਰਹੈ ਗਿਆਨ ਤੇ ਹੀਨ ਵਹੁ
ਬੂਡੇ ਸਾਗਰ ਸੋਕੁ ॥੧੮॥ ਦੋਹਰਾ ॥ ਕਰਮ ਭਲੇ ਜੋ ਵਹੁ ਕਰੈ ਤਿਨਕਾ ਫਲ ਦੁਖ ਹੋਇ ॥ ਗਿਆਨ ਸੁਨੇ
ਅਰ ਪੜੇ ਵਹੁ ਰਿਦੈ ਨ ਆਵੈ ਸੋਇ ॥੧੯॥ ਦੋਹਰਾ ॥ ਮੁਝ ਪਹਿਚਾਨੇ ਨਾਹਿ ਸੋ ਅਗਿਆਨੀ ਮੂੜ ॥ ਰਾਖਸ
ਦੈਤ ਪ੍ਰਕਿਰਤਿ ਦੇਹ ਮੋਹ ਹੈ ਸੁਨ ਕੂੜ ॥੨੦॥ ਦੋਹਰਾ ॥ ਦੇਵੀ ਪ੍ਰਕਿਰਤ ਜਿਹ ਨਰੋਂ ਕੀ ਸੋ ਹੈ ਪੁਰਖ ਸੁਜਾਨ
॥ ਜੈਸਾ ਹੈ ਪਰਤਾਪ ਮੁਝ ਸੋ ਵਹੁ ਐਸਾ ਜਾਨ ॥੨੧॥ ਦੋਹਰਾ ॥ ਮੇਰੇ ਪਹਿਚਾਨੇ ਬਿਨਾਂ ਕਰਮ ਕਰੇ ਜੇ ਕੋਇ
॥ ਸੋਇ ਕਰਮ ਤਿਸੁ ਬੰਧੁ ਹੈ ਜਨਮੈਂ ਮਰਤਾ ਸੋਇ ॥੨੨॥ ਦੋਹਰਾ ॥ ਜਿਨ ਮੁਝ ਕੋ ਪਹਿਚਾਨਿਆਂ ਕਰਮ
ਨ ਕਰਤੇ ਕੋਇ ॥ ਅਘਾਇ ਰਹੈ ਹਰਿ ਦੇਖਿਕੈ ਅਵਰ ਚਾਹ ਨਹੀਂ ਹੋਇ ॥੨੩॥ ਦੋਹਰਾ ॥ ਮੁਝ ਈਸਰ ਕੋ
ਜਾਨਕੈ ਸਿਮਰਨ ਮਨ ਮੈਂ ਧਾਰ ॥ ਇਸਥਾਵਰ ਜੰਗਮ ਜਗਤ ਕੈ ਮੁਝਕੋ ਆਦਿ ਬੀਚਾਰ ॥੨੪॥ ਦੋਹਰਾ ॥
ਅਬਿਨਾਸੀ ਮੁਝ ਜਾਨਖੈ ਨਿਤ ਸਿਮਰਨ ਮੁਝ ਕਰੈ ॥ ਨਿਰੰਤਰ ਜਪੈ ਗੁਵਿੰਦ ਕੋ ਨਿਸਚਾ ਤਿਸ ਮੈਂ ਧਰੈ ॥੨੫॥

ਦੋਹਰਾ ॥ ਪੂਜਾ ਮੇਰੀ ਕਰੇ ਵਹੁ ਪ੍ਰੇਮ ਭਗਤ ਕੈ ਸਾਥ ॥ ਬਾਰੰਬਾਰ ਨਮਸਕਾਰ ਕਰਿ ਗਾਵੈ ਮੇਰੀ ਗਾਥ ॥੨੬॥
 ਦੋਹਰਾ ॥ ਇਤ ਪ੍ਰਕਾਰ ਨਿਤ ਜੁਗਤਿ ਸੋ ਦੇਵੀ ਪੁਰਖੁ ਹੈ ਜੋ ॥ ਦੂਜੇ ਗਿਆਨੀ ਕੀ ਕਥਾ ਅਬ ਕਹਤਾ ਹੋਂ ਸੋ
 ॥੨੭॥ ਸੋਰਠਾ ॥ ਗਿਆਨੀ ਮੇਰਾ ਭਗਤ ਗਿਆਨ ਜਗ ਕਰਿ ਪੂਜਤਾ ॥ ਗਿਆਨ ਅੰਮ੍ਰਿਤ ਕੋਲ ਗਤ ਜੈਸਾ
 ਹਉ ਤੈਸਾ ਕਹੈਂ ॥੨੮॥ ਕਵਿਤ ॥ ਪਰਮ ਬ੍ਰਹਮ ਈਸ਼ਰ ਤੇ ਰਚਨਾ ਹੈ ਰੰਗਾ ਰੰਗ ਬਹੁਤੇ ਪ੍ਰਕਾਰ ਏਕ ਈਸ਼ਰ
 ਹੀ ਬਿਆਪਿਆ ਜੀ ॥ ਕਾਰਜ ਕਾਰਣ ਵਹੀ ਨਗ ਹੋਮ ਸਭ ਵਹੀ ਕਰਤਾ ਤਿਸ ਜਗ ਕਾ ਏਕੋ ਪ੍ਰਤ ਜਾਪਿਆ
 ਜੀ ॥ ਸਮਗ੍ਰੀ ਅਰ ਧਰ ਵਹੀ ਮੰਤ੍ਰ ਜਗ ਕਰ ਵਹੀ ਹੋਮ ਹੋਮਨ ਹਾਰ ਵਹੀ ਸਭੀ ਆਪ ਬਾਪਿਆ ਜੀ ॥ ਐਸੇ
 ਮੁਝ ਬ੍ਰਹਮ ਕੋ ਜਾਨੈ ਵਹੁ ਗਿਆਨੀ ਨਰ ਤਿਸ ਕੇ ਬੀਚਾਰ ਸੋ ਸਗਨ ਹੋ ਧ੍ਰਾਪਿਆ ਜੀ ॥੨੯॥ ਚੋਪਈ ॥
 ਹੇ ਅਰਜਨ ਐਸੇ ਤੂੰ ਜਾਨ ॥ ਪਿਤਾਮਾ ਜਗਕਾ ਮੁਝਕੋ ਮਾਨ ॥ ਮਾਤਾ ਧਾਤਾ ਸਭ ਕਾ ਮੈਂ ਹੋ ॥ ਬੰਧੂ ਪਿਤਾ
 ਸਭ ਜਗ ਕਾ ਕਹਿਓ ॥੩੦॥ ਬੇਦੋਂ ਬਿਖੈ ਜੋ ਹੈ ਓਅੰਕਾਰ ॥ ਸੋ ਭੀ ਮੈਂ ਹੋ ਅਰਜਨ ਯਾਰ ॥ ਤੀਨੋਂ ਬੇਦ
 ਭੀ ਮੁਝਕੋ ਜਾਨੋ ॥ ਸੰਸਾਰ ਪ੍ਰਕਿਰਤ ਸਭ ਮੁਝ ਸੋ ਮਾਨੋ ॥੩੧॥ ਸਭ ਕਾ ਸਾਖੀ ਮੈਂ ਹੋ ਪਿਆਰੇ ॥ ਭਜਨ
 ਜੋਗ ਸਭ ਨਾਮੁ ਹਮਾਰੇ ॥ ਜੋ ਦੀਸੈ ਸੋ ਸਭ ਮੈਂ ਆਪ ॥ ਸਬ ਹੋਇ ਮੈਂ ਰਹਿਆ ਬਿਆਪ ॥੩੨॥ ਸਭ ਜਗ
 ਮੁਝ ਤੇ ਉਪਜਤ ਪਾਰਬ ॥ ਸਭ ਕੀ ਪਰਲੈ ਕਰੋਂ ਜਬਾਰਬ ॥ ਬਹੁੜ ਸਭ ਲੀਨ ਆਪਮੋ ਕਰੋਂ ॥ ਕਉਤਕ
 ਅਪਨਾ ਆਪ ਹੋ ਧਰੋਂ ॥੩੩॥ ਪੂਰਨ ਸਭਹੂੰ ਬਾਤੋ ਜਾਨੋ ॥ ਸਭ ਕਾ ਬੀਜ ਏਕ ਸਭ ਕੋ ਮਾਨੋ ॥ ਸੂਰਜ ਹੋਇ
 ਤਪਾਵਉ ਤਾਪ ॥ ਬਰਖੋ ਜਲ ਮੈਂ ਮੇਘ ਹੋਇ ਆਪ ॥੩੪॥ ਸੰਸਾਰ ਆਪ ਤੇ ਪਰਗਟਕਰੋ ॥ ਸੰਖਾਰੇ ਬਹੁੜ
 ਆਪ ਮੈਂ ਧਰੋ ॥ ਸੁਰਗੁਣ ਅਮਰ ਮੁਝੀ ਤੇ ਜਾਨ ॥ ਮ੍ਰਿਤ ਸੰਸਾਰ ਕੀ ਮੁਝ ਸੋ ਮਾਨ ॥੩੫॥ ਅਉਰ ਸੁਣੋ
 ਅਰਜਨ ਮੀਤ ॥ ਧਰਮ ਅਰਥ ਕਾਮ ਕੀ ਰੀਤ ॥ ਤ੍ਰਿਬਿਧਿ ਬਿਦਿਆ ਏ ਜਗੁ ਕਹਾਵੈ ॥ ਕਰਨ ਹਾਰ ਤਿਸਤੇ
 ਸੁਖ ਪਾਵੈ ॥੩੬॥ ਜੋ ਇਹੁ ਜਗ ਕਰਿ ਮੁਝਕੋ ਪੂਜੈ ॥ ਤਿਸਕੀ ਬਾਤ ਤਿਸੀ ਮੈਂ ਬੂਝੈ ॥ ਸੋਮਤਿਨਾਮਾ ਇਕ
 ਜਗ ਹੈ ਮੀਤਾ ॥ ਤਿਸ ਕਹਿ ਮੁਝ ਜਨ ਪੂਜਨ ਕੀਤਾ ॥੩੭॥ ਪੂਜਾ ਕਰਿ ਢਲ ਗੇ ਤਿਸਕੇ ॥ ਸੁਰਗ ਪ੍ਰਾਪਤਿ
 ਹੋਵੈ ਉਸਕੋ ॥ ਸੁਰਗ ਮਾਹਿ ਜਾਇ ਪ੍ਰਾਪਤ ਹੋਇ ॥ ਇੰਦ੍ਰੀ ਭੋਗ ਬਹੁ ਭੋਗੈ ਸੋਇ ॥੩੮॥ ਮਿਰਜਾਦਾ ਪੁੰਨ

ਹੋਵੈ ਉਸ ਜੇਤੀ ॥ ਅਤਿ ਸੁਖ ਭੋਗੈ ਦੇਵਉਂ ਸੇਤੀ ॥ ਤਿਨਕਾ ਪੁੰਨ ਖੀਣੁ ਜਬ ਹੋਇ ॥ ਜੂਨ ਮਾਨੁਖ ਪਾਵੈ
 ਫਿਰਿ ਸੋਇ ॥੩੯॥ ਇਤ ਪ੍ਰਕਾਰ ਤ੍ਰੈਬਿਧਿ ਜੋ ਕਰੇ ॥ ਤਿਨਕਾ ਫਲ ਮਨ ਮੋਂ ਨਿਤ ਧਰੇ ॥ ਸੁਰਗ ਮੈਂ ਜਾਇ
 ਬਹੁੜ ਗਿਰ ਆਵੈ ॥ ਆਵਾਗਵਨ ਨਿਤ ਵਹੁ ਪਾਵੈ ॥੪੦॥ ਸਕਾਮ ਕਰਮ ਤੇ ਨਿਤ ਦੁਖ ਲਹੈ ॥ ਨਿਤ
 ਹੀ ਜਨਮਮਰਨ ਮੈਂ ਰਹੈ ॥ ਕਾਮਨਾ ਮਈ ਦੁਖ ਹੈ ਨਿਤ ॥ ਸੁਖ ਨਾਹੀਂ ਜਿਸੁ ਚਲਤਾ ਚਿਤ ॥੪੧॥ ਦੋਹਰਾ
 ॥ ਕਾਮਨਾ ਜਿਨ ਕਉ ਕਛੂ ਨਾਹਿ ਨਿਹਕਾਮ ਕਰੈ ਵਹੁ ਭਗਤਿ ॥ ਮਨ ਕਾ ਦੇਤਾ ਮੁਝ ਬਿਖੈ ਸੁਖੀ ਰਹੈ ਵਿਚਿ
 ਜਗਤ ॥੪੨॥ ਸੋਰਠਾ ॥ ਅਚਾਹ ਅਰ ਅਚਲ ਬੁਧ ਐਸਾ ਮੇਰਾ ਭਗਤਿ ਜੋ ॥ ਸੋਹੈ ਨਿਰਮਲ ਸੁਧ ਚਹੂੰ ਓਰ
 ਤਿਸਕੋ ਫਿਰੋ ॥੪੩॥ ਦੋਹਰਾ ॥ ਤਿਸ ਕੀ ਸਭ ਕਲਿਆਨ ਕੋ ਫਿਰਤਾ ਰਹੋਂ ਮੈਂ ਮੀਤ ॥ ਤਿਸਕਾ ਅਬ
 ਦਿਸਟਾਂਤ ਏਹੁ ਸੁਨ ਕਰਿ ਰਾਖੋ ਚੀਤ ॥੪੪॥ ਦੋਹਰਾ ॥ ਜੈਸੇ ਗ੍ਰਿਹ ਧਨਵੰਤ ਕੇ ਪਾਹਰੂ ਚਉਕੀ ਦੇਇ ॥
 ਤੈਸੇ ਹੀ ਮੈਂ ਭਗਤਿ ਕੀ ਰਖਿਆ ਨਿਤ ਕਰੇਇ ॥੪੫॥ ਦੋਹਰਾ ॥ ਆਠ ਪਹਿਰ ਤਿਸਕੋ ਫਿਰੋਂ ਐਸਾ ਮੁਝ
 ਕੋ ਜਾਨ ਜੋ ਤੂੰ ਮੇਰਾ ਜਗਤ ਹੈਂ ਦੇਵਉ ਤੁਝ ਕਲਿਆਨ ॥੪੬॥ ਸੋਰਠਾ ॥ ਐਸੇ ਦੇਖ ਤੂੰ ਆਪ ਤੁਝ ਰਖਿਆ
 ਕੋ ਸਾਵਧਾਨ ਹੋ ॥ ਰਬ ਤੇਰੇ ਪਰ ਬਿਆਪ ਸੁਨੋ ਦੇਹ ਤੁਝ ਰਾਖਤਾ ॥੪੭॥ ਦੋਹਰਾ ॥ ਤੇਰੇ ਦੇਹਿ ਅਰਬ
 ਕੀ ਰਖਿਆ ਕਰੋਂ ਨਿਤ ਮੀਤ ॥ ਮਨ ਤੁਝ ਰਖਿਅ ਇਉਂ ਕਰੋਂ ਤਿਸਕੀ ਆਖੋਂ ਰੀਤ ॥੪੮॥ ਦੋਹਰਾ ॥ ਅਬ
 ਦੇਵ ਉਪਾਸ ਕਹੀ ਸੁਨ ਬਾਤਾ ॥ ਜੋ ਦੇਵ ਉਪਾਸਕ ਹੈਂ ਰੇ ਤਾਤ ॥੪੯॥ ਸਰਧਾ ਸੰਜੁਗਤ ਦੇਹ ਕਉ ਪੂਜੈ
 ॥ ਅਪਨੇ ਫਲ ਦੇਵਉ ਤੇ ਸੂਝੈ ॥੫੦॥ ਸੋ ਦੇਵ ਪੂਜਾ ਭੀ ਮੇਰੀ ਜਾਨ ॥ ਜੋ ਦੀਸੈ ਸੋ ਮੁਝਕੋ ਮਾਨ ॥ ਮੁਝੇ
 ਛਾਡ ਦੇਵ ਚਿਤ ਧਾਰੈ ॥ ਤੇ ਚਤਰ ਨਾਹਿ ਭੂਲਕੇ ਕਰੈ ॥੫੧॥ ਕੈਸੇ ਛਾਡ ਭੂਲੇ ਵਹੁ ਪੂਜਾਰੀ ॥ ਜੋ ਜਗੋਂ ਕਾ
 ਮੈਂ ਹਿਤਕਾਰੀ ॥ ਭੋਗਤਾ ਸਭਸ ਜਗ ਕਾ ਮੈਂ ਹੋਂ ॥ ਸਭ ਜਗ ਕਾ ਪ੍ਰਭੂ ਭਾਗ ਹਉਂ ਲੇ ਹੋਂ ॥੫੨॥ ਪ੍ਰਥਮ
 ਪੂਜਾ ਮੇਰੀ ਸਭ ਹੋਇ ॥ ਮੁਝ ਪੂਜਾ ਤੋਖੈ ਸਭ ਕੋਇ ॥ ਐਸਾ ਮੁਝੇ ਪਛਾ ਨੈ ਨਾਹੀ ॥ ਫਿਰ ਦੇਵਉ ਕੀ ਪੂਜ
 ਕਰਾਹੀ ॥੫੩॥ ਤਿਸ ਪੂਜਾ ਤੇ ਜਨਮੈਂ ਮਰੈ ॥ ਸਕਾਮ ਕਰਮ ਤੇ ਭਰਮਤ ਫਿਰੈ ॥ ਜਨਮ ਮਰਨ ਪਾਵੈ ਵਹੁ
 ਨੀਤ ॥ ਤਿਨ ਪੂਜਾਰੀ ਕੀ ਏਹੁ ਰੀਤ ॥੫੪॥ ਅਉਰ ਪ੍ਰਗਟ ਤੁਝ ਬਾਤ ਸੁਨਾਉਂ ॥ ਦੇਵ ਪੂਜਾ ਕਾ ਲਾਭ

ਬਤਾਉਂ ॥ ਦੇਵਤਾ ਕਉ ਪੂਜੈ ਜੇ ਕੋਇ ॥ ਸੋ ਦੇਵ ਲੋਕ ਮੈਂ ਪ੍ਰਾਪਤ ਹੋਇ ॥੫੫॥ ਰਹੈ ਤਹਾ ਜੇਤਾ ਪੁੰਨ ਹੋਇ
 ॥ ਪੁੰਨ ਖੀਣ ਗਿਝੈ ਹੈ ਸੋਇ ॥ ਪ੍ਰਿਤੋਂ ਕੋ ਜੋ ਪੂਜਨ ਹਾਰੁ ॥ ਪਿਤ੍ਰ ਲੋਕ ਮੈਂ ਬਸੈ ਬੀਚਾਰ ॥੫੬॥ ਭੂਤ ਪ੍ਰੇਤ
 ਜੋ ਪੂਜਨ ਹਾਰੇ ॥ ਸੋ ਤਿਨਕੇ ਲੋਕੋ ਮਾਹਿ ਸਿਧਾਰੇ ॥ ਜੈਸੀ ਮਤਿ ਤੈਸੀ ਸਭ ਗਤ ॥ ਏਹੀ ਬਾਤ ਜਾਨੋ ਤੁਮ
 ਸਤ ॥੫੭॥ ਬ੍ਰਹਮ ਪੂਜੈ ਬਿਨੁ ਮੁਕਤਿ ਨ ਹੋਇ ॥ ਬਰਹਮ ਪੂਜੈ ਸੋ ਬ੍ਰਹਮ ਹੈ ਸੋਇ ॥ ਆਗੈ ਅਰਜਨ ਕਹੋ
 ਤੁਝ ਬਾਤ ॥ ਪ੍ਰਤਮਾ ਪੂਜਨ ਹਾਰੇ ਕੀ ਗਤ ॥੫੮॥ ਪ੍ਰਤਮਾ ਸਾਲਗ੍ਰਾਮ ਕੀ ਹੋਇ ॥ ਅਵ ਵਾਧਾ ਤਪ ਖਾਣ
 ਕੀ ਜੋਇ ॥ ਮੁਝਕੋ ਨਿਸਚੈ ਉਸ ਮੈਂ ਜਾਨੈ ॥ ਮੇਰੀ ਪ੍ਰਤਮਾ ਕੀ ਪੂਜਾ ਮਾਨੈ ॥੫੯॥ ਸਰਧਾ ਸੰਜੁਗਤ ਪੂਜੈ
 ਮੁਝ ਤਾਈਂ ॥ ਮੈਂ ਤਿਸ ਕਾ ਦੀਆ ਭੋਜਨ ਖਾਈ ॥ ਤਿਸ ਕਾਰਨ ਤੇ ਹੇ ਕੁੰਤੇ ਸੁਤ ॥ ਐਸੇ ਸੁਨ ਤੂੰ ਮੇਰੀ ਮਤ
 ॥੬੦॥ ਜੋ ਕਛੁ ਕਰੈ ਅਰੁ ਭੋਜਨ ਖਾਵੈ ॥ ਜੋ ਹੋਮ ਵਸਤ ਅਗਨ ਮੈਂ ਪਾਵੈ ॥ ਸਭੀ ਸਮਰਪੈ ਮੁਝਕੋ ਆਪ
 ॥ ਤਿਸ ਕੇ ਫਲ ਕਾ ਸੁਣ ਪਰਤਾਪ ॥੬੧॥ ਸੰਸਾਰ ਮਾਹਿ ਭਲਾ ਅਰ ਬੁਰਾ ॥ ਇਨ ਦੋਨੋਂ ਬੰਧਨ ਮੈਂ ਜਗੁ
 ਜੁੜਾ ॥ ਤਿਨ ਬੰਧਨ ਤੇ ਮੁਕਤਾ ਹੋਵੈ ॥ ਮੁਕਤਿ ਆਸਨ ਮੈਂ ਨਿਸ ਦਿਨ ਸੋਵੈ ॥ ਜਿਸ ਗਤ ਕੋ ਸੰਨਿਆਸੀ
 ਜਾਹਿ ॥ ਸੋ ਗ ਤੂ ਭੀ ਅਰਜਨ ਪਾਹਿ ॥੬੨॥ ਟੀਕਾ ਕਾਰ ਵਾਚ ॥ ਚੋਪਈ ॥ ਅਬ ਆਗੈ ਫੁਨ ਟੀਕਾ
 ਕਾਰ ॥ ਪ੍ਰਤਮਾ ਅਰਬ ਕਹੈ ਬੀਚਾਰਾ ॥ ਜੇ ਕੋ ਗਿਆਨ ਕੀ ਬਾਤ ਨ ਮਾਨੈ ॥ ਕਰਮ ਜੋਗ ਕੋ ਮੂਲ ਨ ਜਾਨੈ
 ॥੬੩॥ ਸੋ ਤੋ ਅਧਮ ਪੁਰਖ ਹੈ ਭੋਰੀ ॥ ਉਤਮ ਗਿਆਨੀ ਅਧਮ ਜੋਰੀ ॥ ਅਧਮ ਪੁਰਖ ਕਉ ਪ੍ਰਤਮਾ ਦੀਜੈ
 ॥ ਪ੍ਰਤਮਾ ਸੰਗਿ ਪ੍ਰੀਤਿ ਤਿਹ ਕੀਜੈ ॥੬੪॥ ਜਬ ਵਹੁ ਪ੍ਰੀਤ ਪ੍ਰਤਮਾ ਸੰਗ ਕਰੈ ॥ ਸਹਜੇ ਕਰਮ ਜੋਗ ਚਿਤ
 ਧਰੈ ॥ ਕਰਮ ਜੋਗ ਤੇ ਗਿਆਨ ਕੋ ਪਾਵੈ ॥ ਗਿਆਨ ਪਾਇ ਮੁਕਤਿ ਹੋਇ ਜਾਵੈ ॥੬੫॥ ਤਾਤੇ ਪ੍ਰਤਮਾ ਕੀ
 ਸੁਣ ਬਾਤ ॥ ਬੇਦੋਂ ਮਾਹਿ ਕਹੀ ਇਹ ਗਤ ॥ ਜਬ ਸਤਿਜੁਗ ਕਾ ਜੁਗੁ ਪੂਰਨ ਭਇਆ ॥ ਤ੍ਰੇਤਾ ਜੁਗ ਨਾਮ
 ਤਬ ਕਹਿਆ ॥੬੬॥ ਜਬ ਬੁਧ ਮਲੀਨ ਨਹੋਂ ਕੀ ਹੋਈ ॥ ਨਿਰਮਲ ਬੁਧ ਪਨੀ ਤਿਹ ਛੋਈ ॥ ਸਰੂਪ ਅਪਨੇ
 ਤੈ ਭੂਲ ਵਹੁ ਗਏ ॥ ਪ੍ਰਭ ਖੋਜਨ ਤੇ ਨਉਨਿਧਿ ਲਹੈ ॥੬੭॥ ਜੇਕੋ ਤਿਨ ਕੋ ਗਿਆਨ ਬਤਾਵੈ ॥ ਤਿਨਕੇ ਹਿਰਦੈ
 ਗਿਆਨ ਨ ਆਵੈ ॥ ਕਰਮ ਹੋਗ ਕਰੈ ਵਹੁ ਨਾਹੀ ॥ ਕਹੈ ਅਉਧ ਅਲਸ ਸੀ ਆਹੀ ॥੬੮॥ ਪ੍ਰਭ ਕੋ ਦੂਢਤ

ਤੈਸਾ ਤੋਹਿ ॥੮੩॥ ਦੋਹਰਾ ॥ ਤਿਸਕੋ ਭੀ ਤੂੰ ਜਾਨ ਹੇ ਅਰਜਨ ਪਰਧਾਨ ॥ ਜਿਸਕਾ ਨਿਸਚਾ ਮੁਝ ਵਿਖੇ
 ਸੋਇ ਸਾਧ ਪਛਾਨ ॥੮੪॥ ਦੋਹਰਾ ॥ ਤਿਸਕਾ ਅਵ ਦਿਸਟਾਂਤ ਸੁਨ ਜੈਸਾ ਈਧਨ ਢੇਰ ॥ ਜਬ ਉਸ ਪਹੁਚੇ
 ਟੁਕ ਅਗਨਿ ਜਲਤ ਨ ਲਾਗੈ ਬੇਰ ॥੮੫॥ ਦੋਹਰਾ ॥ ਤੈਸੇ ਮੇਰੇ ਭਜਨ ਤੇ ਪਾਪ ਹੋਇ ਸਭ ਨਾਸ ॥ ਤਤਕਾਲ
 ਮੁਝ ਭਜਨ ਤੇ ਪਾਵੈ ਮੁਝ ਮੈਂ ਬਾਸ ॥੮੬॥ ਸੋਰਠਾ ॥ ਹੇ ਕੁੰਤੇ ਸੁਤ ਜਾਨ ਨਾਮ ਨ ਮੇਰੀ ਭਗਤ ਕਾ ॥ ਭਗਤੋਂ
 ਉਪਜੈ ਗਿਆਨ ਗਿਆਨ ਪਾਇ ਮੁਝ ਕੋ ਮਿਲੈ ॥੮੭॥ ਸੋਰਠਾ ॥ ਪਾਪ ਜੋਨ ਜੋ ਆਹਿ ਇਸਤ੍ਰੀ ਸੂਦ੍ਰ ਬੈਸ
 ਭੀ ॥ ਵਹੁ ਭੀ ਮੁਕਤੇ ਜਾਨ ਜਬ ਮੁਝ ਕਰੈ ਉਪਾਸਨਾ ॥੮੮॥ ਸੋਰਠਾ ॥ ਤੇ ਭੀ ਪਰਮ ਗਤ ਪਾਹਿ ਮੇਰੇ
 ਪਦ ਕੋ ਆਵਤੇ ॥ ਪੁੰਨ ਜਨਮ ਜੋ ਆਹਿ ਖਤ੍ਰੀ ਬ੍ਰਹਮਣ ਰਾਜ ਰਿਖ ॥੮੯॥ ਦੋਹਰਾ ॥ ਤਿਨ ਕਿਰਤਾਰਥ
 ਹੋਵਣਾ ਕਿਆ ਅਸਚਰਜ ਹੈ ਮੀਤ ॥ ਅਰਜਨ ਏਹ ਮਾਨੁਖ ਦੇਹਿ ਉਤਮ ਧਰ ਤੂੰ ਚੀਤ ॥੯੦॥ ਦੋਹਰਾ ॥
 ਸੁਖ ਹੈ ਅਲਪ ਇਸ ਦੇਹਿ ਮੈਂ ਤਾਕਉ ਕਿਤਿਆ ਜਾਨ ॥ ਸਦਾ ਰਹੋ ਮੁਝ ਭਜਨ ਮੈਂ ਤਿਸਤੇ ਪਾਵੈ ਗਿਆਨ
 ॥੯੧॥ ਦੋਹਰਾ ॥ ਮਨ ਕਾ ਨਿਸਚਾ ਮੁਝ ਬਿਖੈ ਦੇਹੀ ਭਜਨ ਤੂੰ ਜਾਨ ॥ ਮੇਰਾ ਭਗਤਿ ਤੂੰ ਹੋਇ ਕਰਿ ਪੂਜੋ
 ਮੁਝ ਕਰਿ ਗਿਆਨ ॥੯੨॥ ਦੋਹਰਾ ॥ ਇਤ ਪ੍ਰਕਾਰ ਮੁਖ ਭਗਤਿ ਕਰਿ ਮਨ ਰਾਖੋ ਮੁਝ ਮਾਹਿ ॥ ਜੈਸੇ ਜਲ
 ਸਿਉਂ ਜਲ ਮਿਲੈ ਤਿਉਂ ਤੂੰ ਮੁਝੈ ਮਿਲਾਹਿ ॥੯੩॥ ਚੌਪਈ ॥ ਨਵਮੋ ਅਧਿਆਇ ਸੰਪੂਰਨ ਭਇਆ ॥ ਬਿਦਿਆ
 ਨਾਮ ਰਾਜ ਤਿਹ ਕਰਾ ॥ ਜੇਕੋ ਸੁਨੈ ਅਰ ਮਨ ਮੋ ਧਾਰੈ ॥ ਸੋ ਭਗਵਾਨ ਕੋ ਅਤਿ ਹੈ ਪਿਆਰੇ ॥੯੪॥
 ਪਿਆਵਨ ਹਾਰ ਭਗਵਾਨ ਹੈ ਆਪ ॥ ਜਾਪੈ ਵਹੀ ਸਭ ਅਪਨਾ ਜਾਪ ॥ ਏਕ ਗੋਬਿੰਦ ਸਭੀ ਕਛੁ ਆਪ ॥
 ਜਾਪੈ ਵਹੀ ਸਭ ਅਪਨਾ ਜਾਪ ॥ ਏਕ ਗੋਬਿੰਦ ਸਭੀ ਕਛੁ ਆਪ ॥ ਬਾਜੀਧਾਰ ਵਿਚਿ ਰਹਾ ਵਿਆਪ ॥੯੫॥
 ਦੋਹਰਾ ॥ ਬਾਜੀ ਬਾਜੀਗਰ ਹੈ ਏਕ ॥ ਤਿਸ ਏਕ ਸੋ ਹੋਹਿ ਅਨੇਕ ॥੯੬॥੯॥ ਇਤ ਸ੍ਰੀ ਪਦ ਪੁਰਾਣੇ ਸਤੀ
 ਈਸੁਰ ਸੰਵਾਦੇ ਉਤਰ ਖੰਡੇ ਸ੍ਰੀ ਭਗਵਤ ਗੀਤਾ ਸੂਪਨਖਤ੍ਰੁ ਸੁ ਬ੍ਰਹਮ ਵਿਦਿਆ ਜੋਗ ਸ਼ਾਸਤ੍ਰੇ ਸ੍ਰੀ ਕ੍ਰਿਸ਼ਨ ਅਰਜਨ
 ਸੰਵਾਦੇ ਰਾਜ ਗੁਜਰ ਜੋਗ ਨਉਮੇ ਪਿਆਇ ॥ ਸ੍ਰੀ ਭਗਵਾਨੋ ਵਾਚ ॥ ਹੇ ਸ੍ਰੀ ਲਛਮੀ ਅਵ ਨਉਮੇ ਅਧਿਆਇ
 ਕਾ ਫਲ ਕਤੇ ਹੈਂ ਸੁ ਤੁਮ ਸੁਨੋ ॥ ਦਖਣ ਦੇਸ ਮੈਂ ਏਕ ਸੂਦ੍ਰ ਥਾ ॥ ਨਾਮ ਉਸਕਾ ਭਾਉ ਸਰਮਾ ਥਾ ॥ ਸੋ ਮਹਾਂ

ਪਾਪੀ ਥਾ ॥ ਮਾਸ ਅਹਾਰੀ ਥਾ ਸਦ ਪੀਵਤਾ ਥਾ ॥ ਅਰ ਚੋਰੀ ਕਰਤਾ ਥਾ ॥ ਪਰਾਇਆਂ ਇਸਤ੍ਰੀਆਂ ਭੋਗਤਾ ਥਾ ॥ ਕੂੜ ਬੋਲਤਾ ਥਾ ॥ ਐਸੀ ਐਸੀ ਰੀਤ ਕੇ ਬਹੁਤ ਪਾਪ ਬਹੁਤ ਅਧਰਮ ਕਰਤਾ ਥਾ ॥ ਸੋ ਏਕ ਦਿਨ ਮਦ ਪੀ ਕੇ ਮਸਤ ਹੁਆ ਥਾ ॥ ਛਰਦ ਕਰੇ ਅਰ ਫੇਰ ਫੇਰ ਪੀਵੈ ॥ ਤਬ ਏਕ ਦਿਨ ਐਸੇ ਹੀ ਮਰਿ ਗਇਆ ॥ ਤਬ ਮਰ ਕੇ ਪ੍ਰੇਤ ਭਇਆ ॥ ਸੋ ਏਕ ਤਾੜ ਕੇ ਬ੍ਰਿਛ ਮੈਂ ਰਹੈ ॥ ਐਸੇ ਹੀ ਏਕ ਬ੍ਰਾਹਮਣੁ ਪਤਿ ਗ੍ਰਿਹਦਾਨ ਲੇਵੈ ॥ ਉਹੁ ਦਾਨ ਲੇਕੈ ਅਪਣੀ ਇਸਤ੍ਰੀ ਕਉ ਆਨਿ ਦੇਵੈ ॥ ਸੋ ਉਸ ਕੀ ਇਸਤ੍ਰੀ ਬੜੀ ਸੂਮ ਥੀ ॥ ਕਛੁ ਉਸ ਧਨ ਮੈਂ ਖਰਚੈ ਨਾਹੀ ॥ ਤਬ ਇਨ ਦੋਨੋਂ ਕੇ ਭੀ ਪ੍ਰਾਨ ਛੂਟੈ ॥ ਤਬ ਏਹ ਦੋਨੋ ਭੀ ਪਿਸਾਚ ਭਏ ॥ ਸੋ ਏਹ ਹੀ ਉਸ ਤਾਰ ਕੇ ਬ੍ਰਿਛ ਮੈਂ ਰਹੈ ॥ ਜਿਸ ਮੈਂ ਓਹ ਅਗਲਾ ਪ੍ਰੇਤ ਥ ॥ ਤਬ ਉਹ ਪਿਸਾਚਨੀ ਬੋਲੀ ॥ ਅਰੇ ਪੁਰਖ ਪਿਸਾਚ ਤੁਝ ਕਉ ਅਪਨੇ ਪਹਿਲੇ ਜਨਮ ਕੀ ਸੁਧ ਹੈ ॥ ਤਬ ਪਿਸਾਚ ਬੋਲਿਆ ॥ ਹਾਂ ਹਾਂ ਪਹਿਲੇ ਜਨਮ ਕੀ ਸੁਧ ਹੈ ॥ ਤਬ ਪਿਸਾਚਨੀ ਬੋਲੀ ॥ ਅਰੇ ਪਿਸਾਚ ਪਹਿਲੇ ਜਨਮ ਕਉਨ ਸੁਕ੍ਰਤ ਕੀਆ ਥਾ ॥ ਜਿਸ ਸਿਉ ਪਹਿਲੇ ਜਨਮ ਕੀ ਸੁਧ ਰਹੀ ਹੈ ਸੋ ਮੁਝ ਕੋ ਕਉ ਕਹੁ ॥ ਵਹੁ ਕਰਮ ਅਰ ਬ੍ਰਾਹਮ ਸਕ੍ਰਤ ਕਉਨ ਕੀਆ ਥਾ ॥ ਅਰ ਅਧਿਆਤਮ ਗਿਆਨ ਕਉਨ ਥਾ ॥ ਅਰ ਉਹ ਕਰਮ ਕਉਨ ਥੇ ॥ ਜਿਸ ਸਿਉ ਪਹਿਲੇ ਜਨਮ ਕੀ ਸੁਧ ਰਹੀ ਹੈ ॥ ਜੋ ਇਸ ਨੇ ਏਹ ਤੀਨ ਬਾਤਾਂ ਅਣਜਾਣ ਤੇ ਪੂਛੀ ॥ ਸੋ ਏਹ ਤੀਨ ਬਾਤਾਂ ਅਰਜਨ ਨੇ ਸ੍ਰੀ ਕ੍ਰਿਸ਼ਨ ਤੇ ਪੂਛੀ ਥੀਂ ਸੋ ਗੀਤਾ ਕੇ ਆਧੇ ਸਲੋਕ ਮੈਂ ਹੈ ॥ ਸੋ ਏਹ ਤੀਨ ਬਾਤਾਂ ਪਿਸਾਚਨੀ ਨੇ ਪਿਸਾਚ ਕਉ ਅਜਾਣ ਤੇ ਪੂਛੀਂ ॥ ਇਤਨਾ ਇਸ ਨੇ ਕਹਿਆ ॥ ਸੋ ਸੁਣ ਕੇ ਏਕ ਤਾੜ ਕੇ ਵਿਰਛ ਤੇ ਪ੍ਰੇਤ ਨਿਕਸਾ ॥ ਤਬ ਪ੍ਰੇਤ ਬੋਲਾ ॥ ਅਰੀ ਪਿਸਾਚਨੀ ਇਹੁ ਤੀਨੋ ਵਚਨਿ ਫਿਰਿ ਤੂੰ ਕਹੁ ॥ ਜੋ ਤੈਨੇ ਅਵ ਕਰੇ ਥੇ ॥ ਤਬ ਪਿਸਾਚਨੀ ਹੋਲੀ ਤੂੰ ਕਉਨ ਹੈਂ ਜੋ ਮੈਂ ਤੁਝ ਕਉ ਏਹ ਤੀਨੋ ਬਚਨ ਕਹੈ ॥ ਮੈਂ ਤੋਂ ਅਪਨੇ ਪੁਰਖ ਕਉ ਪੂਛਤੀ ਥੀ ॥ ਬੋ ਬ੍ਰਾਹਮ ਕਰਮ ਕਉਨ ਥੇ ਜਿਸ ਸਿਉ ਪਹਿਲੇ ਜਨਮ ਕੀ ਸੁਧ ਰਹੀ ਹੈ ॥ ਤਬ ਇਤਨਾ ਸੁਣਤੇ ਹੀ ਤਤਕਾਲ ਪ੍ਰੇਤ ਕੇ ਦੇਹ ਤੇ ਛੁਟਿਆ ॥ ਐਸੇ ਹੀ ਤੀਨ ਵਾਰ ਵਚਨ ਕਹੇ ॥ ਸੋ ਅਣਜਾਣ ਤੇ ਕਹੇ ॥ ਸੋ ਦੇਹ ਆਧਾ ਸਲੋਕ ਗੀਤਾ ਕਾ ਨਉਮੇ ਧਿਆਇ ਵਿਖੈ ਹੈ ॥ ਸੋਇ ਇਸ ਪਿਸਾਚਨੀ ਪਿਸਾਚ ਕਉ ਪੂਛੀ ॥ ਤਬ ਹੀ ਤਤਕਾਲ ਤੀਨੋਂ ਕੀ

ਦੇਹ ਛੂਟੀ ॥ ਦੇਵ ਦੇਹੀ ਪਾਈ ॥ ਵਿਮਾਨ ਆਇਆ ॥ ਤਿਸ ਉਪਰਿ ਬੈਠ ਕੇ ਵਈਕੁੰਠ ਗਏ ॥ ਤਬ
 ਦੇਵਤਿਓ ਨੇ ਆਗੇ ਤੇ ਰੋਕੇ ॥ ਦੇਵਤਾ ਬੋਲੇ ਇਹਨੋ ਨੇ ਤੀਰਥ ਇਸਨਾਨ ਕੋਈ ਨਹੀਂ ਕੀਆ ॥ ਅਰ ਨਾਰਾਇਣ
 ਭਗਵਾਨ ਭਗਤਿ ਨਹੀਂ ਕੀਨੀ ॥ ਕੁਛ ਦਾਨ ਪੁੰਨ ਭੀ ਨਹੀਂ ਕੀਆ ॥ ਏਹ ਕਿਸ ਕਾਰਣ ਤੇ ਵਈਕੁੰਠ ਕਉ
 ਚਲੇ ਹੈ ॥ ਤਬ ਅਉਰ ਦੇਵਤੇ ਬੋਲੇ ॥ ਇਹ ਗੀਤਾ ਕੇ ਪਰਤਾਪ ਤੇ ਵਈਕੁੰਠ ਚਲੇ ਹੈ ਇਨ ਕਉ ਜਾਣੇ ਦੇਵੇ
 ਤਬ ਓਹ ਤੀਨੋ ਵਈਕੁੰਠ ਗਏ ॥ ਤਬ ਨਾਰਾਇਣ ਜੀ ਬੋਲੇ ॥ ਸ੍ਰੀ ਲਛਮੀ ਨਾਵੇਂ ਅਧਿਆਇ ਕਾ ਫਲ ਕਹਾ
 ਸੋ ਤੁਮ ਸੁਣਿਆ ॥੯॥ ਇਤ ਸ੍ਰੀ ਪਦਮ ਪੁਰਾਣੇ ਸਤੀ ਈਸੁਰ ਸੰਵਾਦੇਉਤਰ ਖੰਡੇ ਸ੍ਰੀ ਗੀਤਾ ਮਹਾਤਮੇ ਨਾਮ
 ਨਉਮੋ ਧਿਆਇ ॥੯॥ ਆਗੈ ਦਸਵਾਂ ਚਲਿਆ ॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਹੇ ਅਰਜਨ ਤਬ ਅਉਰ
 ਸੁਨ ਤੁਝ ਆਖੋਂ ਇਹੁ ਰੀਤ ॥ ਜੋ ਤੂ ਮੇਰਾ ਭਗਤ ਹੈ ਸੁਨਨੇ ਕੀ ਤੁਝ ਪ੍ਰੀਤ ॥੧॥ ਦੋਹਰਾ ॥ ਤੁਝ ਕਲਿਆਨ
 ਨਮਿਤ ਕੋ ਮੈਂ ਅਪਨਾ ਕਹੈ ਪ੍ਰਤਾਪੁ ॥ ਬ੍ਰਹਮਾ ਰੁਦ੍ਰ ਅਰ ਦੇਵਤਾ ਨ ਜਾਨੈ ਏਹੁ ਜਾਪ ॥੨॥ ਸੋਰਠਾ ॥ ਸਪਤ
 ਤਿਖ ਤੇ ਆਦਿ ਰਿਖ ਮੁਝ ਪ੍ਰਤਾਪ ਨ ਜਾਨਤੇ ॥ ਰਿਖੀਅਰ ਦੇਵ ਮਨੁਖ ਸ ਉਪਜੇ ਹੈਂ ਮੁਝੀ ਸੋ ॥੩॥ ਚੋਪਈ
 ॥ ਏਹੁ ਬਾਤ ਪਰਗਟ ਸਭ ਮਾਨੈ ॥ ਕਾਰਜ ਕਾਰਨ ਜਗ ਨਹੀਂ ਜਾਨੈ ॥ ਜੋ ਸੁਤ ਪਿਤ ਤੇ ਉਪਜਤ ਭਇਓ
 ॥ ਪਿਤ ਕੀ ਮਹਿਮਾ ਕੋ ਨਹੀਂ ਲਹਿਓ ॥੪॥ ਸਰਬ ਮਈ ਜੋ ਮੈਂ ਉਪਜਾਇਆ ॥ ਮੁਝ ਪ੍ਰਤਾਪ ਕਿਸੀ ਨਹੀਂ
 ਪਾਇਆ ॥ ਇਤ ਕਾਰਨ ਸਭ ਦੇਵ ਰਖੀਸਰ ॥ ਨਾ ਜਾਨਤ ਮਹਿਮਾ ਮੁਝ ਈਸਰ ॥੫॥ ਅਵ ਸਰਜਨ ਸੁਣ
 ਮੁਝ ਪਰਤਾਪ ॥ ਤਿਸਕੇ ਸੁਨਤੇ ਮਿਟੇ ਸੰਤਾਪ ॥ ਜਨਮ ਮਰਨ ਜੋ ਮੁਝ ਕੋ ਜਾਨੈ ॥ ਸਭ ਲੋਕੋਂ ਕਾ ਈਸਰ ਮਾਨੈ
 ॥੬॥ ਜਿਨ ਹਉ ਐਸਾ ਮਨ ਮੋ ਜਾਨਿਆ ॥ ਮੁਕਤਾ ਪਾਪ ਤੇ ਵਹੀ ਪਛਾਨਿਆ ॥ ਤੀਸ ਪ੍ਰਕਾਰ ਕੇ ਲਛਨ
 ਮਾਹਿ ॥ ਭੂਤ ਪ੍ਰਾਨੀ ਸਗਲੇ ਵਰਤਾਹਿ ॥ ਹਉਂ ਤੀਸੋਂ ਤੇ ਨਿਆਰਾ ਭਾਈ ॥ ਤੀਸੋਂ ਜੁਗਤਿ ਕਹੈ ਪ੍ਰਗਟਾਈ
 ॥੭॥ ਛੰਦੁ ॥ ਬੁਧ ਗਿਆਨ ਸੋਹਿ ਅਰ ਖਿਮਾ ਇੰਦਦਿ ਜੀਤ ਨ ਬੋਲਨ ਸਤਾ ॥ ਉਪਜਨ ਖਪਨ ਨਿਰਭੈ
 ਅਰ ਭੈਤਾ ਦਇਆ ਸੰਤੋਖ ਅਰ ਸਮਤ ਮਤ ॥ ਦੁਖ ਸੁਖ ਅਰੁ ਦਾਨ ਤਪਸਿਆ ਜਸ ਅਪਜਸ ਅਰ ਕ੍ਰੋਧ ਮਮਤ
 ॥ ਹਰਖ ਸੋਗ ਅਰ ਰਾਗ ਦੋਖ ਅਹੰਕਾਰ ਲੋਕੁ ਮਤਸਰ ਅਰ ਜਤ ॥ ਤੀਸਵੀ ਨਿੰਦਿਆ ਏਹੁ ਸਭ ਲਛਨ ਇਸ

ਮਾਹਿ ਸਭ ਦੇਹਿ ਵਰਤ ॥ ਮੈਂ ਨਿਆਰਾ ਤੀਸੋਂ ਤੇ ਅਰਜਨ ਮੁਝ ਪਰਤਾਪ ਕੀ ਐਸੀ ਗਤ ਪਤ ॥੮॥ ਮੰਗਲ
 ਛੰਦ ॥ ਅਬ ਜਾਨ ਲੇ ਤੂੰ ਮੀਤ ॥ ਮੁਝ ਬਾਤ ਧਰ ਚੀਤ ॥ ਹਉਂ ਪੁਰਖ ਅਪਰ ਅਪਾਰ ॥ ਬ੍ਰਹਮਾ ਉਪਜਿਓ
 ਮੁਝ ਤੇ ਯਾਰ ॥ ਬ੍ਰਹਮਾ ਉਪਜਿਓ ਜਬ ਮੀਤ ॥ ਮਨਸਾ ਸ੍ਰਿਸ਼ਟਿ ਕੀ ਤਿਨ ਕੀਤ ॥ ਸਪਤ ਤਿਖ ਉਪਜਤ
 ਭਏ ॥ ਮਨ ਚਾਰ ਉਤਪਤ ਲਹੇ ॥ ਤਿਨੂੰ ਸਿਰਜਿਆ ਸੰਸਾਰ ॥ ਸਭ ਮੁਝੀ ਸੋ ਬੀਚਾਰ ॥ ਸਭ ਅੰਸ ਮੇਰੀ
 ਜਾਨ ॥ ਸਭ ਕਾ ਬੀਜ ਮੁਝ ਕੋ ਮਾਨ ॥ ਜਿਨ ਇਹ ਰਿਦੈ ਜਾਨੀ ਬਾਤ ॥ ਨਿਤ ਜੋਗ ਪਾਇਆ ਤਾਤ ॥
 ਇਸ ਬਿਖੈ ਸੰਸਾ ਨਾਹਿ ॥ ਉਪਜਾਵਨ ਹਾਰ ਸਭ ਮੈਂ ਆਹਿ ॥ ਮੁਝ ਕੁੰਭਾਰ ਕੀ ਹੈ ਰੀਤ ॥ ਤਿਸ ਕਾਰਜ
 ਮਾਟੀ ਕੀਤ ॥ ਭਜਨ ਮਾਟੀ ਹੀ ਸੋ ਧਰੈ ॥ ਮਾਟੀ ਬਾਝ ਕਛੁ ਨਾ ਕਰੈ ॥ ਮੈਂ ਤਿਸ ਨਿਆਈਂ ਨਾਹਿ ॥ ਸਭ
 ਲੋਕ ਕੋ ਉਪਜਾਹਿ ॥ ਦੁਤੀਏ ਰਹਿਤ ਸਭ ਕਿਛੁ ਕੀਆ ॥ ਮੁਝ ਇਛੁ ਤੇ ਸਭ ਭਇਆ ॥ ਜੇ ਕੋ ਐਸਾ ਮੁਝ
 ਕੋ ਕਰੈ ॥ ਸੋ ਨਰ ਗਿਆਨੀ ਮੇਰੇ ਅਹੈ ॥ ਇਹ ਜਾਨ ਸਿਮਰੈ ਮੋਹਿ ॥ ਨਿਤ ਸੰਜੁਗਤਿ ਸਰਧਾ ਹੋਇ ॥ ਮੇਰਾ
 ਭਜਨ ਕਰਤੇ ਮੀਤ ॥ ਨਿਸਦਿਨ ਭਜਨ ਸੋ ਤਿਨ ਪ੍ਰੀਤ ॥੯॥ ਦੋਹਰਾ ॥ ਐਸਾ ਮੇਰਾ ਭਜਨ ਵਹੁ ਕਰਤੇ ਹੈਂ
 ਦਿਨ ਰਾਤਿ ॥ ਮਨ ਕਾ ਚੇਤਾ ਮੁਖ ਬਿਖੈ ਨਿਸਚਲ ਰਾਖੇ ਤਾਤ ॥੧੦॥ ਸੋਰਠਾ ॥ ਗਲਤ ਭਏ ਤਿਹ ਪ੍ਰਾਨ
 ਮੇਰੇ ਪ੍ਰੇਮ ਕੀ ਬਾਤ ਸੋ ॥ ਸੰਸਾਰ ਬਾਤ ਮੈਂ ਨਾਹਿ ਜਗਤ ਜੁਗਤਿ ਨ ਸੋ ਰਹੀ ॥੧੧॥ ਦੋਹਰਾ ॥ ਆਪਸ ਮੈਂ
 ਇਕਤ੍ਰ ਹੋਇ ਕਰਹਿ ਕਥਾ ਮੁਝ ਨੀਤ ॥ ਸੁਨਿ ਸੁਨਿ ਕਹਿ ਕਹਿ ਕਥਾ ਮੋਹਿ ਅਤਿ ਸੁਖ ਪਾਵਹੁ ਮੀਤ ॥੧੨॥
 ਦੋਹਰਾ ॥ ਦਿਨ ਦਿਨ ਪ੍ਰਤੀਤ ਤਿਨ ਨਰੋਂ ਕੀ ਮੁਝ ਮੈਂ ਬਢਤੀ ਜਾਇ ॥ ਪ੍ਰੀਤ ਸੰਜੁਗਤ ਜੋ ਸਿਮਰਤੇ ਸੋ ਅਤਿ
 ਨਉਨਿਧਿ ਪਾਇ ॥੧੩॥ ਦੋਹਰਾ ॥ ਕਿਰਪਾ ਕਰੈ ਮੈਂ ਤਿਨੋਂ ਪਰ ਦੇਵੋ ਤਿਹ ਬੁਧ ਜੋਗ ॥ ਜਿਸ ਬੁਧ ਕਰਿ
 ਮੁਝ ਪਾਵਤੇ ਆਵੈ ਮੇਰੇ ਲੋਕ ॥੧੪॥ ਦੋਹਰਾ ॥ ਜਿਨ ਪਰ ਕਿਰਪਾ ਮੈਂ ਕਰੋਂ ਤਿਸ ਕਉ ਦੇਵਉ ਗਿਆਨ ॥
 ਤਿਨ ਕੇ ਘਟ ਮੈਂ ਗਿਆਨ ਦੀਪ ਤੂੰ ਪਰਕਾਸ਼ੀ ਜਾਨ ॥੧੫॥ ਦੋਹਰਾ ॥ ਤਿਸ ਪ੍ਰਕਾਈ ਤੇ ਜੀਵ ਬੁਧ ਸਹਜੇ
 ਗਲਤ ਹੋਇ ਜਾਇ ॥ ਮੇਰਾ ਰੂਪ ਵਹੁ ਹੋਤ ਹੈ ਗਿਆਨ ਦੀਪ ਕੋ ਪਾਇ ॥੧੬॥ ਦੋਹਰਾ ॥ ਸੁਣ ਕਰ ਅਰਜਨ
 ਬਾਰਤਾ ਬੋਲੇ ਹੇ ਭਗਵਾਨ ॥ ਏਕ ਬੇਨਤੀ ਮੈਂ ਕਰੋਂ ਸੁਣ ਕਰਿ ਦੀਜੈ ਦਾਨ ॥੧੭॥ ਅਰਜਨੋ ਵਾਚ ॥ ਚੌਪਈ

॥ ਹੇ ਪ੍ਰਭ ਜੀ ਤੁਮ ਬ੍ਰਹਮ ਸਰੂਪ ॥ ਜੋ ਦੇਖੋ ਸੋ ਤੇਰਾ ਰੂਪ ॥ ਪਰਤਖ ਬ੍ਰਹਮ ਹੈ ਤੇਰਾ ਨਾਮ ॥ ਸਭ ਜਗ
ਕਾ ਜਿਸ ਮੈਂ ਬਿਸ਼੍ਵਾਮ ॥੧੮॥ ਤੁਮਰਾ ਧਾਮ ਸਭ ਹੂੰ ਤੇ ਪਰੇ ॥ ਤੁਮ ਪਾਰ ਬ੍ਰਹਮ ਪਰਮੇਸਰ ਹਰੇ ॥ ਤੀਰਥ
ਸਕਲ ਗੰਗਾ ਰੇ ਆਦਿ ॥ ਤੁਮਰੇ ਚਰਨੋਂ ਤੇ ਉਪਜਾਦਿ ॥੧੯॥ ਐਸੇ ਹੋ ਤੁਮ ਪਰਮ ਪਵਿਤ੍ਰ ॥ ਸਰਬ ਵਿਆਪੀ
ਸਭ ਕੇ ਮਿਤ੍ਰ ॥ ਪੁਰਾਤਨ ਅਰ ਪਹਿਲਿਓਂ ਤੇ ਪਹਿਲੇ ॥ ਤੁਮ ਕਿਰਪਾ ਤੇ ਕਲਮਲ ਟਲੇ ॥੨੦॥ ਦਿਬ ਪੁਰਖ
ਦੇਵਨ ਕੇ ਦੇਵ ॥ ਅਰਜਨ ਅਜਾਤ ਪ੍ਰਭੂ ਸਰਬੇਦ ॥ ਤੁਮਰੀ ਮਹਿਮਾ ਰਿਖੋ ਤੇ ਸੁਣੀ ॥ ਬਿਆਸ ਦੇਵ ਨਾਰਦ
ਜੀ ਭਨੀ ॥੨੧॥ ਸਭ ਰਿਖ ਤੁਮਰੀ ਮਹਿਮਾ ਕਹੈ ॥ ਏਤੀ ਕਹੈ ਜੇਤੀ ਬੁਧ ਲਹੈ ॥ ਤੁਮਰੀ ਮਹਿਮਾ ਹੈ ਬੇਅੰਤ
॥ ਵਰਨਨ ਸਾਕਹਿ ਸਿਖ ਅਰ ਸੰਤ ॥੨੨॥ ਪ੍ਰਭ ਅਪਨੀ ਮਹਿਮਾ ਆਪੇ ਕਹੋ ॥ ਜੈਸੇ ਭਗਵਾਨ ਪੂਰਨ ਤੁਮ
ਅਹੋ ॥ ਤੁਮਰੀ ਮਹਿਮਾ ਕਾ ਪਰਤਾਪ ॥ ਦੇਵ ਦਾਨਵ ਨਹੀਂ ਜਾਨਤ ਜਾਪ ॥੨੩॥ ਅਪਨੇ ਪਰਤਾਪ ਆਪ
ਤੁਮ ਜਾਨੋ ॥ ਉਪਜਾਵਨ ਹਾਰ ਮੈਂ ਤੁਮ ਕਉ ਮਾਨੋ ॥ ਹੇ ਈਸਰ ਹੇ ਦੇਵਨ ਕੇ ਦੇਵ ॥ ਅਪਨੇ ਪਰਤਾਪ ਕਾ
ਭਾਖੋ ਭੇਵ ॥੨੪॥ ਅਪਨੀ ਦਿਬ ਵਿਭੂਤ ਮੁਝ ਕਹੋ ॥ ਸਰਬ ਤਿਆਗ ਜਿਸ ਮੈਂ ਨਿਤ ਰਹੋ ॥ ਹੇ ਮਹਾ ਜੋਗ
ਨ ਮੁਝੈ ਬਤਾਵਹੁ ॥ ਦਿਬ ਠਉਰ ਅਪਨਾ ਮੁਝੇ ਸੁਨਾਵਹੁ ॥੨੫॥ ਤਿਸੀ ਠਉਰ ਮੈਂ ਤੁਝ ਕਉ ਪਾਉਂ ॥ ਸਦਾ
ਸਰਬ ਦਾ ਤੁਝੈ ਧਿਆਉਂ ॥ ਏਹੁ ਬ੍ਰਹਮੰਡ ਜੋ ਪਸਰਿਆ ਦੇਖੋ ॥ ਇਹੁ ਬਿਭੂਤ ਸਭ ਤੁਮਰੀ ਪੇਖੋ ॥੨੬॥
ਵਿਭੂਤ ਪਰਤਾਪ ਤੁਮ ਦੇਖਿਆ ਚਾਹਉ ॥ ਤਿਸ ਕਉ ਦੇਖ ਹਰਖ ਉਪਜਾਵਉ ॥ ਏਹ ਬਚਨ ਮੁਖ ਕਮਲ ਤੇ
ਆਖੋ ॥ ਅੰਮ੍ਰਿਤ ਮਈ ਮਹਿਮਾ ਅਵ ਭਾਖੋ ॥੨੭॥ ਤਿਸ ਕੋ ਸੁਨਤ ਮੁਝ ਤਿਪਤ ਨ ਹੋਇ ॥ ਅਪਨੀ ਵਿਭੂਤ
ਕਹੀਐ ਪ੍ਰਭ ਸੋਇ ॥ ਜਵ ਅਰਜਨ ਐਸੀ ਅਰਦਾਸ ॥ ਕਹੀ ਪ੍ਰੇਮ ਸੋ ਕੇਸਵ ਪਾਸ ॥੨੮॥ ਤਬ ਕੇਸਵ
ਅਰਜਨ ਕੋ ਕਹੈ ॥ ਕੁਰਬੰਸੀਓਂ ਮੈਂ ਤੂੰ ਉੱਤਮ ਅਹੈ ॥ ਅਪਨੀ ਵਿਭੂਤ ਮੈਂ ਤੁਝ ਕੋ ਆਖੋਂ ॥ ਦਿਬ ਪਰਧਾਨ
ਬਾਤ ਮੈਂ ਆਖੋਂ ॥੨੯॥ ਸ੍ਰੀ ਭਗਵਾਨੋ ਵਾਚ ਦੋਹਤਾ ॥ ਮੇਰੇ ਸਭ ਬਿਸਥਾਰ ਕਾ ਅੰਤੁ ਨਹੀਂ ਕਛੁ ਹੋਇ ॥
ਦਿਬ ਪਰਧਾਨ ਵਿਭੂਤ ਜੋ ਸੁਨ ਅਰਜਨ ਤੂੰ ਸੋਇ ॥੩੦॥ ਦੋਹਰਾ ॥ ਤਿਸਕਾ ਏਹੁ ਦਿਸਟਾਂਤ ਜਿਉਂ ਭੂਪਤ
ਕੇ ਦੇਸ ਮੈਂ ॥ ਮਾਨੁਖ ਹੋਹਿ ਬਹੁ ਭਾਂਤਿ ਸ੍ਰੇਸ਼ਟਿ ਤਿਨ ਮਾਹਿ ਅਲਪ ਹੈ ॥੩੧॥ ਦੋਹਰਾ ॥ ਤਿਨ ਅਲਪੋਂ ਸਿਉਂ

ਏਕ ਏਕ ਲੀਜੈ ਪੁਰਖ ਪਰਧਾਨ ॥ ਲਿਪਟ ਅਲਪ ਪਰਧਾਨ ਨਰ ਤਿਨ ਸੋ ਨਿਕਸੇ ਜਾਨ ॥੩੨॥ ਦੋਹਰਾ ॥
 ਤੈਸੇ ਹੀ ਮੈਂ ਅਪਨੀ ਭਾਖੋਂ ਅਲਪ ਵਿਭੂਤ ॥ ਸਰਬ ਨਿਰੰਤਰ ਮੈਂ ਵਸਾਂ ਜਿਉਂ ਮਣਕਿਓਂ ਮੈਂ ਸੂਤ ॥੩੩॥ ਦੋਹਰਾ
 ॥ ਸਭ ਪ੍ਰਾਨੀਓਂ ਕਾ ਆਤਮਾ ਮੁਝ ਕਉ ਜਾਨੋ ਮੀਤ ॥ ਆਦਿ ਅੰਤਿ ਸਭ ਜਗਤ ਕੈ ਮੁਝ ਕੋ ਰਾਖੇ ਚੀਤ
 ॥੩੪॥ ਸੋਰਠਾ ॥ ਵਿਭੂਤ ਦਿਬ ਪਰਧਾਨ ਅਵ ਪਾਰਬ ਤੁਝ ਕਉ ਕਹੋ ॥ ਸੁਨ ਕਰਿ ਮਨ ਮੋ ਮਾਨ ਮਹਿਮਾ
 ਮੁਝ ਪਰਤਾਪ ਕੀ ॥੩੫॥ ਦੋਹਰਾ ॥ ਬਾਹਰਿ ਸੂਰਜ ਕੇ ਵਿਖੇ ਵਿਸਨ ਭਾਨ ਜਿਹ ਨਾਮ ॥ ਵਹੁ ਪਰਕਾਸੇ
 ਪੁਖ ਮੈਂ ਸੋ ਤੂੰ ਮੁਝਕੋ ਜਾਨ ॥੩੬॥ ਸੋਰਠਾ ॥ ਪਰਕਾਸ ਕਰਨ ਹਾਰ ਜੇਤੇ ਹੈਂ ਬ੍ਰਹਮੰਡ ਮੈਂ ॥ ਰਵਿ ਤਿਨ ਮੈਂ
 ਮੁਝੈ ਬੀਚਾਰ ਹੇ ਅਰਜਨ ਅਬ ਅਉਰ ਸੁਨ ॥੩੭॥ ਦੋਹਰਾ ॥ ਅਠਾਈਸ ਨਖਤ੍ਰੋਂ ਮਾਹਿ ਚੰਦ੍ਰਮਾ ਮੁਝ ਕੋ ਜਾਨ
 ਤੂੰ ॥ ਉਨਚਾਸ ਪਵਨ ਕੇ ਮਾਹਿ ਮਰੀਚ ਪਵਨ ਹੈ ਨਾਮ ਮੂੰ ॥੩੮॥ ਸੋਰਠਾ ॥ ਚਾਰੋਂ ਬੇਦੋਂ ਮਾਹਿ ਸਿਆਮ
 ਬੇਦ ਮੈਂ ਆਪ ਹੋ ॥ ਕੋਟ ਤੇਤੀਸ ਦੇਵ ਜੋ ਆਹਿ ਇੰਦ੍ਰ ਮੈਂ ਹੋਂ ਤਿਨੋਂ ਮੈਂ ॥੩੯॥ ਦੋਹਰਾ ॥ ਦਸ ਇੰਦ੍ਰੀ ਕੇ
 ਮਾਹਿ ਮਨ ਰਾਜਾ ਹੈ ਮੁਝ ਸਰੂਪ ॥ ਜਹ ਚੇਤਨਤਾ ਪ੍ਰਾਨੀ ਮਾਹਿ ਸੋ ਚੇਤਨਤਾ ਹੈ ਮੁਝ ਰੂਪ ॥੪੦॥ ਸੋਰਠਾ
 ॥ ਯਾਰਹਿ ਰੁਦ੍ਰੋਂ ਮਾਹਿ ਸੰਕਰ ਮੇਰਾ ਨਾਮ ਹੈ ॥ ਰਾਖਸ ਜੋਨ ਜੋ ਨੀਚ ਮੈਂ ਕੁਮੇਰ ਹੋਂ ਤਿਨੋਂ ਮੈਂ ॥੪੧॥ ਦੋਹਰਾ
 ॥ ਆਠ ਬਿਸੋ ਮੈਂ ਅਗਨ ਹੋਂ ਅਰ ਪਰਬਤੋਂ ਬਿਖੇ ਸੁਮੇਰ ॥ ਬ੍ਰਹਸਪਤ ਪ੍ਰੋਹਤੋਂ ਕੇ ਬਿਖੇ ਮੁਝ ਕੋ ਜਾਨੋ ਫੇਰ
 ॥੪੨॥ ਦੋਹਰਾ ॥ ਸੈਨਾ ਕੇ ਨਾਇਕੋਂ ਬਿਖੇ ਸਿਆਮ ਕਾਤਕ ਮੁਝ ਜਾਨ ॥ ਸਕਲ ਸਰੋਵਰ ਕੇ ਬਿਖੇ ਸਾਗਰ
 ਮੁਝ ਕੋ ਮਾਨ ॥੪੩॥ ਸੋਰਠਾ ॥ ਭ੍ਰਿਗ ਰਿਖ ਹੋਂ ਮੈਂ ਰਿਖੋਂ ਮੈਂ ਅਰ ਬਾਣੀਓਂ ਮੈਂ ਓਅੰਕਾਰ ॥ ਸਭ ਇਸਥਾਵਰ
 ਕੇ ਬਿਖੇ ਹਿਮਾਂਚਲ ਮੁਝੈ ਬੀਚਾਰ ॥੪੪॥ ਦੋਹਰਾ ॥ ਅਰਾਧੇ ਜੋ ਮੁਝ ਜਗਤ ਮੈਂ ਐਸਾ ਹੋ ਤਿਨ ਮਾਹਿ ॥
 ਸੁਆਸ ਸੁਆਸ ਜੋ ਸਿਮਰਤੇ ਸੋਈ ਜਪ ਮੈਂ ਆਹਿ ॥੪੫॥ ਦੋਹਰਾ ॥ ਪਿਪਲ ਬਿਰਛੋਂ ਕੇ ਬਿਖੇ ਮੁਝ ਕੋ ਜਾਨੋ
 ਮੀਤ ॥ ਗੰਧਰਬੋਂ ਮਾਹਿ ਮੈਂ ਚਿਤ੍ਰਰਥ ਐਸੇ ਰਾਖੇ ਚੀਤ ॥੪੬॥ ਦੋਹਰਾ ॥ ਸਿਧੋਂ ਬਿਖੇ ਮੈਂ ਕਪਲ ਹੋਂ ਨਾਰਦ
 ਹੋਂ ਰਿਖੋਂ ਮਾਹਿ ॥ ਰਤਨੋਂ ਮਾਹਿ ਰੁਰੰਗ ਜੋ ਸੋ ਵਹੁ ਅਸੂ ਮੈਂ ਆਹਿ ॥੪੭॥ ਦੋਹਰਾ ॥ ਐਰਾਵਤ ਹੋਂ ਗਜੋਂ ਮਾਹਿ
 ਨਰ ਮੈਂ ਰਾਜ ਸਰੂਪ ॥ ਚਕ੍ਰਵਰਤ ਜੋ ਭੂਪ ਹੈ ਸੋ ਹੈ ਮੇਰਾ ਰੂਪ ॥੪੮॥ ਦੋਹਰਾ ॥ ਆਇਓਂ ਵਿਖੇ ਮੈਂ ਵਜ੍ਰਹੋ

ਅੰਗੋਂ ਸੇ ਅੰਗ ਛੁਹਾਏ ਮੁਖ ਕੇ ਮੁਖ ਛੁਹਾਇਆ ॥ ਤਬ ਮੁਝ ਕਉ ਦੇਖਕੈ ਬ੍ਰਾਹਮਣ ਨੇ ਸਰਾਪ ਦੀਆ ॥ ਅਰੀ
 ਪਾਪਨੀ ਤੂੰ ਕਮਲਨੀ ਹੋਵੈਗੀ ॥ ਸੋ ਮੈਂ ਕਮਲਨੀ ਭਈ ਹੋਂ ॥ ਤਬ ਮੁਝ ਕਉ ਕਹਾ ॥ ਜੈਸੇ ਪੰਜ ਅੰਗ ਮੇਰੇ
 ਤੈਨੇ ਸਪਰਸ਼ ਕੀਏ ਹੈਂ ॥ ਐਸੇ ਪੰਚ ਅੰਗ ਤੇਰੇ ਭੀ ਹੋਵੈਗੇ ॥ ਸੋ ਮੇਰੇ ਪੰਜ ਅੰਗ ਹੂਏ ਹੈਂ ॥ ਦੋ ਕਮਲ ਚਰਨ
 ਦੋ ਕਮਲ ਹਾਥ ਏਕ ਕਮਲ ਮੁਖ ॥ ਸੋ ਪੰਜ ਅੰਤ ਮੇਰੇ ਹੈਂ ॥ ਚਾਰ ਆਸ ਪਾਸ ਹੋਏ ॥ ਏਕ ਮੈਂ ਬੀਚ ਹੋਂ ॥
 ਸੋ ਇਸੁ ਤਲਾਵ ਮੈਂ ਸਾਠ ਹਜ਼ਾਰ ਭਵਤ ਰਹਤਾ ਹੈ ॥ ਸੋ ਮੇਰੀ ਸੁਗੰਧ ਸਿਉਂ ਤ੍ਰਿਪਤ ਰਹਤੇ ਹੈਂ ॥ ਜਾਤੇ ਕਹੀ
 ਨਹੀਂ ॥ ਅਰ ਮੇਰੇ ਮੈਂ ਐਸੀ ਜੁਆਲਾ ਹੈ ਜੋ ਕੋਈ ਪੰਛੀ ਮੁਝ ਕਉ ਲੰਘ ਜਾਵੈ ॥ ਤਬ ਭਸਮ ਹੋ ਜਾਤਾ ਹੈ ॥
 ਤਬ ਕਮਲਨੀ ਬੋਲੀ ॥ ਅਰੇ ਹੰਸ ਤੂੰ ਕਉਨ ਹੈਂ ॥ ਈਹਾਂ ਕਿਉਂ ਆਇਆ ਥਾ ॥ ਤਬ ਹੰਸ ਬੋਲਿਆ ॥
 ਹਮ ਹੰਸ ਚਾਰ ਬ੍ਰਹਮਾ ਕੇ ਵਾਹਨ ਹੈਂ ॥ ਤਿਨ ਮੈਂ ਏਕ ਮੈਂ ਹੋਂ ॥ ਸੋ ਮੈਂ ਮਾਨ ਸਰੋਵਰ ਮੋਤੀ ਚੁਗਣੇ ਆਇਆ
 ਥਾ ॥ ਸੋ ਚੁਗਕੇ ਮਹਾਦੇਵ ਜੀ ਕੇ ਦਰਸਨ ਕਉ ਆਵਤਾ ਥਾ ॥ ਸੋ ਇਸ ਮਾਰਗ ਆਇ ਨਿਕਸਾ ਹੋਂ ॥ ਜਬ
 ਮੈਂ ਕਮਲਨੀ ਉਲੰਘੀ ਹੈ ॥ ਤਬ ਹੀ ਤਤਕਾਲ ਸੁਪੇਦ ਸੇ ਕਾਲਾ ਹੋਇ ਗਇਆ ਹੋਂ ॥ ਅਰ ਆਕਾਸ ਤੇ ਗਿੜ
 ਪੜਾ ਹੋਂ ॥ ਤਬ ਏਹ ਚਲਿਤ੍ਰ ਸੁਨਕੈ ਕਮਲਨੀ ਬੋਲੀ ॥ ਮੈਂ ਪਹਿਲੇ ਜਨਮ ਕੀ ਕੰਨਿਆ ਹੋਂ ॥ ਸੋ ਮੈਂ ਏਕ ਮੈਨਾ
 ਪਾਲੀ ॥ ਸੋ ਉਹ ਮੈਨਾ ਬਹੁਤ ਸੁੰਦਰ ਬੋਲੇ ॥ ਸੋ ਮੈਂ ਉਸ ਕਉ ਪੜਾਵਤੀ ਥੀ ॥ ਇਤਨੇ ਮੈਂ ਮੇਰਾ ਪੁਰਖ
 ਆਇਆ ਉਸਨੇ ਕਹਿਆ ਤੂੰ ਉਠ ਰਸੋਈ ਕਰ ਤਬ ਮੈ ਨਾ ਬੋਲੀ ॥ ਫੇਰ ਦੂਸਰੀ ਵਾਰ ਕਹਾ ॥ ਤਬ ਭੀ ਨ
 ਬੋਲੀ ॥ ਸੋ ਮੇਰਾ ਮਨ ਉਸ ਮੈਨਾ ਸਿਉਂ ਲਾਗਾ ਥਾ ॥ ਮੇਰਾ ਮਨ ਰਸੋਈ ਮੈਂ ਨ ਲਾਗੈ ॥ ਤਬ ਇਤਨੇ ਮੈਂ
 ਮੇਰੇ ਪੁਰਖ ਨੇ ਸਰਾਪੁ ਦੀਆ ॥ ਜਾਇ ਤੂੰ ਕਮਲਨੀ ਹੋਵੈਗੀ ॥ ਸੋ ਮੈਂ ਕਮਲਨੀ ਭਈ ॥ ਅਰ ਉਸ ਮੈਨਾ ਕੀ
 ਸੁਧ ਮੁਝ ਕਉ ਅਬ ਤਾਈਂ ਹੈ ॥ ਵਹੁ ਮੈਨਾ ਗੀਤਾ ਕਾ ਦਸਵਾਂ ਅਧਿਆਇ ਪਾਠ ਕਰਤੀ ਥੀ ॥ ਸੋ ਮੈਂ ਭੀ
 ਪੜੀ ਹੋਂ ॥ ਮੇਰੇ ਮੋਂ ਜੋਤ ਉਸ ਗੀਤਾ ਕੇ ਦਸਵੇਂ ਅਧਿਆਇ ਸੁਣਨੇ ਕੀ ਹੈ ॥ ਤਬ ਹੰਸ ਬੋਲਾ ਅਬ ਕਛੁ ਐਸਾ
 ਉਪਾਵ ਹੈ ਜੋ ਮੈਂ ਇਸ ਸਿਆਮ ਵਰਨ ਤੇ ਸੁਪੇਦ ਵਰਨ ਹੋਵਹੁ ॥ ਅਰ ਤੂੰ ਕਮਲਨੀ ਕੀ ਦੇਹ ਤੇ ਛੂਟੇਂ ॥ ਤਬ
 ਏਹ ਕਮਲਨੀ ਬੋਲੀ ॥ ਹਾਂ ਹਾਂ ਏਕੁ ਉਪਾਵ ਹੈ ਜੋ ਕੋਈ ਗਿਥਾ ਕਾ ਦਸਵਾਂ ਧਿਆਇ ਪਾਠ ਕਰੇ ਅਬਵਾ ਸੁਣੇ

ਤਉ ਕ੍ਰਿਤਾਰਥ ਹੋਵੈ ।। ਤਬ ਏਕ ਬ੍ਰਾਹਮਣ ਨੇ ਉਸ ਤਲਾਵ ਮੈਂ ਇਸ਼ਨਾਨ ਕੀਆ ।। ਅਰ ਸਾਲਗਰਾਮ ਕੀ ਸੇਵਾ ਕਰੀ ।। ਦਸਵਾਂ ਅਧਿਆਇ ਗੀਤਾ ਕਾ ਪਾਠ ਕੀਆ ।। ਅਚਾਨਕ ਇਕੋ ਨੇ ਸੁਣਿਆ ।। ਤਬ ਏਹ ਹੰਸੁ ਸੁਪੇਦ ਵਰਨ ਹੋਇਆ ।। ਅਰ ਉਹ ਕਮਲਨੀ ਦੇਵ ਕੰਨਿਆਂ ਭਈ ।। ਤਬ ਇਨ ਦੋਨੋਂ ਨੇ ਹਾਥ ਜੋੜਕੇ ਬੇਨਤੀ ਕੀਨੀ ।। ਅਰ ਕਹਿਆ । ਧੰਨ ਤੁਮ ਹੋ ਜੋ ਹਮ ਕਉ ਕ੍ਰਿਤਾਰਥ ਕੀਆ ।। ਤਬ ਬ੍ਰਾਹਮਣ ਬੋਲਿਆ ਕਿਆ ਹੈ ।। ਤਬ ਇਨ ਦੋਨੋਂ ਨੇ ਕਹਿਆ ।। ਮੈਂ ਕਮਲਨੀ ਥੀ ਏ ਹੰਸ ਸਿਆਮ ਵਰਨ ਥਾ ।। ਸੋ ਤੁਮ ਨੇ ਜੋ ਗੀਤਾ ਕਾ ਦਸਵਾਂ ਧਿਆਇ ਪਾਠ ਕੀਆ ਸੋ ਹਮ ਨੇ ਸੁਣਿਆ ।। ਮੈਂ ਦੇਵ ਕੰਨਿਆਂ ਭਈ ।। ਅਰ ਦੇਹ ਹੰਸ ਸੁਪੈਦ ਭਇਆ ।। ਅਬ ਤੁਮ ਅਸੀਰਵਾਦ ਦੇਵਹੁ ਜੋ ਹਮ ਦੇਵ ਲੋਕ ਜਾਵੈਂ ।। ਤਬ ਬ੍ਰਾਹਮਣ ਅਸੀਰਵਾਦ ਦਈ ।। ਤਬ ਹੰਸ ਤੋ ਬ੍ਰਾਹਮ ਲੋਕ ਗਇਆ ।। ਅਰੁ ਕਮਲਨੀ ਦੇਵ ਲੋਕ ਗਈ ।। ਤਬ ਸ੍ਰੀ ਨਾਰਾਇਣ ਜੀ ਬੋਲੇ ।। ਹੇ ਸ੍ਰੀ ਲਛਮੀ ਜੋ ਜੀਵ ਗੀਤਾ ਪਾਠ ਕਰਤੇ ਹੈਂ ।। ਅਰੁ ਗੀਤਾ ਸੁਣਤੇ ਹੈਂ ਤੇ ਕ੍ਰਿਤਾਰਥ ਸ਼ੀ ਹੈਂ ।। ਜੋ ਜੀਵ ਮਹਾਂ ਪਾਪੀ ਹੈਂ ਤੇ ਭੀ ਸੁਨਕੇ ਕ੍ਰਿਤਾਰਥ ਹੋਤੇ ਹੈਂ ।। ਤਿਨਕੀ ਭੀ ਗਤਿ ਹੋਤੀ ਹੈ ।।੧੦।। ਇਤ ਸ੍ਰੀ ਪਦਮ ਪੁਰਾਣੇ ਸਤੀ ਈਸ਼ੁਰ ਸੰਵਾਦੇ ਉਤਰ ਖੰਡੇ ਸ੍ਰੀ ਗੀਤਾ ਮਹਾਤਮੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਦਸਮੇ ਧਿਆਇ ।।੧੦।। ਆਗੈ ਯਾਰਵਾਂ ਚਲਿਆ ।। ਅਰਜਨੇ ਵਾਚ ।। ਦੋਹਰਾ ।। ਅਰਜਨ ਕਹੇ ਭਗਵਾਨ ਸੌਂ ਹੇ ਕੇਸਵ ਗੋਬਿੰਦ ।। ਜਬ ਸੁਨਿਓ ਪ੍ਰਤਾਪ ਤੁਮ ਤਬ ਉਪਜਿਓ ਆਨੰਦ ।।੧।। ਦੋਹਰਾ ਤੁਮਰੇ ਬਚਨ ਕੇ ਸ੍ਰਵਨ ਤੇ ਮੋਹੁ ਬਿਨਾਸਿਓ ਮੋਹਿ ।। ਹੇ ਕਮਲ ਲੋਚਨ ਜੋ ਤੁਮ ਕਹਾ ਸਭ ਮੈਂ ਸੁਨਿਓ ਸੋਇ ।।੨।। ਦੋਹਰਾ ।। ਉਤਪਤ ਪਹਲੇ ਕੀ ਕਥਾ ਸਭੀ ਸੁਨੀ ਮੈਂ ਮੀਤ ।। ਅਬਿਨਾਸੀ ਪਰਤਾਪ ਤੁਮ ਸੋ ਮੈਂ ਰਾਖਿਓ ਚੀਤ ।।੩।। ਦੋਹਰਾ ।। ਹੇ ਪ੍ਰਭ ਅਬ ਏਹੁ ਬੇਨਤੀ ਤੁਮ ਮੈਂ ਭਾਖੋ ਮੀਤ ।। ਜੈਸੇ ਤੁਮ ਪਰਤਾਪ ਹੈ ਤਿਨ ਦੇਖਨ ਕੀ ਪ੍ਰੀਤਿ ।।੪।। ਦੋਹਰਾ ।। ਤਿਸ ਵਿਭੂਤ ਕੋ ਦੇਖਨੇ ਹੇ ਪ੍ਰਭ ਇਛਾ ਸੋਹਿ ।। ਕਰੋ ਬੇਨਤੀ ਹੇ ਪ੍ਰਭ ਮੁਝੈ ਦਿਖਾਵੈ ਸੋਇ ।।੫।। ਦੋਹਰਾ ।। ਜੋ ਤੁਮ ਮਾਨੋ ਬੇਨਤੀ ਦੇ ਦਰਸਨ ਭਗਵਾਨ ।। ਸਕਤ ਭੀ ਦੇਵਹੁ ਆਪਣੀ ਦੇਖੋ ਤੁਝਕੋ ਜਾਨ ।।੬।। ਸੋਰਠਾ ।। ਅਪਨੇ ਪ੍ਰਤਾਪ ਸੰਜੁਗਤਿ ਵਿਭੂਬ ਵਿਖਾਵੋ ਸਿਖ ਕੋ ।। ਦੇਖੋ ਪਾਵੋ ਮੁਕਤਿ ਦਰਸਨ ਤੇਰਾ ਹੇ ਪ੍ਰਭੂ ।।੭।। ਦੋਹਰਾ ।। ਹੇ ਈਸਰ

Dr. Gobind Geeta/Giani Hardeep Singhji Hazur Sahib Nanded (Billu-9960448233) (28-5-2016) [103]

ਸਸਿ ਪ੍ਰਭ ਕੋ ਪੇਖਿਓ ॥ ਸਭ ਤੇ ਉਤਮ ਹਰਿ ਕੋ ਦੇਖਿਓ ॥੨੨॥ ਮਾਧਵ ਬਧ ਮੇਂ ਇਹੁ ਦਿਸਟਾਵੈ ॥ ਸਗਲ
 ਸੰਸਾਰ ਪਸਰਿਆ ਤਹਾ ਪਾਵੈ ॥ ਅਨੇਕ ਭਾਂਤ ਸੰਸਾਰ ਜਬ ਦੇਖਿਆ ॥ ਬੈਰਾਟ ਰੂਪ ਕੋ ਪਾਰਬੁ ਪੇਖਿਆ
 ॥੨੩॥ ਸੋ ਸਭ ਕ੍ਰਿਸ਼ਨ ਦੇਵ ਕੇ ਮਾਹਿ ॥ ਧਨੰਜੈ ਦੋਖਿ ਬਿਸਮ ਕੋ ਪਾਹਿ ॥ ਅਤਿ ਵਿਸਮਾਦੁ ਅਰਜਨ ਜਬ
 ਭਇਆ ॥ ਅਪਨਾ ਸੀਸ ਪ੍ਰਭ ਚਰਨੀ ਗਹਿਆ ॥੨੪॥ ਦੰਡਉਤ ਕਰੀ ਅੰਗਲ ਪੁਟ ਜੋਰ ॥ ਮੁਖ ਸੋ ਬੋਲੇ
 ਹੇ ਪ੍ਰਭੂ ਮੋਰ ॥ ਅਰਜਨੋ ਵਾਚ ॥ ਹੇ ਮਾਧਵ ਨਾਰਾਇਣੁ ਸੁਆਮੀ ॥ ਦਇਆਲ ਅਕਾਲ ਪ੍ਰਭ ਅੰਤਰਿਜਾਮੀ
 ॥੨੫॥ ਤੁਮਰੀ ਦੇਹਿ ਮਾਹਿ ਇਹੁ ਦੇਖੋ ॥ ਸਭ ਸੰਬੂਹ ਜਗਤ ਕਾ ਪੇਖੋ ॥ ਨਾਭ ਕਮਲ ਤੁਮਰੀ ਪਰ ਦੇਵ
 ॥ ਬ੍ਰਹਮਾ ਦੇਖੋ ਕਰਤਾ ਸੇਵ ॥੨੬॥ ਤੁਮਰੀ ਦੇਹਿ ਪਰ ਸਭ ਕਛੁ ਦੇਖੋ ॥ ਸਪਤ ਰਿਖ ਬ੍ਰਹਮਾ ਸੁਤ ਪੇਖੋ
 ॥ ਦਿਬ ਨਾਗ ਮੁਝ ਦਿਸਟੀ ਆਵੈ ॥ ਅਨੇਕਰੁਦ੍ਰ ਸਮਾਧ ਲਗਾਵੈ ॥੨੭॥ ਸਹੰਸ੍ਰ ਭੂਜਾ ਸਹੰਸ੍ਰ ਹੀ ਨੈਨ ॥
 ਸਹੰਸਰ ਮਖ ਤੁਮ ਕਰਤੇ ਬੈਨ ॥ ਅਨੇਕ ਰੁਦ੍ਰ ਤੁਮ ਮੁਝ ਦਿਸਟਾਏ ॥ ਤੁਮਰਾ ਆਦਿ ਅੰਤੁ ਨਹੀਂ ਪਾਏ ॥੨੮॥
 ਬਿਸ ਰੂਪ ਤੁਮਰਾ ਮੈਂ ਦੇਖੋ ॥ ਅਨੇਕ ਸੀਸ ਪਰ ਮੁਕਟ ਸਭ ਪੇਖੋ ॥ ਗਦਾ ਸਭ ਹੂੰ ਕੇ ਕਰ ਮੈਂ ਪਿਆਰੇ ॥
 ਅਨੇਕ ਸ਼ਸਤ੍ਰ ਵਿਚ ਹਾਥ ਤੁਮਾਰੇ ॥੨੯॥ ਦਸੋ ਦਿਸਾ ਤੁਮ ਰਹੈ ਵਿਆਪ ॥ ਸਭ ਦੇਖੋ ਤੁਮ ਤੇਜ ਪ੍ਰਤਾਪ ॥
 ਤੁਮਰਾ ਤੇਜ ਦੇਖਿਓ ਨਾਹੀਂ ਜਾਇ ॥ ਮਾਹਾ ਪ੍ਰਲੈ ਮੁਝ ਦ੍ਰਿਸਟੀ ਆਇ ॥੩੦॥ ਦਿਬ ਅਗਨਿ ਜੁਲਤ ਤਿਹ
 ਮਾਹੀ ॥ ਅਨੇਕ ਸੂਰ ਤਹਾਂ ਤਪਤਾਹੀ ॥ ਐਸੇ ਠੌਰ ਠੌਰ ਦਿਸਟਾਏ ॥ ਦਰਸਨ ਏਹ ਦੇਖਿਓ ਨਹੀਂ ਜਾਏ
 ॥੩੧॥ ਅਪ੍ਰਮੇਵ ਅਦ੍ਵੈ ਤੇਜ ਤੁਮਾਰਾ ॥ ਤੁਮਰੀ ਹੋ ਪ੍ਰਭ ਅਪਰ ਅਪਾਰਾ ॥ ਦੂਸਰੀ ਦਿਸਟ ਨਹੀਂ ਕੋ ਪੇਖੋ
 ॥ ਜਿਸ ਸੋ ਤੁਮਰਾ ਦਰਸ ਨ ਦੇਖੋ ॥੩੨॥ ਤੁਮ ਸਮਾਨ ਤੁਮ ਹੀ ਹੋ ਆਪ ਅਨੇਕ ਭਾਂਤ ਤੁਮ ਰਹੇ ਬਿਆਪ
 ॥ ਸੰਜੈਵਾਚ ॥ ਭਗਵਾਨ ਰੂਪ ਅਰਜਨ ਇਉਂ ਪੇਖਿਆ ॥ ਅਪਨੇ ਨੇਤ੍ਰੋਂ ਸੋ ਜੋ ਦੇਖਿਆ ॥੩੩॥ ਹੇ ਰਾਜਨ
 ਸਭ ਕਹੋ ਸੁਣਾਇ ॥ ਅਵ ਅਉਰ ਕਹੋ ਸੁਣੋ ਚਿਤੁ ਲਾਇ ॥ ਜੋ ਕਛੁ ਗਿਆਨ ਨੈਨ ਸੋ ਜਾਨਿਆ ॥ ਅਰਜਨ
 ਕੇਸੂ ਮਾਹਿ ਬਖਾਨਿਆ ॥੩੪॥ ਅਰਜਨੋ ਵਾਚ ॥ ਸ੍ਰੈਯਾ ॥ ਸਭ ਕੇ ਪਰੇ ਅਬਨਾਸੀ ਪ੍ਰਭ ਤੁਮ ਈਸਰ ਦਿਆਲ
 ਕ੍ਰਿਪਾਲ ਸੁਆਮੀ ॥ ਏਕ ਰੂਫ ਤੇ ਸਭ ਕਿਛੁ ਸਿਰਜਿਓ ਜਿਉਂ ਕੇ ਤਿਉਂ ਤੁਮ ਅੰਤਰਿਜਾਮੀ ॥ ਜੈਸੇ ਥੇ ਤੈਸੇ

ਹੀ ਦੀਸੋ ਉਨ ਨਹੀਂ ਤੁਮ ਪਾਰ ਗਰਾਮੀ ॥ ਕੋਟਿ ਬਿਸ੍ਵ ਉਪਜੀ ਹੈ ਤੁਮ ਸੋ ਤੁਮ ਭਰਪੂਰ ਸਦਾ ਸੁਖ ਗਾਮੀ
 ॥੩੫॥ ਸਵੈਯਾ ॥ ਬਿਸ੍ਵ ਨਿਧਾਨ ਪੂਰਨ ਪਰਮੇਸਰ ਸਭ ਤੇ ਪਰੇ ਸਨਾਤਨ ਆਹੀ ॥ ਅਤਿ ਬਲਵੰਤ ਈਸ
 ਕੇ ਈਸਰ ਧਰਮ ਰਖਿਆ ਤੁਮ ਨਿਤ ਕਰਾਹੀ ॥ ਨਹੀਂ ਦੂਸਰਾ ਤੁਮ ਸਮ ਗੋਬਿੰਦ ਐਸੇ ਆਵੈ ਮੁਝ ਮਤ ਮਾਹੀ
 ॥ ਤੁਮ ਏਕੋ ਪ੍ਰਭ ਜੀ ਹੋ ਪੂਰਨ ਇਸਥਾਵਰ ਜੰਗਮ ਮੈ ਪਰ ਜਾਹੀ ॥੩੬॥ ਦੋਹਰਾ ॥ ਸਨਾਤਨ ਪੁਰਾਤਨ
 ਤੁਮ ਪ੍ਰਭੂ ਆਦਿ ਅੰਤ ਮਧਿ ਨਾਹਿ ॥ ਏਹੁ ਜੋ ਰਵਿ ਅਰ ਚੰਦ੍ਰਮਾ ਨੇਤ੍ਰ ਤੁਮਾਰੇ ਆਹਿ ॥੩੭॥ ਦੋਹਰਾ ॥
 ਐਸਾ ਦੇਖੋ ਮੈਂ ਪ੍ਰਭੂ ਤੁਮਰੇ ਮੁਖ ਕੇ ਮਾਂਹਿ ॥ ਮਹਾਂ ਅਗਨ ਅਤ ਤੇਜ ਸੋ ਸਕਲੀ ਬਿਸ ਕੇ ਦਾਹਿ ॥੩੮॥ ਦੋਹਰਾ
 ॥ ਐਸਾ ਤੁਮਰਾ ਰੂਪ ਦੇਖ ਡਰ ਹੀ ਤੀਨੋਂ ਲੋਕ ॥ ਕੋਟ ਦੇਵ ਤੁਮ ਦੇਵ ਮੈਂ ਦੀਸੈ ਕਰਤੇ ਜੋਗ ॥੪੦॥ ਸੋਰਠਾ
 ॥ ਦਿਬ ਪਵਨ ਅਨੇਕ ਸੰਬੂਹ ਕਰੈ ਪ੍ਰਵੇਸ ਤੁਮ ਦੇਹਿ ਮੈਂ ॥ ਅਨਿਕ ਅਕਾਸ ਅਰ ਭੂਹ ਮੁਝਕੋ ਦਿਸਟੀ ਆਵਤੇ
 ॥੪੧॥ ਮੰਲ ਛੰਦ ॥ ਕਈ ਕੋਟਿ ਦੇਵ ਅਪਾਰ ॥ ਤੁਮ ਉਸਤਤ ਕਰਹਿ ਪੁਕਾਰ ॥ ਕਈ ਦੇਵ ਜਵ ਅਰ
 ਸਿਧ ॥ ਕਰਤੇ ਬੇਨਤੀ ਬਹੁਬਿਧਿ ॥ ਉਸਤਤ ਕਰਹਿ ਰਿਖ ਅਰ ਦੇਵ ॥ ਕਈ ਬਰਖਾ ਬਹੁਤ ਕਰੇਵ ॥ ਰੁਦ੍ਰ
 ਅਨੇਕ ਦ੍ਰਿਸਟੀ ਆਹਿ ॥ ਕੋਟਿ ਬਿਸਨ ਤੁਮ ਬਪ ਮਾਹਿ ॥ ਕਈ ਮਾਧ ਦੇਵ ਅਰ ਜਛ ॥ ਅਸੁਨੀ ਕੁਮਾਰ
 ਅਨਿਕ ਪ੍ਰਤਛ ॥ ਬਹੁ ਪਵਨ ਤੁਮ ਤੇ ਭਏ ॥ ਕੋਟਿ ਗੰਧੂਬ ਤੁਮ ਮੋਂ ਲਹੇ ॥ ਸਭ ਦੇਖਿ ਬਿਸਮਿਓ ਮੋਹਿ ॥
 ਅਦਭੁਤ ਰੂਪ ਤੁਮਰਾ ਸੋਇ ॥ ਤੁਮ ਸਹੰਸੂ ਰੂਪ ਅਪਾਰੁ ॥ ਮੁਖ ਨੈਨ ਸੀਸ ਬਿਚਾਰ ॥ ਜੋ ਨੇਤਰ ਮੁਖ ਦ੍ਰਿਸਟਾਹਿ
 ॥ ਸੋ ਸਭੀ ਤੁਮ ਬਪ ਮਾਇ ॥੪੨॥ ਅਰਜਨੋ ਵਾਚ ॥ ਮੰਗਲ ਛੰਦ ॥ ਬਹੁ ਭੁਜਾ ਪਾਦ ਤੁਮ ਭਏ ॥ ਉਦਰ
 ਅਨੇਕ ਤੁਮਰੇ ਭਏ ॥ ਬਹੁ ਭਿਆਨਕ ਅਰ ਬਿਕਰਾਲ ॥ ਅਨੇਕ ਦਾੜ ਤੁਝ ਮੁਖ ਨਾਲਿ ॥ ਇਹੁ ਰੂਪ ਤੁਮਰਾ
 ਦੇਖ ॥ ਤਿਲੋਕ ਡਰੇ ਬਿਸੇਖ ॥ ਹਉ ਡਰੋਂ ਪ੍ਰਭ ਅਬਿਨਾਸ ॥ ਤੁਮ ਬਪ ਜਿਓ ਆਕਾਸ ॥ ਬਹੁ ਭਾਂਤਿ ਰੰਗ
 ਹੈ ਤੋਹਿ ॥ ਬਡੇ ਨੈਨ ਦੇਖੋ ਮੋਹਿ ॥ ਐਸਾ ਰੂਪ ਤੁਮਰਾ ਦੇਖ ॥ ਮੈਂ ਡਰ ਗਇਆ ਪ੍ਰਭ ਤੁਝ ਦੇਖ ॥ ਧੀਰਜ
 ਨਾ ਰਹਿਓ ਮੁਝ ਮਾਹਿ ॥ ਜਬ ਦਰਸ ਤੁਮਰਾ ਪਾਹਿ ॥ ਹੇ ਬਿਸਨ ਪ੍ਰਸੰਨ ਹੋਇ ॥ ਦਰਸਨ ਦੇਖਿਆ ਮੈਂ ਤੋਹਿ
 ॥ ਦੇਖੋ ਅਵਰ ਮੈਂ ਗੋਪਾਲ ॥ ਭਇਆਨਕ ਦਾੜ ਤੁਮ ਮੁਖ ਨਾਲਿ ॥ ਸੋ ਦਾੜ ਕੈਸੀ ਆਹਿ ॥ ਸਮਕਾਲ

ਕੇ ਵਹੁ ਪਾਹਿ ॥ ਦੇਖ ਦਿਸਾ ਭੂਲੀ ਮੋਹਿ ॥ ਨਹੀਂ ਸਾਂਤ ਮਨ ਮੈਂ ਹੋਹਿ ॥ ਹੇ ਜਗ ਪੁਰਸੁ ਕ੍ਰਿਪਾਲ ॥ ਪ੍ਰਸੰਨ
 ਹੋਰੁ ਦਇਆਲ ॥ ਅਬ ਮੈ ਅਉਰ ਦੇਖਹੁ ਬਾਤ ॥ ਤੁਮਰੇ ਮੁਖ ਬਿਖੇ ਹੈ ਤਾਤ ॥ ਦੁਰਜੋਧਾ ਜੋ ਪਰਧਾਨ ॥
 ਦੇਖੋ ਇਉ ਤੀਨੋ ਪਹਿਚਾਨ ॥ ਜੋ ਅਗਨਿ ਰੁਮ ਮੁਖ ਮਾਹਿ ॥ ਦੇਖੋ ਤਿਸ ਵਿਖੇ ਵਹੁ ਦਾਹਿ ॥ ਵਹੁ ਸਭ ਸੁਖ
 ਤੁਮਰੇ ਪੜੇ ॥ ਤੁਮਰੀ ਦਾੜ ਮੈਂ ਵਹੁ ਅਤੇ ॥ ਅਟਕੇ ਕਈ ਦਾੜੋਂ ਸਾਬ ॥ ਕਈ ਦੰਦ ਸੋਂ ਭਏ ਘਾਤ ॥ ਕਈ
 ਅਸੁਰ ਦੈਂਤ ਤੇਰੇ ਮਾਹਿ ॥ ਅਟਕੇ ਦੇਖ ਹੋਂ ਮੈਂ ਤਾਹਿ ॥ ਜਿਵ ਸਭ ਨਦੀ ਕੋ ਪਰਵਾਹ ॥ ਸਾਗਰ ਮਾਹਿ ਲੀਨ
 ਹੋ ਜਾਹਿ ॥ ਤੈਸੇ ਜੋਧਾ ਕੈਰਵ ਜੋਇ ॥ ਪ੍ਰਾਪਤ ਸਭ ਤੁਮ ਮੁਖ ਹੋਇ ॥ ਤਿਸ ਮੁਖ ਮਾਹਿ ਜੋ ਹੈ ਅਗਨ ॥
 ਕੈਰਵ ਭਏ ਤਿਸ ਮੈਂ ਮਗਨ ॥ ਸਭ ਪੜੇ ਤੁਝ ਮੁਖ ਮਾਹਿ ॥ ਫਿਰ ਵਹੁ ਦਿਸਟਿ ਆਵੈ ਨਾਹਿ ॥ ਤੁਮਰਾ ਤੇਜ
 ਅਤਿ ਬਲਵਾਨ ॥ ਤਿਸੁ ਕਾ ਲੋਕ ਪੂਰਨ ਜਾਨ ॥ ਐਸਾ ਭਇਆਨਕ ਤੁਮਰਾ ਰੂਪ ॥ ਵਹੁ ਹੈ ਬਹੁਤ ਤੇਜ ਸਰੂਪ
 ॥ ਤਿਸੁ ਤੇਜ ਕੋ ਨਮਸਕਾਰ ॥ ਹੇ ਦੇਵ ਕ੍ਰਿਸ਼ਨ ਮੁਰਾਰ ॥ ਪ੍ਰਸੰਨ ਹੋਹਿ ਮੁਝ ਮਾਹਿ ॥ ਤੁਧ ਰੂਪ ਅਸਚਰਜ
 ਆਹਿ ॥ ਐਸਾ ਚਾਹਤਾ ਮਨ ਆਹਿ ॥ ਤੁਧ ਆਦਿ ਅੰਤੁ ਦਿਖਾਹਿ ॥ ਦੇਖ ਸਕਉ ਅਬ ਨ ਦਇਆਲ ॥
 ਪ੍ਰਤਾਪ ਰੁਮ ਗੋਪਾਲ ॥੪੩॥ ਦੋਹਰਾ ॥ ਜਬ ਅਰਜਨ ਐਸੇ ਕਹਾ ਤਬ ਭਗਵਾਨ ਦਇਆਲ ॥ ਮੁਖ ਸੋ ਕਹੈ
 ਸੁਨ ਪਾਰਥਾ ਮੈਂ ਤੁਝ ਪਰ ਕਿਰਪਾਲ ॥੪੪॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਅਬ ਸੁਣ ਬਡਾ ਜੋ ਰੂਪ
 ਐਸੇ ਸਮੇਂ ਮੈਂ ਧਾਰਿਆ ॥ ਸੋ ਹੈ ਕਾਲ ਸਰੂਪ ਸਭ ਗ੍ਰਾਮਨ ਕੋ ਪ੍ਰਗਟਿਆ ॥੪੫॥ ਸੋਰਠਾ ॥ ਸਭ ਕੋ ਗ੍ਰਾਸੋ
 ਮੀਤ ਏ ਸਭ ਹੀ ਨਾ ਹੋਹਿਗੇ ॥ ਹੇ ਅਰਜਨ ਧਰ ਚੀਤ ਉਠ ਸਤ੍ਰੋਂ ਸੋ ਜੁਧ ਕਰਿ ॥੪੬॥ ਦੋਹਰਾ ॥ ਸਤ੍ਰ
 ਸਭੀ ਤੁਮ ਜੀਤ ਕੈ ਰਾਜ ਭੂਮ ਕਾ ਲੇਹਿ ॥ ਰਾਜ ਭੋਗ ਸਭ ਬੋਗ ਤੂੰ ਪਰਜਾ ਕਉ ਸੁਖ ਦੇਇ ॥੪੭॥ ਸੋਰਠਾ
 ॥ ਏ ਸਭ ਜੋਧਾ ਜੋ ਠਾਢੇ ਦੇਖੇ ਅਰਜਨਾ ॥ ਹਤ ਕੀਏ ਮੈਂ ਸੋਇ ਜਸ ਲੈ ਤੂੰ ਉਠ ਜੁਧ ਕਰਿ ॥੪੮॥ ਸੋਰਠਾ
 ॥ ਅਰਜਨ ਤੂੰ ਜਸੁ ਲੇਹਿ ਸਭ ਕੋ ਜਗ ਮੈਂ ਕਹੈਗਾ ॥ ਮੈਨਾ ਕੈਰਵ ਏਹ ਸਭ ਹੀ ਪਾਰਥ ਹਤ ਕੀਏ ॥੪੯॥
 ਚੋਪਈ ॥ ਸੋ ਜੋਧਾ ਕੈਸੇ ਮੈਂ ਆਖੋਂ ॥ ਸਭ ਹੀ ਮਹਾ ਰਬੀ ਅਬ ਭਾਖੋਂ ॥ ਦ੍ਰੋਣਾਚਾਰਜੁ ਵਿਦਿਆ ਵੰਤੁ ॥
 ਦੇਵੈ ਸਭ ਕੋ ਸ਼ਸਤ੍ਰ ਮੰਤ੍ਰ ॥੫੦॥ ਸ਼ਸਤ੍ਰ ਵਿਦਿਆ ਤਿਹ ਤੇ ਤੁਮ ਲੀਨ ॥ ਬਾਨ ਵਿਦਿਆ ਮਾਹਿ ਅਤਿ ਪ੍ਰਬੀਨ

ਅਪਰਾਧੀ ਪਾਪੀ ਹੋਇ ॥੭੬॥ ਪ੍ਰਭ ਬਿਨ ਅਵਰ ਨਹੀਂ ਕੋ ਭਾਈ ॥ ਹਰਿ ਮੈਂ ਸੂਸਰ ਕਹਾ ਸਮਾਈ ॥
 ਅਰਜਨ ਪ੍ਰਭ ਸੋ ਭਿੰਨ ਜਬ ਜਾਨਿਆ ॥ ਏਹੀ ਅਪਰਾਧ ਅਪਨੇ ਮਨ ਮਾਨਿਆ ॥੭੭॥ ਅਰਜਨੋ ਵਾਚ ॥
 ਚੋਪਈ ॥ ਅਬ ਅਰਜਨ ਗੋਬਿੰਦ ਪੈ ਭਾਖੈ ॥ ਹਰਿ ਕੀ ਉਸਤਤਿ ਮੁਖ ਸੋ ਆਖੈ ॥ ਹੇ ਅਪ੍ਰਮੇਵ ਪ੍ਰਭ ਕਿਰਪਾ
 ਨਿਧਾਨ ॥ ਇਸਥਾਵਰ ਜੰਗਮ ਕੇ ਪ੍ਰਧਾਨ ॥੭੮॥ ਸਭ ਕੇ ਕਰਤਾ ਹਰਿ ਤੁਮ ਸੁਆਮੀ ॥ ਗੁਰ ਕੇ ਗੁਰ ਤੁਮ
 ਅੰਤਰਜਾਮੀ ॥ ਤ੍ਰਿਲੋਕੀ ਮਾਹਿ ਤੁਮ ਸਮ ਕੋ ਨਾਹੀ ॥ ਮੈਂ ਜਾਨੋ ਐਸੇ ਮਨ ਮਾਹੀ ॥੭੯॥ ਡੰਡਉਤ ਦੇਹਿ
 ਸਾਥ ਤੁਝ ਕਰੋ ॥ ਅਸਟਾਂਗ ਡੰਡਉਤ ਤੁਝ ਆਗੈ ਧਰੋ ॥ ਹੇ ਪ੍ਰਭ ਤੂੰ ਉਸਤਤ ਕੋ ਜੋਗ ॥ ਹੇ ਮਾਧਵ ਠਾਕੁਰ
 ਤ੍ਰੈ ਲੋਗ ॥੮੦॥ ਮੇਰੇ ਸਭ ਅਪਰਾਧ ਨਿਵਾਰੋ ॥ ਅਪਰਾਧ ਏਹੀ ਜੋ ਦੁਤੀ ਬੀਚਾਰੋ ॥ ਮੁਝ ਪਰ ਖਿਮਾ ਕਰੋ
 ਪ੍ਰਭ ਸਾਂਤ ॥ ਜੈਸੇ ਸੁਤ ਪਰ ਕਰਣਾ ਤਾਤ ॥੮੧॥ ਜੈਸੇ ਸਖਾ ਸਖੇ ਪਰ ਕਰੇ ॥ ਜਿਉ ਤ੍ਰੀਆ ਅਪਰਾਧ ਭਰਤਾ
 ਬਿਸ ਮਰੇ ॥ ਤੈਸੇ ਖਿਮਾ ਤੁਮ ਮੁਝ ਪਰ ਧਾਰੋ ॥ ਨਿਵਾਰੋ ਪਾਪੁ ਜੋ ਦੁਤੀ ਬੀਚਾਰਿਓ ॥੮੨॥ ਮੈਂ ਨਹੀਂ ਉਹੁ
 ਰੂਪ ਕਬਹੂੰ ਪੇਖਿਆ ॥ ਅਬ ਜੋ ਰੂਪ ਤੁਮਾਰਾ ਦੇਖਿਆ ॥ ਡਰਿਆ ਹੇ ਦੇਵਨ ਕੇ ਦੇਵ ॥ ਡਰ ਕਰ ਤੁਮਰੀ
 ਕਰ ਹੋਂ ਸੇਵ ॥੮੩॥ ਹੇ ਜਗ ਨਿਵਾਸ ਪ੍ਰਮੰਨ ਤੁਮ ਦੇਵਹੁ ॥ ਪਿਚਲੇ ਪਾਪ ਮੇਰੇ ਸਭ ਧੋਵਹੁ ॥ ਅਵ ਵਹੁ
 ਰੂਪ ਦਿਖਾਵਹੁ ਸੋਇ ॥ ਸੁੰਦਰ ਮੁਕਟ ਜਿਹ ਮਾਥੇ ਹੋਇ ॥੮੪॥ ਏਕ ਹਾਥ ਮੈਂ ਗਦਾ ਹੋਇ ਜਿਸਕੇ ॥ ਚਕ੍ਰ
 ਹੋਇ ਦੁਤੀਏ ਕਰਿ ਤਿਸਕੇ ॥ ਤ੍ਰਿਤੀਏ ਪਾਣ ਅਸੋਕੀ ਬਾਗ ॥ ਜੋ ਅਸ ਮੇਰੇ ਰਥ ਸੋ ਲਾਗ ॥੮੫॥ ਚਤੁਰਥ
 ਹਥ ਹਥ ਪ੍ਰੇਰਨ ਕੀ ॥ ਜਿਹ ਤੇ ਰਥ ਕੀ ਗਤ ਫੇਰਨ ਕੀ ॥ ਤਿਸੀ ਰੂਪ ਕੋ ਮੁਝੈ ਦਿਖਾਵਹੁ ॥ ਹੇ ਬਿਸ ਰੂਪ
 ਏਹੁ ਰੂਪ ਛਪਾਵਹੁ ॥੮੬॥ ਚਤੁਰਭੂਜ ਰੂਪ ਹੋਇ ਦਰਸਨ ਦੇਵਹੁ ॥ ਮੇਰੀ ਬਿਨੋ ਪ੍ਰਭ ਜੀ ਸੁਣ ਲੇਵਹੁ ॥ ਜਬ
 ਅਰਜਨ ਏਹ ਬੇਨਤੀ ਕਰੀ ॥ ਤਬ ਬੇਲੇ ਮੁਖ ਤੇ ਪ੍ਰਭ ਹਰੀ ॥੮੭॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਪ੍ਰਸੰਨ
 ਹੋਇ ਦਿਖਾਇਆ ਐਸਾ ਤੁਝੈ ਸਰੂਪ ॥ ਬਿਸਮਈ ਅਰ ਤੇਜ ਮੈਂ ਅਨੰਤ ਅਨਾਦ ਅਜ ਰੂਪ ॥੮੮॥ ਦੋਹਰਾ
 ॥ ਤੁਝੈ ਦਿਖਾਇਆ ਏਹ ਆਗੈ ਕਿਸੀ ਨ ਦੇਖਿਆ ॥ ਹੇ ਅਰਜਨ ਸੁਨ ਲੇਹਿ ਤੁਝ ਆਗੈ ਨਹੀਂ ਪੇਖਿਆ
 ॥੮੯॥ ਸੋਰਠਾ ॥ ਮੇਰਾ ਐਸਾ ਰੂਪ ਜੋ ਪਾਠੀ ਚਾਰੋ ਬੇਦ ਕੇ ॥ ਹੇ ਦੁਰਲੰਭ ਸਰੂਪ ਵਹੁ ਭੀ ਦੇਖੈ ਮੂਲ ਨਾਹਿ

ਦਿਖਾਉਂ ॥ ਤਿਨ ਮੈਂ ਜੋ ਅਧਿਕਾਰੀ ਪਾਉਂ ॥ ਅਬ ਦੇਖਿਓ ਗਿਆਨ ਚਛ ਮਾਹੀ ॥ ਸੰਸਾਰ ਸਕਲ ਬਿਸ
ਰੂਪ ਆਹੀ ॥੧੦੫॥ ਜੋ ਅਰਜਨ ਤਬ ਧਿਆਨ ਮੈਂ ਦੇਖਿਓ ॥ ਸੋ ਅਬ ਮੈਂ ਇਨ ਨੇਤ੍ਰੋਂ ਪੇਖਿਓ ॥ ਸੀਸ ਨੈਨ
ਜੋ ਦ੍ਰਿਸ਼ਟੀ ਆਹਿ ॥ ਸੋ ਸਭ ਬਾਸਦੇਵ ਬਪ ਮਾਹਿ ॥੧੦੬॥ ਸ੍ਰਵਣ ਪਾਦ ਸਹੰਸ੍ਰ ਭਾਈ ॥ ਭਗਵਾਨ ਦੇਹਿ
ਮੈਂ ਦੇਤ ਦਿਖਾਈ ॥ ਹਸਤ ਨਾਮ ਕਾ ਸਹੰਸ੍ਰ ਜਾਨੋ ॥ ਸਭੀ ਹੀ ਪਾਰਬ੍ਰਹਮ ਮੈਂ ਮਾਨੋ ॥੧੦੭॥ ਅਗਨ ਪ੍ਰਿਥੀ
ਅਪ ਅਰ ਵਾਉ ॥ ਦੇਹਿ ਗੋਬਿੰਦ ਮੈਂ ਸਭ ਦ੍ਰਿਸ਼ਟਾਹਿ ॥ ਅਕਾਸ ਸੂਰਜ ਚੰਦ ਅਰ ਤਰਵਾ ॥ ਗੋਬਿੰਦ ਦੇਹਿ
ਤੇ ਪਰਗਟ ਕਰਵਾ ॥੧੦੮॥ ਸਰਣ ਜੀਵਣ ਜੀਵੋਂ ਕੋ ਜੋਇ ॥ ਸਭ ਬੈਰਾਗਕੈ ਬਪ ਮੈਂ ਹੋਇ ॥ ਬੈਰਾਠ ਰੂਫ
ਮੈਂ ਹੈ ਸਭ ਕੋਇ ॥ ਏਕ ਅਦ੍ਵੈਤ ਬ੍ਰਹਮ ਇਉਂ ਹੋਇ ॥ ਤੈਸੇ ਹੀ ਗੁਰ ਨਾਨਕ ਆਪ ॥ ਆਰਤੀ ਮਾਹਿ ਕਹਿਓ
ਪਰਤਾਪ ॥੧੦੯॥ ਆਰਤੀ ॥ ਧਨਾਸਰੀ ਮਹਲਾ ੧॥ ਗਗਨ ਮੈਂ ਬਾਲ ਰਵਿ ਚੰਦ ਦੀਪਕ ਬਨੇ ਤਾਰਕਾ
ਮੰਡਲ ਜਨਕ ਮੋਤੀ ॥ ਧੂਪ ਮਲ ਆਨਲੋ ਪਵਨ ਚਵਰੋ ਕਰੈ ਸਗਲ ਬਨਰਾਇ ਫੂਲੰਤ ਜੋਤੀ ॥ ਕੈਸੀ ਆਰਤੀ
ਭਵਖੰਡਨਾ ਤੇਰੀ ਆਰਤੀ ਅਨਹਤਾ ਸਬਦ ਵਾਜੰਤ ਭੇਰੀ ॥੧॥ ਰਹਾਉ ॥ ਸਹਸ ਤਵ ਨੈਨ ਨਨ ਨੈਨ ਹੈ ਤੋਹਿ
ਕਉ ਸਹਸ ਮੂਰਤਿ ਨਨਾ ਏਕ ਤੇਰੀ ॥ ਸਹਸ ਪਦ ਬਿਮਲ ਨਨ ਏਕ ਪਦ ਗੰਧ ਬਿਨ ਸਹਸ ਤਵ ਗੰਧ ਇਵ
ਚਲਤ ਮੋਹੀ ॥ ਸਭ ਮਾਹਿ ਜੋਤ ਜੋਤਿ ਹੈ ਸੋਇ ॥ ਤਿਸਦੈ ਚਾਨਣ ਸਭ ਮਹਿ ਚਾਨਣ ਹੋਇ ॥ ਗੁਰ ਸਾਖੀ
ਜੋਤ ਪਰਗਟ ਹੋਇ ॥ ਜੋ ਤਿਸੁ ਭਾਵੈ ਸੁ ਆਰਤੀ ਹੋਇ ॥ ਹਰਿ ਚਰਨ ਕਮਲ ਮਕਰੰਦ ਲੋਭਿਤ ਮਨੋ ਅਨਦਿਨੋ
ਮੋਹਿ ਆਹੀ ਪਿਆਸਾ ॥ ਕਿਰਪਾ ਜਲ ਦੇਹਿ ਨਾਨਕ ਸਾਰਿੰਗ ਕਉ ਹੋਇ ਜਾਤੇ ਤੇਰੈ ਨਾਇ ਵਾਸਾ ॥੧੧੦॥
ਗੋਬਿੰਦ ਸਿੰਘ ਜੀ ਵਾਚ ॥ ਚੋਪਈ ॥ ਏਹੁ ਜਾਨੈ ਜੋ ਖਾਲਸਾ ਹੋਇ ॥ ਬ੍ਰਹਮ ਮੈਂ ਸਭ ਕਛੁ ਸੋਇ ॥ ਸਭ
ਹੂੰ ਮਾਹਿ ਬ੍ਰਹਮ ਕੋ ਜਾਨੈ ॥ ਅਪ ਜਗ ਹੋ ਬਿੰਦ ਇਕ ਮਾਨੈ ॥੧੧੧॥ ਕੋ ਵਿਰਲਾ ਐਸੀ ਗਤ ਪਾਵੈ ॥
ਗਿਆਨ ਧਾਰ ਗੋਬਿੰਦ ਕੋ ਪਾਵੈ ॥ ਗਿਆਨ ਬੈਰਾਗ ਭਗਤ ਜੋ ਸਹਤਾ ॥ ਬ੍ਰਹਮ ਗਿਆਨ ਪੂਰਨ ਇਉਂ ਕਹਤਾ
॥੧੧੨॥ ਭਗਤ ਅਰਥ ਜੋ ਭਉ ਨਹੀਂ ਰਾਖੈ ॥ ਸਭੀ ਏਕ ਗੋਬਿੰਦ ਹਰਿ ਲਾਖੈ ॥ ਬੈਰਾਗ ਅਰਥ ਐਸਾ
ਤੁਮ ਜਾਨੋ ॥ ਆਪਾ ਦੁਤੀ ਤਿਆਗ ਪਹਿਚਾਨੋ ॥੧੧੩॥ ਗਿਆਨ ਅਰਥ ਤੂੰ ਐਸਾ ਜਾਨ ॥ ਸਭ ਕਛੁ ਏਕ

ਨੇ ਸੀਧਾ ਭੇਜਾ ਸੋ ਉਨੋਂ ਨੇ ਰਸੋਈ ਕਰੀ ॥ ਅਰ ਸਭ ਅਤੀਤ ਜੇਵ ਕੇ ਪ੍ਰਸੰਨ ਭਏ ॥ ਤਬ ਬਹੁਤ ਵੇਲਾ ਪੀਛੇ
 ਤੇ ਰਾਜਾ ਉਨ ਕੇ ਦਰਸਨ ਕਉ ਚਲਿਆ ॥ ਅਰੁ ਅਪਨਾ ਪੁਤ੍ਰ ਭੀ ਸਾਥ ਲੀਆ ॥ ਅਉਰ ਨਉਕਰ ਚਾਕਰ
 ਬਹੁਤ ਸਾਥ ਆਏ ॥ ਤਬ ਰਾਜਾ ਉਸ ਹਵੇਲੀ ਮੈਂ ਆਇਆ ॥ ਸੋ ਉਨ ਅਤੀਤੋਂ ਮੈਂ ਏਕ ਬਡਾ ਮਹੰਤੁ ਥਾ ॥
 ਤਿਸ ਸਿਉਂ ਰਾਜਾ ਗੋਸਟੀ ਕਰਣੇ ਲਾਗਾ ॥ ਇਤਨੇ ਮੈਂ ਰਾਜਾ ਕਾ ਪੁਤ੍ਰ ਹਵੇਲੀ ਮੈਂ ਬੈਠਾ ਥਾ ॥ ਸੋ ਏਕ ਪ੍ਰੇਤ
 ਉਹਾਂ ਹਵੇਲੀ ਮੈਂ ਬੈਠਤਾ ਥਾ ॥ ਉਸੀ ਪ੍ਰੇਤ ਨੇ ਰਾਜਾ ਕੇ ਬੇਟੇ ਕਉ ਮਾਰਾ ॥ ਇਤਨੇ ਮੈਂ ਨਉਕਰੋਂ ਚਾਕਰੋਂ ਨੇ
 ਰਾਜਾ ਕਉ ਖਬਰ ਕਰੀ ॥ ਜੋ ਰਾਜਾ ਜੀ ਤੁਮਾਰੇ ਪੁਤ੍ਰ ਕਉ ਪ੍ਰੇਤ ਨੇ ਮਾਰ ਡਾਰਿਆ ਹੈ ॥ ਤੁਮ ਈਹਾਂ ਕਿਉਂ
 ਬੈਠੇ ਹੋ ॥ ਇਹ ਖਬਰ ਸੁਣਕੇ ਰਾਜਾ ਕਾ ਮਨ ਦੁਬਿਧਾ ਮੈਂ ਭਇਆ ॥ ਤੋ ਵੇ ਰਾਜਾ ਗੀਤਾ ਕਾ ਸ੍ਰਵਣ ਕਰਤਾ
 ਥਾ ॥ ਅਰ ਬਡਾ ਭਗਤ ਥਾ ॥ ਤਉ ਭੀ ਪੁਤ੍ਰ ਕੇ ਮੋਹ ਕਰਿ ਰਾਜਾ ਕਉ ਬਡਾ ਦੁਖ ਪ੍ਰਾਪਤ ਭਇਆ ॥ ਤਬ
 ਰਾਜਾ ਬੋਲਿਆ ਅਜੀ ਮਹੰਤੁ ਜੀ ਸਾਧ ਜੀ ਤੁਮਾਰਾ ਦਰਸਨ ਤੋ ਹਮ ਕਉ ਭਲਾ ਫਲਿਆ ॥ ਜੋ ਹਮਾਰਾ ਏਕ
 ਪੁਤ੍ਰ ਥਾ ਸੋ ਪ੍ਰੇਤ ਨੇ ਮਾਰਾ ॥ ਤਬ ਇਤਨੇ ਮੰ ਬ੍ਰਾਹਮਣ ਬੋਲਾ ॥ ਰਾਜਾ ਤੇਰਾ ਪੁਤ੍ਰ ਕਿਉਂ ਕਰਿ ਮੂਆ ਅਰ ਕਿਸਨੇ
 ਮਾਰਾ ॥ ਕਹਾਂ ਹੈ ਚਲੋ ਤੋ ਦੇਖੋ ॥ ਤਬ ਇਤਨੇ ਮੈਂ ਰਾਜਾ ਅਰ ਬ੍ਰਾਹਮਣੁ ਅਰ ਮਹੰਤ ਸਭ ਆਏ ॥ ਜਹਾਂ
 ਵਹੁ ਰਾਜਾ ਕਾ ਪੁਤ੍ਰ ਮੂਆ ਪੜਾ ਥਾ ॥ ਜੋ ਦੇਖੇ ਤੋ ਰਾਜਾ ਕਾ ਪੁਤ੍ਰ ਮੂਆ ਪੜਾ ਹੈ ॥ ਤਬ ਜਿਸ ਪ੍ਰੇਤ ਨੇ ਮਾਰਾ
 ਥਾ ॥ ਉਸ ਪ੍ਰੇਤ ਕਉ ਬ੍ਰਾਹਮਣ ਨੇ ਕਹਾ ॥ ਰੇ ਪ੍ਰੇਤ ਮੈਂ ਤੁਝ ਕਉ ਪ੍ਰੇਤ ਕੀ ਜੂਨ ਤੇ ਛੁਡਾਵਤਾ ਹੋਂ ॥ ਸੋ ਗੀਤਾ
 ਕਾ ਯਾਰਵਾਂ ਅਧਿਆਇ ਮੈਂ ਪਾਠ ਕਰਤਾ ਹੋਂ ॥ ਸੋ ਤੂੰ ਸੁਣ ਤਿਸ ਤੇ ਸੁਣੇ ਤੇ ਪ੍ਰੇਤ ਕੀ ਦੇਹ ਤੇ ਛੂਟੇਗਾ ॥ ਅਰ
 ਜਿਤਨੇ ਜੀਵਨ ਤੈਨੇ ਖਾਏ ਹੈਂ ਸੋ ਭੀ ਉਬਰੇਂਗੇ ॥ ਅਰ ਕ੍ਰਿਪਾ ਦ੍ਰਿਸ਼ਟਿ ਕਰਿ ਦੇਖ ॥ ਜੋ ਬਾਲਕ ਜੀ ਉਠੇ ॥
 ਪਰ ਪਹਿਲਾ ਅਪਣਾ ਜਨਮ ਕਹੁ ॥ ਤੂੰ ਕਿਉਂ ਕਰਿ ਪ੍ਰੇਤ ਭਇਆ ਹੈਂ ॥ ਤਿਸ ਪੀਛੇ ਤੁਝ ਕਉ ਉਧਾਰੇਂਗਾ
 ॥ ਤਬ ਪ੍ਰੇਤ ਬੋਲਾ ॥ ਮੈਂ ਪਹਿਲੇ ਜਨਮ ਕਾ ਬ੍ਰਾਹਮਣ ਹੋਂ ॥ ਹਲ ਜੋਵਣੇ ਵਾਲਾ ॥ ਸੋ ਮੈਂ ਇਸ ਗਾਉਂ ਕੇ
 ਬਾਹਰ ਖੇਤੀ ਕਰਤਾ ਥਾ ॥ ਤਹਾਂ ਏਕ ਬ੍ਰਾਹਮਣੁ ਦੁਰਬਲ ਆਇਆ ॥ ਸੋ ਉਸ ਖੇਤੀ ਮੈਂ ਗਿਰ ਪੜਾ ॥ ਸੋ
 ਉਸ ਕੇ ਅੰਗੋਂ ਮੈਂ ਦੁਬੜੀਆ ਬਹੁਤ ਥੀ ॥ ਸੋ ਏਕ ਹੁਲੁ ਆਈ ॥ ਉਸ ਬ੍ਰਾਹਮਣ ਕਾ ਮਾਸ ਤੋੜਿ ਤੋੜਿ ਖਾਵੇ

ਬਚਨੀ ਕਹੀਐ ਤਾਹਿ ॥੩॥ ਦੇਉ ਉਪਾਸ਼ਕ ਕੇ ਬਿਖੈ ਸ੍ਰੇਸ਼ਟ ਉਪਾਸ਼ਕ ਕਉਨ ॥ ਮੁਝ ਕਉ ਏਹੁ ਸਮਝਾਈਏ
 ਹੇ ਈਸ਼ਰ ਤ੍ਰੈਭਉਨ ॥੪॥ ਦੋਹਰਾ ॥ ਅਰਜਨ ਬੇਨਤੀ ਸੁਨਤ ਹੀ ਭਾਖੈ ਗੋਬਿੰਦ ਰੂਪ ॥ ਭਗਤੋਂ ਕੇ ਸੁਖ ਦੈਨ
 ਕੋ ਧਾਰਿਓ ਸਰਗੁਣ ਰੂਪ ॥੫॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਇਸ ਮੇਰੇ ਸਰਗੁਣ ਰੂਪ ਕੋ ਭਗਤ ਰਾਖੈ
 ਮਨ ਮਾਹਿ ॥ ਮਨ ਤਿਸਕਾ ਤਿਸ ਰੂਪ ਮੈਂ ਨਿਤ ਜੁਗਤ ਹੀ ਆਹਿ ॥੬॥ ਦੋਹਰਾ ॥ ਪਰਮ ਸਰਧਾ ਅਰ ਪ੍ਰੀਤ
 ਸੋ ਨਿਤ ਉਪਾਸੈ ਮੋਹਿ ॥ ਉਪਾਸਕ ਸਰਗੁਣ ਰੂਪ ਕਾ ਉਤਮ ਸਭ ਤੇ ਹੋਇ ॥੭॥ ਟੀਕਾ ਕਾਰ ਵਾਚ ॥
 ਦੋਹਰਾ ॥ ਪੂਰਨ ਬ੍ਰਹਮ ਏਹੁ ਭਗਤ ਕੋ ਸਰਗੁਣ ਧਾਰਿਓ ਰੂਪ ॥ ਜੋ ਜਾਨੈ ਸਭ ਬ੍ਰਹਮ ਹੈ ਸੋ ਉਪਾਸਕ ਸਰਗੁਣ
 ਸਰੂਪ ॥੮॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਨਿਰਗੁਣ ਦੂਸਰ ਰੂਪ ਮੁਝ ਅਬਨਾਸੀ ਆਖੰਡ ॥ ਮਹਿਮਾ
 ਜਿਸਕੀ ਬਚਨ ਮੈਂ ਆਵੈ ਨਹੀਂ ਪ੍ਰਚੰਡ ॥੯॥ ਦੋਹਰਾ ॥ ਅਬਗਤ ਐਸਾ ਰੂਪ ਜੋ ਪੇਖਿਓ ਕਿਨਹੂ ਨਾਹਿ ॥
 ਭਗਤ ਜਾਨੈ ਏਹੁ ਮਨ ਬਿਖੈ ਸਰਬ ਵਿਆਪੀ ਆਹਿ ॥੧੦॥ ਦੋਹਰਾ ॥ ਚਿਤਵਨ ਪਰੈ ਵਹੁ ਰੂਪ ਹੈ ਨਿਰੰਕਾਰ
 ਅਦੁਈਤ ॥ ਨਿਰਮਲ ਅਟਲ ਪ੍ਰਤਾਪ ਜਿਹ ਨਿਰਗੁਣ ਜਾਨੈ ਮੀਤ ॥੧੧॥ ਦੋਹਰਾ ॥ ਉਪਾਸਕ ਜੋ ਇਸ ਰੂਫ
 ਕੇ ਸੋ ਕਰਤੇ ਹੈਂ ਏਹੁ ॥ ਇੰਦ੍ਰੀ ਸੰਜਮ ਰਾਖਤੇ ਜਗ ਮੈਂ ਸਮ ਵਰਤੇਹੁ ॥੧੨॥ ਚੌਪਈ ॥ ਉਪਾਸਕ ਜੋ ਨਿਰਗੁਣ
 ਕੇ ਆਹੀ ॥ ਕਲਿਆਨ ਸਭੀ ਲੋਕੋ ਕੀ ਚਾਹੀ ॥ ਸਭ ਸੋ ਪ੍ਰੀਤ ਕਰੈ ਵਹੁ ਨੀਤ ॥ ਸਭ ਕੋ ਸੁਖੀ ਜਾਨੈ ਵਹੁ
 ਨੀਤ ॥੧੩॥ ਐਸੀ ਦ੍ਰਿਸ਼ਟਿ ਸਮ ਜਿਕੋ ਹੋਇ ॥ ਨਿਰਗੁਣ ਰੂਪ ਮਾਇਆ ਤਿਸ ਸੋਇ ॥ ਐਸੇ ਭਗਤ ਮੁਝ
 ਰੂਪ ਕੋ ਪਾਵੈ ॥ ਸਮਤਾ ਸੋ ਮੁਝ ਮਾਹਿ ਸਮਾਵੈ ॥੧੪॥ ਅਤ ਕਠਨ ਹੈ ਨਿਰਗੁਣ ਰੂਪ ॥ ਪਰੈ ਬਚਨ ਤੇ
 ਬਸੈ ਸਰੂਪ ॥ ਜਿਹਬਾ ਤਿਸ ਕੋ ਸਕੈ ਨ ਗਾਇ ॥ ਮਨ ਕਰਿ ਵਹੁ ਚਿਤਵਿਆ ਨਹੀਂ ਜਾਇ ॥੧੫॥ ਬੁਧ
 ਕਰਿ ਤਿਸ ਦੇਖੈ ਕੋ ਨਾਹਿ ॥ ਐਸਾ ਰੂਪ ਕਠਨ ਸੋ ਆਹਿ ॥ ਜੀਵਨ ਇੰਦ੍ਰੀ ਸਮਤਾ ਭਾਈ ॥ ਸੋ ਭੀ ਕਠਨ
 ਬਾਤ ਮੈਂ ਪਾਈ ॥੧੬॥ ਦਇਆ ਸਭੂ ਲੋਕੋ ਕੇ ਮਾਹਿ ॥ ਏ ਭੀ ਬਹੁਤ ਕਠਨ ਹੀ ਆਹਿ ॥ ਨਿਰਗੁਣ
 ਉਪਾਸਕ ਜੋ ਹੈ ਮੀਤ ॥ ਤਿਨਕੋ ਸਭੀ ਕਠਨ ਹੈ ਰੀਤ ॥੧੭॥ ਭਗਤੋਂ ਕੇ ਅਬ ਸੁਖ ਨਮਿਤ ॥ ਸੁਰਗੁਣ ਰੂਪ
 ਧਾਰਿਆ ਮੈਂ ਸਤ ॥ ਜੋ ਇਸ ਸੁਰਗੁਣ ਸਰਨੀ ਆਵੈ ॥ ਸੋਈ ਭਗਤ ਮੁਝ ਪਦਵੀ ਪਾਵੈ ॥੧੮॥ ਅਪਨੈ

Dr. Gobind Geeta/Giani Hardeep Singhji Hazur Sahib Nanded (Billu-9960448233) (28-5-2016) [118]

ਸਭ ਲੇਇ ॥੩੨॥ ਦੋਹਰਾ ॥ ਮੁਝ ਜਾਜਜ ਕਾ ਗਿਆਨ ਗੀਤਾ ਭਾਗਵਤ ਮਾਹਿ ਜੋ ॥ ਸਹਜੇ ਪਰਾਪਤ ਹੋਤ
 ਹੈ ਭਗਤ ਮੇਰੇ ਕੋ ਸੋ ॥੩੩॥ ਸੋਰਠਾ ॥ ਐਸਾ ਮੇਰਾ ਗਿਆਨ ਭਗਤ ਪਾਵੈ ਆਨੰਦ ਸੁਖ ॥ ਉਪਜੈ ਤਿਨਕੋ
 ਗਿਆਨ ਮੁਝ ਲੀਲਾ ਮੈਂ ਨਿਤ ਰਹੈ ॥੩੪॥ ਸੋਰਠਾ ॥ ਰਮਤ ਜੋ ਲੀਲਾ ਮਾਹਿ ਤਿਸਕਾ ਨਾਮ ਧਿਆਨ ਹੈ
 ॥ ਮੇਰੀ ਪਦਵੀ ਪਾਹਿ ਲੀਨ ਰਹੈ ਮੁਝ ਧਿਆਨ ਸੋ ॥੩੫॥ ਸੋਰਠਾ ॥ ਬਹੁ ਜਨਮੋ ਕੇ ਕਰਮ ਭਲੇ ਬੁਰੇ ਜੋ
 ਤਿਨ ਕੀਏ ॥ ਤਿਸ ਧਿਆਨ ਕੇ ਧਰਮ ਸਭੀ ਕਰਮ ਤਿਨ ਤਿਆਗ ਜਾਹਿ ॥੩੬॥ ਦੋਹਰਾ ॥ ਕਰਮ ਆਗੈ
 ਤਿਸਤੇ ਰਹੈ ਪਾਵੈ ਪਦਵੀ ਸਾਂਤ ॥ ਸਾਂਤ ਰੂਪ ਜੋ ਭਗਤ ਹੈ ਲਛਨ ਤਿਸ ਇਹ ਭਾਂਤ ॥੩੭॥ ਦੋਹਰਾ ॥ ਬੁਰਾ
 ਨ ਚਿਤਵੈ ਕਿਸੀ ਕੋ ਸਭ ਸੋ ਮਿਤ੍ਰ ਆਹਿ ॥੩੮॥ ਦੋਹਰਾ ॥ ਦਇਆਲ ਰਹੈ ਵਹੁ ਸਭ ਪਰ ਮਮ ਹੰਕਾਰ
 ਤੇ ਰਹਤ ॥ ਸੁਖ ਦੁਖ ਮਾਹਿ ਸਮਾਨ ਹੋਇ ਸੰਤੁਸ਼ਟ ਰਹੈ ਮੁਝ ਸਹਤ ॥੩੯॥ ਦੋਹਰਾ ॥ ਨਿਰੰਤਰਿ ਮੁਝ ਸੋ
 ਜੁੜ ਰਹੈ ਮਨ ਰਾਖੈ ਵਹੁ ਜੀਤ ॥ ਦ੍ਰਿੜ ਨਿਸਚਾ ਜਿਸ ਮੁਝ ਬਿਖੈ ਵਿਖੈ ਨ ਰਾਖੈ ਚੀਤ ॥੪੦॥ ਦੋਹਰਾ ॥
 ਐਸਾ ਜੋ ਕੋ ਭਗਤ ਹੈ ਮੁਝ ਕੋ ਪਿਆਰਾ ਹੋਇ ॥ ਹਰਖ ਸੋਗ ਤੇ ਰਹਤ ਵਹੁ ਭਉ ਨਹੀਂ ਰਾਖੈ ਕੋਇ ॥੪੧॥
 ਦੋਹਰਾ ॥ ਭਉ ਨ ਦਿਖਾਵੈ ਕਿਸੀ ਕੋ ਸਭ ਸੋ ਰਾਖੈ ਹਿਤ ॥ ਐਸਾ ਭਗਤ ਵਹੁ ਮੁਕਤਿ ਹੈ ਸੋਈ ਮੇਰਾ ਮਿਤ
 ॥੪੨॥ ਦੋਹਰਾ ॥ ਬਾਛੈ ਨਹੀਂ ਵਸਤ ਕਛੁ ਨਿਤ ਰਾਖੈ ਮੁਝ ਧਿਆਨ ॥ ਪਵਿਤ੍ਰ ਰਾਖੈ ਦੇਹਿ ਜਲ ਸਿਉਂ ਕਰਿ
 ਇਸਨਾਨ ॥੪੩॥ ਦੋਹਰਾ ॥ ਦੇਹਿ ਪਵਿਤ੍ਰ ਇਸਨਾਨ ਸੋ ਮਨ ਪਵਿਤ੍ਰ ਮੁਝ ਗਿਆਨ ॥ ਨਿਤ ਰਾਖੈ ਵਹੁ
 ਅਮਲ ਭਗਤ ਉਤਮ ਨਰ ਪਰਧਾਨ ॥੪੪॥ ਮੰਗਲ ਛੰਦ ॥ ਐਸਾ ਭਗਤ ਮੇਰਾ ਜੋਇ ॥ ਐਸੀ ਰਹਤ ਜਾ
 ਮੈ ਹੋਇ ॥ ਸੁਖ ਰੂਪ ਵਹੁ ਨਿਤ ਰਹੈ ॥ ਚੇਤਨ ਆਪ ਮਾਹੀ ਲਹੈ ॥ ਸੰਸਾਰ ਮਾਹਿ ਉਦਾਸ ॥ ਤਿਸ ਸਦਾ
 ਮੁਝ ਮੈਂ ਬਾਸ ॥ ਸਭ ਅਰਥ ਤਿਆਗੈ ਮੀਤ ॥ ਐਸੇ ਭਗਤ ਸੋ ਮੁਝ ਪ੍ਰੀਤ ॥ ਕਛੁ ਹਰਖ ਸੋਕ ਨ ਕਰੈ ॥
 ਬੁਰਾ ਭਲਾ ਸਮ ਚਿਤ ਧਰੈ ॥ ਚਿੰਤਾ ਕਰੈ ਨਾਹੀਂ ਕੋਇ ॥ ਕਾਂਖਾ ਕਿਸੀ ਕੀ ਨਹੀਂ ਹੋਇ ॥ ਸੁਭ ਅਸੁਭ ਦੋਊ
 ਤਿਆਗ ॥ ਵਹੁ ਰਹਿਆ ਮੁਝ ਸੋ ਲਾਗ ॥ ਮੁਝ ਸਾਥ ਮਿਲਿਆ ਰਹੈ ॥ ਮੁਝ ਵਹੁ ਭਗਤ ਪ੍ਰੀਤਮ ਅਹੈ ॥
 ਮਿਤ੍ਰ ਸਤ੍ਰ ਏਕ ਸਮਾਨ ॥ ਏਹ ਬਿਧ ਭਗਤ ਕੋ ਪਹੁਚਾਨ ॥ ਨਿਰਾਦਰ ਆਦਰ ਤਿਨ ਸਮ ਹੋਇ ॥ ਤਿਸ

ਕੋ ਉਸਨ ਸੀਤ ਨ ਕੋਇ ॥ ਦੁਖ ਸੁਖ ਦੇਹਿ ਕਾ ਸਮ ਲਹੈ ॥ ਦੁਤੀਏ ਭਾਵ ਮੈਂ ਨਾ ਰਹੈ ॥ ਉਸਤਤ ਨਿੰਦਾ
ਏਕ ਸਮਾਨ ॥ ਮੋਨੀ ਹੋਇ ਬ੍ਰਹਮ ਪਛਾਨ ॥ ਸਭ ਮੈਂ ਏਕ ਜਾਨੈ ਮੀਤ ॥ ਏਕ ਅਬਾਚ ਰਾਖੈ ਚੀਤ ॥ ਇਹੁ
ਮੋਨ ਉਤਮ ਹੋਇ ॥ ਜਾਨੈ ਏਕ ਹਰਿ ਸਭ ਕੋਇ ॥ ਸੰਤੁਸ਼ਟ ਨਿਤ ਵਹੁ ਰਹੈ ॥ ਧੀਰਜ ਖਿਮਾ ਕੋ ਵਹੁ ਰਹੈ
॥ ਬਸਨੇ ਠਉੜ ਨਾ ਕੋ ਕਰੈ ॥ ਘਰ ਕਾ ਆਰੰਭ ਨਾਮ ਨ ਧਰੈ ॥ ਜੋ ਠਉਰ ਬਨੀ ਹਈ ਹੋਇ ॥ ਤਹਾ ਵਹੁ
ਜਾਇ ਬਸਤਾ ਸੋਇ ॥ ਤਹਾ ਵਹੁ ਬੈਠ ਮੁਝ ਸੋ ਜੁੜੈ ॥ ਵਹੁ ਨਿਤ ਭਜਨ ਮੇਰਾ ਕਰੈ ॥ ਮਨ ਰਾਖੈ ਦ੍ਰਿੜ ਮੁਝ
ਮਾਹਿ ॥ ਰਹੇ ਲੀਨ ਮੁਝ ਸੋ ਆਹਿ ॥ ਪਿਆਰਾ ਭਗਤ ਮੇਰਾ ਸੋਇ ॥ ਏਤੇ ਲਛਨ ਜਿਸ ਮੋਂ ਹੋਇ ॥ ਜੈਸੇ
ਲਛਨ ਤੁਝ ਕੋ ਕਰੇ ॥ ਜੇ ਕੋ ਨਿਤ ਇਨ ਮੋਂ ਰਹੈ ॥ ਸੋ ਇਹ ਲਛਨ ਅੰਮ੍ਰਿਤ ਆਹਿ ॥ ਵਰਤੈ ਜੇ ਕੋ ਇਨਕੇ
ਮਾਹਿ ॥ ਤਿਸ ਕੋ ਰੋਗ ਦੂਖ ਨ ਹੋਇ ॥ ਅੰਮ੍ਰਿਤ ਚਾਖਿਆ ਤਿਨ ਸੋਇ ॥ ਐਸਾ ਧਰਮ ਉਤਮ ਅਹੈ ॥ ਸੋ
ਪਾਛੈ ਸਭੀ ਤੁਝ ਕੋ ਕਹੈ ॥ ਐਸਾ ਧਰਮ ਸੇਵੈ ਕੋਇ ॥ ਸਭ ਤੇ ਸ੍ਰੇਸ਼ਟ ਤੁਝ ਕੋ ਹੋਇ ॥ ਨਾਮ ਭਗਤ ਤਿਸ
ਨਰ ਹੋਇ ॥ ਜੋ ਇਹੁ ਧਰਮ ਪਾਵੈ ਕੋਇ ॥੪੫॥ ਟੀਕਾ ਕਾਰ ਵਾਚ ॥ ਚੋਪਈ ॥ ਦੁਆਦਸਮੋਂ ਧਿਆਇ
ਸੰਪੂਰਨ ਕਹਾ ॥ ਲਛਨ ਸੰਤ ਕਾ ਤਿਨ ਮੈਂ ਲਹਾ ॥ ਖਾਲਸਾ ਸੋ ਜੋ ਇਸ ਮੋਂ ਵਰਤੈ ॥ ਸੰਤੁਸ਼ਟ ਰਹੈ ਧਰਮ
ਨਿਤ ਕਰਤੇ ॥੪੬॥ ਸੋ ਖਾਲਸਾ ਅਤ ਸੁਖ ਕੋ ਪਾਵੈ ॥ ਜੀਵਨ ਮੁਕਤਿ ਵਹੁ ਪੁਰਖ ਕਹਾਵੈ ॥ ਗੋਬਿੰਦ ਰੂਪ
ਵਹੁ ਸਭ ਕੋ ਜਾਨੈ ॥ ਸਭ ਸੰਸਾਰ ਹਰਿ ਰੂਪ ਪਛਾਨੈ ॥੪੭॥੧੨॥ ਇਤਿ ਸ੍ਰੀ ਭਗਵਤ ਗੀਤਾ ਸੂਪ ਲਖਤ੍ਰ
ਬ੍ਰਹਮ ਵਿਦਿਆ ਜੋਗ ਸ਼ਾਸਤ੍ਰੇ ਸ੍ਰੀ ਕ੍ਰਿਸ਼ਨ ਅਰਜਨ ਸੰਬਾਦੇ ਭਗਤ ਜੋਗ ਪਦਮ ਪੁਰਾਣੇ ਸਤੀ ਈਸ਼ੁਰ ਸੰਬਾਦੇ ਉਤਰ
ਖੰਡੇ ਨਾਮ ਦੁਆਦਸਮੋਂ ਧਿਆਇ ॥ ਸ੍ਰੀ ਭਗਵਾਨੋ ਵਾਚ ॥ ਹੇ ਸ੍ਰੀ ਲਛਮੀ ਅਬ ਤੁਝ ਕਉ ਬਾਰਵੇਂ ਧਿਆਇ
ਕਾ ਫਲ ਕਹਤਾ ਹੋਂ ਸੁ ਸੁਣ ॥ ਦਖਨ ਦੇਸ ਮੋਂ ਏਕ ਰਾਜਾ ਥਾ ॥ ਨਾਉਂ ਉਸਕਾ ਸੁਖਾ ਨੰਦ ਥਾ ॥ ਤਿਸ ਨਗਰ
ਮੋਂ ਏਕ ਵਿਖਇ ਲੰਪਟ ਰਹਤਾ ਥਾ ॥ ਉਸਕੀ ਏਕ ਗਨਕਾ ਸਿਉਂ ਪ੍ਰੀਥ ਥੀ ॥ ਐਸੇ ਹੀ ਬਹੁਤ ਦਿਨ ਗੁਜਰੇ
॥ ਤਬ ਉਸ ਨਗਰ ਮੋਂ ਏਕ ਦੇਵੀ ਜੀ ਕਾ ਮੰਦਰ ਥਾ ॥ ਤਹਾਂ ਦੋਨੋਂ ਵਿਖਇ ਗਨਕਾ ਅਰ ਪੁਰਖ ਜਾਇ ਰਹੈ
॥ ਮਾਸ ਖਾਵੈਂ ਮਧ ਪੀਵੈਂ ॥ ਵਿਖੇ ਭੋਗ ਕਰੇਂ ॥ ਜੇ ਕੋਈ ਪੂਛੇ ਤੁਮ ਕਿਆ ਕਰਤੇ ਹੋ ॥ ਤਬ ਕੜ ਬੋਲਕੇ

ਕਹੈ ਹਮ ਦੇਵੀ ਜੀ ਕੀ ਪੂਜਾ ਕਰਤੇ ਹੈਂ ॥ ਐਸੇ ਕੂੜ ਬੋਲੈਂ ॥ ਸੋ ਉਹਾਂ ਏਕ ਬ੍ਰਾਹਮਣ ਦੇਵੀ ਜੀ ਕੀ ਸੇਵਾ ਕਰਤਾ
 ਥਾ ॥ ਜੋ ਸੇਵਾ ਕਰਕੇ ਉਸ ਬਹੁਤ ਉਸਤਤੀ ਪੜੀ ॥ ਤਬ ਭਵਾਨੀ ਜੀ ਪਰਸੰਨ ਭਈ ॥ ਆਗਿਆ ਕਰੀ
 ਹੇ ਬ੍ਰਾਹਮਣ ਤੂੰ ਕੁਛ ਮਾਂਗ ॥ ਤਬ ਬ੍ਰਾਹਮਣ ਬੋਲਿਆ ॥ ਮੁਝ ਕਉ ਧਨ ਅਰ ਸੰਤਾਨ ਦੇਵੋ ॥ ਤਬ ਦੇਵੀ
 ਬੋਲੀ ਦੇਵੋਂਗੀ ॥ ਤੂੰ ਪਹਿਲੇ ਮੇਰਾ ਏਕ ਕਾਮ ਕਰ ॥ ਇਹ ਦੋਨੋ ਪਾਪੀ ਵਿਖਈ ਜਿਸ ਪਰਕਾਰ ਉਧਰੇਂ ਸੋ
 ਉਪਾਇ ਕਰ ॥ ਤਬ ਬ੍ਰਾਹਮਣ ਆਪਣੇ ਗੁਰ ਪਾਸ ਗਇਆ ॥ ਗੁਰ ਸਿਉਂ ਪੂਛਾ ਭਵਾਨੀ ਮੇਰੇ ਪਰ ਪ੍ਰਸੰਨ
 ਭਈ ਹੈ ॥ ਮੁਝ ਕਉ ਧਨ ਸੰਤਾਨ ਕਾ ਪ੍ਰਸੰਨ ਹੋਇ ਕਰ ਵਰੁ ਦਿਆ ਹੈ ਅਰ ਮੁਝ ਕਉ ਕਹਾ ਹੈ ਇਨ ਦੋਨੋਂ
 ਪਾਪੀਓਂ ਕਾ ਉਧਾਰ ਕਰੁ ॥ ਕਛੁ ਐਸਾ ਉਪਾਇ ਕਰੋ ॥ ਜਿਸ ਸਿਉਂ ਏਹ ਪਾਪੀ ਉਧਰੇਂ ॥ ਤਾਂ ਮੈਂ ਤੁਝ ਕਉ
 ਧਨ ਸੰਤਾਨ ਦੇਵੋਂਗੀ ॥ ਸੋ ਮੈਂ ਤੁਝ ਕਉ ਪੂਛਤਾ ਹੋਂ ॥ ਕਛੁ ਐਸਾ ਉਪਾਇ ਕਰੋ ॥ ਜੋ ਉਨ ਦੋਨੋਂ ਕਾ ਉਧਾਰ
 ਹੋਵੈ ॥ ਤਬ ਗੁਰ ਬੋਲਿਆ ਮੈਂ ਤੋ ਐਸਾ ਉਪਾਇ ਜਾਨਤਾ ਨਾਹੀਂ ॥ ਤੂੰ ਨਾਰਾਇਣ ਜੀ ਕਉ ਪੂਛ ॥ ਤਬ
 ਇਸਨੇ ਤਪਸਿਆ ਕਰੀ ॥ ਬ੍ਰਤ ਕੀਏ ਸਿਮਰਨ ਕੀਆ ॥ ਤਬ ਅੰਤਰਜਾਮੀ ਨਾਰਾਇਣ ਜੀ ਬੋਲੇ ॥ ਅਕਾਸ
 ਬਾਣੀ ਹੁਈ ਹੇ ਬ੍ਰਾਹਮਣ ਤੂੰ ਕਉਣ ਕਾਮਨਾ ਵਾਸਤੇ ਤਪਸਿਆ ਕਰਤਾ ਹੈਂ ॥ ਤਬ ਬ੍ਰਾਹਮਣ ਬੋਲਿਆ ॥
 ਭਵਾਨੀ ਮੇਰੇ ਪਰ ਪ੍ਰਸੰਨ ਹੋਇ ਕੇ ਵਰੁ ਦੀਆ ਹੈ ॥ ਅਰ ਮੁਝ ਕਉ ਕਹਾ ਹੈ ਜੋ ਇਨ ਦੋਨੋਂ ਪਾਪੀਉਂ ਕਾ ਉਧਾਰ
 ਕਰੁ ॥ ਸੋ ਜਿਸ ਪ੍ਰਕਾਰ ਉਨਕਾ ਉਧਾਰ ਹੋਵੈ ॥ ਸੋ ਕਿਰਪਾ ਕਰਿ ਕਰੋ ॥ ਤਬ ਸ੍ਰੀ ਨਾਰਾਇਣ ਜੀ ਬੋਲੇ ॥
 ਤੂੰ ਗੀਤਾ ਕਾ ਬਾਰਵਾਂ ਧਿਆਇ ਪਾਠ ਕਰਿ ਉਨ ਦੋਨੋਂ ਪਾਪੀਓਂ ਕਉ ਸੁਣਾਇ ॥ ਤਬ ਉਨ ਦੋਨੋਂ ਕਾ ਉਧਾਰ
 ਹੋਵੈਗਾ ॥ ਤਬ ਏ ਬ੍ਰਾਹਮਣ ਦੇਵੀ ਜੇ ਕੇ ਪਾਸ ਮੰਦਰ ਮੋਂ ਆਇਆ ॥ ਉਸਤਤ ਪੜੀ ਬੇਨਤੀ ਕਰੀ ਹੇ ਦੇਵੀ
 ਜੀ ਸ੍ਰੀ ਨਾਰਾਇਣ ਜੀ ਨੇ ਮੁਝ ਕਉ ਆਗਿਆ ਕਰੀ ਹੈ ॥ ਜੋ ਤੂੰ ਗੀਤਾ ਕਾ ਬਾਰਵਾਂ ਧਿਆਇ ਉਨ ਦੋਨੋਂ ਕਉ
 ਸੁਣਾਇ ॥ ਤਬ ਉਹ ਮੁਕਤ ਹੋਵੈਗੇ ॥ ਤਬ ਦੇਵੀ ਬੋਲੀ ਜੋ ਗੀਤਾ ਕਾ ਏਕ ਧਿਆਇ ਸੁਣਕੇ ਐਸੇ ਪਾਪੀ
 ਕਿਉਂ ਕਰਿ ਉਧਰੇਂਗੇ ॥ ਤਬ ਬ੍ਰਾਹਮਣ ਬੋਲਿਆ ॥ ਹੇ ਦੇਵੀ ਜੀ ਨਾਰਾਇਣ ਜੀ ਕੀ ਆਗਿਆ ਹੈ ॥ ਤਬ ਦੇਵ
 ਜੀ ਵੋਲੀ ॥ ਨਾਰਾਇਣ ਜੀ ਕੀ ਆਗਿਆ ਹੈ ਤਾਂ ਭਲੀ ਬਾਤ ਹੈ ਉਨ ਕਉ ਸੁਣਾਇ ॥ ਤਬ ਬ੍ਰਾਹਮਣ ਨੇ

ਦੋਨੋਂ ਕਉ ਬੁਲਾਇ ਲੀਆ॥ ਅਰ ਬਾਰਵਾਂ ਧਿਆਇ ਸੁਣਾਇਆ ॥ ਤਬ ਇਹ ਦੋਨੋਂ ਅਧਮ ਦੇਹ ਤੇ ਛੂਟੇ ॥
ਦੇਵ ਦੇਹੀ ਪਾਈ ਵਿਮਾਨ ਆਏ ਤਿਸ ਉਪਰ ਬੈਠ ਕਰਿ ਵੈਕੁੰਠ ਕਉ ਗਏ ॥ ਤਬ ਦੇਵੀ ਜੀ ਬੋਲੀ ਹੇ ਬ੍ਰਾਹਮਣ
ਗੀਤਾ ਕੇ ਬਾਰਵੇਂ ਧਿਆਇ ਕਾ ਐਸਾ ਫਲ ਹੈ ॥ ਜੋ ਐਸੇ ਪਾਪੀ ਅਧਮ ਦੇਹ ਤੇ ਛੂਟੇ ॥ ਦੇਵ ਦੇਹੀ ਪਾਈ
ਵਾਇਕੁੰਠ ਗਏ ॥ ਤਿਸ ਤੇ ਹੇ ਬ੍ਰਾਹਮਣ ਆਜ ਤੇ ਮੇਰਾ ਨਾਮ ਵੈਸਨਵੀ ਦੇਵੀ ਭਇਆ ॥ ਅਰੁ ਤੁਝ ਕਉ
ਮੈਨੇ ਇਸ ਨਗਰ ਕਾ ਰਾਜ ਦੀਆ ॥ ਇਤਨਾ ਕਹਿ ਕਰਿ ਭਵਾਨੀ ਤੋ ਅੰਤਰਿ ਧਿਆਨ ਹੋ ਗਇ ॥ ਬ੍ਰਾਹਮਣ
ਅਪਣੇ ਘਰ ਕਉ ਆਇਆ ॥ ਸੋ ਉਸ ਨਗਰ ਕੇ ਰਾਜਾ ਕੇ ਸੰਤਾਨ ਨ ਥੀ ਤਬ ਉਸ ਨੇ ਵਿਚਾਰਿਆ ॥ ਏਹ
ਰਾਜ ਕਿਸੀ ਅਉਰ ਕਉ ਦੇਵਉਂ ॥ ਅਰ ਮੈਂ ਤਪਸਿਆ ਕਰਉਂ ॥ ਤਬ ਇਤਨੇ ਮੈਂ ਬ੍ਰਾਹਮਣ ਉਸੀ ਰਾਹਿ ਆਇ
ਨਿਕਸਾ ॥ ਤਬ ਰਾਜਾ ਨੇ ਬੁਲਾਇ ਕਰਿ ਕਹਿਆ ਹੇ ਰਾਜ ਤੂੰ ਕਰੁ ਮੈਂ ਤਪਸਿਆ ਕਰਾਂਗਾ ॥ ਤਬ ਉਸ ਬ੍ਰਾਹਮਣ
ਕਉ ਰਾਜ ਦੀਆ ਆਪ ਰਾਜਾ ਬਨ ਮੈਂ ਗਇਆ ॥ ਤਬ ਸ੍ਰੀ ਨਾਰਾਇਣ ਜੀ ਬੋਲੇ ॥ ਹੇ ਲਛਮੀ ਬਾਰਵੇਂ
ਧਿਆਇ ਕਾ ਫਲ ਕਹਾ ਸੋ ਤੈਨੇ ਸੁਣਾ ॥੧੨॥ ਇਤ ਸਥੀ ਪਦਮ ਪੁਰਾਣੇ ਸਤੀ ਈਸਰ ਸੰਵਾਦੇ ਉਤਰਖੰਡੇ
ਸ੍ਰੀ ਗੀਤਾ ਮਹਾਤਮੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਦੁਆਸਦਮੋ ਧਿਆਇ ॥੧੨॥ ਆਗੈ ਤੇਰਵਾਂ ਧਿਆਇ ਚਲਿਆ
॥ ਅਰਜਨੋ ਵਾਚ ॥ ਛਪੈ ਛੰਦ ॥ ਪ੍ਰਸ਼ਨ ਕਰੈ ਹੇ ਅਰਜਨ ਸ੍ਰੀ ਭਗਵਾਨ ਸੇਂ ॥ ਹੇ ਕੇਸ਼ਵ ਦੀਨ ਦਇਆਲ
ਮੁਝ ਕਉ ਉਤਰ ਦੇਇ ॥ ਪਰਕਿਰਤ ਪੁਰਖ ਕੋ ਅਰਥ ਖੇਤ੍ਰ ਖੇਤ੍ਰਗ ਸੁਨਾਵਹੁ ॥ ਗਿਆਨ ਗੇਉ ਇਹੁ ਖਸਟ
ਮੁਝੇ ਤੁਮ ਭਾਖ ਸੁਨਾਵਹੁ ॥ ਸਭ ਕਾ ਅਰਥ ਮੁਖ ਭਾਖੇ ਮਾਧਵ ਦੇਵ ਸਤ ॥ ਏਹੀ ਮੇਰੀ ਅਰਦਾਸ ਸੁਨਹੋ ਖਸਟ
ਗਟ ॥੧॥ ਖੇਤ੍ਰ ਖੇਤ੍ਰਗ ਅਰਥ ॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਉਤਰ ਦੇਵੈ ਰਿਖੀਕੇਸ਼ ਪਾਰਥ ਪ੍ਰਸ਼ਨ
ਜੋ ਆਹਿ ॥ ਹੇ ਅਰਜਨ ਤੂੰ ਸਮਝ ਲੈ ਸਭ ਮੈਂ ਭਾਖੇ ਤਾਹਿ ॥੨॥ ਚੌਪਈ ॥ ਇਹੁ ਜੋ ਦੀਸੈ ਮਾਨਸ ਦੇਹਿ
॥ ਤਿਸ ਕੋ ਖੇਤ੍ਰ ਮਨ ਮੈਂ ਲੇਹਿ ॥ ਜੋ ਕਛੁ ਬੋਵੈ ਖੇਤ੍ਰ ਮਾਹੀ ॥ ਸੋ ਸਭ ਖੇਤ੍ਰੀ ਦ੍ਰਿਸ਼ਟੀ ਆਹੀ ॥੩॥ ਤੈਸੇ
ਕਰਮ ਜੋ ਦੇਹਿ ਮੈਂ ਕਰੈ ॥ ਤਿਸਕਾ ਫਲ ਸਭ ਨਦਰੀ ਪੜੈ ॥ ਇਸ ਕਾਰਣਿ ਦੇਹਿ ਖੇਤ੍ਰ ਕਹੀਏ ॥ ਬਹੁਤ
ਵਸਤ ਤੇ ਠਟ ਤਿਹ ਲਹੀਏ ॥੪॥ ਸੋ ਠਟ ਏਕ ਠਾਕੁਰ ਜੀ ਕਰਾ ॥ ਠਟ ਕੋ ਜਾਨਨ ਮਨ ਮੇਂ ਧਰਾ ॥

ਜਾਨਨਹਾਰ ਖੇਤ੍ਰਗ ਕਹਾਵੈ ॥ ਜੋ ਦੇਹਿ ਠਟੁ ਕੋ ਸਕਲ ਬਤਾ ਵੈ ॥੫॥ ਸੋ ਸਭ ਜਾਨਨਹਾਰ ਮੈਂ ਪਾਰਬ ॥
 ਮੇਰੋ ਨਾਮ ਖੇਤ੍ਰ ਗਜ ਬਾਰਬ ॥ ਸੋ ਖੇਤ੍ਰਗ ਤੁਮ ਮੁਝਕੋ ਜਾਨੋ ॥ ਅਵ ਖੇਤ੍ਰ ਸਮਗ੍ਰੀ ਸਗਲ ਬਖਾਨੋ ॥ ਆਗੈ
 ਤਿਖੋ ਕਹੀ ਬਹੁ ਭਾਂਤ ॥ ਸ੍ਰੁਤ ਭੀ ਕਹੁਓ ਸਭ ਦੇਹਿ ਬ੍ਰਿਤਾਂਤ ॥ ਬ੍ਰਹਮ ਵੇਤਾ ਜੋ ਬੇਦ ਕੋ ਜਾਨੈ ॥ ਤਿਨ ਭੀ
 ਠਟੁਕੇ ਅਰਬ ਬਖਾਨੈ ॥੭॥ ਤਿਨੋ ਬਿਖੈ ਜੋ ਸ੍ਰੇਸ਼ਟ ਮੈਂ ਹੋ ॥ ਸਮਗ੍ਰੀ ਦੇਹਿ ਅਵ ਤੁਝ ਸੋਂ ਕਹਿ ਹੋਂ ॥ ਜੋ ਨਿਸਚੈ
 ਕਰਿ ਤੁਝਕੋ ਕਹੋ ॥ ਸੋ ਵਸੇਖ ਸਰਬ ਤੇ ਲਹੋ ॥੮॥ ਦਿਬ ਖੇਤ੍ਰ ਜੋ ਦੇਹਿ ਮਾਨੁਖ ॥ ਤਿਸ ਮੈਂ ਸੀਤ ਉਸਨ
 ਸੁਖ ਦੁਖ ॥ ਭਿੰਨ ਭਿੰਨ ਬ੍ਰਿਤੰਤ ਸਭ ਭਾਖੋ ॥ ਪ੍ਰਥਮੇ ਪੰਚ ਤਤ ਕਉ ਆਖੋ ॥੯॥ ਭੂਮ ਜਲ ਅਗਨ ਵਾਇ
 ਅਕਾਸ ॥ ਤਿਨ ਤੇ ਦੇਹਿ ਖੇਤ੍ਰ ਪ੍ਰਕਾਸ ॥ ਭੂਮ ਅੰਸ ਮਾਸ ਕੋ ਜਾਨੋ ॥ ਰੁਧ੍ਰ ਅੰਸ ਤੋਇ ਕਉ ਮਾਨੋ ॥੧੦॥
 ਅਗਨ ਅੰਸ ਉਦਰ ਹੈ ਮੀਤ ॥ ਪਵਨ ਅੰਸ ਸੁਆਸ ਧਰ ਚੀਤ ॥ ਅਕਾਸ ਅੰਸ ਪੋਲਾਰ ਸਭ ਲਹੀਏ ॥ ਦੇਹਿ
 ਪੰਚ ਭੂਤ ਕੋ ਕਹੀਏ ॥੧੧॥ ਅਉਰ ਵਸਤ ਪਾਛੈ ਜਬ ਮਿਲੈ ॥ ਤਾਤੇ ਦੇਹਿ ਪ੍ਰਗਟ ਹੋ ਚਲੇ ॥ ਮਨ ਬੁਧਿ
 ਚਿਤ ਅਹੰਕਾਰ ਏ ਚਾਰ ॥ ਇੰਦ੍ਰੀ ਦਸ ਅਬ ਕਹੋ ਪੁਕਾਰ ॥੧੨॥ ਪੰਚ ਇੰਦ੍ਰੀ ਗਿਆਨ ਤੁਮ ਜਾਨੋ ॥ ਕਰਮ
 ਇੰਦ੍ਰੀ ਪਾਂਚ ਫੁਨ ਮਾਨੋ ॥ ਨੇਤ੍ਰ ਸੋਤ੍ਰ ਅਰ ਜਿਹਬਾ ਨਾਸ ॥ ਪੰਚਮ ਤੁਚਾ ਗਿਆਨ ਇੰਦ੍ਰੀ ਰਾਸ ॥੧੩॥ ਤੁਚਾ
 ਹਾਥ ਪਾਉ ਗੁਦਾ ਪਾਵ ॥ ਪੌ ਕਰਮ ਇੰਦ੍ਰੀ ਜਬ ਲਾਵ ॥ ਇੰਦ੍ਰੀ ਅਹਾਰ ਭਿੰਨ ਭਿੰਨ ਤੁਮ ਜਾਨੋ ॥ ਨੇਤ੍ਰ ਅਹਾਰ
 ਦੇਖਣ ਕੋ ਮਾਨੋ ॥੧੪॥ ਜਿਹਬਾ ਅਹਾਰ ਸੁਆਦ ਧਰ ਚੀਤ ॥ ਗੰਧ ਅਹਾਰ ਨਾਸ ਕਾ ਮੀਤ ॥ ਸਬਦ
 ਅਹਾਰ ਸੋਤ੍ਰ ਕੋ ਭਾਈ ॥ ਤੁਚਾ ਅਹਾਰ ਸਪਰਸ਼ ਬਤਾਈ ॥੧੫॥ ਦਸ ਇੰਦ੍ਰੀ ਕੋ ਠਟੁ ਦੇਹਿ ਮਾਹਿ ॥ ਆਗੈ
 ਕਹੋ ਸੋ ਤਿਸ ਵਰਤਾਹਿ ॥ ਭਲੀ ਵਸਤ ਮੈਂ ਇਛਾ ਰਹੈ ॥ ਬੁਰੀ ਵਸਤ ਕੋ ਬਿਖਿਆ ਕਹੈ ॥੧੬॥ ਕਬਹੂੰ
 ਸੁਖ ਕਬਹੂੰ ਹੈ ਦੁਖ ॥ ਚਾਰੋਂ ਮੈਂ ਵਰਤੈ ਮਾਨੁਖ ॥ ਇਨ ਮੈਂ ਦੇਖੋ ਚੇਤਨ ਐਸਾ ॥ ਇਨ ਚਾਰੋਂ ਮੈਂ ਸਾਖੀ ਕੈਸਾ
 ॥੧੭॥ ਸੁਖ ਪਾਵੈ ਕਹੈ ਹਉ ਸੁਖੀ ॥ ਦੁਖੀ ਹੋਇ ਭਾਖੈ ਹਉ ਦੁਖੀ ॥ ਏਹ ਚਾਰੋਂ ਦੇਹਿ ਖੇਤ੍ਰ ਮਾਹਿ ॥ ਸੋ
 ਚਾਰੋ ਤਿਸ ਮੈਂ ਵਰਤਾਹਿ ॥੧੮॥ ਖੇਤ੍ਰ ਬ੍ਰਿਤਾਂਤ ਥੋੜੇ ਮੈਂ ਕਹਿਆ ॥ ਦੇਹਿ ਠਟੁ ਸੰਪੂਰਨ ਭਇਆ ॥ ਆਗੈ
 ਚੇਤਨ ਜਾਨ ਨ ਗਿਆਨ ॥ ਹੇ ਅਰਜਨ ਅਵ ਕਹੋਂ ਬਖਾਨ ॥ ਏਤੇ ਲਛਨ ਜੇ ਕੋ ਕਰੈ ॥ ਗਿਆਨ ਦੀਪ ਤਿਹ

ਘਟ ਮੈਂ ਜਰੈ ॥੧੯॥ ਦੋਹਰਾ ॥ ਮਾਨ ਭਾਵ ਕਉ ਦੂਰਿ ਕਰਿ ਡਿੰਭ ਨ ਰਾਖੈ ਕੋਇ ॥ ਮਨ ਬਚਨ ਅਰ ਕਰਮ
 ਸੋ ਸਭ ਕੋ ਮਿਤ੍ਰੁ ਹੋਇ ॥੨੦॥ ਦੋਹਰਾ ॥ ਇਸ ਥਾਵਰ ਜੰਗਮ ਜੀਵ ਕੋ ਦੁਖ ਨ ਦੇਵੈ ਸੋਇ ॥ ਖਿਮਾਵੰਤ
 ਅਰ ਦਇਆਵਾਨ ਨਿਰਮਲ ਨਿਤ ਹੈ ਕੋਇ ॥੨੧॥ ਦੋਹਰਾ ॥ ਸੇਵਾ ਕਰੈ ਗੁਰਦੇਵ ਕੀ ਜੋ ਦੇਵੈ ਆਤਮ
 ਗਿਆਨ ॥ ਸੋ ਗੁਰ ਹਰਿ ਕਾ ਰੂਪ ਹੈ ਗੋਬਿੰਦ ਤਿਸ ਕੋ ਮਾਨ ॥੨੨॥ ਦੋਹਰਾ ॥ ਪਵਿਤ੍ਰੁ ਰਾਖੈ ਦੇਹਿ ਕੋ
 ਜਲ ਸੋ ਕਰਿ ਇਸ਼ਨਾਨ ॥ ਮਨ ਪਵਿਤ੍ਰੁ ਨਿਤ ਕਰੈ ਸੁਨ ਸੁਨ ਮੇਰਾ ਗਿਆਨ ॥੨੩॥ ਦੋਹਰਾ ॥ ਧੀਰਜ ਸੋ
 ਮਨ ਦ੍ਰਿੜ ਕਰੈ ਜਾਵਨ ਕਹੂ ਨ ਦੇਹਿ ॥ ਨਿਤ ਅਨਿਤ ਜੋ ਸਾਂਖ ਹੈ ਤਿਹ ਬੀਚਾਰ ਕਰੇਇ ॥੨੪॥ ਦੋਹਰਾ
 ॥ ਇੰਦ੍ਰੀ ਅਰਥ ਜੋ ਭੋਗ ਹੈ ਤਿਹ ਕਾ ਕਰੈ ਤਿਆਗ ॥ ਰਹਤ ਹੋਇਆ ਹੰਕਾਰ ਤੇ ਗਿਆਨ ਸਾਧਨ ਮੈਂ ਲਾਗੁ
 ॥੨੫॥ ਦੋਹਰਾ ॥ ਏਹ ਸਾਧਨ ਗਿਆਨ ਨਮਿਤ ਹੈ ਜੋ ਧਾਰੈ ਹੈ ਕੋਇ ॥ ਜਨਮ ਮਰਨ ਅਰ ਜੜਾ ਸੋ ਮੁਕਤਾ
 ਵਹੁ ਨਰ ਹੋਇ ॥੨੬॥ ਦੋਹਰਾ ॥ ਐਸੇ ਜੋ ਸਾਧਨ ਕਰੈ ਰਾਗ ਸੋਖ ਹੋਇ ਨਾਸ ॥ ਐਸੇ ਸਾਧਨ ਤੇ ਸਖੇ
 ਗਿਆਨ ਹੋਇ ਪਰਗਾਸ ॥੨੭॥ ਦੋਹਰਾ ॥ ਅਉਰ ਸਾਧਨ ਅਬ ਕਹਤ ਹੈ ਜੋ ਗ੍ਰਿਹ ਵਰਤੈ ਸੋਇ ॥ ਇਸਤ੍ਰੀ
 ਪੁਤ੍ਰ ਕੁਟੰਬ ਸਭ ਮਿਤ੍ਰੁ ਨ ਜਾਨੈ ਕੋਇ ॥੨੮॥ ਦੋਹਰਾ ॥ ਉਦਾਸ ਰਹੈ ਨਿਤ ਜਗਤ ਸੋ ਜਾਨੈ ਐਸੀ ਰੀਤ
 ॥ ਪਾਂਧੀ ਜਿਵੈਂ ਸਰਾਇ ਮੋ ਰੈਨ ਬਸੇਤਾ ਕੀਤ ॥੨੯॥ ਦੋਹਰਾ ॥ ਐਸੇ ਗ੍ਰਿਹ ਕੋ ਜਾਤਨਾ ਇਹ ਬਿਧ ਵਰਤੈ
 ਸੋਇ ॥ ਸਤ੍ਰੁ ਮਿਤ੍ਰੁ ਸਮ ਜਾਨਤਾ ਦੇਖੈ ਸਮ ਸਭ ਕੋਇ ॥੩੦॥ ਸੰਗਲ ਛੰਦ ॥ ਮੁਝ ਭਗਤ ਐਸਾ ਹੋਇ
 ॥ ਅਖੰਡ ਭਗਤ ਧਰੈ ਸੋਇ ॥ ਸੀਲ ਭਗਤ ਇਉਂ ਮੁਝ ਸਾਥ ॥ ਗਾਵੈ ਨਿਤ ਮੇਰੀ ਗਾਥ ॥ ਅਵ ਵਸੈ ਅਸੀ
 ਠਉਰ ॥ ਮਾਨੁਖਜਹਾ ਨਾਹੀਂ ਹੋਰ ॥ ਐਸੀ ਇਕਾਂਤ ਠਉੜੈ ਬਸੈ ॥ ਮੇਰੇ ਭਜਨ ਮੋਂ ਵਹੁ ਰਸੈ ॥ ਸੰਸਾਰੀ ਪੁਰਖ
 ਕਾ ਸੰਗ ਨ ਕਰੈ ॥ ਮੇਰਾ ਗਿਆਨ ਤਿਨ ਮਨ ਧਰੈ ॥ ਏਹ ਸਭ ਗਿਆਨ ਕੀ ਹੈ ਬਾਤ ॥ ਜੇ ਕੋ ਧਾਰੈ ਮਨ
 ਮੋ ਤਾਤ ॥ ਉਪਜੈ ਤਿਸੈ ਮੇਰਾ ਗਿਆਨ ॥ ਤਿਸ ਦਿਸਟਾਂਤ ਐਸਾ ਮਾਨ ॥ ਜੈਸੇ ਦੀਪ ਧਰੈ ਜਲਾਇ ॥ ਗ੍ਰਿਹ
 ਮੈਂ ਚਾਂਦਨਾ ਪ੍ਰਗਟਾਇ ॥ ਦੇਖੈ ਸਭੀ ਚਾਂਦਨ ਮਾਂਹਿ ॥ ਤੈਸੇ ਗਿਆਨ ਦੀਪਕ ਆਹਿ ॥ ਗਿਆਨੋਂ ਦੇਖੈ ਹੈ ਮੁਝ
 ਸੋਇ ॥ ਗਿਆਨ ਭਾਨ ਐਸੇ ਹੋਇ ॥ ਲੰਨ ਪਾਵਤੇ ਇਹ ਗਿਆਨ ॥ ਪਾਰਬ ਸਭੀ ਸਾਚੀ ਮਾਨ ॥ ਜੇ ਕੋ

॥ ਜੋ ਸੁਨ ਕਰਿ ਮੁਝ ਸੰਗ ਲਾਗਤੇ ਵਧੇ ਤਿਨੋਂ ਕੀ ਪ੍ਰੀਤ ॥ ਵਹੁ ਭੀ ਤਰੇ ਸੰਸਾਰ ਤੇ ਮੁਝਕੋ ਧਰਤੇ ਚੀਤ
 ॥੬੩॥ ਦੋਹਰਾ ॥ ਏਤੇ ਭਗਤ ਸਭ ਤਰਤ ਹੈਂ ਮੁਝ ਸੋਂ ਲਾਵੇ ਪ੍ਰੇਮ ॥ ਜੋ ਪਾਵੈ ਸੋ ਪ੍ਰੇਮ ਤੇ ਐਸਾ ਮੇਰਾ ਨੇਮ
 ॥੬੪॥ ਦੋਹਰਾ ॥ ਹੇ ਅਰਜਨ ਅਬ ਅਉਰ ਸੁਨ ਇਸਥਾਵਰ ਜੰਗਮ ਜੋ ॥ ਮੈਂ ਸਭ ਮੈਂ ਸਮ ਵਰਤਦਾ ਮੁਝ
 ਬਿਨੁ ਅਵਰੁ ਨ ਕੋਇ ॥੬੫॥ ਦੋਹਰਾ ॥ ਦੇਹਿ ਖੇਤ੍ਰ ਕੋ ਅਰਥ ਹੈ ਜੀਵ ਖੇਤ੍ਰਗ ਹੈ ਸੋਇ ॥ ਦੋਨੋ ਕੇ ਸੰਜੋਗ
 ਤੇ ਸਰਬ ਪਸਾਰਾ ਹੋਇ ॥੬੬॥ ਦੋਹਰਾ ॥ ਪਰਮ ਈਸਰ ਜੋ ਪਰਮਾਤਮਾ ਸਮ ਸਭੂ ਹੂ ਕੇ ਮਾਹਿ ॥ ਬਿਆਪ
 ਰਹਿਆ ਸਭ ਕੇ ਬਿਖੇ ਸੋ ਅਬਨਾਸੀ ਆਹਿ ॥੬੭॥ ਦੋਹਰਾ ॥ ਦੇਹਿ ਬਿਨਾਸ ਸੁਰੂਪ ਹੈ ਜੀਵ ਕਾ ਨਾਹੀਂ ਨਾਸ
 ॥ ਜਿਨ ਅਬਿਨਾਸੀ ਜਾਨਿਆ ਤਿਸਕੋ ਗਿਆਨ ਪ੍ਰਕਾਸ ॥੬੮॥ ਦੋਹਰਾ ॥ ਗਿਆਨ ਨੇਤ੍ਰ ਤੇ ਦੇਖੀਐ ਐਸਾ
 ਹਰਿ ਕਾ ਰੂਪ ॥ ਸਮਾਨ ਬਿਆਪਿਆ ਸਰਬ ਮੈਂ ਗੋਬਿੰਦ ਪੁਰਖ ਅਨੂਪ ॥੬੯॥ ਦੋਹਰਾ ॥ ਇਹੀ ਪਛਾਨ
 ਗੋਬਿੰਦ ਕੀ ਸਭ ਮੈਂ ਸਮ ਤੂ ਜਾਨ ॥ ਇਸਥਾਵਰ ਜੰਗਮ ਜੀਵ ਕੋ ਮੂਲ ਦੁਖਾਵੈ ਨਾਹਿ ॥੭੦॥ ਦੋਹਰਾ ॥
 ਸੁਖਦਾਈ ਹੋ ਸਭਨ ਕਾ ਸਭ ਪਰ ਹਇ ਕ੍ਰਿਪਾਲ ॥ ਜਾਨੈ ਸਭ ਮੈਂ ਸਮ ਪ੍ਰਭੂ ਗੋਬਿੰਦ ਦੀਣ ਦਇਆਲ ॥੭੧॥
 ਦੋਹਰਾ ॥ ਐਸਾ ਜੋ ਕੋ ਜਾਨਤਾ ਪਰਮ ਗਤ ਵਹੁ ਨਰ ਪਾਇ ॥ ਪ੍ਰਾਪਤ ਹੋਵੈ ਮੁਝ ਬਿਖੈ ਮੁਝ ਸਰੂਪ ਹੋਇ ਜਾਇ
 ॥੭੨॥ ਸੋਰਠਾ ॥ ਐਸਾ ਜਾਨੈ ਜੋਇ ਸਭ ਇੰਦ੍ਰੀ ਵਰਤੈ ਬਿਖਿਓ ਮੈਂ ॥ ਸਭ ਮਾਇਆ ਤੇ ਸੋ ਆਤਮ ਅਕ੍ਰੈ
 ਰੂਪ ਹੈ ॥੭੩॥ ਦੋਹਰਾ ॥ ਮਾਇਆ ਸੋ ਸਭ ਵਰਤਦਾ ਆਤਮ ਸਾਖੀ ਰੂਪ ॥ ਜੈਸੇ ਦੀਪਕ ਗ੍ਰਿਹ ਬਿਖੈ ਦੂਰ
 ਕਰੇ ਤਮ ਕੂਪ ॥੭੪॥ ਦੋਹਰਾ ॥ ਚਾਂਦਨ ਕਰੇ ਸਭ ਗ੍ਰਿਹ ਵਿਖੇ ਵਹੁ ਕਛ ਕਰਤਾ ਨਾਹਿ ॥ ਸਭ ਗ੍ਰਿਹ
 ਕੋ ਪਰਕਾਸ਼ਤਾ ਆਪ ਨਿਰਲੇਪੀ ਆਹਿ ॥੭੪॥ ਦੋਹਰਾ ॥ ਤੈਸੇ ਹੀ ਪਰਮਾਤਮਾ ਇੰਦ੍ਰੀ ਗੁਣ ਕੇ ਮਾਹਿ ॥
 ਪਰਕਾਸੈ ਵਹੁ ਸਭੀ ਕੋ ਆਪ ਨਿਆਰਾ ਆਹਿ ॥੭੬॥ ਦੋਹਰਾ ॥ ਹਰਿ ਅਕਰਤਾ ਜੋ ਦੇਖਤਾ ਵਹੁ ਭੀ ਅਕ੍ਰੈ
 ਹੋਇ ॥ ਜੈਸੀ ਹੋਵੈ ਮਤ ਤਿਸ ਗਤ ਪਾਵੈ ਹੈ ਸੋਇ ॥੭੭॥ ਚੌਪਈ ॥ ਹੇ ਅਰਜਨ ਅਬ ਸੁਣ ਤੂੰ ਤਾਤ ॥
 ਏਹ ਭੂਤ ਪ੍ਰਾਨੀ ਜੋ ਦ੍ਰਿਸਟਾਤ ॥ ਮਲੀਨ ਬੁਧ ਤੇ ਭਿੰਨ ਭਿੰਨ ਜਾਨੇ ॥ ਏਕ ਮਾਹਿ ਠਾਨਤ ਵਹੁ ਠਾਨੈ ॥੭੮॥
 ਮਲਿਨ ਬੁਧ ਜਬ ਗਤ ਹੋਇ ਜਾਇ ॥ ਤਬ ਐਸੇ ਤਿਸ ਕੋ ਦ੍ਰਿਸਟਾਇ ॥ ਜਾਨੈ ਏਕੋ ਆਤਮ ਰਾਮ ॥ ਸਰਬ

॥ ਸੋ ਭਗਵਾਨ ਅਰਜਨ ਪ੍ਰਤਿ ਕਰੀ ॥੯੩॥੧੩॥ ਇਸ ਸ੍ਰੀ ਭਗਵਤ ਗੀਤਾ ਸੂਪਨਖਤ੍ਰੁ ਸੁ ਬ੍ਰਹਮ ਵਿਦਿਆ
ਜੋਗ ਸ਼ਾਸਤ੍ਰੇ ਸ੍ਰੀ ਕ੍ਰਿਸ਼ਨ ਅਰਜਨ ਸੰਵਾਦੇ ਖੇਤ੍ਰ ਖੇਤ੍ਰਗ ਗੁਨਿ ਗਨਯੋ ਪਦਮ ਪੁਰਾਣੇ ਸਤੀ ਈਸਰ ਸੰਵਾਦੇ ਉਤਰਖੰਡੇ
ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਤ੍ਰਿਓਦਸਵੇਂ ਧਿਆਇ ॥ ਆਗੇ ਮਹਾਤਮ ਚਲਿਆ ॥ ਸ੍ਰੀ ਭਗਵਾਨੋ ਵਾਚ ॥ ਹੇ
ਲਛਮੀ ਅਬ ਤੁਝਕੋ ਤੇਰਵੇਂ ਧਿਆਇ ਕਾ ਫਲ ਕਹਤੇ ਹੋ ਸੋ ਤੂੰ ਸੁਣ ॥ ਦਖਣ ਦੇਸ ਮੇਂ ਏਕ ਨਗਰ ਹੈ ਨਾਮ
ਉਸਕਾ ਹਰਿ ਹਰਿ ਪੁਰ ॥ ਤਹਾਂ ਕੇ ਰਾਜਾ ਕਾ ਨਾਮ ਮੁਨਿ ਪਰਨਾ ॥ ਤਿਸਕੇ ਦੇਸ ਮੈਂ ਏਕ ਵਿਭਚਾਰਨੀ ਇਸਤ੍ਰੀ
ਬੀ ॥ ਮਾਸ ਖਾਵੈ ਮਦ ਪੀਵੈ ਬੁਰੇ ਕਰਮ ਕਰੇ ॥ ਸੋ ਉਸਨੇ ਏਕ ਦਿਨ ਏਕ ਪੁਰਖ ਸਿਉਂ ਵਚਨ ਕੀਆ ॥
ਅਮਕੇ ਬਨ ਮੈਂ ਹਉਂ ਆਵਉਂਗੀ ਤੂੰ ਉਹਾਂ ਆਈਓ ॥ ਤਬ ਏਹ ਗਨਕਾ ਉਸ ਬਨ ਮੈਂ ਆਈ ਜਾਇ ਬੈਠੀ ॥
ਉਸੀ ਪ੍ਰੀਤਮ ਕਾ ਪੈਂਡਾ ਦੇਖੈ ॥ ਐਸੇ ਦੇਖਤੇ ਦੇਖਤੇ ਸਾਰਾ ਦਿਨ ਬੀਤਾ ॥ ਓਹ ਪ੍ਰੀਤਮ ਨ ਆਇਆ ॥ ਤਬ
ਸੰਧਿਆ ਪੜੀ ॥ ਸੋ ਗਨਕਾ ਮਹਾ ਵਿਆਕੁਲ ਭਈ ॥ ਏਕਲੀ ਬਨ ਮੈਂ ਕੂਕੇ ॥ ਅਹੁ ਦਰਖਤੋਂ ਕਉ ਪੂਛੇ ॥
ਈਹਾਂ ਮੇਰਾ ਪ੍ਰੀਤਮ ਭੀ ਆਇਆ ਹੈ ॥ ਐਸੇ ਬਨ ਮੈਂ ਕੂਕੇ ॥ ਤਬ ਏਕ ਸਿੰਘ ਆਇਆ ਉਸਕੇ ਪੈਰੋਂ ਕਾ ਅਵਾਜ
ਸੁਣਕੇ ਇਸਨੇ ਜਾਣਿਆ ਜੋ ਮੇਰਾ ਪ੍ਰੀਤਮ ਆਇਆ ਹੈ ॥ ਇਤਨੇ ਮੈਂ ਸਿੰਘ ਆਇਆ ॥ ਤਬ ਏ ਗਨਕਾ
ਡਰੀ ॥ ਤਬ ਸਿੰਘ ਬੋਲਿਆ ਅਰੀ ਗਨਕਾ ਮੈਂ ਤੁਝ ਕਉ ਖਾਵਉਂਗਾ ॥ ਤਬ ਗਨਕਾ ਬੋਲੀ ॥ ਤੂੰ ਪਹਿਲੇ
ਜਨਮ ਕੀ ਬਾਤ ਕਹੁ ਤੂੰ ਕਉਨ ਹੈਂ ॥ ਮੈਂਨੇ ਤੇਰਾ ਕਉਨ ਅਪਰਾਧ ਕੀਆ ਹੈ ॥ ਤਬ ਸਿੰਘ ਬੋਲਿਆ ਮੈਂ ਪਹਿਲੇ
ਜਨਮ ਕਾ ਬ੍ਰਹਮਣ ਹੋਂ ਸੋ ਮੈਂ ਲੋਭੀ ਥਾ ॥ ਜੂਆ ਖੇਲਤਾ ਥਾ ॥ ਮਦ ਪੀਵਤਾ ਥਾ ॥ ਐਸੇ ਏਕ ਦਿਨ ਧਨ
ਕੀ ਆਸਾ ਕਰਿ ਚਲਿਆ ਜਾਤਾ ਥਾ ਸੋ ਗਿੜ ਪੜਾ ॥ ਤਬ ਤਤਕਾਲ ਪ੍ਰਾਣ ਛੂਟ ਗਏ ਜਮ ਆਏ ਬਾਂਧ ਕੇ
ਮੁਝ ਕਉ ਲੇ ਗਏ ॥ ਤਬ ਧਰਮਰਾਇ ਨੇ ਪੂਛਾ ॥ ਏਹ ਕਉਨ ਹੈ ॥ ਤਬ ਜਮ ਬੋਲੇ ਏਹ ਬ੍ਰਾਹਮਣ ਹੈ ਲੋਭੀ
ਹੈ ॥ ਤਬ ਧਰਮਰਾਇ ਨੇ ਕਹਿਆ ਇਸ ਕਉ ਸਿੰਘ ਕਾ ਜਨਮ ਦੇਵਉ ॥ ਤਬ ਮੁਝ ਕਉ ਸਿੰਘ ਕਾ ਜਨਮ
ਦੀਆ ॥ ਅਰ ਧਰਮਰਾਇ ਨੇ ਮੁਝ ਕਉ ਆਗਿਆ ਦੀਨੀ ॥ ਤੂੰ ਪਾਪੀਓ ਕਉ ਖਾਉ ॥ ਅਹੁ ਜੇ ਹਰਿ ਭਗਤ
ਹੋਵੈ ਸਾਧ ਵੈਸ਼ਨੋ ਹੋਵੈ ਤਿਨ ਕਉ ਨਾ ਖਾਈਓ ॥ ਤਬ ਸਿੰਘ ਬੋਲਿਆ ਅਰੀ ਵਿਭਚਾਰਨੀ ਗਨਕਾ ਤੂੰ ਪਾਪਨੀ

ਹੈਂ ਅਪਰਾਧਨੀ ਹੈਂ ॥ ਮੈਂ ਤੁਝ ਕਉ ਖਾਵਉਂਗਾ ॥ ਇਤਨਾ ਕਹਤੇ ਹੀ ਉਸ ਸਿੰਘ ਨੇ ਗਨਕਾ ਕਉ ਖਾਇਆ ॥ ਤਬ ਜਮ ਉਸ ਗਨਕਾ ਕਉ ਧਰਮ ਰਾਜਾ ਕੇ ਪਾਸ ਲੇ ਗਏ ॥ ਧਰਮ ਰਾਜਾ ਨੇ ਆਗਿਆ ਦੀਨੀ ਇਸ ਕਉ ਚੰਡਾਲਨੀ ਕਾ ਜਨਮ ਦੇਵਉ ॥ ਤਬ ਚੰਡਾਲਨੀ ਕਾ ਜਨਮ ਪਾਇਆ ॥ ਐਸੇ ਹੀ ਬਹੁਤ ਵਰਖ ਬੀਤੇ ॥ ਤਬ ਏਕ ਦਿਨ ਨਰਪਦਾ ਨਦੀ ਕੀ ਓਰ ਚਲੀ ਜਾਤੀ ਬੀ ॥ ਤਹਾਂ ਏਕ ਬ੍ਰਾਹਮਣ ਗੀਤਾ ਕਾ ਤੇਰਹਵਾਂ ਅਧਿਆਇ ਪਾਠ ਕਰਤਾ ਥਾ ॥ ਸੋ ਇਸ ਚੰਡਾਲਨੀ ਨੇ ਸੰਪੂਰਨ ਸੁਣਿਆ ॥ ਤਬ ਸੁਣਤੇ ਹੀ ਤਤਕਾਲ ਪ੍ਰਾਨ ਛੂਟੇ ॥ ਦੇਵ ਦੇਹੀ ਪਾਈ ॥ ਵਿਮਾਨ ਆਇਆ ਤਿਸ ਉਪਰ ਬੈਠ ਕੇ ਵਈਕੁੰਠ ਚਲੀ ॥ ਤਬ ਇਸ ਬ੍ਰਾਹਮਣ ਨੇ ਪੂਛਾ ॥ ਤੈਨੇ ਕਉਨ ਪੁੰਨ ਕੀਆ ਹੈ ॥ ਜੋ ਵਈਕੁੰਠ ਚਲੀ ਹੈ ॥ ਤਬ ਚੰਡਾਲਨੀ ਬੋਲੀ ॥ ਤੁਮ ਨੇ ਜੋ ਕੁਛ ਪਛਿਆ ਸੋ ਮੈਨੇ ਸੁਣਿਆ ॥ ਤਿਸ ਕੇ ਸੁਣਤੇ ਹੀ ਮੈਂ ਚੰਡਾਲ ਦੇਹ ਤੇ ਛੂਟੀ ਹੋਂ ॥ ਦੇਵ ਦੇਹੀ ਪਾਈ ਹੈ ॥ ਅਰ ਵਈਕੁੰਠ ਚਲੀ ਹੋਂ ॥ ਅਰ ਕਹਿਣੇ ਲਾਗੀ ॥ ਐਸਾ ਕਛੁ ਉਪਾਇ ਹੈ ਜੋ ਏਹ ਸਿੰਘ ਬਨ ਮੈਂ ਹੈ ॥ ਜਿਨਿ ਪਹਿਲੇ ਜਨਮ ਮੁਝ ਕਉ ਖਾਇਆ ਥਾ ॥ ਸੋ ਵਹੁ ਸਿੰਘ ਭੀ ਉਧਰੇ ॥ ਬ੍ਰਾਹਮਣ ਕਹਾ ॥ ਗੀਤਾ ਕੇ ਏਕ ਅਧਿਆਇ ਕੇ ਏਕ ਸਲੋਕ ਕਾ ਪੁੰਨ ਉਸ ਸਿੰਘ ਕਉ ਦੇਤਾ ਹਉਂ ॥ ਤਬ ਦੀਆ ॥ ਦੇਵ ਦੇਹੀ ਪਾਈ ॥ ਵਿਮਾਨ ਉਪਰਿ ਬੈਠ ਕਰਿ ਵਈਕੁੰਠ ਗਇਆ ॥ ਤਬ ਸ੍ਰੀ ਨਾਰਾਇਣ ਜੀ ਬੋਲੇ ॥ ਸ੍ਰੀ ਲਛਮੀ ਤੇਰਵੇਂ ਅਧਿਆਇ ਕਾ ਫਲ ਕਹਿਆ ਸੋ ਤੁਮ ਸੁਣਿਆ ॥੧੩॥ ਇਤ ਇਤਿ ਸ੍ਰੀ ਪਦਮ ਪੁਰਾਣੇ ਸਤੀ ਈਸੁਰ ਸੰਬਾਦੇ ਉਤਰ ਖੰਡੇ ਸ੍ਰੀ ਗੀਤਾ ਮਹਾਤਮੇ ਸ੍ਰੀ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਤ੍ਰਿਉਦਸਵੇਂ ਧਿਆਇ ॥੧੩॥ ਆਗੈ ਚਉਦਸਵਾਂ ਚਲਿਆ ॥ ਸ੍ਰੀ ਭਗਵਾਨੋ ਵਾਚ ॥ ਅੜਿਲ ॥ ਭਾਖੈ ਅਰਜਨ ਪ੍ਰਤਿ ਸ੍ਰੀ ਭਗਵਾਨ ਐਸੀ ਬਾਤ ਫੁਨ ॥ ਪਰਮ ਗਿਆਨ ਅਤਿ ਉਤਮ ਅਰਜਨ ਬਹੁੜ ਸੁਨ ॥ ਜਿਸਕੇ ਜਾਨੈ ਬੇਗ ਮਾਇਆ ਸਮੁੰਦਰ ਤਰ ਜਾਈਐ ॥ ਪਰਮ ਸਿਧ ਸੰਜੁਗਤ ਮੁਕਤ ਪਰਾਪਤਿ ਪਾਈਐ ॥੧॥ ਅੜਿਲ ॥ ਜਿਸ ਸਮਝਿਓ ਇਹ ਗਿਆਨ ਤਿਨ ਸਿਮਰਨ ਕੀਆ ॥ ਧਾਰਨ ਹਾਰ ਕਾ ਧਰਮ ਮੁਝ ਜੈਸਾ ਭਾਇਆ ॥ ਜਿਉਂ ਉਤਪਤਿ ਪਰਲੈ ਮਾਹਿ ਨਿਆਰਾ ਮੈ ਰਹੋਂ ॥ ਜਿਨਿ ਧਾਰਿਆ ਏਹੁ ਗਿਆਨ ਤੈਸਾ ਤਿਨ ਲਹੋਂ ॥੨॥ ਦੋਹਰਾ ॥ ਤੂੰ ਭੀ ਐਸੇ ਸਮਝ ਕਰਿ ਮੇਰੀ ਸਰਨੀ ਆਇ ॥

ਮੇਰੇ ਸਿਮਰਨ ਭਜਨ ਤੇ ਸੰਸਾਰ ਸਮੁੰਦਰ ਤਰ ਜਾਹਿ ॥੩॥ ਦੋਹਰਾ ॥ ਉਤਪਤਿ ਲੈ ਸੰਸਾਰ ਸੈ ਨਿਆਰਾ ਹੋਸੀ
 ਮੀਤ ॥ ਮੁਝ ਸਮਾਨ ਤੂੰ ਹੋਹਿਗਾ ਧਿਆਨ ਧਾਰ ਧਰ ਚੀਤ ॥੪॥ ਦੋਹਰਾ ॥ ਇਹੁ ਪ੍ਰਾਪਤ ਜਿਸ ਗਿਆਨ
 ਕਾ ਸੋ ਗਿਆਨ ਮੈਂ ਆਪ ॥ ਮੇਰਾ ਨਾਮ ਹੈ ਮਹਦ ਬ੍ਰਹਮ ਸਭ ਮੈਂ ਰਹਿਆ ਬਿਆਪ ॥੫॥ ਦੋਹਰਾ ॥ ਮਹਦ
 ਬ੍ਰਹਮ ਇਸ ਕਾਰਨੇ ਸਭ ਕੀ ਉਤਪਤ ਠਉਰ ॥ ਉਪਜਾਵਨ ਹਾਰਾ ਜਗਤ ਕਾ ਮੁਝ ਬਿਨਾ ਨਹੀਂ ਹੋਰ ॥੬॥
 ਦੋਹਰਾ ॥ ਅਪਨੇ ਗਰਭ ਤੇ ਸਭੀ ਕੋ ਪਰਗਟ ਕਰਹੋ ਮੀਤ ॥ ਮਹਦ ਬ੍ਰਹਮ ਹੈ ਨਾਮ ਮੁਝ ਇਸ ਕਾਰਨ ਧਰ
 ਚੀਤ ॥੭॥ ਦੋਹਰਾ ॥ ਮੇਰਾ ਨਾਮ ਏਕ ਬ੍ਰਹਮ ਹੈ ਹੇ ਕੁੰਤੀ ਸੁਤ ਜਾਨ ॥ ਇਸਥਾਵਰ ਜੰਗਮ ਉਪਜਿਆ
 ਏਕ ਬ੍ਰਹਮ ਤੇ ਮਾਨ ॥੮॥ ਲਖ ਚਉਰਸੀਹ ਮੇਦਨੀ ਉਪਜੀ ਨਾਨਾ ਰੰਗ ॥ ਏਕ ਸਮ ਦੂਜਾ ਨਾਹਿ ਕੋ ਸਭ
 ਅਦ੍ਵੈਤ ਅਸੰਕ ॥੯॥ ਦੋਹਰਾ ॥ ਆਗੈ ਬੀਤੇ ਸਕਲ ਨਰ ਜੋ ਅਬ ਹੈ ਜਗ ਮਾਹਿ ॥ ਜਿਨ ਕੋ ਆਗੈ ਹੋਵਣਾ
 ਕਿਸ ਸਮਾਨ ਕੋ ਨਾਹਿ ॥੧੦॥ ਦੋਹਰਾ ॥ ਏਕੋ ਹੀ ਮੁਝ ਬ੍ਰਹਮ ਤੇ ਬਹੁਬਿਧਿ ਉਪਜਿਓ ਮੀਤ ॥ ਬ੍ਰਹਮ
 ਮਹਦ ਜੋਨ ਇਸ ਕਾਰਨੇ ਮੇਰਾ ਨਾਮ ਧਰ ਚੀਤ ॥੧੧॥ ਦੋਹਰਾ ॥ ਮੈਂ ਹੋ ਪਿਤ ਸੰਸਾਰ ਕਾ ਬਡੀ ਜੂਨ ਮੁਝ
 ਆਹਿ ॥ ਮੁਝ ਤੇ ਪਰੇ ਨ ਅਉਰ ਕਛੁ ਐਸੇ ਜਾਨ ਮਨ ਮਾਹਿ ॥੧੨॥ ਦੋਹਰਾ ॥ ਮੇਰੀ ਮਾਇਆ ਤੇ ਤੂਨ
 ਗੁਨ ਪਰਗਟ ਹੋਏ ਮੀਤ ॥ ਜੀਵ ਅਬਿਨਾਸ ਅਖੰਡ ਕੋ ਤਿਨਹੀ ਬੰਧਨ ਕੀਤ ॥੧੩॥ ਦੋਹਰਾ ॥ ਅਬਿਨਾਸੀ
 ਜੀਵ ਸਭ ਦੇਹਿ ਮੈਂ ਜੈਸੇ ਬਾਂਧਿਓ ਮੀਤ ॥ ਤੀਨਗੁਣੋ ਸੋ ਬਾਂਧਿਆ ਭਿੰਨ ਭਿੰਨ ਰਾਖੇ ਚੀਤ ॥੧੪॥ ਚੌਪਈ
 ॥ ਤੀਨੋਂ ਗਨੋਂ ਕੀ ਕਥਾ ਸੁਣਾਉਂ ॥ ਜਿਉਂ ਜਿਉਂ ਫਸਿਆ ਤਿਸ ਮੈਂ ਪਾਉਂ ॥ ਪਹਿਲੇ ਸੁਣ ਸਾਂਤਕੀ ਬੀਚਾਰ
 ॥ ਜਿਉਂ ਬਾਂਧਿਓ ਜੀਉ ਸਾਂਤਕ ਯਾਰ ॥੧੫॥ ਸਾਂਤਕੀ ਮਾਨਸ ਐਸਾ ਹੋਇ ॥ ਨਿਰਮਲ ਸੁਭਾਵ ਪਵਿਤ੍ਰ
 ਹੈ ਸੋਇ ॥ ਤਿਸਕੇ ਰਿਦੇ ਹੋਇ ਪਰਗਾਸ ॥ ਸਦਾ ਸੁਖੀ ਸਾਂਤ ਮੈਂ ਬਾਸ ॥੧੬॥ ਤਿਨ ਕੇ ਬਪ ਕੋ ਕਸ਼ਟ
 ਨ ਲਾਗੈ ॥ ਗਿਆਨ ਦੀਪਕ ਤਿਸ ਘਟ ਮੈਂ ਜਾਗੈ ॥ ਹੇ ਨਿਚ ਪਾਪ ਅਰਜਨ ਪਰਧਾਨ ॥ ਐਸੀ ਬਿਧਿ ਸਾਂਤਕ
 ਕੇ ਜਾਨ ॥੧੭॥ ਰਾਜਸਗੁਣ ॥ ਚੌਪਈ ॥ ਅਬ ਬ੍ਰਤੰਤ ਰਾਜਸ ਕਾ ਸੁਣੋ ॥ ਜੈਸੇ ਮੈਂ ਤੁਝ ਪੈ ਅਬ ਭਨੋ ॥
 ਰਾਜਸ ਗੁਣ ਕਾ ਇਹੀ ਸੁਭਾਉ ॥ ਦੇਹ ਕੁਟੰਬ ਸੋ ਮੋਹ ਲਗਾਉ ॥੧੮॥ ਰਾਜਸ ਮਾਹਿ ਜੀਵ ਜਬ ਆਵੈ

॥ ਤ੍ਰਿਸ਼ਨਾ ਧਨ ਕੀ ਅਤਿ ਬਹੁ ਪਾਵੈ ॥ ਉਪਜਾਵਨ ਦ੍ਰਬ ਕਾ ਉਦਮ ਕਰੈ ॥ ਸੋਕ ਹਰਖ ਸਦਾ ਮਨ ਧਰੈ ॥
 ॥ ਇਸ ਪ੍ਰਕਾਰ ਬਾਂਧਿਓ ਜੀਉ ਰਾਜਸ ॥ ਆਗੈ ਕਹਉ ਬਾਤ ਗੁਣ ਤਾਮਸ ॥੧੯॥ ਤਾਮਸ ਗੁਣ ॥ ਚੌਪਈ ॥
 ॥ ਤਮ ਗੁਣੀ ਜੀਵ ਜੁ ਜਗ ਮੈਂ ਆਹੀ ॥ ਅਗਯਾਨ ਮਾਹਿ ਸਦਾ ਵਰਤਾਹੀ ॥ ਮੋਹਨ ਹਾਰ ਜੀਵ ਸੁ ਜਗ
 ਮੈਂ ਆਹੀ ॥ ਅਗਯਾਨ ਮਾਹਿ ਸਦਾ ਵਰਤਾਹੀ ॥ ਮੋਹਨ ਹਾਰ ਜੀਵ ਇਨਕਾ ਹੋਇ ॥ ਨੀਂਦ ਖਾਲਸੁ ਮੈਂ ਵਰਤੈ
 ਸੋਇ ॥ ਬਾਂਧਿਓ ਜੀਵਤਮ ਗੁਣ ਏਹ ਰੀਤ ॥ ਅਉਰ ਸੁਨੋ ਅਵ ਅਰਜਨ ਮੀਤ ॥੨੦॥ ਸਾਂਤਕ ਗੁਣ ਬਹੁ
 ਸੁਖ ਉਪਜਾਵੈ ॥ ਉਪਜੈ ਕਰਮ ਰਜ ਗੁਣ ਜਬ ਆਵੈ ॥ ਖਿਮਾ ਮਾਹਿ ਜੀਵਨ ਨਹੀਂ ਰਹੈ ॥ ਨਿਤੁ ਉਤਮ
 ਕੋ ਮਨਮੋ ਰਹੈ ॥੨੧॥ ਤਮ ਉਪਜਾਵੈ ਨਿਤ ਅਗਿਆਨ ॥ ਅਸਾਵਧਾਨਤਾ ਇਹ ਤਾ ਤੇ ਮਾਨ ॥ ਤੀਨੋ ਗੁਣ
 ਸਭ ਭਿੰਨ ਭਿੰਨ ਜੋਇ ॥ ਮਾਨੁਖੋਂ ਮਾਹਿ ਨਿਤ ਵਰਤੈ ਸੋਇ ॥੨੨॥ ਕਬਹੂ ਵਰਤੈ ਸਾਂਤਕ ਰਾਜਸ ॥ ਕਬਹੂ
 ਅਸਾਵਧਾਨਤਾ ਤਾਮਸ ॥ ਅਬ ਤਿਹ ਵਧਿਆ ਭਿੰਨ ਭਿੰਨ ਸੁਨੋ ॥ ਤੀਨੋ ਗੁਣ ਜਿਉਂ ਵਧਤੇ ਭਨੋ ॥੨੩॥
 ਜਬ ਏਤੇ ਲਛਨ ਹੋਹਿ ਜੀਵ ਮਾਹਿ ॥ ਸਾਂਤਕ ਤਿਹਤੇ ਵਧਿਆ ਜਾਹਿ ॥ ਦੇਹਿ ਦੁਆਰ ਮੈਂ ਹੋਇ ਪ੍ਰਕਾਸ਼ ॥
 ਮਨ ਨਿਰਮਲ ਗਿਆਨ ਮਹਿ ਬਾਸ ॥ ਤਬ ਸਾਂਤਕ ਗੁਣ ਵਧਿਆ ਜਾਨੈ ॥ ਸਾਂਤਕ ਜੇ ਗਿਆਨ ਮਨ ਮਾਨੈ
 ॥੨੪॥ ਰਜ ਗੁਣ ਵਧਨ ॥ ਚੌਪਈ ॥ ਰਜਗੁਣ ਵਧੇ ਤਬ ਲੱਛਨ ਏਹ ॥ ਦ੍ਰਬ ਉਦਮ ਉਹੁ ਨਿਤ ਕਰੇਹਿ
 ॥ ਸੁਖ ਦੁਖ ਮਾਹਿ ਸਦਾ ਵਹੁ ਰਹੇ ॥ ਇਸ ਤੇ ਵਧਿਆ ਰਜ ਗੁਣ ਲਹੈ ॥੨੫॥ ਤਮ ਗੁਣ ॥ ਚੌਪਈ ॥
 ਤਮ ਗੁਣ ਵਧੇ ਕੇ ਲਛਣ ਕਹੋ ॥ ਪਰਮਾਦ ਮੋਹ ਸਭ ਤਮ ਤੈ ਲਹੋ ॥ ਦੇਹਿ ਦੁਆਰ ਤੇ ਜੋਤ ਘਟ ਜਾਇ ॥
 ਤਮ ਗੁਣ ਵਧੇ ਏਹ ਲਛਣ ਪਾਇ ॥੨੬॥ ਛੂਟੈ ਦੇਹਿ ਸਾਂਤਕ ਗੁਣ ਮਾਹੀ ॥ ਵਹੁ ਨਰ ਦੇਵ ਲੋਕ ਕਉ ਜਾਹੀ
 ॥ ਰਹ ਗੁਣ ਵਧੇ ਦੇਹਿ ਛੁਟ ਜਾਵੈ ॥ ਬਹੁੜ ਮਾਨੁਖ ਦੇਹਿ ਕੋ ਪਾਵੈ ॥੨੭॥ ਤਮ ਗੁਣ ਵਧੇ ਜੁ ਤਿਆਗੈ
 ਦੇਹਿ ॥ ਜੂਨ ਪਸੂ ਤਿਰਜਕ ਕੀ ਲੇਹਿ ॥ ਸਭ ਗੁਣ ਨਿਰਮਲ ਫਲ ਹੈ ਸੋਇ ॥ ਸੁਕ੍ਰਿਤ ਕਰਮ ਸੁਖ ਤਿਸ
 ਤੇ ਹੋਇ ॥੨੮॥ ਰਾਜਸ ਕਾ ਫਲ ਸੁਖ ਦੁਖ ਭਾਈ ॥ ਤਾਮਸ ਫਲ ਅਗਿਆਨ ਵਧਾਈ ॥ ਸਾਂਤਕ ਮਾਹਿ
 ਉਪਜੈ ਨਿਰਮਲਾਈ ॥ ਰਾਜਸ ਤੇ ਲੋਭ ਕਉ ਪਾਈ ॥੨੯॥ ਮੋਹ ਉਪਜੈ ਹੈ ਤਮ ਗੁਣ ਮਾਹੀ ॥ ਅਗਿਆਨ

ਮੂਰਤਿ ਤਮ ਗੁਣ ਕੇ ਆਹੀ ॥ ਸਾਂਤਕ ਗੁਣ ਮਹਿ ਦੇਹਿ ਜਬ ਤਿਆਗੈ ॥ ਬੈਕੁੰਠ ਮਾਹਿ ਬੇਗ ਵਹੁ ਲਾਗੈ ॥
 ॥੩੦॥ ਪਰਕਿਰਤ ਰਾਜਸ ਮੈਂ ਜਬ ਬਪ ਗਿਰੈ ॥ ਮਾਸਨ ਦੇਹ ਭੂਮ ਪਰ ਧਰੈ ॥ ਤਮ ਪ੍ਰਕਿਰਤ ਮੈਂ ਜਬ ਦੇਹਿ
 ਜਾਇ ॥ ਪਾਤਾਲ ਬਿਥੈ ਜਨਮ ਕੋ ਪਾਇ ॥੩੧॥ ਅਬ ਜੋ ਮੇਰੇ ਪਦ ਕੋ ਪਾਇ ॥ ਸੁਨ ਅਰਜਨ ਤੂੰ ਮਨ ਚਿਤ
 ਲਾਇ ॥ ਤ੍ਰੈਗੁਣ ਤੇ ਮੈਂ ਪਰੇ ਜੁ ਆਹੀ ॥ ਮੇਰੀ ਆਗਿਆ ਗੁਣ ਵਰਤਾਹੀ ॥੩੨॥ ਤਿਨਕਾ ਕਉਤਕ
 ਵੇਖਨਹਾਰ ॥ ਸਭ ਤੇ ਪਰੇ ਮੁਝਕੋ ਬੀਚਾਰ ॥ ਗੁਣ ਸਰੂਪ ਭੀ ਮੁਝਕੋ ਜਾਨੋ ॥ ਗੁਣ ਅਤੀਤ ਮਿਤ ਮੁਝਕੋ
 ਮਾਨੋ ॥੩੩॥ ਦੇਹਿ ਜੀਵ ਕੋ ਮੈਂ ਉਪਜਾਵੈ ॥ ਸਰਬ ਮਧ ਆਪ ਕੋ ਪਾਵੈ ॥ ਅਰੁ ਜੋ ਮੇਰੇ ਪਦ ਮੈਂ ਆਵੈ ॥
 ਮੁਝੈ ਪਛਾਨ ਮੁਕਤਿ ਹੋ ਜਾਵੈ ॥੩੪॥ ਮੇਰੇ ਜਾਨਨ ਕਾ ਜੋ ਗਿਆਨ ॥ ਜੋ ਲੇਵੈ ਅਪਨੇ ਮਨ ਮਾਨ ॥ ਜਨਮ
 ਮਰਨ ਜਰਾ ਅਰੁ ਦੁਖ ॥ ਤਿਨਕੋ ਤਿਆਗ ਪਾਵੈ ਵਹੁ ਸੁਖ ॥ ਜਿਹ ਇਹੁ ਅੰਮ੍ਰਿਤ ਕੀਆ ਪਾਨ ॥ ਮੇਰੇ ਪਦ
 ਮੈਂ ਪ੍ਰਾਪਤ ਮਾਨ ॥੩੫॥ ਅਰਜਨੋ ਵਾਚ ॥ ਦੋਹਰਾ ॥ ਅਰਜਨ ਕੇਸਵ ਬਚਨ ਸੁਣ ਮੁਖੋ ਕਹੇ ਹੇ ਦੇਵ ॥
 ਏਕ ਪ੍ਰਸ਼ਨ ਅਵ ਮੈਂ ਕਹੋ ਤਿਸਕਾ ਉਤਰ ਦੇਹਿ ॥੩੬॥ ਦੋਹਰਾ ॥ ਦੇਹ ਧਾਰੀ ਮਾਨੁਖਜੋ ਹੋਤੇ ਬਪੁ ਵਹੁ ਮੁਕਤ
 ॥ ਹੋਤੇ ਬਹੁ ਜੋ ਮੁਕਤ ਹੈਂ ਤਿਹ ਲਨ ਕਿਹ ਜੁਗਤ ॥੩੭॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਅਰਜਨ ਪ੍ਰਸ਼ਨ
 ਜਬ ਕਰ ਰਹਾ ਕੇਸਵ ਬੋਲੇ ਤਾਹਿ ॥ ਹੇ ਪਾਰਬ ਏਹ ਤੀਨ ਗੁਣ ਵਰਤੈ ਸਹਜ ਸੁਭਾਇ ॥੩੮॥ ਦੋਹਰਾ ॥
 ਅਪਨੇ ਅਪਨੇ ਸਮੈਂ ਮੈਂ ਤੀਨੋਂ ਵਰਤੈ ਮੀਤ ॥ ਮੋਹਾਵੈ ਨਾਹੀਂ ਮੋਹ ਸਿਉ ਪ੍ਰਾਨੀ ਅਪਨਾ ਚੀਤ ॥੩੯॥ ਦੋਹਰਾ
 ॥ ਮੋਹਿਤ ਕਾ ਅਵ ਅਰਥ ਏਹੁ ਜੋ ਗੁਣ ਪ੍ਰਾਪਤ ਹੋਇ ॥ ਕਹੈ ਨਹੀਂ ਏਹੁ ਦੂਰ ਹੋਇ ਅਉਰ ਆਵੈ ਸੁਭ ਕੋਇ
 ॥੪੦॥ ਦੋਹਰਾ ॥ ਰਹੈ ਉਦਾਸ ਨਿਤ ਦੇਹਿ ਸੋ ਅਖੈ ਇਉਂ ਮਨ ਮਾਹਿ ॥ ਬਪ ਗੁਣ ਦੋਊ ਅਨਿਤ ਹੈ ਇਨ
 ਸੋ ਮੁਝ ਕਛੁ ਨਾਹਿ ॥੪੧॥ ਦੋਹਰਾ ॥ ਜੋ ਗੁਣ ਆਵੈ ਦੇਹਿ ਮੈਂ ਤਿਨਕੋ ਦੇਖੈ ਮੀਟ ॥ ਨਿਹਚਲ ਰਾਖੈ ਆਤਮਾ
 ਜਾਇ ਨ ਗੁਣ ਸੰਗ ਚੀਤ ॥੪੨॥ ਦੋਹਰਾ ॥ ਐਸੇ ਕਹੈ ਮਨ ਆਪਨੇ ਮੁਝ ਗੁਣ ਸਿਉਂ ਕਛੁ ਨਾਹਿ ॥ ਅਪਨੇ
 ਅਪਨੇ ਸੁਭਾਵ ਮੈਂ ਤੀਨੋਂ ਗੁਣ ਵਰਤਾਹਿ ॥੪੩॥ ਸੋਰਠਾ ॥ ਜੋ ਐਸੇ ਦੇਹ ਸਾਬ ਰਹੈ ਅਤੀਤ ਗੁਣੋ ਤੀਨ ਸੋ
 ॥ ਤਿਸਕੀ ਅਬ ਸੁਨ ਗਾਥ ਕੈਸੇ ਵਰਤੈ ਨਗਤ ਮੈਂ ॥੪੪॥ ਦੋਹਰਾ ॥ ਦੁਖ ਸੁਖ ਕੋ ਸਮ ਜਾਨਤਾ ਮਿਤ੍ਰ ਸਤ੍ਰ

ਸਮਾਨ ॥ ਆਦਰ ਨਿਰਾਦਰ ਏਕ ਜਿਸ ਉਸਤਤ ਨਿੰਦ ਸਮਾਨ ॥੪੫॥ ਦੋਹਰਾ ॥ ਪ੍ਰੀਤਮ ਅਪ੍ਰੀਤਮ ਏਕ
 ਜਿਹ ਮਾਨ ਅਪਮਾਨ ਸਮਾਨ ॥ ਉਠੈ ਨ ਅਰਥ ਜਿਹ ਰਿਦੈ ਮੋ ਗੁਣ ਅਤੀਤ ਵਹੁ ਜਾਨ ॥੪੬॥ ਦੋਹਰਾ ॥
 ਅਤੀਤ ਗੁਣੇ ਅਰ ਦੇਹ ਤੇ ਤਿਸਕੇ ਲਛਨ ਏਹ ॥ ਹੇ ਅਰਜਨ ਤੁਝਕੋ ਕਹੇ ਸਮਝੈ ਤੁਮ ਸਰਬੇਹ ॥੪੭॥ ਦੋਹਰਾ
 ॥ ਇਤ ਪ੍ਰਕਾਰ ਗੁਨ ਦੇਹ ਜੋ ਸੋ ਨਰ ਮੁਕਤਾ ਹੋਇ ॥ ਮਾਰਗ ਤਿਸ ਚੇਤਨ ਹੈ ਸੀਲਵੰਤ ਹੈ ਸੋਇ ॥੪੮॥
 ਦੋਹਰਾ ॥ ਸੀਲਵੰਤ ਓਹ ਭਗਤ ਹੈ ਦੂਜਾ ਦੇਖੈ ਨਾਹਿ ॥ ਮੇਰੀ ਸੇਵਾ ਨਿਤ ਕਰੈ ਦਾਸ ਭਾਵ ਕੇ ਮਾਹਿ ॥੪੯॥
 ਦੋਹਰਾ ॥ ਦਾਸ ਭਾਵ ਵਹੁ ਹੋਇ ਕੈ ਏਕੋ ਸੇਵੈ ਸੋਇ ॥ ਐਸਾ ਭਗਤਿ ਅਤਿ ਨਿਰਮਲਾ ਗੁਣ ਅਤੀਤ ਵਹੁ
 ਹੋਇ ॥੫੦॥ ਦੋਹਰਾ ॥ ਬਿਸ ਰੂਪੀ ਸੰਸਾਰ ਜੋ ਤਿਸਕਾ ਮੈਂ ਪ੍ਰਭ ਆਪ ॥ ਸਬਦ ਬ੍ਰਹਮ ਜੋ ਬੇਦ ਹੈ ਤਿਸ
 ਮੈਂ ਰਹਾ ਵਿਆਪ ॥੫੧॥ ਦੋਹਰਾ ॥ ਸੋ ਤੇ ਜੀਵਨ ਮੁਕਤ ਹੈ ਹੋਤੇ ਬਪ ਕੇ ਮਾਹਿ ॥ ਮੁਕਤ ਦਰਸ ਜੋ ਚਾਹਤਾ
 ਦੇਖੈ ਤਿਸਕੋ ਜਾਇ ॥੫੨॥ ਐਸੇ ਮੇਰੇ ਭਗਤ ਕੋ ਜੋ ਦੇਖੈ ਹਿਤ ਲਾਇ ॥ ਮੂਤਤਿਵੰਤੁ ਜੋ ਮੁਕਤ ਹੈ ਤਿਸਕਾ
 ਦਰਸਨ ਪਾਇ ॥੫੩॥ ਸੋਰਠਾ ॥ ਅਬ ਮੁਝਕੋ ਤੂੰ ਜਾਨ ਜੋ ਮੈਂ ਕੈਸਾ ਅਰਜਨਾ ॥ ਬ੍ਰਹਮ ਕਾ ਬ੍ਰਹਮ ਮੁਝ
 ਮਾਨ ਮੁਖ ਤੇ ਪਰੈ ਨ ਅਉਰ ਕੋ ॥੫੪॥ ਦੋਹਰਾ ॥ ਇਤਨਿਓ ਕਾ ਨਾਮ ਬ੍ਰਹਮ ਹੈ ਸਮਝੈ ਹਿਰਦੈ ਮਾਹਿ ॥
 ਸਬਦ ਮੁਕਤਿ ਬੈਕੁੰਠ ਤ੍ਰੈ ਚਉਥਾ ਮੇਦਨ ਆਹਿ ॥੫੫॥ ਦੋਹਰਾ ॥ ਸਬਦ ਬ੍ਰਹਮ ਜੋ ਬੇਦ ਹੈ ਸੋ ਹੈ ਬ੍ਰਹਮ
 ਪ੍ਰਕਾਈ ॥ ਸਭ ਹੀ ਪਰਗਟ ਤਾਹੀ ਮੈਂ ਨਾਮਵੰਤ ਅਬਿਨਾਸ ॥੫੬॥ ਦੋਹਰਾ ॥ ਮੁਕਤ ਨਾਮ ਜੋ ਬ੍ਰਹਮ ਕਾ
 ਤਿਸਕਾ ਮੈਂ ਪ੍ਰਭ ਮੀਤ ॥ ਬੈਕੁੰਠ ਨਾਮ ਜੋ ਬ੍ਰਹਮ ਕਾ ਤਿਸਕਾ ਪ੍ਰਭ ਧਰ ਚੀਤ ॥੫੭॥ ਸੋਰਠਾ ॥ ਅਕਾਲ
 ਅਬਿਨਾਸੀ ਰੂਪ ਮੁਝ ਪੁਰਾਤਨ ਮੇਰੇ ਨਾਉ ॥ ਪਹਿਲਾਓ ਤੇ ਮੈਂ ਪਹਿਲਾ ਹੋਂ ਐਸਾ ਧਰਮ ਮੁਝ ਮਾਨ ॥੫੮॥
 ਦੋਹਰਾ ॥ ਨਿਆਰਾ ਸਭ ਬ੍ਰਹਮੰਡ ਤੇ ਅਨੰਤ ਸੁਖ ਮੇਰੇ ਧਾਮ ॥ ਪਰਮ ਬ੍ਰਹਮ ਜੋ ਏਕ ਹੈ ਸੋ ਤੂੰ ਮੁਝਕੋ ਜਾਨ
 ॥੫੯॥ ਸੋਰਠਾ ॥ ਐਸਾ ਬ੍ਰਹਮ ਸੁਖ ਰੂਪ ਹੇ ਅਰਜਨ ਮੁਝਕੋ ਜਾਨ ਤੂੰ ॥ ਮੈਂ ਗੋਬਿੰਦ ਸਰੂਪ ਜੋ ਦੀਸੈ ਸੋ ਏਕ
 ਮੈਂ ॥੬੦॥ ਟੀਕਾਕਾਰ ਵਾਚ ॥ ਚੋਪਈ ॥ ਚਤੁਰ ਦਸਵੇਂ ਧਿਆਇ ਅਤ ਸੋਭਾਵਾਨ ॥ ਅਰਜਨ ਮਾਹਿ ਕਹਿਓ
 ਭਗਵਾਨ ॥ ਇਸ ਧਿਆਇ ਕੀ ਰਹਤ ਜੋ ਧਾਰੈ ॥ ਸੋ ਖਾਲਸਾ ਹੈ ਰੂਪ ਹਮਾਰੈ ॥੬੧॥ ਖਾਲਸੇ ਮਾਹਿ ਕਿਓ

ਉਪਦੇਸ ॥ ਜੋ ਅਰਜਨ ਕੋ ਕਹੁਓ ਨਰੇਸ ॥ ਏਕ ਅਕਾਲ ਸਭੀ ਕਛੁ ਜਾਨੋ ॥ ਸੰਸਾਰ ਆਪ ਗੋਬਿੰਦ ਏਕ
 ਮਾਨੋ ॥੬੨॥ ਬਰਨ ਆਸ੍ਰਮ ਤੁਮ ਸਕਲ ਤਿਆਗੋ ॥ ਬ੍ਰਹਮ ਗਿਆਨ ਮੈਂ ਨਿਸਦਿਨ ਲਾਹੋ ॥ ਜਾਨੋ ਸਭ
 ਕਛੁ ਏਕ ਅਕਾਲ ॥ ਜੋ ਦੇਖੈ ਏਕ ਗੋਬਿੰਦ ਲਾਲ ॥੬੩॥੧੪॥ ਇਸ ਸ੍ਰੀ ਭਗਵਤ ਗੀਤਾ ਸੂਪਰਨਖਤ੍ਰੁਸੁ
 ਬ੍ਰਹਮ ਵਿਦਿਆ ਜੋਗ ਸ਼ਾਸਤ੍ਰੇ ਸ੍ਰੀ ਕ੍ਰਿਸ਼ਨ ਅਰਜਨ ਸੰਵਾਦੇ ਗੁਨਤ੍ਰੈ ਬਿਭਾਗੋ ਪਦਮ ਪੁਰਾਣੇ ਸਤੀ ਈਸ਼ੁਰ ਸੰਵਾਦੇ
 ਉਤਰ ਖੰਡੇ ਨਾਮੁ ਚਉਧਵੇਂ ਧਿਆਇ ॥ ਸ੍ਰੀ ਭਗਵਾਨੋ ਵਾਚ ॥ ਹੇ ਸ੍ਰੀ ਲਛਮੀ ਅਬ ਚਉਦਸਵੇ ਧਿਆਇ ਕਾ
 ਫਲ ਕਹਤਾ ਹੋਂ ॥ ਸੋ ਤੂੰ ਸੁਣ ॥ ਪਛਮ ਦੇਸ ਤਹਾਂ ਏਕ ਕਸ਼ਮੀਰ ਨਗਰ ਹੈ ॥ ਤਹਾਂ ਸੂਰਸਤੀ ਤੀਰਥ ਹੈ
 ਤਹਾਂ ਕੇ ਪੰਡਿਤ ਮਹਾਂ ਵਿਦਿਆਵੰਤ ਹੈ ॥ ਤਹਾਂ ਕੇ ਰਾਜਾ ਕਾ ਨਾਮ ਸੂਰਜ ਵਰਮਾ ॥ ਅਰ ਏਕ ਰਾਜਾ
 ਸਿੰਘਲਦੀਪਕਾ ਥਾ ॥ ਸੋ ਸੂਰਜ ਵਰਮਾ ਰਾ ਮਿਤ੍ਰ ਥਾ ॥ ਆਪਸ ਮੇਂ ਬਹੋਤ ਸਨੇਹ ਥਾ ॥ ਤਬ ਸਿੰਘਲਦੀਪ
 ਕੇ ਰਾਜਾ ਨੇ ਕਸ਼ਮੀਤ ਕੇ ਰਾਜਾ ਕਉ ਮੋਤੀ ਲਾਲ ਚੂਨੀ ਜਵਾਹਰ ਦਰਿਆਈ ਘੋੜੇ ਬਹੁਤ ਭੇਜੇ ॥ ਤਬ ਰਾਜਾ
 ਮੰਤ੍ਰੀ ਕਉ ਪੂਛਾ ਹੋ ਹਮ ਕਿਆ ਭੇਜੇਂ ॥ ਤਬ ਮੰਤ੍ਰੀ ਨੇ ਕਹਾ ਮਹਾਰਾਜਾ ਜੀਜੇ ਉਹਾਂ ਨ ਹੋਵੈ ਸੋ ਭੇਜੇ ॥ ਤੋ ਰਾਜਾ
 ਨੇ ਕਹਾ ਅਉਰ ਤੋ ਉਨ ਕੇ ਸਭ ਕਛੁ ਹੈ ਏਕ ਕੁਤੇ ਨਾਹੀ ਤਿਸ ਤੇ ਕੁਤੇ ਭੇਜੇ ॥ ਜੋ ਰਾਜਾ ਸ਼ਿਕਾਰ ਖੇਲੇ ॥
 ਤਬ ਕਸ਼ਮੀਰ ਕੇ ਰਾਜਾ ਨੇ ਦੋ ਖੁਤੇ ਭੇਜੇ ਤਿਨਕੇ ਸੁਇਨੇ ਕੀ ਜੰਜੀਰੀ ਮਖਮਲ ਦਰਿਆਈ ਕੀ ਗਦੀ ॥ ਤਬ
 ਡੋਲੀ ਉਪਰਿ ਬੈਠਾਇ ਕੇ ਭੇਜੇ ॥ ਤਬ ਸਿੰਘਲਦੀਪ ਕਾ ਰਾਜਾ ਬਹੁਤ ਪ੍ਰਸੰਤ ਭਇਆ ॥ ਅਰ ਕਹਣੇ ਲਗਾ
 ਅਉਰ ਤੋਂ ਮੇਰੇ ਸਭ ਕੁਛ ਥਾ ਪਰ ਸ਼ਿਕਾਰੀ ਕੁਤੇ ਨ ਥੇ ॥ ਸੋ ਮੇਰੇ ਮਿਤ੍ਰ ਨੇ ਭੇਜੇ ਹੈਂ ॥ ਤਬ ਕਿਤਨੇਕ ਦਿਨ
 ਪੀਛੈ ਏਕ ਦਿਨ ਰਾਜਾ ਸ਼ਿਕਾਰ ਖੇਲਨ ਗਇਆ ॥ ਤਬ ਸਿੰਘਲਦੀਪ ਕੇ ਰਾਜਾ ਨੇ ਅਉਰ ਰਾਜਾ ਸਿਉਂ ਸ਼ਰਤ
 ਬਾਂਧੀ ॥ ਜਿਸਕਾ ਕੁਤਾ ਸ਼ਿਕਾਰ ਮਾਰੇ ਸੋ ਸ਼ਰਤ ਜੀਤੇ ॥ ਤਬ ਉਨ ਰਾਜਾ ਅਪਨੇ ਅਪਨੇ ਕੁਤੇ ਛੋੜੇ ॥ ਏਕ
 ਸਹੀਅੜ ਥਾ ਉਸ ਉਪਰਿ ਛੋੜੇ ਸੋ ਵਹੁ ਭਾਗ ਗਇਆ ॥ ਤਬ ਕੁਤੇ ਪੀਛੈ ਦਉੜੇ ਜਾਵੇਂ ॥ ਜਬ ਸਹੀਅਰ
 ਦੂਰ ਨਿਕਸ ਗਇਆ ॥ ਤਬ ਅਉਰ ਰਾਜਾ ਕੇ ਕੁਤੇ ਪੀਛੈ ਹਟ ਰਹੇ ॥ ਇਸ ਸਿੰਘਲਦੀਪ ਕੇ ਰਾਜੇ ਕਾ ਕੁਤਾ
 ਸਸੇ ਕੇ ਪੀਛੈ ਸਉੜਾ ਗਇਆ ॥ ਤਬ ਇਸ ਕੁਤੇ ਸਸੇ ਕਉ ਪਕੜਾ ॥ ਤਬ ਰਾਜਾ ਕੇ ਲੋਕੋਂ ਨੇ ਸ਼ੋਰ ਕੀਆ

ਕੁਤਿਓ ਨੇ ਸ਼ੋਰ ਸੁਣਾ ॥ ਦੁਚਿਤਾ ਭਇਆ ਤਬ ਸਸਾ ਛੂਟਕੇ ਫਿਰਿ ਭਾਗਾ ॥ ਦਾਂਤ ਜੋ ਲਗੈ ਕੁਤੇ ਕੇ ਸਸੇ
 ਕਉ ਸੋ ਠਉਰ ਠਉਰ ਤੇ ਲੋਹੁ ਚੁਇਤਾ ਜਾਵੈ ॥ ਪੀਛੈ ਕੁਤਾ ਇਉਰਿਆ ਜਾਵੈ ॥ ਤਬ ਏਕ ਬ੍ਰਾਹਮਣ ਬਨ
 ਮੈਂ ਤਪਸਿਆ ਕਰਤਾ ਥਾ ਤਹਾਂ ਟੋਆ ਜਲ ਸਿਉਂ ਭਰ ਰਹਿਆ ਥਾ ॥ ਉਸ ਟੋਏ ਮੈਂ ਸਸਾ ਜਇ ਗਿੜਾ ॥
 ਪੀਛੈ ਕੁਤਾ ਜੋ ਦਉੜਤਾ ਆਵਤਾ ਥਾ ਸੋ ਭੀ ਗਿੜਾ ॥ ਤਬ ਗਿੜਤੇ ਹੀ ਤਤਕਾਲ ਦੋਨੋਂ ਕੀ ਦੇਹ ਛੂਟੀ ਦੇਵ
 ਦੇਹੀ ਪਾਈ ॥ ਵਿਮਾਨ ਪਰ ਬੈਠਕੇ ਵਈਕੁੰਠ ਚਲੇ ॥ ਤਬ ਇਤਨੇ ਮੈਂ ਪੀਛੈ ਤੇ ਰਾਜਾ ਆਇਆ ॥ ਜਉ ਦੇਖੈ
 ਤਉ ਕੁਤਾ ਅਰੁ ਸਸਾ ਦੋਨੋਂ ਮੂਏ ਪੜੇ ਹੈਂ ॥ ਤਬ ਰਾਜਾ ਨੇ ਉਨ ਕਉ ਪੂਛਾ ਤੁਮ ਕਉਣ ਹੋ ॥ ਤਬ ਉਹ ਬੋਲੇ
 ॥ ਮੈਂ ਸਸਾ ਹੋਂ ਇਹੁ ਕੁਤਾ ਹੈ ਰਾਜਾ ਤੇਰਾ ਕਲਿਆਨ ਹੋਇ ॥ ਤੈਨੇ ਹਮਾਰਾ ਉਧਾਰ ਕੀਆ ਹੈ ਤੂੰ ਧੰਨ ਹੈਂ ॥
 ਤਬ ਰਾਜਾ ਬੋਲਿਆ ਤਮ ਕਿਸ ਪੁੰਨ ਤੇ ਉਧਰੇ ਹੋ ਸੋ ਕਹੋ ॥ ਤਬ ਦੇਵ ਰੂਪ ਧਰੇ ਬੋਲੇ ਹਮ ਤੋ ਨਹੀਂ ਜਾਨਤੇ
 ਪਰ ਇਸ ਜਲ ਕੇ ਛੁਹੇ ਤੇ ਹੀ ਉਧਰੇ ਹੈਂ ॥ ਇਤਨਾ ਕਹਿਕੇ ਵਹਿ ਤੋ ਵਈਕੁੰਠ ਗਏ ॥ ਤਬ ਰਾਜਾ ਨੇ ਬ੍ਰਾਹਮਣ
 ਕਉ ਪੂਛਾ ਹੇ ਮਹਾਰਾਜ ਕਛੁ ਕਉਤਕ ਤੁਮ ਨੇ ਭੀ ਦੇਖਾ ॥ ਜੋ ਦੁਇ ਜੀਵ ਇਸ ਜਲ ਕੇ ਛੁਹਨੇ ਸੋ ਛੂਟੈ ॥
 ਦੇਵ ਦੇਹੀ ਪਾਈ ਬਿਬਾਨ ਉਪਰਿ ਬੈਠ ਵੈਕੁੰਠ ਗਏ ਇਹੁ ਜਲ ਕੈਸਾ ਹੈ ਸੋ ਮੁਖ ਕਉ ਕਹੋ ॥ ਤਬ ਬ੍ਰਾਹਮਣ
 ਬੋਲਿਆ ॥ ਮੇਰਾ ਗੁਰ ਹੈ ਨਾਮ ਤਿਸਕਾ ਮੇਧਾਵੀ ਹੈ ਸੋ ਮੇਰਾ ਗੁਰ ਈਹਾਂ ਚਰਣ ਧੋਤਾ ਹੈ ਅਰ ਮੈਂ ਭੀ ਚਰਣ
 ਧੋਤਾ ਹੋਂ ॥ ਮੁੰਹੁ ਹਾਥ ਧੋਤਾ ਹੋਂ ਪਵਿਤ੍ਰ ਹੋਇਕੇ ਤਬ ਗੀਤਾ ਕਾ ਚਉਦਸਵਾਂ ਧਿਆਇ ਮੇਰਾ ਗੁਰ ਮੁਝ ਕਉ
 ਪੜਾਵਤਾ ਹੈ ॥ ਸੋ ਏਹੋ ਜਲਿ ਹੈ ॥ ਤਬ ਰਾਜੇ ਨੇ ਕਹਾ ਪੂਰਨ ਪੁੰਨੋਂ ਸਿਉਂ ਸਾਧ ਵੈਸਨੋਂ ਕਾ ਚਰਣਾਮ੍ਰਿਤ ਪਾਈਤਾ
 ਹੈ ਇਨੋਂ ਕੇ ਕਉਨ ਪੁੰਨ ਕੀਆ ਥਾ ਸੋ ਮੁਝ ਕਉ ਕਹੋ ॥ ਤਬ ਉਸ ਬ੍ਰਾਹਮਣ ਨੇ ਉਨਕੇ ਪਹਿਲੇ ਜਨਮ ਕੀ ਕਥਾ
 ਕਹੀ ॥ ਇਹ ਸਸਾ ਪਹਿਲੇ ਜਨਮ ਕਾ ਬ੍ਰਾਹਮਣ ਹੈ ॥ ਧਰਮ ਤੇ ਭ੍ਰਸ਼ਟ ਹੁਆ ਥਾ ਅਰੁ ਇਹੁ ਕੁਤਾ ਇਸਕੀ
 ਪੂਰਬਲੇ ਜਨਮ ਕੀ ਇਸਤ੍ਰੀ ਥੀ ॥ ਏਕ ਦਿਨ ਇਸਤ੍ਰੀ ਸਾਥ ਲੜਾ ॥ ਇਸ ਇਸਤ੍ਰੀ ਨੇ ਵਿਖ ਦੇਕੇ ਬ੍ਰਾਹਮਣ
 ਕਉ ਮਾਰਾ ॥ ਤਬ ਪੀਛੈ ਤੇ ਏਭੀ ਮੂਈ ਤਬ ਇਨ ਦੋਨੋਂ ਕਉ ਜਮ ਲੋਕ ਲੇ ਗਏ ਧਰਮਰਾਜਾ ਕੇ ਪਾਸ ॥ ਤਬ
 ਧਰਮਰਾਇ ਨੇ ਕਹਾ ਇਸ ਬ੍ਰਾਹਮਣ ਕਉ ਸਸੈ ਕਾ ਜਨਮ ਦੇਵਉ ॥ ਯਹ ਇਸਕੀ ਇਸਤ੍ਰੀ ਕਉ ਕੁਤੇ ਕਾ ਜਨਮ

ਬ੍ਰਿਛੇ ਕੇ ਲੋਗ ॥ ਝਖੜ ਤੇ ਤਰਵਰ ਤਿੜਨ ਨ ਹੋਗ ॥ ਕੁਟੰਬ ਲੋਕ ਜੋ ਇਨ ਕੇ ਕੰਧੇ ॥ ਇਹ ਜੇਵੜੇ ਤਰਵਰ
 ਕੋ ਬੰਧੇ ॥੧੦॥ ਇਸ ਬ੍ਰਿਛ ਕਾ ਪਵਨ ਏਹੁ ਜਾਨੋ ॥ ਮੁਝ ਮਾਹਿਮਾ ਸੰਤ ਸੰਗ ਪਛਾਨੋ ॥ ਜਬ ਸਤਸੰਗ
 ਮੈਂ ਮਹਿਮਾ ਕਰੈ ॥ ਇਸ ਪਵਨ ਸੋ ਬ੍ਰਿਛ ਗਿੜ ਪੜੈ ॥੧੧॥ ਐਸਾ ਰੂਫ ਤਰਵਰ ਜੋ ਕਹਾ ॥ ਕਿਨਹੂੰ ਇਸ
 ਕਾ ਭੇਦ ਨ ਲਹਾ ॥ ਜਾਨੈ ਨਾਹੀਂ ਮੈਂ ਬ੍ਰਿਛ ਕੋ ਰੂਪ ॥ ਕਹੈ ਮੈਂ ਦੇਹਿ ਮਾਨੁਖ ਸਰੂਪ ॥੧੨॥ ਕਹੈ ਅਮਕਾ
 ਹੈ ਮੇਰਾ ਨਾਉ ॥ ਅਮਕੀ ਜਾਤਿ ਅਪਨੀ ਕਹਿ ਗਾਇ ॥ ਸਮਝੈ ਨਾਹੀਂ ਕੋ ਇਹ ਬਾਤ ॥ ਸੰਸਾਰ ਕਹਾਂ ਤੇ
 ਆਇਓ ਤਾਤ ॥੧੩॥ ਅਰੁ ਬਹੁੜ ਕਹਾ ਜਾਇਗਾ ਦੇਹੁ ॥ ਅਬ ਠਾਢਾ ਕਿਸ ਪਰ ਜਗ ਤੇਹੁ ॥ ਐਸਾ
 ਅਸੂਬ ਨਾਮਾ ਸੰਸਾਰ ॥ ਤਿਸਕਾ ਮੂਲ ਤੂ ਮੁਝੈ ਬੀਚਾਰ ॥੧੪॥ ਬ੍ਰਿਛ ਉਪਰਿ ਜੀਵ ਪੰਛੀ ਬਸੈ ॥ ਮਾਇਆ
 ਪ੍ਰਪੰਚ ਕਪਟ ਮੈਂ ਰਸੈ ॥ ਭ੍ਰਮਤ ਫਿਰੈ ਵਹੁ ਮਾਇਆ ਮਾਹਿ ॥ ਐਸਾ ਜੀਵ ਤਿਸ ਉਪਰਿ ਆਹਿ ॥੧੫॥
 ਹਉਂ ਜੋ ਬ੍ਰਿਛ ਰੂਪ ਹੋ ਆਪ ॥ ਅਬ ਕਛੁ ਸੁਨ ਮੇਰੇ ਪਰਤਾਪ ॥ ਮੇਰੇ ਮੂਲ ਅਨੰਦ ਸਰੂਪ ॥ ਦਿਬ ਸੁਖ ਅਰ
 ਪਰਮ ਅਨੂਪ ॥੧੬॥ ਨਾਨਾ ਪ੍ਰਕਾਰ ਜੋ ਕਈ ਅਵਤਾਰ ॥ ਅਦਭੁਤ ਕਰਮ ਤਿਹ ਮਾਹਿ ਬੀਚਾਰ ॥ ਜੋ ਇਸ
 ਬ੍ਰਿਛ ਕੇ ਪਤਰ ਜਾਨੋ ॥ ਮਹਿਮਾ ਮੁਝ ਸਾਖਾ ਪਹਿਚਾਨੋ ॥੧੭॥ ਸਾਸਤ੍ਰ ਬੇਦਾਂਤ ਭਾਗਵਤ ਗੀਤਾ ॥ ਸੋ
 ਇਸ ਬ੍ਰਿਛ ਕੇ ਫਲ ਹੈਂ ਮੀਤਾ ॥ ਜੋ ਨਰ ਜਗ ਮੈਂ ਬਪ ਕੋ ਧਾਰੈ ॥ ਸੰਸਾਰ ਬ੍ਰਿਛ ਸੋ ਤਿਆਗ ਬੀਚਾਰੈ ॥੧੮॥
 ਮੁਝ ਅਨੰਤ ਬ੍ਰਿਛ ਕੀ ਸਰਨੀ ਆਵੈ ॥ ਸੋ ਨਿਰਭਉ ਅਨੰਦ ਸੁਖ ਪਾਵੈ ॥ ਜਿਤ ਪ੍ਰਕਾਰ ਸੰਸਾਰ ਬ੍ਰਿਛ ਤਿਆਗੈ
 ॥ ਭਗਵਾਨ ਬ੍ਰਿਛ ਕੀ ਸਰਨੀ ਲਾਗੈ ॥੧੯॥ ਸੋ ਪਰਕਾਰ ਸੁਨੋ ਰੇ ਮੀਤ ॥ ਪ੍ਰਥਮੈਂ ਕਰੈ ਤਿਆਗ ਸੋ ਪ੍ਰੀਤ
 ॥ ਗ੍ਰਿਹਸਤ ਤਿਆਗ ਭਇਓ ਕੁਠਾਰ ॥ ਤਿਸਕੋ ਕਾਟੈ ਬ੍ਰਿਛ ਸੰਸਾਰ ॥੨੦॥ ਤਿਸਤੇ ਬਹੁੜ ਜਨਮ ਨਹੀਂ
 ਪਾਵੈ ॥ ਐਸੇ ਬਚਨ ਕਹਿ ਮੁਝਕੋ ਗਾਵੈ ॥ ਦ੍ਰਿੜ ਨਿਸਚਾ ਹੋਇ ਮੇਰੇ ਸਾਥ ॥ ਵਹੀ ਨਿਸਚਾ ਤਿਸ ਨਰ ਕੋ
 ਹਾਥ ॥੨੧॥ ਤਿਆਗ ਕੁਠਾਰ ਤਿਸ ਹਾਥ ਸੋ ਪਕੜੈ ॥ ਬ੍ਰਿਛ ਸੰਸਾਰ ਕੇ ਕਾਟੈ ਲਕੜੈ ॥ ਕੁਟੰਬ ਤਿਆਗ
 ਜੋ ਮੁਝ ਸਰਨੀ ਆਵੈ ॥ ਅਤੀਤ ਜਗਤ ਸੋ ਵਹੀ ਕਹਾਵੈ ॥੨੨॥ ਜਬ ਅਤੀਤ ਵਹੁ ਜਗ ਤੇ ਹੋਇ ॥ ਐਸੇ
 ਮਾਰਗ ਜਾਵੈ ਸੋਇ ॥ ਜਿਸਤੇ ਬਹੁੜ ਜਨਮ ਨਹੀਂ ਪਾਵੈ ॥ ਐਸੇ ਬਚਨ ਕਹਿ ਮੁਝ ਕੋ ਗਾਵੈ ॥੨੩॥ ਕਹੈ

ਰੋਗ ਠਉਰ ਠਉਰ ਫੇਰੈ ਜੀਵ ਕੋ ॥੩੯॥ ਦੋਹਰਾ ॥ ਇਹ ਬਪੁ ਜੀਵ ਤਿਆਗਤਾ ਤਿਸਕਾ ਸੁਣ ਦ੍ਰਿਸਟਾਂਤ
 ॥ ਚਰਨ ਉਲਾਂਘ ਜੋ ਨਰੋਂ ਕੀ ਐਸੀ ਹੈ ਤਿਹ ਭਾਂਤ ॥੪੦॥ ਦੋਹਰਾ ॥ ਪਹਿਲਾ ਚਰਨ ਆਗੈ ਰਖੈ ਫਿਰਿ
 ਦੂਜਾ ਰਾਖੈ ਸੋਇ ॥ ਤਿਉਂ ਜੀਉ ਦੇਹਿ ਤਿਆਗ ਕਰਿ ਅਉਰ ਦੇਹਿ ਮੈਂ ਹੋਇ ॥੪੧॥ ਦੋਹਰਾ ॥ ਜਿਉਂ
 ਵਿਲੰਭਿ ਦੁਲਾਘ ਮੈਂ ਤਿਸਤੇ ਭੀ ਅਤ ਲਘ ॥ ਏਹ ਜੀਉ ਦੇਹ ਤਿਆਗ ਕੈ ਲਾਗੈ ਅਵਰ ਬਪ ਮਗ ॥੪੨॥
 ਰੇਖਤਾ ਅਥਾ ਅੜਿਲ ॥ ਜੈਸੀ ਬਾਸਨਾ ਜੀਵ ਅਪਨੇ ਬਪ ਮੈਂ ਰਾਖਤਾ ॥ ਤੈਸੇ ਹੀ ਵਹੁ ਫਲ ਅਉਰ ਦੇਹ ਮੈਂ
 ਚਾਖਤਾ ॥ ਗੰਧ ਦੁਰੰਧ ਸਪਰਸ਼ ਜਿਉਂ ਮਾਰਤ ਕਰਤ ਹੈ ॥ ਅਪਨੇ ਆਪ ਮੈਂ ਬਾਸ ਤੈਸੇ ਹੀ ਵਹੁ ਧਰਤ ਹੈ
 ॥ ਐਸੇ ਹੀ ਵਹੁ ਜੀਵ ਬਾਸਨਾ ਕੇ ਸੰਗ ॥ ਜੀਵ ਇੰਦ੍ਰੀ ਅਧਾਰ ਭੋਗੈ ਬਾਸ ਰੰਗ ॥ ਚਖ ਸੋਤ੍ਰ ਸਰਰਸ਼ ਤੁਚਾ
 ਰਸਨਾ ਜੋ ਆਹੀ ॥ ਛਠਵੇਂ ਮਨ ਸੋ ਮਿਲ ਜੀਵ ਬਿਖਿਆ ਭੋਗ ਤਾਹੀ ॥ ਭੋਜਨ ਖਾਨ ਤੇ ਆਦਿ ਅਵਰ ਕਾਰਜ
 ਜੀਵ ਕਰਤਾ ॥ ਮਨ ਇੰਦ੍ਰੀਓਂ ਕੇ ਸਾਥ ਮਿਲਿਆ ਕਾਰਜ ਧਰਤਾ ॥ ਸੂਰਖੋ ਕਉ ਇਹ ਕਉਤਕ ਦ੍ਰਿਸ਼ਟ ਨ
 ਆਵਤਾ ॥ ਗਿਆਨ ਨੇਤ੍ਰ ਸੋ ਕਉਤਕ ਗਿਆਨੀ ਪਾਵਤਾ ॥੪੩॥ ਚੌਪਈ ॥ ਗਿਆਨੀ ਭਗਤ ਕੈਸਾ ਹੋਇ
 ॥ ਨਿਸ ਦਿਨ ਜੁੜੈ ਮੁਝ ਸੰਗ ਸੋਇ ॥ ਸੋ ਅਪਨੇ ਆਤਮ ਕੇ ਮਾਹਿ ॥ ਦੇਖੈ ਸਕਲ ਕਉਤਕ ਤਾਹਿ ॥ ਸੋ
 ਨਿਰਮਲ ਮਤ ਦੇਖੈ ਕੋਇ ॥ ਅਗਿਆਨੀ ਪੇਖੈ ਨਾਹੀ ਸੋਇ ॥ ਗਿਆਨੀ ਮੇਰੀ ਮਹਿਮਾ ਦੇਖ ॥ ਮੁਝੈ ਸਲਾਹਤਾ
 ਸਭ ਪੇਖ ॥ ਕਹਤਾ ਧਨ ਕਰਤਾ ਪੁਰਖ ॥ ਜਿਸ ਸੋ ਪਾਵਤੇ ਸਭ ਹਰਖ ॥ ਰਚਨਾ ਰਚੀ ਜਿਹ ਇਹੁ ਆਪ
 ॥ ਸਭ ਕੇ ਮਧ ਰਹਿਆ ਬਿਆਪ ॥ ਐਸੀ ਪ੍ਰੀਥ ਸੋ ਵਹੁ ਹੋਇ ॥ ਸਿਮਤਨ ਅਬ ਕਹੈ ਮੈਂ ਤੋਹਿ ॥ ਜਿਉਂ
 ਅੰਬਕਰ ਲਗਾਵੈ ਕੋਇ ॥ ਵਹੁ ਹਰਤਾਮਲ ਕਹੀਐ ਸੋਇ ॥ ਤੈਸੇ ਹਸਤਾਮਲ ਤੁਝਕੋ ਕਹੈ ॥ ਅਪਨਾ ਕਉਤਕ
 ਸਭ ਜਗ ਲਹੈ ॥ ਹੇ ਅਰਜਨ ਸੁਨੋ ਮੇਰੇ ਮੀਤ ॥ ਜੋ ਮੈਂ ਕਹੈ ਰਾਖੋ ਚੀਤ ॥ ਰਵ ਮੈਂ ਤੇਜ ਜੇਤਾ ਆਹਿ ॥
 ਬ੍ਰਹਮਾਂਡ ਮਾਹਿ ਪ੍ਰਕਾਸ਼ ਕਰਾਹਿ ॥ ਸੋ ਰਵ ਮੈਂ ਜੇਤ ਮੇਰੀ ਜਾਨ ॥ ਕਉਤਕ ਸਕਲ ਮੇਰਾ ਮਾਨ ॥ ਜੋ ਸਸ
 ਅਗਨ ਮੋਂ ਪਰਕਾਸ਼ ॥ ਸੋ ਪ੍ਰਕਾਸ਼ ਮੇਰਾ ਤਾਸ ॥ ਜੋ ਜਨ ਪਚਾਸ ਕੋਟ ਜੋ ਭੂਮ ॥ ਜਿਸ ਮੋਂ ਨਗਰ ਸਾਗਰ
 ਧੂਮ ॥ ਪਰਬਤ ਨਦੀ ਬਹੁ ਜਿਸ ਮਾਹਿ ॥ ਜੰਗਲ ਗਣਤ ਮੈਂ ਨਹੀਂ ਆਹਿ ॥ ਸੋ ਮੇਰੇ ਬਲ ਉਠਾਏ ਓਇ

॥ ਅਰਜਨ ਦੇਖ ਕਉਤਕ ਸੋਇ ॥੪੪॥ ਦੋਹਰਾ ॥ ਮਾਨੁਖੋਂ ਕੇ ਜੋ ਅੰਨ ਹੈਂ ਅਰ ਤਰਵਰ ਅਪ ਹੈ ਜੋਇ ॥
 ਸਭੁ ਮਾਹਿ ਜੋ ਮਧਰਤਾ ਸੋ ਸਭ ਸਸਤੇ ਸੋਇ ॥੪੫॥ ਦੋਹਰਾ ॥ ਸੋ ਸਸ ਮੇਰੋ ਰੂਪ ਹੈ ਸਭ ਕੋ ਦੇਵੋ ਸੁਆਦ
 ॥ ਮੇਰੀ ਲੀਲਾ ਦੇਖ ਤੂੰ ਮੈਂ ਪ੍ਰਭ ਪਰਮ ਅਨਾਦ ॥੪੬॥ ਦੋਹਰਾ ॥ ਸਭ ਪ੍ਰਾਨੀਓ ਕੇ ਉਦਰ ਮੈਂ ਮੈਂ ਬਿਆਪਿਆ
 ਹੋਂ ਯਾਰ ॥ ਪ੍ਰਾਨ ਅਪਾਨ ਜੋ ਵਾਉ ਹੈ ਸੋ ਸਭ ਮੁਝੈ ਬੀਚਾਰ ॥੪੭॥ ਦੋਹਰਾ ॥ ਅਗਨ ਵਾਉ ਸਨਬੰਧ ਤੇ
 ਪ੍ਰਾਨੀ ਜੋ ਅੰਨ ਖਾਹਿ ॥ ਭੋਜਨ ਹੈ ਵਹੁ ਚਾਰ ਭਾਂਤ ਭਿੰਨ ਭਿੰਨ ਭਾਖੋ ਤਾਹਿ ॥੪੮॥ ਦੋਹਰਾ ॥ ਅਗਨ ਸੰਤ
 ਜੋ ਹੋਤ ਹੈ ਸੋ ਅੰਨ ਪਕ ਹੈ ਮੀਤ ॥ ਚਣਾ ਚਾਵਲ ਤੇ ਆਦ ਲੇ ਏ ਭੋਜਨ ਪਰ ਚੀਤ ॥੪੯॥ ਦੋਹਰਾ ॥ ਅੰਬ
 ਹਿੰਦਵਾਣਾ ਅਵਰ ਫਲ ਸਭ ਲੇਹਜ ਤੂੰ ਜਾਨ ॥ ਸਰਬਤ ਦੂਧ ਅਪ ਆਦਿ ਤੇ ਸੋ ਚੋਹਜ ਪਹਿਚਾਨ ॥੫੦॥
 ਦੋਹਰਾ ॥ ਹੇ ਅਰਜਨ ਅਬ ਅਉਰ ਸੁਨ ਅਸਭੁਤ ਅਚਰਜ ਬਾਤ ॥ ਰਿਦੈ ਸਭੁ ਕੇ ਬੈਠ ਕਰਿ ਐਸੇ ਕਰਿਹੋ
 ਤਾਤ ॥੫੧॥ ਦੋਹਰਾ ॥ ਦੇਵੋ ਗਿਆਨ ਤਿਸ ਰਿਦੇ ਮੋਂ ਕਰਮ ਕਰਾਵੋ ਸੁਧ ॥ ਕਰਮੋਂ ਕੇ ਪਰਸਾਦ ਤੇ ਸੁਖ
 ਪਾਵੈ ਵਹੁ ਬੁਧ ॥੫੨॥ ਦੋਹਰਾ ॥ ਮੈਂ ਹੀ ਰਿਦੈ ਮੈਂ ਬੈਠ ਕਰਿ ਕਰਮ ਕਰਾਵੋ ਮੰਦ ॥ ਅਗਿਆਨ ਮਾਹਿ ਵਹੁ
 ਦੁਖ ਸੋ ਮੂਰਖ ਮਤ ਅੰਧ ॥੫੩॥ ਦੋਹਰਾ ॥ ਜਾਨਨ ਜੋਗ ਜੋ ਬੇਦ ਮੈਂ ਸੋ ਸਭ ਮੁਝਕੋ ਜਾਨ ॥ ਬੇਦ ਹਾਰੀ ਕਹਿ
 ਨੇਤ ਨੇਤ ਮੁਝ ਮਹਿਮਾ ਪਹਿਚਾਨ ॥੫੪॥ ਦੋਹਰਾ ॥ ਕਰਨ ਹਾਰ ਹੋ ਬੇਦ ਕਾ ਜਾਨਨ ਹਾਰ ਹੋ ਆਪ ॥ ਅੰਤ
 ਕਰੋ ਜਬ ਬੇਦ ਕਾ ਨੇਤ ਨੇਤ ਜਪ ਜਾਪ ॥੫੫॥ ਚੌਪਈ ॥ ਹੇ ਅਰਜਨ ਤੁਝ ਅਉਰ ਸੁਨਾਉਂ ॥ ਸੰਸਾਰ ਬਿਖੇ
 ਦੋ ਪੁਰਖ ਬਤਾਉਂ ॥ ਏਕ ਅਬਿਨਾਸੀ ਦੁਤੀ ਬਿਨਾਸ ॥ ਦੇਹਿ ਜੀਵ ਨਾਮ ਹੈ ਤਾਸ ॥੫੬॥ ਜੀਵ ਅਬਿਨਾਸੀ
 ਨਾਮ ਕਹਾਵੈ ॥ ਦੇਹਿ ਬਿਨਾਸੀ ਸਭ ਕੋ ਗਾਵੈ ॥ ਇਤਨੇ ਅਉਰ ਉਤਮ ਪਰਧਾਨ ॥ ਤੀਸਰਾ ਤੂੰ ਪਰਮਾਤਮ
 ਜਾਨ ॥੫੭॥ ਤਿਸ ਪਰਮਾਤਮ ਇਹ ਪਰਤਾਪ ॥ ਤ੍ਰਿਲੋਕੀ ਮਾਂਹਿ ਏਕ ਵਹੁ ਆਪ ॥ ਤ੍ਰਿਲੋਕੀ ਹੋਇ ਜਬ
 ਨੈਨ ਉਘਾਰੈ ॥ ਸਵੀ ਥਾਂਭ ਸਭ ਕੋ ਤੋਖਾਰੈ ॥੫੮॥ ਐਸਾ ਈਸਰ ਪਰਮਾਤਮ ਹੋਇ ॥ ਪੁਰਖੋਤਮ ਪੁਰਖ
 ਏਕ ਹੈ ਸੋਇ ॥ ਬਿਨਾਸ ਪੁਰਖ ਜੋ ਦੀਸੈ ਦੇਹਿ ॥ ਪਰਮਾਤਮ ਸੋ ਤਿਸ ਨਾਹੀਂ ਨੇਹਿ ॥੫੯॥ ਦੇਹਿ ਸੰਗ ਗਿਸ
 ਕਾਰਜ ਨਾਹੀਂ ॥ ਅਤੀਤ ਦੇਹਿ ਤੇ ਆਤਮ ਆਹੀ ॥ ਅਬਿਨਾਸੀ ਜੀਵ ਦੂਸਰਾ ਹੋਇ ॥ ਉਤਮ ਤਿਹ ਤੇ ਆਤਮ

ਹੋਇ ॥੬੦॥ ਲੋਕੋਂ ਮਧ ਅਰ ਬੇਦੋਂ ਮਾਹੀ ॥ ਪੁਰਖੋਤਮ ਨਾਮ ਤਿਸ ਆਤਮ ਆਹੀ ॥ ਸੋ ਮੁਝ ਸਿਮਤਨ ਐਸਾ
ਕਰੋ ॥ ਮੇਰਾ ਭਜਨ ਨਿਸ ਦਿਨ ਮਨ ਧਰੋ ॥੬੧॥ ਜੋ ਗਿਆਨੀ ਭਗਤ ਐਸਾ ਕੋ ਹੋਇ ॥ ਪੁਰਖੋਤਮ ਪੁਰਖ
ਮੁਝਕੋ ਜਾਨੈ ਸੋਇ ॥ ਹੇ ਅਰਜਨ ਤੂੰ ਐਸੇ ਜਾਨ ॥ ਪੁਰਖੋਤਮ ਪੁਰਖ ਤੂੰ ਮੁਝੇ ਪਹਿਚਾਨ ॥੬੨॥ ਹੇ ਪਾਰਬ
ਨਿਹਪਾਪ ਸੁਜਾਨ ॥ ਗੁਹਜ ਸ਼ਾਸਤ੍ਰ ਮੁਝ ਕੀਆ ਬਖਾਨ ॥ ਐਸਾ ਗਿਆਨ ਰਾਖੇ ਤੁਮ ਚੀਤ ॥ ਇਸਨਾਨ
ਕਰੋ ਇਸ ਮੋ ਤੁਮ ਨੀਤ ॥੬੩॥ ਇਸਨਾਨ ਅਰਬ ਸੁਨ ਤੂੰ ਯਾਰ ॥ ਸੁਨਨ ਪੜਨ ਧਾਰਨ ਬੀਚਾਰ ॥ ਐਸਾ
ਇਸਨਾਨ ਕਰੈ ਜੋ ਕੋਇ ॥ ਅਰਜਨ ਵਹੀ ਕ੍ਰਿਤਾਰਥ ਹੋਇ ॥੬੪॥ ਟੀਕਾਕਾਰ ਵਾਚ ॥ ਚੌਪਈ ॥ ਪੂਰਨ
ਭਇਆ ਪੰਚ ਦਸਵੇਂ ਧਿਆਇ ॥ ਪੁਰਖੋਤਮ ਜੋਗ ਨਾਮ ਚਿਤ ਲਾਇ ॥ ਜੋ ਉਤਮ ਇਸ ਮਾਹੀ ਗਿਆਨ ॥
ਪੜੇ ਸੁਨੇ ਧਾਰੇ ਅਰਮਾਨ ॥੬੫॥ ਸੋ ਨਰ ਆਪ ਬਿਸਨ ਹੀ ਹੋਇ ॥ ਬਿਸਨ ਬਿਨਾ ਦੂਜਾ ਨਾਹੀਂ ਕੋਇ ॥
ਹੇ ਖਾਲਸਾ ਹਮ ਤੁਮ ਸਭ ਬਿਸਨ ॥ ਜੋ ਦੇਖੋ ਸੋ ਏਕੋ ਕ੍ਰਿਸਨ ॥ ਸਭੀ ਅਕਾਲ ਏਕ ਤੁਮ ਜਾਨੋ ॥ ਅਕਾਲ
ਰੂਪ ਸੰਸਾਰ ਅਸਭ ਮਾਨੋ ॥੬੬॥੧੫॥ ਇਸ ਸ੍ਰੀ ਭਗਵਤ ਗੀਤਾ ਸੂਪਰਨਖਤ੍ਰ ਸੁ ਬ੍ਰਹਮ ਵਿਦਿਆ ਜੋਗ ਸਾਸਤ੍ਰੇ
ਸ੍ਰੀ ਕ੍ਰਿਸ਼ਨ ਅਰਜਨ ਸੰਵਾਦੇ ਪਦ ਪੁਰਾਣੇ ਸਤੀ ਈਸੁਰ ਸੰਵਾਦੇ ਉਤਰ ਖੰਡੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਪੰਚ ਦਸਮੇ
ਧਿਆਇ ॥੧੫॥ ਆਗੈ ਇਸਕਾ ਮਹਾਤਮ ਚਲਿਆ ॥ ਸ੍ਰੀ ਭਗਵਾਨੋ ਵਾਚ ॥ ਹੇ ਲਛਮੀ ਤੁਮ ਸਿਉ ਪੰਧੁਵੇਂ
ਧਿਆਇ ਕਾ ਫਲ ਕਹਤਾ ਹੋ ਸੋ ਤੂੰ ਸੁਣ ॥ ਏਕ ਗਉੜ ਦੇਸ ਹੈ ਤਹਾਂ ਕਾ ਰਾਜਾ ਥਾ ਨਾਮ ਉਸਕਾ ਨਰਸਿੰਘ
॥ ਤਿਸ ਕੇ ਮੰਤ੍ਰੀ ਕਾ ਨਾਮ ਸਰਭ ਥਾ ॥ ਮਨ ਮੈਂ ਕਹੈ ਇਹ ਮੇਰਾ ਪਰਧਾਨ ਬਹੁਤ ਭਲਾ ਹੈ ॥ ਅਰ ਇਸ
ਸਰਭ ਮੰਤ੍ਰੀ ਕੇ ਮਨ ਮੈਂ ਕਪਟ ਥਾ ॥ ਮਨ ਮੈਂ ਵਿਚਾਰ ਕਰੇ ਜੋ ਇਸ ਰਾਜਾ ਕਉ ਕਿਸੀ ਪ੍ਰਕਾਰ ਮਾਰਉਂ ਬਹੁਤ
ਦਿਨ ਗੁਜਰੇ ਜੋ ਇਕ ਦਿਨ ਰਾਜਾ ਸੋਇਆ ਪੜਾ ਥਾ ਅਰ ਸਭ ਲੋਕ ਮਹਲ ਕੇ ਭੀ ਸੋਏ ਥੇ ॥ ਸੋ ਇਸ ਮੰਤ੍ਰੀ
ਨੇ ਸਭ ਮਾਰੇ ॥ ਰਾਜਾ ਕਉ ਭੀ ਮਾਰਾ ਰਾਜਾ ਕਾ ਪੁਤ੍ਰ ਭੀ ਮਾਰਾ ॥ ਰਾਜਾ ਕੀ ਇਸਤ੍ਰੀ ਮਾਰੀ ਸੋਵਤਿਓਂ ਕਉ
ਮਾਰਾ ॥ ਤਬ ਰਾਜ ਆਪ ਲਾਗਾ ਕਰਨੇ ॥ ਤਬ ਕਿਤਨੇਕੁ ਵਰਖ ਗੁਜਰੇ ॥ ਇਸ ਸਰਭ ਮੰਤ੍ਰੀ ਨੇ ਭੀ ਪ੍ਰਾਨ
ਛੋਡੇ ॥ ਖੋਟੀ ਮਉਤ ਸੋ ਮੂਆ ॥ ਤਬ ਜਮ ਉਨ ਕਉ ਬਾਂਧ ਕਰਿ ਮਾਰਤੇ ਲੇ ਗਏ ॥ ਤਬ ਧਰਮਰਾਜਾ ਨੇ ਪੂਛਾ

ਕਿਆ ਹੈ ਤਬ ਯਮ ਬੋਲੇ ਮਹਾਂ ਪਾਪੀ ਹੈ ॥ ਤਬ ਧਰਮਰਾਜਾ ਨੇ ਆਗਿਆ ਦਈ ॥ ਇਸ ਕਉ ਬਡੇ ਘੋਰ
 ਨਰਕ ਮੈਂ ਡਾਲੇ ॥ ਐਸੇ ਸਭ ਨਰਕ ਭੁਗਾਏ ॥ ਤਬ ਆਗਿਆ ਦਈ ਇਕ ਕਉ ਘੋੜੇ ਕਾ ਜਨਮ ਦੇਵੇ ॥
 ਤਬ ਸਿੰਘਲ ਦੇਸ ਮੈਂ ਘੋੜੇ ਕਾ ਜਨਮ ਦੀਆ ॥ ਸੋ ਇਸ ਘੋੜੇ ਕੀ ਦੇਹੀ ਬੜੀ ਅਰ ਬਡੇ ਮੋਲ ਕਾ ਥਾ ਤਬ
 ਏਕ ਵਣਜਾਰਾ ਘੋੜਿਉਂ ਕਾ ਵਾਪਾਰੀ ਉਸ ਨਗਰ ਮੈਂ ਆਇਆ ਉਸ ਨੇ ਘੋੜੇ ਕਉ ਮੋਲ ਲੀਆ ਅਉਰ ਘੋੜਿਉਂ
 ਕੇ ਸਾਥ ॥ ਸੋ ਉਹ ਵਾਪਾਰੀ ਅਪਨੇ ਦੇਸ ਕਉ ਆਇਆ ਘੋੜੇ ਲੇ ਆਇਆ ॥ ਤਬ ਰਾਜਾ ਕੇ ਲੋਕੋਂ ਨੇ ਰਾਜਾ
 ਕਉ ਕਹਾ ਏਕ ਵਾਪਾਰੀ ਭਲੇ ਘੋੜੇ ਲੇ ਆਇਆ ਹੈ ॥ ਤੁਮ ਕਉ ਚਾਹੀਐ ਤਉ ਲੇਵਉ ॥ ਤਬ ਰਾਜਾ ਨੇ
 ਉਸ ਵਾਪਾਰੀ ਕਉ ਬੁਲਾਇਆ ॥ ਘੋੜੇ ਉਸ ਕੇ ਭਲੇ ਭਲੇ ਮੋਲ ਲੀਏ ॥ ਤਬ ਇਸ ਸਿੰਘਲ ਦੇਸ ਕੇ ਘੋੜੇ
 ਕਉ ਭੀ ਮੋਲ ਲੀਆ ॥ ਤਬ ਰਾਜਾ ਨੇ ਆਗਿਆ ਕਰੀ ॥ ਇਨ ਘੋੜਿਉਂ ਕਉ ਫੇਰੇ ॥ ਤਬ ਅਉਰ ਸਭ
 ਘੋੜੇ ਫੇਰੇ ॥ ਜਬ ਇਸ ਸਿੰਘਲ ਦੇਸ ਕੇ ਘੋੜੇ ਕਉ ਲਾਗੇ ਫੇਰਨੇ ॥ ਤਬ ਸਿੰਘਲ ਦੇਸ ਕੇ ਘੋੜੇ ਨੇ ਰਾਜਾ ਕੀ
 ਉਰ ਦੇਖਾ ॥ ਅਰ ਸਿਰ ਹਲਾਇਆ ॥ ਤਬ ਰਾਜਾ ਨੇ ਕਹਿਆ ਇਨ ਮੇਰੀ ਉਰ ਦੇਖਕੇ ਸਿਰ ਹਲਾਇਆ
 ਹੈ ॥ ਸੋ ਕਾਰਨ ਕਉਣ ਹੈ ॥ ਤਬ ਰਾਜਾ ਨੇ ਬ੍ਰਾਹਮਣ ਬੁਲਾਏ ਜੋ ਘੋੜੇ ਕੀ ਪ੍ਰੀਛਾ ਜਾਨਣੇ ਵਾਲੇ ਥੇ ਤਿਨ
 ਕਉ ਪੂਛਾ ॥ ਏਹ ਘੋੜਾ ਹਮ ਨੇ ਮੋਲ ਲੀਆ ਹੈ ਜਬ ਇਸ ਕਉ ਫਿਰਾਇਆ ਤਬ ਇਸਨੇ ਮੇਰੀ ਉਰ ਦੇਖਕੇ
 ਸਿਰ ਹਲਾਇਆ ॥ ਸੋ ਕਉਣ ਕਾਰਨ ਹੈ ॥ ਤਬ ਬ੍ਰਾਹਮਣ ਬੋਲੇ ॥ ਤੁਮਾਰੇ ਆਗੈ ਸਮਤਕ ਨਿਵਾਇਆ
 ਹੈ ॥ ਕੋਈ ਕਹੇ ਤੁਮਾਰਾ ਸਰੂਪ ਦੇਖਤਾ ਹੈ ॥ ਤਬ ਰਾਜਾ ਬੋਲਿਆ ॥ ਜੋ ਤੁਮ ਕਹਤੇ ਹੋ ਸੋ ਨਹੀਂ ਜੋ ਹੈ ਸੋ
 ਹੈ ਅਬ ਤੋ ਹਮਨੇ ਮੋਲ ਲੀਆ ਹੈ ॥ ਜਬ ਬਹੁਤ ਦਿਨ ਬੀਤੇ ਤਬ ਏਕ ਦਿਨ ਰਾਜਾ ਸ਼ਿਕਾਰ ਖੇਲਨੇ ਚਲਾ ॥
 ਤਬ ਉਸੀ ਸਿੰਘਲ ਦੇਸ ਕੇ ਘੋੜੇ ਪਰ ਚੜਿਆ ॥ ਸੋ ਘੋੜਾ ਬਹੁਤ ਉਤਾਵਲਾ ਚਲਾ ਸ਼ਿਕਾਰ ਕਉ ਰਾਜਾ ਹਾਥ
 ਹੀ ਸਾਥ ਪਕੜ ਲੇਵੇ ॥ ਤਬ ਰਾਜਾ ਬਹੁਤ ਪ੍ਰਸੰਨ ਭਇਆ ॥ ਇਤਨੇ ਮੈਂ ਦੋਪਹਿਰ ਦਿਨ ਚੜਾ ਰਾਜਾ ਕਉ
 ਤ੍ਰਿਖਾ ਲਾਗੀ ॥ ਰਾਜਾ ਦੇਖੇ ਤੋ ਬਨ ਮੈਂ ਏਕ ਕੁਟੀ ਹੈ ਅਤੀਤ ਕੀ ਤਹਾਂ ਤਲਾਵ ਹੈ ॥ ਤਬ ਰਾਜਾ ਉਹਾਂ
 ਗਇਆ ਘੋੜਾ ਏਕ ਬਿਰਖਿ ਸਿਉਂ ਬਾਂਧਾ ॥ ਰਾਜਾ ਕੁਟੀ ਕੇ ਅੰਦਰਿ ਗਇਆ ॥ ਦੇਖੇ ਤੋ ਏਕ ਬ੍ਰਾਹਮਣ

ਤਪਸਿਆ ਕਰਤਾ ਹੈ ।। ਅਪਨੇ ਬਾਲਿਕ ਕਉ ਗੀਤਾ ਕਾ ਪੰਧ੍ਰਵਾ ਧਿਆਇ ਪੜਾਵਤਾ ਥਾ ।। ਤਿਨ ਮੈਂ ਏਕ ਬਾਲਕ ਚੰਚਲ ਥਾ ।। ਸੋ ਖੇਲਤਾ ਫਿਰਤਾ ਥਾ ਤਿਸ ਕਉ ਏਕ ਬ੍ਰਿਛ ਕੇ ਪਤ੍ਰ ਪਰ ਗੀਤਾ ਕੇ ਪੰਧ੍ਰਵੇ ਧਿਆਇ ਕਾ ਆਧਾ ਸਲੋਕ ਲਿਖ ਦੀਆ ।। ਅਰ ਕਹਾ ਹੇ ਬਾਲਕ ਤੂ ਖੇਲਤਾ ਫਿਰ ਅਰ ਇਸ ਕਉ ਕੰਠ ਕਰਤਾ ਫਿਰਿ ।। ਸੋ ਘੋੜਾ ਰਾਜਾ ਨੇ ਉਸਿ ਬਿਰਖ ਸਿਉਂ ਬਾਂਧਿਆ ਥਾ ।। ਤਬ ਉਹ ਪਤ੍ਰ ਟੂਟੇ ਘੋੜੇ ਕੇ ਉਪਰਿ ਪੜਾ ਉਸ ਸਲੋਕ ਕੇ ਅਖਰ ਘੋੜੇ ਕੇ ਅੰਗ ਸਿਉਂ ਲਾਗੈ ।। ਘੋੜੇ ਨੇ ਉਹ ਅਖਰ ਨੇਤ੍ਰ ਸਿਉਂ ਦੇਖਤੇ ਹੀ ਤਬ ਤਤਕਾਲ ਘੋੜੇ ਕੀ ਦੇਹ ਛੁਟੀ ਦੇਵ ਦੇਹੀ ਪਾਈ ਬਿਬਾਨ ਆਇਆ ਤਿਸ ਉਪਰਿ ਬੈਠਕੈ ਵਈਕੁੰਠ ਚਲਾ ਆਕਾਸ ਮੈਂ ਜਾਇ ਖੜਾ ।। ਤਬ ਇਤਨੇ ਮੈਂ ਰਾਜਾ ਪਾਣ ਪੀਕੇ ਬਾਹਰ ਆਇਆ ਜਉ ਦੇਖੇ ਤਉ ਘੋੜਾ ਮੂਆ ਪੜਾ ਹੈ ।। ਦੇਖ ਕੇ ਸੋਕ ਕੀਆ ਇਹ ਕਉਂ ਕਰਿ ਮੂਆ ਕਿਸਨੇ ਮਾਰਿਆ ।। ਇਤਨੇ ਮੈਂ ਅਕਾਸ ਤੇ ਬੋਲਾ ।। ਹੇ ਰਾਜਾ ਤੇਰਾ ਘੋੜਾ ਮੈਂ ਹੋਂ ।। ਦੇਵ ਦੇਹੀ ਪਾਈ ਹੈ ਅਬ ਮੈਂ ਵਈਕੁੰਠ ਜਾਤਾ ਹੋਂ ।। ਤਬ ਰਾਜਾ ਨੇ ਕਹਾ ਕਉਨ ਪੁੰਨ ਤੇ ਵਈਕੁੰਠ ਚਲਾ ।। ਤਬ ਘੋੜਾ ਬੋਲਿਆ ਹੇ ਰਾਜਾ ਇਸ ਬ੍ਰਾਹਮਣ ਸਿਉਂ ਪੂਛੇ ।। ਜਿਸ ਪ੍ਰਸਾਦਿ ਕ੍ਰਿਤਾਰਥ ਭਇਆ ਹੋਂ ।। ਬ੍ਰਾਹਮਣ ਕਹਾ ਏਹੀ ਕਹੈਗਾ ।। ਤਬ ਵਿਮਾਨ ਉਪਰਿ ਬੋਲਾ ।। ਇਸ ਬਿਰਛ ਕੇ ਪਾਤ ਟੂਟ ਕੇ ਮੇਰੇ ਉਪਰ ਪਰੇ ਉਸ ਮੈਂ ਕਛੁ ਲਿਖਾ ਥਾ ।। ਤਿਸ ਕੇ ਅਛਰ ਮੇਰੇ ਅੰਗ ਸਿਉਂ ਲਗੇ ਤਿਸ ਤੇ ਕ੍ਰਿਤਾਰਥ ਹੂਆ ਹੋਂ ।। ਤਬ ਬ੍ਰਾਹਮਣ ਬੋਲਾ ਹਾਂ ਹਾਂ ਰਾਜਾ ਜੀ ਗੀਤਾ ਕੇ ਪੰਧ੍ਰਵੇ ਧਿਆਇ ਕਾ ਆਧਾ ਸਲੋਕ ਬਾਲਕ ਕਉ ਲਿਖ ਦੀਆ ਥਾ ।। ਤਿਸ ਕੇ ਸਪਰਸ਼ ਹੂਏ ਤੇ ਇਹੁ ਕ੍ਰਿਤਾਰਥ ਹੂਆ ਹੈ ਤਬ ਰਾਜਾ ਬੋਲਾ ਇਹ ਪਹਲੇ ਜਨਮ ਕਾ ਕਉਨ ਹੈ ।। ਮੇਰਾ ਅਰ ਇਸ ਕਾ ਸਨਬੰਧ ਕਉਂ ਕਰਿ ਹੂਆ ਅਰ ਜਬ ਮੈਂ ਨੇ ਇਸ ਕਉ ਮੋਲ ਲੀਆ ਤਬ ਮੇਰੇ ਸਨਮੁਖ ਦੇਖਕੇ ਇਸ ਸਿਰ ਹਲਾਇਆ ਸੋ ਮੈਂਨੇ ਇਹ ਚਲਿਤ੍ਰ ਜਾਣਿਆ ਨਹੀਂ ।। ਤਬ ਬ੍ਰਾਹਮਣ ਬੋਲਿਆ ।। ਹੇ ਰਾਜਾ ਤੁਮ ਪਹਿਲੇ ਜਨਮ ਕੇ ਰਾਜਾ ਹੋ ।। ਏਹੁ ਤੁਮਾਰਾ ਪਰਧਾਨ ਥਾ ਤੁਮ ਕਉ ਮਾਰ ਕੇ ਤੇਰਾ ਰਾਜ ਕੀਆ ਥਾ ।। ਅਰੁ ਏਹ ਜਬ ਮੂਆ ਤਬ ਧਰਮਰਾਇ ਨੇ ਇਸ ਕਉ ਨਰਕ ਭੁਗਾਏ ।। ਤਬ ਇਸ ਕਉ ਸਿੰਘਲ ਦੇਸ ਕੇ ਘੋੜੇ ਕਾ ਜਨਮ ਦੀਆ ਸੋ ਤੁਮਨੇ ਮੋਲ ਲੀਆ ।। ਅਰ ਇਸਨੇ ਜੋ ਸਿਰ ਹਲਾਇਆ ਸੋ ਤੁਮ ਸਿਉਂ ਕਹਾ ਹੇ ਰਾਜਾ ਮੁਖ

ਕਉ ਸੰਵਾਣਤਾ ਹੈ ॥ ਤਬ ਇਤਨੇ ਮੈਂ ਵਈਕੁੰਠ ਗਇਆ ॥ ਰਾਜਾ ਕੇ ਅਉਰ ਲੋਕ ਭੀ ਆਨ ਪਹੁੰਚੇ ਘੋੜੇ
 ਲੇ ਆਏ ॥ ਤਬ ਰਾਜਾ ਨੇ ਬ੍ਰਾਹਮਣ ਕਉ ਡੰਡਉਤ ਕਰੀ ॥ ਘੋੜੇ ਉਪਰਿ ਬੈਠ ਕਰਿ ਰਾਜਾ ਘਰਿ ਆਇਆ
 ॥ ਰਾਜ ਆਪਣੇ ਪੁਤ੍ਰ ਕਉ ਦੀਆ ॥ ਆਪ ਰਾਜਾ ਬਨ ਮੈਂ ਤਪਸਿਆ ਕਰਨੇ ਲਾਗਾ ॥ ਰਾਜਾ ਪੰਦ੍ਰਵੇਂ ਧਿਆਇ
 ਕਾ ਪਾਠ ਕੀਆ ਕਰੇ ॥ ਤਬ ਸ੍ਰੀ ਨਾਰਾਇਣ ਜੀ ਬੋਲੇ ਹੇ ਸ੍ਰੀ ਲਛਮੀ ਪੰਦ੍ਰਵੇਂ ਧਿਆਇ ਕਾ ਫਲ ਕਹਾ ਸੋ ਤੈਨੇ
 ਸੁਣਾ ॥੧੫॥ ਇਤ ਸ੍ਰੀ ਪਦਮ ਪੁਰਾਣੇ ਸਤੀ ਈਸੁਰ ਸੰਵਾਦੇ ਉਤਰ ਖੰਡੇ ਸ੍ਰੀ ਗੀਤਾ ਮਹਾਤਮੇ ਗੋਬਿੰਦ ਸਿੰਘ
 ਕ੍ਰਿਤੇ ਨਾਮ ਪੰਚ ਦਸਮੇ ਧਿਆਇ ॥੧੫॥ ਆਗੈ ਸੋਲਵਾਂ ਚਲਿਆ ॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥
 ਕੇਸੁ ਮੁਖ ਸੋ ਇਉਂ ਕਹੈ ਸੁਨ ਅਰਜਨ ਇਹ ਬਾਤ ॥ ਮਾਨਸ ਦੇਹ ਕੇ ਮਧ ਮੈਂ ਦੋ ਸੁਭਾਵ ਵਰਤਾਤ ॥੧॥
 ਸੋਰਠਾ ॥ ਦੇਵਤਾ ਦੈਤਾ ਸੁਭਾਵ ਜੋ ਮਾਨਸ ਦੇਹਿ ਮੈਂ ਵਰਤਦਾ ॥ ਸੋ ਭਿੰਨ ਭਿੰਨ ਕਹੇ ਪ੍ਰਗਟਾਇ ਪ੍ਰਥਮੈ ਦੇਵ
 ਸੁਭਾਵ ਸੁਨ ॥੨॥ ਚੋਪਈ ॥ ਸੁਰ ਸੁਭਾਵ ॥ ਭਉ ਨਹੀਂ ਰਾਖੇ ਅੰਤਰਿ ਕੋਇ ॥ ਅੰਤਹਕਰਣ ਸੁਧ ਜਿਹ
 ਹੋਇ ॥ ਗਿਆਨ ਜੋਗ ਮਹਿ ਨਿਸਦਿਨ ਰਹੈ ॥ ਦਾਨ ਕਰਨ ਸੁਭਾਵ ਜਿਸ ਅਹੈ ॥੩॥ ਇੰਦ੍ਰੀ ਜੀਵਨ ਮੈਂ
 ਪਰਧਾਨ ॥ ਜਗ ਕਰਨ ਮੈਂ ਪਰਮ ਸੁਜਾਨ ॥ ਬੇਦ ਪਾਠ ਤਪਸਿਆ ਕਰੈ ॥ ਕੋਮਲ ਸੁਭਾਵ ਸਦਾ ਮਨ ਧਰੈ
 ॥੪॥ ਕੋਈ ਜੀਵ ਦੁਖਾਵੈ ਨਾਹੀ ॥ ਸਦਾ ਰਹੈ ਸਤ ਬੋਲਨ ਮਾਹੀ ॥ ਕ੍ਰੋਧ ਨਿੰਦਾ ਵਹੁ ਮੂਲ ਨ ਕਰੈ ॥
 ਤਿਆਗ ਇੰਦ੍ਰੀ ਭੋਗ ਮਨ ਧਰੈ ॥੫॥ ਸਾਂਤ ਰੂਪ ਸਭੂ ਪਰ ਦਇਆਲ ॥ ਸਭ ਕਾ ਸੁਖ ਦਾਇਕ ਕਿਰਪਾਲ
 ॥ ਪਾਪ ਨ ਕਰੈ ਲੋਭ ਤੇ ਰਹਤ ॥ ਪਵਿਤ੍ਰ ਖਿਮਾ ਅਰ ਧਿਰਜ ਸਹਤ ॥੬॥ ਪੂਜਾ ਮਾਨਤਾ ਵਹੁ ਨਾਹਿ ਕਰਾਵੈ
 ॥ ਸਮ ਸੁਭਾਵ ਏ ਦੇਵ ਕਹਾਵੈ ॥ ਜਿਸ ਮੈਂ ਏਹੁ ਸੁਭਾਵ ਸੁਭ ਹੋਇ ॥ ਵਹੁ ਮਾਨਸ ਦੇਵ ਹੈ ਸੋਇ ॥੭॥
 ਅਸੁਰ ਸੁਭਾਵ ॥ ਚੋਪਈ ॥ ਅਬ ਫੁਨ ਦਈਤ ਸੁਭਾਵ ਸੁਨਾਊਂ ॥ ਪ੍ਰਥਮ ਪਾਖੰਡ ਤਿਹ ਭੀਤਰਿ ਪਾਊਂ ॥
 ਅਰਬ ਪਾਖੰਡ ਕੋ ਐਸੇ ਜੋਇ ॥ ਅੰਤਰਿ ਕਪਟ ਬਾਹਰ ਸੁਧ ਹੋਇ ॥੮॥ ਸਭ ਤੇ ਵਡਾ ਆਪ ਕੋ ਜਾਨੈ ॥
 ਐਸਾ ਗਰਬ ਆਪ ਮੈਂ ਮਾਨੈ ॥ ਮੁਝ ਸਮਾਨ ਦੂਸਰ ਨਹੀਂ ਕੋਇ ॥ ਐਸੇ ਕਹਿ ਅਭਿਮਾਨੀ ਹੋਇ ॥੯॥ ਸਦਾ
 ਬਚਨ ਕਠੋਰ ਜੋ ਕਹੈ ॥ ਸੋ ਸਭ ਸੁਭਾਵ ਅਸੁਰ ਕੇ ਅਹੇ ॥ ਤਿਨ ਸਭ ਕੋ ਹੈ ਮੂਲ ਅਗਿਆਨ ॥ ਸੁਭਾਵ ਸਭੀ

ਅਗਿਆਨ ਤੇ ਜਾਨ ॥੧੦॥ ਜਿਸ ਮੈਂ ਵਰਤੈ ਦੇਵ ਸੁਭਾਵ ॥ ਮੁਕਤ ਸੰਸਾਰ ਤੇ ਵਹੁ ਨਰ ਪਾਇ ॥ ਦੁਸ਼ਟ
 ਸੁਭਾਵ ਜਿਸ ਨਰ ਮੈਂ ਆਹੀ ॥ ਸਦਾ ਰਹੈ ਵਹੁ ਨਿੰਦਿਆ ਮਾਹੀ ॥੧੧॥ ਏਤਏ ਬਚਨ ਜਬ ਕੇਸਵ ਕਹੇ ॥
 ਅਰਜਨ ਸੁਨਤ ਵਿਚਾਰਤ ਭਏ ॥ ਦ੍ਰੈਤ ਸੁਭਾਵ ਮਤ ਮੁਝ ਮੈਂ ਹੋਇ ॥ ਇਸ ਬੀਚਾਰ ਮੈਂ ਸੁਕਚਿਓ ਸੋਇ
 ॥੧੨॥ ਅਰਜਨ ਕੋ ਜਬ ਸੁਕਚਿਆ ਲਹਿਓ ॥ ਤਬ ਕੇਸੂ ਅਰਜਨ ਕਉ ਕਹਿਓ ॥ ਹੇ ਪਾਂਡਵ ਤੁਮ ਸੋਚ
 ਮਤ ਕਰੋ ॥ ਦੇਵ ਸੁਭਾਵ ਸਭ ਆਪ ਮੈਂ ਧਰੋ ॥੧੩॥ ਦੇਵ ਸੁਭਾਵ ਸਭੀ ਹੇ ਜੋਇ ॥ ਸਾਥ ਲੈ ਜਨਮਿਆ
 ਹੈਂ ਤੂੰ ਸੋਇ ॥ ਸੁਰ ਅਸੁਰ ਸੁਭਾਵ ਜੇ ਆਹਿ ॥ ਮਾਨੁਖੋਂ ਮਾਹਿ ਸਭੀ ਵਰਤਾਹਿ ॥੧੪॥ ਸੋ ਸਭ ਤੁਝਕੋ ਕਹੇ
 ਸੁਨਾਇ ॥ ਅਸੁਰ ਸੁਭਾਵ ਕਹੋ ਪ੍ਰਗਟਾਇ ॥ ਅਬ ਫਿਰਿ ਅਹੁ ਸੁਭਾਵ ਤੁਮ ਸੁਨੋ ॥ ਜੈਸੇ ਅਰਜਨ ਤੁ ਮਪੈ
 ਭਨੋ ॥੧੫॥ ਜੋ ਵਹੁ ਬਸੈ ਗ੍ਰਿਸਨ ਕੇ ਮਾਹੀ ॥ ਗ੍ਰਿਸਨ ਜੁਗਤ ਵਹੁ ਜਾਨਤ ਨਾਹੀ ॥ ਤਿਆਗ ਗ੍ਰਿਸਤ
 ਅਤੀਤ ਜੋ ਹੋਇ ॥ ਅਤੀਤ ਰਹਤ ਨਹੀਂ ਜਾਨੈ ਸੋਇ ॥੧੬॥ ਪਵਿਤ੍ਰਤਾਈ ਕੋ ਮੂਲ ਨਾ ਜਾਨੈ ॥ ਮੁਝ ਸਰਬ
 ਵਿਆਪੀ ਕੋ ਨਹੀਂ ਮਾਨੈ ॥ ਆਪਸ ਮੈਂ ਮਿਲਿ ਐਸੇ ਭਾਖੈ ॥ ਅਸਤ ਹਰਿ ਕਹਾਂ ਜੋ ਹਮ ਲਾਖੈ ॥੧੭॥ ਤਿਸ
 ਕੋ ਕਿਸੀ ਦੇਖਿਉ ਨਹੀਂ ਭਾਈ ॥ ਇਹੁ ਸੰਸਾਰ ਆਪੇ ਉਪਜਾਈ ॥ ਇਸਤ੍ਰੀ ਪੁਰਖ ਸੰਹੋਗ ਤੇ ਹੋਇ ॥ ਉਤਪਤ
 ਸਕਲ ਜਗਤ ਕੀ ਜੋਇ ॥੧੮॥ ਕੀਆ ਨਹੀਂ ਕਿਸੀ ਸੰਸਾਰ ॥ ਆਪੇ ਭਇਆ ਸੰਸਾਰ ਅਪਾਰ ॥ ਤਾਂਤੇ
 ਡਰ ਰਾਖੇ ਨਹੀਂ ਕੋਇ ॥ ਪਹਿਰਨ ਖਾਵਨ ਤੇ ਸੁਖ ਹੋਇ ॥੧੯॥ ਐਸੀ ਦੁਸ਼ਟ ਬੁਧ ਤਿਨ ਮਾਹਿ ॥ ਮਲੀਨ
 ਨੀਚ ਬੁਧ ਹੈ ਤਾਹਿ ॥ ਖਾਵੈ ਭਲਾ ਇੰਦ੍ਰੀ ਸੁਖ ਪਾਵੈ ॥ ਵਡਾ ਲਾਭ ਇੰਦ੍ਰੀ ਸੁਖ ਗਾਵੈ ॥੨੦॥ ਐਸੇ ਕਰਮ
 ਕਰੈ ਵਹੁ ਮੂੜ ॥ ਪਾਵੈ ਦੁਖ ਹੋ ਵਰਤੈ ਕੂੜ ॥ ਕਸ਼ਟ ਨਮਿਤ ਦੂਜੈ ਕੀ ਕਰੈ ॥ ਉਪਾਸ਼ਨਾ ਪ੍ਰੇਤੋਂ ਕੀ ਮਨ ਧਰੈ
 ॥੨੧॥ ਐਸੇ ਕਹੇ ਅਪਨੇ ਮਨ ਮਾਹਿ ॥ ਜੋ ਤੀਆ ਹੋਇ ਤੋ ਭੋਗੋ ਤਾਹਿ ॥ ਵਡਾ ਲਾਭ ਸੰਸਾਰ ਕੇ ਮਾਹਿ
 ॥ ਕਾਮ ਬਿਨਾਂ ਦੂਜਾ ਕੋ ਨਾਹਿ ॥੨੨॥ ਸੋ ਕਾਮ ਐਸੇ ਹੈ ਮੀਤ ॥ ਪੂਰਨ ਤਾਹਿ ਕਹੋ ਮਮ ਰੀਤ ॥ ਮਨ
 ਅਭਿਮਾਨ ਸਿਉ ਉਨਮਤ ਰਹੈ ॥ ਝੂਠੀ ਮਾਇਕਾ ਕੋ ਮਨ ਗਹੈ ॥੨੩॥ ਅਤ ਅਪਵਿਤ੍ਰ ਬਿਰਤ ਵਹੁ ਰਾਖੈ
 ॥ ਚਿੰਤਾ ਮਾਹਿ ਚਿਤ ਨਿਤ ਲਾਖੈ ॥ ਮਗਨ ਸਦਾ ਚਿੰਤਾ ਮੈਂ ਰਹੈ ॥ ਆਪਸ ਮੈਂ ਮਿਲਿ ਕਰਿ ਇਉਂ ਕਹੈ

॥੨੪॥ ਕਾਮ ਲਾਭ ਸਮ ਅਉਰ ਨ ਕੋਇ ॥ ਆਸਾ ਫਾਸ ਮੈਂ ਨਿਤ ਹੈ ਸੋਇ ॥ ਮਗਨ ਕਾਮ ਕ੍ਰੋਧ ਮੈਂ ਰਹੈ ॥
 ॥ ਇੰਦ੍ਰੀ ਭੋਗ ਸਦਾ ਵਹੁ ਚਹੈ ॥੨੫॥ ਐਸੇ ਕਹੈ ਵਹੁ ਮਿਲਿ ਕਰਿ ਨੀਤ ॥ ਆਜ ਇਹੁ ਲਾਭ ਮੈਂ ਪਾਇਓ
 ਮੀਤ ॥ ਪ੍ਰਾਤਕਾਲ ਪਾਵਹੁਗਾ ਏਹੁ ॥ ਅਗਲੇ ਦਿਨ ਅਉਰ ਕਛੁ ਲੇਹੁ ॥੨੬॥ ਅਮਕੇ ਕਉ ਮੈਂ ਸਸਤ੍ਰ
 ਲਗਾਇਆ ॥ ਅਮਕੇ ਕਉ ਕਰਿ ਜੁਧ ਭਗਾਇਆ ॥ ਹਉ ਈਸਰ ਅਰ ਸਿਧ ਬਲਵਾਨ ॥ ਸਤ ਪੀੜੀ ਮੇਰੀ
 ਪਰਧਾਨ ॥੨੭॥ ਜਾਤ ਮੈਂ ਆਪ ਸਮਾਨ ਨ ਲਹੈ ॥ ਸਭਹੂੰ ਤੇ ਸ੍ਰੇਸ਼ਟ ਮੈਂ ਅਹੈ ॥ ਅਉਰ ਸਭੀ ਹੈਂ ਮੇਰੇ ਦਾਸ
 ॥ ਮਨ ਮੈਂ ਅਨਿਕ ਚਿਤਵਨਾ ਕੋ ਬਾਸ ॥੨੮॥ ਮੋਹੇ ਇਤ ਅਗਿਆਨ ਤੇ ਓਇ ॥ ਮੋਹ ਜਾਨ ਮੈਂ ਬਾਂਧੇ ਸੋਇ
 ॥ ਕਾਮ ਭੋਗ ਮਾਹਿ ਪ੍ਰਬੀਨ ॥ ਰਹਹਿ ਅਪਵਿਤ੍ਰ ਨਰਕ ਮੈਂ ਲੀਨ ॥੨੯॥ ਅਵ ਭੀ ਨਰਕ ਮਾਹਿ ਵਹੁ ਰਹੈ
 ॥ ਅਗੈ ਭੀ ਨਰਕ ਕੋ ਲਹੈ ॥ ਅਬ ਸੁਨ ਜਗ ਵਹੁ ਕੈਸੇ ਕਰੈ ॥ ਭਲਾ ਕਹਾਵਨ ਨਮਿਤ ਮਨ ਧਰੈ ॥੩੦॥
 ਸਾਸਤ੍ਰ ਕੀ ਬਿਧਿ ਜਾਨਤ ਨਾਹੀ ॥ ਅਹੰਕਾਰ ਗਰਭ ਮੈਂ ਵਿਆਕੁਲ ਆਹੀ ॥ ਐਸੇ ਜੋ ਪਾਖੰਡੀ ਲੋਕ ॥ ਬੂਡੇ
 ਰਹੈ ਸਮੁੰਦ੍ਰੇ ਸੋਕ ॥੩੧॥ ਬਹੁਤ ਕਾਮ ਕ੍ਰੋਧ ਤਿਹ ਮਾਹਿ ॥ ਆਤਮ ਰਾਮ ਕੋ ਜਾਨਤ ਨਾਹੀ ॥ ਜੋ ਪ੍ਰਭ ਸਰਬ
 ਵਿਆਪੀ ਅਹੈ ॥ ਤਿਸਕੀ ਨਿੰਦਾ ਵਹੁ ਨਿਤ ਕਹੈ ॥੩੨॥ ਦੁਖ ਦੇਹੋ ਕਉ ਵਹੁ ਦੁਖ ਦੇਵੈ ॥ ਮੇਰਾ ਨਾਮ
 ਨ ਕਬਹੂੰ ਲੇਵੈ ॥ ਮਾਨੁਖੁ ਨੀਚ ਅਸੁਰ ਜੋ ਆਹਿ ॥ ਆਸਾਗਵਨ ਮੈਂ ਨਿਤ ਕੋ ਪਾਹਿ ॥੩੩॥ ਚਉਰਾਸੀ
 ਲਖ ਜੋਨ ਮੈਂ ਪੜੈ ॥ ਜਨਮ ਜਨਮ ਦੁਖੀਏ ਵਹੁ ਫਿਰੈ ॥ ਐਸੇ ਸੁਬਾਵ ਹੋਵੇ ਜਿਸ ਮਾਹੀ ॥ ਸੋ ਮਾਨੁਖ ਦਈਤ
 ਕਹਾਹੀ ॥੩੪॥ ਮੁਝ ਆਤਮ ਕੋ ਵਹੁ ਨਹੀਂ ਪਾਵਹਿ ॥ ਬਾਰੰਬਾਰ ਜਨਮ ਮਹਿ ਆਵਹਿ ॥ ਤੀਨ ਦੁਆਰ
 ਦੇਹਿ ਕੇ ਮਾਹਿ ॥ ਕਾਮ ਕ੍ਰੋਧ ਲੋਭ ਜੋ ਆਹਿ ॥੩੫॥ ਸੋ ਤੀਨੋਂ ਦੁਆਰ ਨਰਕ ਹੈ ਮੀਤ ॥ ਇਨ ਕਾ ਤਿਆਗ
 ਪਾਰਥ ਧਰ ਚੀਤ ॥ ਮੁਕਤਾ ਜੋ ਤੀਨੋਂ ਤੇ ਹੋਇ ॥ ਪਰਮਗਤ ਕੋ ਪਵੈ ਸੋਇ ॥੩੬॥ ਤੂੰ ਭੀ ਇਨ ਕੋ ਬੇਗ
 ਤਿਆਗ ॥ ਆਤਮ ਤਤ ਮੈਂ ਨਿਸਦਿਨ ਲਾਗ ॥ ਮੈਂ ਇਹੁ ਬੁਧ ਸਾਸਤ੍ਰ ਜੋ ਕਹਾ ॥ ਜਿਸ ਇਹ ਬੀਚਾਰ ਮਨ
 ਮੋਂ ਨਹੀਂ ਲਹਾ ॥੩੭॥ ਅਪਨੀ ਬੁਧ ਮੈਂ ਵਰਤੈ ਜੋਇ ॥ ਤਪਸਿਆ ਦਾਨ ਕਰੈ ਨਿਤ ਸੋਇ ॥ ਤਿਨ ਕਾ ਫਲ
 ਵਹੁ ਦੁਖ ਬਹੁ ਪਾਵੈ ॥ ਆਵਾਗਵਨ ਮਾਹਿ ਨਿਤ ਆਵੈ ॥੩੮॥ ਦੋਹਰਾ ॥ ਏਹੁ ਸਾਸਤ੍ਰ ਜੋ ਮੈਂ ਕਹਾ ਸਮਝੈ

ਗਿਆਨੀ ਮੀਤ ॥ ਦੇਵ ਸੁਭਾਵ ਕੇ ਕਰਮ ਸਭ ਕਰਤੇ ਹੈਂ ਵਹੁ ਨੀਤ ॥੩੯॥ ਦੋਹਰਾ ॥ ਅਤਿ ਸੁਖ ਪਾਵੈ
 ਵਹੁ ਨਿਤ ਜਿਸ ਹੈ ਦੇਵ ਸੁਭਾਵ ॥ ਦੇਵ ਸੁਭਾਵ ਮੈਂ ਬਹੁਤ ਸੁਖ ਹੇ ਅਰਜਨ ਚਿਤ ਲਾਵ ॥੪੦॥ ਟੀਕਾਕਾਰ
 ਵਾਚ ॥ ਚੌਪਈ ॥ ਬਿਭਾਗ ਜੋਗ ਜੋ ਖਸਟ ਦਸਮੇਂ ਧਿਆਇ ॥ ਤਿਸ ਕੀ ਭਾਖਿਆ ਕਹੀ ਸੁਨਾਇ ॥ ਦੋਊ
 ਸੁਭਾਵ ਪ੍ਰਤਖ ਜਿਸ ਮਾਹੀ ॥ ਦੇਵ ਸੁਭਾਵ ਖਾਲਸੇ ਮੈਂ ਆਹੀ ॥੪੧॥ ਰਹਤ ਖਾਲਸੇ ਕੀ ਦੇਵ ਸੁਭਾਵ ॥
 ਖਾਲਸਾ ਸੋਈ ਜੋ ਮਨ ਮੈਂ ਲਾਵ ॥ ਏਕ ਅਕਾਲ ਜਾਨੈ ਵਹੁ ਨੀਤ ॥ ਅਸੁਰ ਭਾਵ ਰਾਖੈ ਨਹੀਂ ਚੀਤ ॥੪੨॥
 ਦੇਵ ਸੁਭਾਵ ਮੈਂ ਨਿਤ ਵਹੁ ਰਹੈ ॥ ਏਕ ਅਦ੍ਵੈਤ ਬ੍ਰਹਮ ਸਭ ਲਹੈ ॥ ਜਗਤ ਲੋਕ ਕਉ ਮੂਲ ਨ ਦੇਖੈ ॥ ਖਾਲਸਾ
 ਏਕੋ ਗੋਬਿੰਦ ਪੇਖੈ ॥੪੩॥ ਜੇਤੇ ਨਾਮ ਜਗਤ ਕੇ ਮਾਹੀ ॥ ਸੋ ਸਭ ਬਾਸਦੇਵ ਕੋ ਆਹੀ ॥ ਦਿਸਟਿ ਅਦਿਸਟ
 ਬਾਰਤਾ ਜਾਨੈ ॥ ਸੋ ਸਭ ਏਕ ਗੋਬਿੰਦ ਪਹਿਚਾਨੈ ॥੪੪॥ ਸਤ ਅਸਤ ਜਹਾ ਲਉ ਦੀਸੈ ॥ ਸਭੀ ਏਕ ਗੋਬਿੰਦ
 ਸੋ ਈਸੈ ॥ ਸੰਸਾਰ ਮਾਹਿ ਜੋ ਬੋਲੈ ਵਰਤੈ ॥ ਸਭ ਮੈਂ ਏਕ ਗੋਬਿੰਦ ਜੀ ਕਰਤੇ ॥੪੫॥ ਧਰਨ ਅਕਾਸ ਦਿਸਾ
 ਜੋ ਭਾਈ ॥ ਸੋ ਸਭ ਹੈ ਏਕ ਗੋਬਿੰਦ ਰਾਇ ॥ ਪਸੂ ਪੰਖੀ ਅਰ ਤ੍ਰਿਣ ਬਨ ਲੋਕ ॥ ਏਕ ਗੋਬਿੰਦ ਸਭੀ ਕਛੁ
 ਹੋਗ ॥ ਦੇਖਨ ਸੁਨਨ ਅਰ ਸਭ ਜੋ ਅਹੈ ॥ ਸੋ ਸਭ ਏਕ ਗੋਬਿੰਦ ਹੀ ਲਹੈ ॥੪੬॥੧੬॥ ਇਤਿ ਸ੍ਰੀ ਭਗਵਤ
 ਗੀਤਾ ਸੂਪ ਨਖਤ੍ਰ ਸੁ ਬ੍ਰਹਮ ਵਿਦਿਆ ਜੋਗ ਸਾਸਤ੍ਰੇ ਸ੍ਰੀ ਕ੍ਰਿਸ਼ਨ ਅਰਜਨ ਸੰਵਾਦੇ ਦੇਵ ਆਸੁਰੀ ਸੰਪਦਾ ਵਰਨਨੰ
 ਪਦਮ ਪੁਰਾਣੇ ਸਤੀ ਈਸੁਰ ਸੰਬਾਦੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਖਸਟ ਦਸਮੇਂ ਧਿਆਇ ॥ ਸ੍ਰੀ ਭਗਵਾਨੋ ਵਾਚ
 ॥ ਹੇ ਲਛਮੀ ਅਬ ਸੋਲਵੇਂ ਧਿਆਇ ਕਾ ਫਲ ਕਹਤਾ ਹੋਂ ਸੋ ਤੂੰ ਸੁਣ ॥ ਏਕ ਸੋਰਠਿ ਦੇਸ ਤਿਸ ਕੇ ਰਾਜਾ ਕਾ
 ਨਾਮ ਖੜਗਬਾਹੁ ਥਾ ॥ ਸੋ ਰਾਜਾ ਬਡਾ ਧਰਮਾਤਮਾ ਥਾ ॥ ਤਿਸ ਕੇ ਨਗਰ ਮੈਂ ਠਉਰ ਠਉਰ ਜਗੋਂ ਕੇ ਬੰਭ
 ਦੇਖਏ ॥ ਅਰ ਰਾਜਾ ਹਰਿ ਭਗਤ ਬ੍ਰਾਹਮਣੋਂ ਕੀ ਸੇਵਾ ਕਰੈ ॥ ਤਿਸਕੀ ਪਰਜਾ ਭੀ ਧਰਮਾਤਮਾ ਰਹੈ ਸਭ ਕੀ
 ਆਪਸ ਮੇਂ ਪ੍ਰੀਤ ॥ ਸੋ ਰਾਜਾ ਕੇ ਹਾਥੀ ਬਹੁਤ ਘੋੜੇ ਬਹੁਤ ਦ੍ਰੁਬ ਬਹੁਤ ॥ ਸੋ ਉਨ ਹਾਥਿਉਂ ਮੈਂ ਏਕ ਹਾਥੀ
 ਖੇਟਾ ਥਾ ਰਾਜਾ ਕੇ ਨਗਰ ਮੈਂ ਉਪਦ੍ਰੁ ਬਹੁਤ ਕਰੇ ॥ ਕਿਸੀ ਮਹਾਵਤ ਕਉ ਉਪਰਿ ਚੜਨ ਨ ਦੇਵੇ ਜੋ ਮਹਾਵਤ
 ਚੜੈ ਤਿਸ ਕਉ ਸਿਰ ਪਕੜ ਕਰਿ ਪਟਕਾਵੈ ॥ ਪੈਰਉਂ ਮੈਂ ਜੰਜੀਰ ਬੰਧਾਣੇ ਨ ਦੇਵੈ ॥ ਤਬ ਰਾਜਾ ਦੇਸ ਦੇਸ

॥ ਜਾਹਿ ਤੂ ਹਾਥੀ ਹੋਵੈਗਾ ॥ ਤਬ ਇਸ ਨੇ ਬੇਤਨੀ ਕਰੀ ਤੁਮਰੇ ਬਚਨ ਤੋ ਨਿਹਫਲ ਜਾਨੈ ਕੇ ਨਹੀਂ ॥ ਹੇ ਮਹਾਰਾਜ ਮੇਰਾ ਉਧਾਰ ਕਿਉਂਕਰਿ ਹੋਵੈਗਾ ॥ ਤਬ ਗੁਰ ਨੇ ਕਹਾ ਰੀਤਾ ਕੇ ਸੋਲਵੇਂ ਧਿਆਇ ਕੇ ਪਾਠ ਕਾ ਪੁੰਨ ਕੋਈ ਤੁਝ ਕੋ ਦੇਵੇਗਾ ਤਬ ਤੂੰ ਹਾਥੀ ਕੀ ਦੇਹਿ ਤੇ ਛੂਟੇਗਾ ਸੋ ਉਹੁ ਹਾਥੀ ਅਬ ਉਧਰਾ ॥ ਤਬ ਰਾਜਾ ਬੋਲਿਆ ਅਜੀ ਮਹਾਰਾਜ ਜੀ ਮੁਝ ਕਉ ਰੀਤਾ ਕਾਠ ਕਰਨੇ ਸਿਖਾਵਹੁ ॥ ਤਬ ਉਨ ਬ੍ਰਾਹਮਣ ਨੇ ਰਾਜਾ ਕਉ ਰੀਤਾ ਪਾਠ ਕਰਨੇ ਸਿਖਾਇਆ ॥ ਤਬ ਰਾਜੇ ਨੇ ਅਪਣਾ ਰਾਜ ਪੁਤ੍ਰ ਕਉ ਦੀਆ ਆਪ ਤਪਸਿਆ ਕਰਨੇ ਲਾਗਾ ॥ ਤਬ ਨਾਰਾਇਣ ਬੋਲੇ ॥ ਸ੍ਰੀ ਲਛਮੀ ਸੋਲਵੇਂ ਧਿਆਇ ਕਾ ਫਲ ਕਹਾ ਸੋ ਤੁਮ ਨੇ ਸੁਣਾ ॥੧੬॥ ਇਤ ਸ੍ਰੀ ਪਦਮ ਪੁਰਾਣੇ ਸਤੀ ਈਸ਼ਰ ਸੰਵਾਦੇ ਉਤਰਖੰਡੇ ਸ੍ਰੀ ਕ੍ਰਿਸ਼ਨ ਅਰਜਨ ਸੰਵਾਦੇ ਸ੍ਰੀ ਰੀਤਾ ਮਹਾਤਮੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਖਸਟ ਦਸਮੇ ਧਿਆਇ ॥੧੬॥ ਆਗੈ ਸਤਰਵਾਂ ਚਲਿਆ ॥ ਅਰਜਨੋ ਵਾਚ ॥ ਦੋਹਰਾ ॥ ਅਰਜਨ ਸ੍ਰੀ ਭਗਵਾਨ ਪੈ ਪ੍ਰਸ਼ਨ ਕਰਤ ਅਬ ਏਹ ॥ ਹੇ ਮਾਧਵ ਹੇ ਅਚਲ ਰੂਪ ਹੇ ਠਾਕੁਰ ਸਰਬੇਹ ॥੧॥ ਦੋਹਰਾ ॥ ਸ਼ਾਸਤ੍ਰ ਬਿਧ ਜੋ ਤੁਮ ਕਹੀ ਸੋ ਬਿਧ ਕੈਸੇ ਹੋਇ ॥ ਮੈਂ ਸਮਝੀ ਹੈ ਏਕ ਬਿਧ ਅਬ ਭਾਖੋਂ ਵਹੁ ਸੋਇ ॥੨॥ ਦੋਹਰਾ ॥ ਤੁਮ ਜੋ ਈਸਰ ਜਗਤ ਕੇ ਪ੍ਰਭ ਅਕਾਲ ਸਰੂਪ ॥ ਸੁਖ ਦਾ ਹੋ ਸਰਬ ਕੇ ਤੁਮ ਹੀ ਰੰਕ ਅਰ ਭੂਪ ॥੩॥ ਦੋਹਰਾ ॥ ਐਸੇ ਜੋ ਤੁਮ ਜਾਨਖੇ ਸਰਨੀ ਆਵੈ ਲੋਕ ॥ ਸਿਮਤਨ ਤੁਮਰਾ ਨਿਤ ਕਰੈ ਇਹ ਬਿਧ ਸ਼ਾਸਤ੍ਰ ਜੋਗ ॥੪॥ ਦੋਹਰਾ ॥ ਪਹਿਚਾਨੈ ਜੋ ਨਾਹਿ ਤੁਮ ਸੋ ਬਿਧ ਸ਼ਾਸਤ੍ਰ ਤਿਆਗ ॥ ਵਹੁ ਮੂਰਖ ਹਰਿ ਛਾਡ ਕੈ ਬਿਖਿਓ ਕੇ ਸੰਗ ਲਾਗ ॥੫॥ ਦੋਹਰਾ ॥ ਸ਼ਾਸਤ੍ਰ ਬਿਧ ਜਿਨ ਤਿਆਗ ਕੇ ਅਉਰ ਪੂਜਾ ਸੋ ਪ੍ਰੀਤ ॥ ਵਹੁ ਨਰ ਵਰਤੇ ਕਵਨ ਗੁਨ ਤਿਨ ਕੀ ਭਾਖੋ ਰੀਤ ॥੬॥ ਦੋਹਰਾ ॥ ਸਾਂਤਕ ਰਾਜਸ ਮਾਹਿ ਵਹੁ ਯਾ ਤਾਮਸ ਤਿਸੈ ਸੁਭਾਵ ॥ ਹੇ ਮਧਸੂਦਨ ਪਾਰਬ੍ਰਹਮ ਸੋ ਸਭ ਮੁਝੇ ਸੁਨਾਵ ॥੭॥ ਸ੍ਰੀ ਭਗਵਾਨੋ ਵਾਚ ॥ ਦੋਹਰਾ ॥ ਅਰਜਨ ਕੋ ਕੇਸ੍ਰ ਕਹੈਂ ਹੇ ਪਾਰਬ ਚਿਤ ਲਾਇ ॥ ਸਰਧਾ ਪੂਜਾ ਜੋ ਕਰੈ ਤਿਸਹੀ ਤੀਨ ਸੁਭਾਇ ॥੮॥ ਦੋਹਰਾ ॥ ਦੇਹ ਧਾਰੀ ਮਾਨੁਖ ਜੋ ਵਰਤੈ ਤੀਨੋ ਮਾਹਿ ॥ ਸਾਂਤਕ ਰਾਜਸ ਤਾਮਸੀ ਏਹੁ ਤੀਨੋ ਗੁਨ ਮਾਹਿ ॥੯॥ ਦੋਹਰਾ ॥ ਜਿਸ ਗੁਨ ਮੈਂ ਮਾਨੁਖ ਹੋਇ ਸੋ ਸਰਧਾ ਤਿਹ ਮਾਹਿ ॥ ਏਹ ਸਭ ਨਰ ਤੂੰ ਦੇਖਤਾ ਭਿੰਨ ਭਿੰਨ ਇਸਟ ਤਿਹ ਆਹਿ

॥੧੦॥ ਦੋਹਰਾ ॥ ਇਸਟ ਪੂਜਾ ਜਿਸ ਨਾਹਿ ਕੇ ਸੋ ਮਾਨੁਖ ਪਸੁ ਜਾਨ ॥ ਸੁਭਾਵ ਜੋ ਤੀਨੋ ਗੁਣੋ ਕੇ ਭਿੰਨ
 ਭਿੰਨ ਕਹੈ ਬਖਾਨ ॥੧੧॥ ਦੋਹਰਾ ॥ ਸਾਂਤਕ ਗੁਨ ਜਿਹ ਨਰੋ ਮੈਂ ਦੇਵ ਪੂਜ ਹੇ ਸੋਇ ॥ ਰਾਖਸ ਜਖ ਜੋ ਪੂਝਤੇ
 ਸੋ ਰਾਜਸ ਗੁਨ ਹੋਇ ॥੧੨॥ ਪੂਜਨ ਭੂਤ ਪ੍ਰੇਤ ਕਾ ਸੋ ਹੈ ਤਾਮਸ ਮਾਹਿ ॥ ਤੀਨ ਪ੍ਰਕਾਰ ਜੋ ਤਪ ਕਰੈ ਅਬ
 ਫੁਨ ਭਾਖੇ ਤਾਹਿ ॥੧੩॥ ਦੋਹਰਾ ॥ ਜੋ ਸ਼ਾਸਤ੍ਰ ਮੈਂ ਨਾਹਿ ਜਿਹ ਦੇਖੈ ਡਰ ਆਇ ॥ ਇਸ ਤਪ ਕੇ ਜੋ ਨਰ
 ਕਰੈ ਸੋ ਤਾਮਸ ਚਿਤ ਲਾਇ ॥੧੪॥ ਦੋਹਰਾ ॥ ਕਰੈਂ ਤਪਸਿਆ ਡਿਭ ਸੋ ਲੋਕ ਦਿਖਾਵੈ ਓਇ ॥ ਅਹੰਕਾਰ
 ਮਾਹਿ ਵਹੁ ਲੀਨ ਹੈਂ ਫਲ ਬਾਂਛਾ ਤਿਸ ਹੋਇ ॥੧੫॥ ਦੋਹਰਾ ॥ ਦੁਖ ਦੇਵੈ ਵਹੁ ਦੇਹਿ ਕੇ ਐਸੇ ਮੂਰਖ ਅਗ
 ॥ ਬਿਆਪਿਆ ਜੋ ਮੈਂ ਰੋਮ ਰੋਮ ਕਾ ਨਾ ਦੇਖੈ ਕਰਤਗ ॥੧੬॥ ਦੋਹਰਾ ॥ ਦੁਖ ਦੇਵੈ ਵਹੁ ਨਰ ਮੁਝੈ ਅਸੁਰ
 ਭਾਵ ਜਿਹ ਹੋਇ ॥ ਤਾਮਸ ਤਪ ਜੋ ਨਰ ਕਰੈ ਸੋ ਦੈਤ ਸੁਭਾਵ ਹੈ ਸੋਇ ॥੧੭॥ ਦੋਹਰਾ ॥ ਸਭ ਕੇ ਪਿਆਰਾ
 ਅਹਾਰ ਜੋ ਸੋ ਹੈ ਤੀਨ ਪ੍ਰਕਾਰ ॥ ਜਗ ਤਪਸਿਆ ਦਾਨ ਫੁਨ ਤ੍ਰੈ ਬਿਧ ਮਨ ਮਾਹਿ ਧਾਰ ॥੧੮॥ ਦੋਹਰਾ ॥
 ਤੀਨ ਪ੍ਰਕਾਰ ਅਹਾਰ ਜੋ ਆਹਿ ॥ ਜੀਵ ਵਰਤੈ ਹੈ ਤੀਨੋਂ ਮਾਹਿ ॥ ਤਪਸਿਆ ਜਗ ਜੋ ਤੀਨ ਪ੍ਰਕਾਰ ॥ ਭਿੰਨ
 ਭਿੰਨ ਤਿਨਕਾ ਕਹੈ ਬੀਚਾਰ ॥੧੯॥ ਸਾਂਤਕੀ ਅਹਾਰ ਪ੍ਰਥਮ ਇਉਂ ਕਹੈ ॥ ਜਿਸ ਅਹਾਰ ਤੇ ਅਤਿ ਸੁਖ ਲਹੈ
 ॥ ਸਾਂਤਕੀ ਅਹਾਰ ਜੇ ਨਰ ਖਾਇ ॥ ਆਰਬਲਾ ਬਲ ਸੋ ਪੁਰਖ ਵਧਾਇ ॥੨੦॥ ਤਿਸ ਪਾਏ ਪਰਸੰਨ ਨਰ
 ਹੋਇ ॥ ਦੇਹ ਮਾਹਿ ਦੁਖ ਰਹੈ ਨ ਕੋਇ ॥ ਇਹੁ ਭੋਜਨ ਜੋ ਖਾਵੈ ਭਾਈ ॥ ਪ੍ਰੀਤ ਵਧੇ ਅਰ ਬਹੁ ਸੁਖ ਪਾਈ
 ॥੨੧॥ ਸਾਂਤਕੀ ਭੋਜਨ ਐਸਾ ਹੋਇ ॥ ਰਸ ਭਰਿਆ ਅਰ ਚਿਕਨਾ ਸੋਇ ॥ ਜਿਸ ਖਾਏ ਤੇ ਮਨ ਠਹਰਾਇ
 ॥ ਸਾਂਤਕੀ ਅਹਾਰ ਵਹੀ ਚਿਤ ਲਾਇ ॥੨੨॥ ਅਬ ਰਾਜਸੀ ਅਹਾਰ ਬਰਨੰਨ ॥ ਚੌਪਈ ॥ ਰਾਜਸੀ ਅਹਾਰ
 ਸੁਣੇ ਅਬ ਮੀਤ ॥ ਕਉੜਾ ਖਾਟਾ ਰਾਖੇ ਚੀਤ ॥ ਤਿਰਖਾ ਬਹੁੜ ਸਲੋਨਾ ਹੋਇ ॥ ਖਾਏ ਤੇ ਦੁਖ ਪਾਏ ਸੋਇ
 ॥੨੩॥ ਚਿੰਤਾ ਤਰ ਨਰ ਤਿਸਤੇ ਰਹੈ ॥ ਦੇਹ ਬਿਖੈ ਰੋਗ ਨਿਤ ਲਹੈ ॥ ਐਸਾ ਅਹਾਰ ਰਾਜਸੀ ਕਹੀਏ ॥
 ਜਿਸ ਖਾਏ ਤੇ ਦੁਖ ਸੁਖ ਲਹੀਏ ॥੨੪॥ ਅਬ ਤਾਮਸੀ ਅਹਾਰ ਬਰਨੰਨ ॥ ਚੌਪਈ ॥ ਤਾਮਸ ਅਹਾਰ ਕੇ
 ਐਸਾ ਜਾਨੋ ॥ ਬਾਸੀ ਝੂਠਾ ਫੀਕਾ ਮਾਨੋ ॥ ਤਾਮਸੀ ਨਰ ਦੇਹ ਭੋਜਨ ਭਾਵੈ ॥ ਅਗਿਆਨ ਦੁਖ ਦੇਹਿ ਮਾਹਿ

ਵਧਾਵੈ ॥ ਜਗ ਪ੍ਰਕਾਰ ਐਸੇ ਅਬ ਕਹੈ ॥ ਤੀਨ ਭਾਂਤ ਕਾ ਜਗ ਮੈਂ ਲਹੈ ॥੨੫॥ ਦੋਹਰਾ ॥ ਫਲ ਬਾਛੈ
 ਰਿਦ ਕਛੂ ਨਾਹਿ ਸ਼ਾਸਤ੍ਰ ਬਿਧਿ ਜੋ ਹੋਇ ॥ ਮਨ ਮੈਂ ਕਹੈਂ ਇਹੁ ਜਗ ਮੁਝੈ ਕਰਨਾ ਜੋਗ ਹੈ ਸੋਇ ॥੨੬॥ ਦੋਹਰਾ
 ॥ ਸਾਵਧਾਨ ਮਨ ਹੋਇ ਕਰਿ ਕਰਮੋ ਪ੍ਰੀਤਿ ਲਗਾਇ ॥ ਸਾਂਤਕ ਜਗ ਇਸ ਭਾਂਤ ਹੈ ਕਰੈ ਜੇਕੋ ਮਨ ਲਾਇ
 ॥੨੭॥ ਦੋਹਰਾ ॥ ਦਿਖਾਵਨ ਲੋਕ ਨਮਿਤ ਜੋ ਫਲ ਜਗ ਮਨ ਮੋਂ ਧਰੈ ॥ ਰਾਜਸ ਜਗ ਵਹੁ ਆਖੀਐ ਜੋ ਨਰ
 ਐਸਾ ਕਰੈ ॥੨੮॥ ਦੋਹਰਾ ॥ ਆਤਮਵੇਤਾ ਵਹੁ ਨਹੀਂ ਅਰ ਵਿਧ ਸ਼ਾਸਤ੍ਰ ਨਹੀਂ ਹੋਇ ॥ ਐਸਾ ਜਗ ਜੋ ਨਰ
 ਕਰੈ ਤਾਮਸ ਜਾਨੈ ਸੋਇ ॥੨੯॥ ਮੰਗਲ ਛੰਦੁ ॥ ਤਪਸਿਆ ਸੁਨੇ ਅਬ ਤ੍ਰੈ ਭਾਂਤ ॥ ਜੋ ਕਰੈ ਤਿਸ ਆਵੈ ਸਾਂਤ
 ॥ ਮਨ ਬਚਨ ਦੇਹ ਤੇ ਹੋਇ ॥ ਇਹੁ ਤੀਨ ਭਾਂਤ ਹੈ ਸੋਇ ॥ ਪ੍ਰਥਮੈ ਦੇਹਿ ਤਪਸਿਆ ਤੂੰ ਮਾਨ ॥ ਸੁਚ
 ਇਸ਼ਨਾਨ ਦਾਵਤ ਜਾਨ ॥ ਸੋ ਹਰਿ ਸਰਬ ਵਿਆਪੀ ਅਹੈ ॥ ਤਿਸ ਕੀ ਪੂਜਾ ਕੋ ਵਹੁ ਚਹੈ ॥ ਬ੍ਰਹਮਨ ਗੁਰੂ
 ਜੋ ਹੈ ਮੀਤ ॥ ਤਿਸਕੀ ਪੂਜਾ ਮਹਿ ਤਿਹ ਪ੍ਰੀਤ ॥ ਜਗ ਸਭ ਬ੍ਰਹਮ ਜਾਨੈ ਸੋਇ ॥ ਬ੍ਰਾਹਮਣ ਨਾਮ ਤਿਸ ਕਾ
 ਹੋਇ ॥ ਦਿਖਾਵੈ ਬ੍ਰਹਮ ਜੋ ਘਟ ਮਾਹਿ ॥ ਤਿਸਕਾ ਨਾਮ ਗੁਰ ਪ੍ਰਭ ਆਹਿ ॥ ਜਿਸਕੀ ਬੁਧ ਸ੍ਰੇਸ਼ਟ ਜੋ ਹੋਇ
 ॥ ਤਿਸਕੋ ਪੂਜਤਾ ਹੈ ਸੋਇ ॥ ਅਰ ਜੋ ਗ੍ਰਸਤ ਹੋਇ ਤਿਸ ਮੀਤ ॥ ਪਰਾਈ ਤੀਅ ਨ ਰਾਖੈ ਚੀਤ ॥ ਪਰ
 ਇਸਤ੍ਰੀ ਮਾਹਿ ਸਪਰਸ਼ ਨ ਕਰੈ ॥ ਅਪਨੇ ਗ੍ਰਿਹ ਬਿਖੈ ਮਨ ਧਰੈ ॥ ਅਰ ਜੋ ਤਿਆਗ ਜਗ ਤੇ ਲੇਇ ॥ ਦੇਹਿ
 ਤੇ ਸੁਕ੍ ਗਿਰਨ ਨਾ ਦੇਇ ॥ ਇਸਥਾਵਰ ਜੰਗਮ ਦਿਸੈ ਜੋਇ ॥ ਤਿਨਤੇ ਨਾ ਦੁਖਾਵੈ ਕੋਇ ॥ ਬ੍ਰਹਮਚਰਜ
 ਕੀ ਇਹੁ ਬਾਤ ॥ ਪੀਛੈ ਕਹੀ ਜੋ ਮੈਂ ਤਾਤ ॥ ਤਪਸਿਆ ਦੇਹਿ ਕੀ ਇਉਂ ਹੋਇ ॥ ਅਵ ਤਪ ਬਚਨ ਕਾ ਸੁਨ
 ਸੋਇ ॥ ਐਸਾ ਬਚਨ ਸੁਖ ਸੋ ਕਹੈ ॥ ਸੁਨਨੇ ਹਾਰ ਨ ਦੁਖ ਲਹੈ ॥ ਅਰ ਸਤ ਤਿਹ ਮੈਂ ਹੋਇ ॥ ਅਰ ਬਹੁ
 ਮੀਤ ਸੋ ਹੈ ਜੋਇ ॥ ਸੁਖਦਾਇਕ ਸੀਲ ਬੋਲੈ ਮੀਤ ॥ ਮੇਰੀ ਮਹਿਮਾਂ ਗਾਵੈ ਨੀਤ ॥ ਗਾਵੈ ਪੜੈ ਮੇਰੀ ਬਾਤ
 ॥ ਤਪ ਬਚਨ ਕਾ ਏਹ ਹੈ ਤਾਤ ॥ ਮਨ ਕਾ ਤਪ ਅਬ ਸੁਨ ਯਾਰ ॥ ਪ੍ਰਥਮੈ ਕਰੈ ਬ੍ਰਹਮ ਵੀਚਾਰ ॥ ਪ੍ਰਸੰਨ
 ਕਰੈ ਮੁਝਕੋ ਮੀਤ ॥ ਮੁਝ ਸੋ ਰਾਖਤਾ ਨਿਤ ਪ੍ਰੀਤ ॥ ਮਨ ਕੋ ਮੋਨ ਰਾਖੈ ਨਿਤ ॥ ਚਾਹੈ ਨਾਹਿ ਤਿਸ ਕਛੂ ਚਿਤ
 ॥ ਮਨ ਰਾਖੈ ਮੇਰੇ ਮਾਹਿ ॥ ਜਾਨੈ ਏਕ ਹਰਿ ਸਭ ਮਾਹਿ ॥ ਨਿਕਲੇ ਸੁਆਸ ਜਿਕਾ ਜੋਇ ॥ ਅਜਪਾ ਜਾਪ

ਜਾਪੈ ਸੋਇ ॥ ਅਹੰ ਕੋ ਸਾਸ ਵਰਤੇ ਕਹੈ ॥ ਹੰਸਾ ਜਾਪ ਐਸਾ ਲਹੈ ॥ ਬਪ ਮਨ ਬਚਨ ਕੀ ਇਹੁ ਰੀਤ ॥
ਸੋ ਸਭੀ ਰਾਖੋ ਚੀਤ ॥ ਤਪਸਿਆ ਹੈ ਜੋ ਤੀਨ ਪ੍ਰਕਾਰ ॥ ਸੋ ਤਿਸਕਾ ਕਹੈ ਅਵ ਬੀਚਾਰ ॥੩੦॥ ਦੋਹਰਾ
॥ ਤਪ ਕਰੈ ਫਲ ਨਾ ਚਹੈ ਸੋ ਸਾਂਤਕ ਤਪ ਜਾਨ ॥ ਸਦਾ ਤਿਆਰੀ ਜਗਤ ਸੋ ਮਨ ਮੈਂ ਰਾਮ ਪਛਾਨ ॥੩੧॥
ਦੋਹਰਾ ॥ ਅਪਨੀ ਪੂਜਾ ਕੇ ਨਮਿਤ ਕਰਤਾ ਤਪ ਪਾਖੰਡ ॥ ਭਲ ਕਹਾਵੈ ਜਗ ਸੋ ਸੋ ਰਾਜਸ ਪਰਚੰਡ ॥੩੨॥
ਦੋਹਰਾ ॥ ਸੋ ਤਪ ਰਾਜਸ ਬਿਰੁ ਨਹੀਂ ਦੁਖ ਹੈ ਤਿਸਕਾ ਮੂਲ ॥ ਐਸਾ ਤਪ ਜੋ ਡਿੰਭ ਯਕਾਮਤ ਕਰ ਹੋ ਕੋ ਭੂਲ
॥੩੩॥ ਦੋਹਰਾ ॥ ਮੂਰਖ ਮਤ ਸੁਨ ਤਪ ਕਹੈ ਦੇਹਿ ਕੋ ਬਹੁ ਦੁਖ ਦੇਹਿ ॥ ਕਰਤੇ ਹੀ ਜਿਸ ਦੁਖ ਹੈ ਫਲ
ਤਿਸਕਾ ਦੁਖ ਲੇਹਿ ॥੩੪॥ ਦੋਹਰਾ ॥ ਬੁਰਾਈ ਕਿਸੀ ਨਮਿਤ ਕੋ ਐਸਾ ਜੋ ਤਪ ਹੋਇ ॥ ਜਿਸਤੇ ਬਪੁ ਕੋ
ਹੋਇ ਦੁਖ ਤਾਮਸ ਜਾਨੋ ਸੋਇ ॥੩੫॥ ਦੋਹਰਾ ॥ ਤੀਨ ਪ੍ਰਕਾਰ ਕੇ ਦਾਸ ਸੁਣ ਜੈਸੇ ਆਖੋ ਤੋਹਿ ॥ ਕਹੈ ਮੁਝ
ਕਰਨਾ ਜੋਗ ਹੈ ਜਿਉਂ ਸਾਸਤ੍ਰ ਬਿਧ ਹੋਇ ॥੩੬॥ ਦੋਹਰਾ ॥ ਤਿਸੁ ਬ੍ਰਹਮਣ ਕੋ ਦਾਨ ਦੇਇ ਲੇਵੈ ਨਾਹੀ ਜਿਸ
ਫੇਰਿ ॥ ਉਪਕਾਰ ਜਗਤ ਨਾ ਹੋਇ ਤਿਸ ਸਭ ਸਾਧੋਂ ਕਾ ਮੇਰ ॥੩੭॥ ਦੋਹਰਾ ॥ ਭਲੀ ਪਵਿਤ੍ਰ ਠਉਰ ਮੇਂ
ਐਸਾ ਕੀਜੈ ਦਾਨ ॥ ਪਵਿਤ੍ਰ ਅਰ ਨਿਰਾਹਾਰ ਹੋਇ ਦੀਜੈ ਸਾਧ ਪਹਿਚਾਨ ॥੩੮॥ ਦੋਹਰਾ ॥ ਸੁਸਲੀ ਕਰਮੀ
ਬੁਧਵਾਨ ਐਸਾ ਬ੍ਰਾਹਮਣ ਹੋਇ ॥ ਬ੍ਰਾਹਮ ਜਾਨ ਜੋ ਰਿਦੇ ਮੈਂ ਤਿਸਦੀ ਜੈ ਇਹ ਸੋਇ ॥੩੯॥ ਦੋਹਰਾ ॥ ਐਸੀ
ਭਾਂਤਿ ਜੋ ਦੀਜੀਐ ਸੋ ਸਾਂਤਕ ਹੈ ਦਾਨ ॥ ਤਿਸਤੇ ਨਰ ਅਤ ਸੁਖ ਲਹੈ ਆਤਮ ਹੋਇ ਪਚਾਨ ॥੪੦॥ ਦੋਹਰਾ
॥ ਸੰਸਾਰ ਮਾਇਆ ਉਪਕਾਰ ਕਛੁ ਜਿਸ ਬ੍ਰਾਹਮਣ ਮੈਂ ਹੋਇ ॥ ਤਿਸਕੋ ਦੇਵੈ ਦਾਨ ਵਹੁ ਫਲੁ ਤਿਸ ਚਾਹੈ ਜੋਇ
॥੪੧॥ ਦੋਹਰਾ ॥ ਸੋ ਫਲ ਪਾਵੈ ਰਾਮ ਤੇ ਅਰ ਪੀਛੈ ਹੋਇ ਕਲਿਆਨ ॥ ਐਸੀ ਬਿਧ ਕਾ ਦਾਨ ਜੋ ਸੋ ਤੂੰ
ਰਾਜਸ ਜਾਨ ॥੪੨॥ ਦੋਹਰਾ ॥ ਠਉਰ ਸਮਾ ਅਪਵਿਤਰ ਹੋਇ ਅਪਾਤਰ ਦੀਜੈ ਦਾਨ ॥ ਐਸਾ ਦਾਨ
ਅਗਿਆਨ ਹੈ ਸੋ ਤੂੰ ਤਾਮਸ ਜਾਨ ॥੪੩॥ ਦੋਹਰਾ ॥ ਦਾਨ ਕਰਤ ਨਰ ਇਉਂ ਕਹੈ ਮੁਝ ਤੇ ਕਛੁ ਨਾ ਹੋਇ
॥ ਦੇਵੇ ਲੇਵੈ ਏਕ ਹਰਿ ਤਿਸ ਬਿਨ ਅਵਰ ਨ ਕੋਇ ॥੪੪॥ ਦੋਹਰਾ ॥ ਅਹੰਭਾਵ ਕੋ ਦੂਰ ਕਰਿ ਐਸਾ ਕਰਤਾ
ਦਾਨ ॥ ਸੋ ਦਾਨ ਅਤ ਸ੍ਰੇਸ਼ਟ ਹੈ ਜਿਸਤੇ ਉਪਜੈ ਗਿਆਨ ॥੪੫॥ ਸਭ ਮੈਂ ਰਵਿਆ ਏਕ ਹਰਿ ਤਿਸ ਬਿਨ

ਕਾ ਮਨ ਮੋ ਧਰੈ ॥੬੦॥ ਜੋ ਹੋਮੈ ਬੈਸੰਤਰ ਮਾਹਿ ॥ ਅਰ ਬ੍ਰਾਹਮਨ ਮਾਹਿ ਜੋ ਦਾਨ ਕਰਾਹਿ ॥ ਤਪਸਿਆ
 ਕਿਰਿਆ ਜੋ ਧਾਰੈ ॥ ਸੋ ਸਭ ਮਿਥਿਆ ਅਰਜਨ ਪਿਆਰੈ ॥੬੧॥ ਤਿਸਕਾ ਫਲੁ ਵਹੁ ਐਸੇ ਪਾਵੈ ॥ ਦੇਹਿ
 ਛਾਡਿ ਪ੍ਰੇਤ ਹੋ ਜਾਵੈ ॥ ਪ੍ਰੇਤ ਜੋਨ ਮੈਂ ਸਭ ਫਲ ਭੋਗੈ ॥ ਐਸੀ ਕਿਰਿਆ ਦੁਖ ਅਰ ਰੋਗੈ ॥੬੨॥ ਟੀਕਾਕਾਰ
 ਵਾਚ ॥ ਚੋਪਈ ॥ ਟੀਕਾਕਾਰ ਅਬ ਐਸੇ ਕਹੈ ॥ ਪ੍ਰੇਤ ਅਰਥ ਇਉਂ ਮਨ ਮੋਂ ਲਹੈ ॥ ਜਿਨ ਜਗ ਦੇਹਿ ਮਾਨਸ
 ਕੀ ਪਾਈ ॥ ਅਪਨੇ ਸਰੂਪ ਸੋ ਪ੍ਰੀਤਿ ਨ ਲਾਈ ॥੬੩॥ ਅਪਨੇ ਆਪ ਕੋ ਮੂਲ ਨ ਜਾਨੈ ॥ ਆਪਕੋ ਵਰਨ
 ਆਸ਼੍ਰਮ ਵਹੁ ਮਾਨੈ ॥ ਬ੍ਰਹਮ ਅਦ੍ਵੈਤ ਕੋ ਜਾਨੈ ਨਾਹਿ ॥ ਸਦਾ ਪ੍ਰੇਤ ਦੇਹਿ ਸੋ ਆਹਿ ॥੬੪॥ ਪ੍ਰੇਤ ਸੋਈ ਮਾਨਸ
 ਕਹਾਵੈ ॥ ਦੇਹਿ ਮਾਹਿ ਪ੍ਰੇਤ ਫਲ ਪਾਵੈ ॥ ਜਿਨ ਜਾਨਿਆ ਹੈ ਅਪਨਾ ਆਪ ॥ ਤਿਨਤੇ ਰਹੈ ਦੁਖ ਸੰਤਾਪ
 ॥੬੫॥ ਜਗ ਮੈਂ ਸੁਫਲਾ ਤਿਨਕਾ ਆਵਨ ॥ ਦੇਹਿ ਮਾਹਿ ਜੋ ਹਰਿਕਾ ਪਾਵਨ ॥ ਪਛਾਨ ਆਪ ਦੇਹਿ ਤੇ ਭਿੰਨ
 ਰਹੈ ॥ ਏਕ ਅਦ੍ਵੈਤ ਸਦਾ ਵਹੁ ਕਹੇ ॥੬੬॥ ਤਿਨ ਕੋ ਬ੍ਰਹਮ ਰੂਪ ਤੁਮ ਜਾਨੋ ॥ ਪ੍ਰਭ ਅਵਿਤਾਰ ਤਿਨਕੋ
 ਪਹਿਚਾਨੋ ॥ ਖਾਲਸਾ ਤੁਮ ਭੀ ਐਸੇ ਕਰੋ ॥ ਆਪ ਪਹਿਚਾਨ ਹਰਿ ਮੈਂ ਚਿਤ ਧਰੋ ॥੬੭॥ ਪ੍ਰੇਤ ਨ ਹੋਵਹੁ
 ਸਮਝਹੁ ਗਾਥ ॥ ਪਵਿਤ੍ਰ ਪ੍ਰੇਤ ਦੋਨੋਂ ਤੁਨ ਹਾਥ ॥ ਸੋਊ ਹੋਵਹੁ ਜਿਸ ਸਿਉ ਮਨ ਲਾਵਹੁ ॥ ਜੈਸੀ ਮਤ ਤੈਸੀ
 ਗਤਿ ਪਾਵਹੁ ॥ ੬੮॥ ਗੁਰ ਉਪਕਾਰ ਏਹੀ ਤੁਮ ਜਾਨੋ ॥ ਗੁਰਬਚਨੋ ਕੋ ਕਿਰਪਾ ਮਾਨੋ ॥ ਆਗੈ ਧਾਰਨ
 ਤੁਮਰੇ ਹਾਥ ॥ ਕਹੀ ਅਮਰ ਗੁਰ ਤੁਮਕੋ ਗਾਥ ॥੬੯॥ ਅਪਨੇ ਖਾਏ ਤੇ ਸਭੀ ਅਘਾਵੈ ॥ ਬਿਨ ਖਾਏ ਤੇ
 ਕੋਣ ਤੋ ਖਾਵੈ ॥ ਅਵਰ ਸਭੀ ਤੁਮ ਆਸ ਤਿਆਗੋ ॥ ਅਪਨੇ ਆਪ ਮੈਂ ਨਿਸਦਿਨ ਲਾਗੋ ॥੭੦॥ ਤਰਨ
 ਤਾਰਨ ਸਭ ਤੁਮ ਤੇ ਹੋਇ ॥ ਅਵਰ ਨ ਤਾਰੈ ਤੁਮਕੋ ਕੋਇ ॥ ਤੁਮ ਸਭ ਵਾਸਦੇਵ ਹੋ ਭਾਈ ॥ ਜਸਾ ਧਾਰੋ
 ਤਿਉ ਹੋਇ ਜਾਈ ॥੭੧॥ ਸਪਤ ਦਸਵੇਂ ਅਧਿਆਇ ਪੂਰਨ ਇਹ ਭਇਆ ॥ ਸਰਧਾ ਵਿਭਾਗ ਨਾਮੁ ਤਿਸੁ
 ਲਹਾ ॥ ਅਤਿ ਉਤਮ ਹੈ ਇਸ ਮੋਂ ਬਾਤ ॥ ਜੇਕੋ ਸਮਝੈ ਮਨ ਮੋਂ ਸਾਤ ॥੭੨॥ ਸਮਝ ਬਾਤ ਫਿਰ ਧਾਰੈ ਜੋਇ
 ॥੭੩॥ ਇਤਿ ਸ੍ਰੀ ਭਗਤ ਗੀਤਾ ਸੂਪ ਨਖਤ੍ਰ ਸੁ ਬ੍ਰਹਮ ਵਿਦਿਆ ਜੋਗ ਸਾਸਤ੍ਰੇ ਸ੍ਰੀ ਕ੍ਰਿਸ਼ਨ ਅਰਜਨ ਸੰਬਾਦੇ

ਸਰਧਾ ਵਿਭਾਗ ਜੋਗ ਪਦਮ ਪੁਰਾਣੇ ਸਤੀ ਈਸੁਰ ਸੰਬਾਦੇ ਉਤਰ ਖੰਡੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਸਪਤ ਦਸਵੇਂ
 ਧਿਆਇ ॥੭੪॥ ਆਗੇ ਇਸਕਾ ਮਹਾਤਮ ਚਲਿਆ ॥ ਸ੍ਰੀ ਭਗਵਾਨੋ ਵਾਚ ॥ ਹੇ ਲਛਮੀ ਅਬ ਸਤਾਰਵੇਂ
 ਧਿਆਇ ਕਾ ਫਲ ਕਹਤਾ ਹੋਂ ਸੋ ਤੂੰ ਸੁਣ ॥ ਏਕ ਮੰਡਲੀਕ ਦੇਸ ਤਹਾਂ ਕੇ ਰਾਜਾ ਕਾ ਨਾਮ ਦੁਸਾਸਨ ਥਾ ॥
 ਏਕ ਰਾਜਾ ਅਉਰ ਦੇਸ ਕਾ ਇਨ ਦੋਨੋਂ ਨੇ ਹਾਥੀ ਲੜਾਏ ॥ ਅਪਨੀ ਅਪਨੀ ਸ਼ਰਤ ਬਾਂਧੀ ॥ ਜਿਸਕਾ ਹਾਥੀ
 ਜੀਤੇ ਸੋ ਇਤਨਾ ਧਨ ਲੇਵੈ ॥ ਇਤਨਾ ਕਹਿਕੇ ਹਾਥੀ ਲੜਾਏ ॥ ਜਬ ਦੋਨੋਂ ਲੜੇ ॥ ਤਬ ਅਉਰ ਦੇਸ ਕਾ
 ਰਾਜਾ ਦੁਸਾਸਨ ਥਾ ॥ ਤਿਸ ਕਾ ਹਾਥੀ ਹਾਰਾ ॥ ਤਬ ਦੂਸਰੇ ਰਾਜਾ ਨੇ ਸ਼ਰਤ ਜੀਤੀ ॥ ਜਬ ਵਹ ਰਾਜਾ ਅਪਨੇ
 ਨਗਰਿ ਕਉ ਗਇਆ ॥ ਤਬ ਰਾਜਾ ਸੁਸਾਸਨ ਕਉ ਸੋਚ ਭਇਆ ॥ ਏਕ ਤੋ ਮੇਰਾ ਹਾਥੀ ਮੂਆ ॥ ਦੂਸਰਾ
 ਮੈਨੇ ਸ਼ਰਤ ਹਾਰੀ ॥ ਤੀਸਰਾ ਸੰਸਾਰ ਮੈਂ ਨਿੰਦਾ ਭਈ ॥ ਸਭ ਕੋਈ ਕਹੈਗਾ ਰਾਜਾ ਕਾ ਹਾਥੀ ਮੂਆ ॥ ਅਰੁ
 ਸ਼ਰਤ ਭੀ ਹਾਰੀ ॥ ਐਸੇ ਸ਼ੋਕ ਕਰਤੇ ਕਰਤੇ ਕਿਤਨੇਕ ਦਿਨ ਪੀਛੈ ਸੋ ਇਸੀ ਸ਼ੋਕ ਸਿਉ ਮਰ ਗਇਆ ॥ ਤਬ
 ਰਾਜਾ ਕਉ ਜਮ ਬਾਂਧਕਰਿ ਲੇ ਗਏ ॥ ਤਬ ਧਰਮਰਾਇ ਨੇ ਕਹਾ ਏਹ ਹਾਥੀ ਕੋ ਮੋਹ ਕਰਿ ਮੂਆ ਹੈ ॥ ਇਸ
 ਕਉ ਹਾਥੀ ਕੀ ਜੋਨਿ ਦੇਵਉ ॥ ਤਬ ਏਹ ਰਾਜਾ ਦੁਸਾਸਨ ਮਰਿਕੇ ਹਾਥੀ ਭਇਆ ॥ ਸਿੰਘਲਦੀਪ ਮੈਂ ॥
 ਸੋ ਉਹਾਂ ਕੇ ਰਾਜਾ ਕੇ ਹਾਥੀਓ ਮੈਂ ਏਹ ਭੀ ਹਾਥੀ ਭਇਆ ॥ ਸੋ ਇਸ ਹਾਥੀ ਕਉ ਪਹਿਲੇ ਜਨਮਕੀ ਸੁਧ ਰਹੀ
 ॥ ਮਨ ਮੈਂ ਕਹੇ ਮੈਂ ਪਹਿਲੇ ਜਨਮ ਕਾ ਰਾਜਾ ਹੋਂ ॥ ਏਕ ਹਾਥੀ ਸਿਉਂ ਮੋਹ ਕੀਆ ਥਾ ॥ ਤਿਸਤੇ ਮਰਕੇ ਹਾਥੀ
 ਭਇਆ ਹੋਂ ॥ ਐਸੇ ਹੀ ਪਛੁਤਾਵੈ ॥ ਦਾਣਾ ਨਾ ਖਾਵੈ ॥ ਪਾਣੀ ਨ ਪੀਵੈ ॥ ਰੁਦਨ ਕੀਆ ਕਰੇ ॥ ਏਤਏ
 ਮੈਂ ਏਕ ਬ੍ਰਾਹਮਣ ਦਿਸੰਤਰੀ ਆਇਆ ॥ ਤਿਸ ਨੇ ਸਿੰਘਲਦੀਪ ਕੇ ਰਾਜਾ ਕਉ ਵਿਦਿਆ ਕਰ ਅਲੋਕੋਂ ਕਰ
 ਕਥਾ ਕਰ ਬਹੁਤ ਪ੍ਰਸੰਨ ਕੀਆ ॥ ਤਬ ਰਾਜਾ ਨੇ ਕਹਾ ਬ੍ਰਾਹਮਣ ਜੀ ਕਛ ਮਾਂਗੋ ॥ ਜੋ ਮਾਂਗੋ ਸੋ ਲੇਵਉ ॥
 ਤਬ ਬ੍ਰਾਹਮਣ ਬੋਲਿਆ ॥ ਅਉਰ ਤੋ ਮੇਰੇ ਸਭ ਕਛੁ ਹੈ ॥ ਏਕ ਹਾਥੀ ਦੇਵਉ ॥ ਤਬ ਸਿੰਘਲਦੀਪ ਕੇ ਰਾਜਾ
 ਨੇ ਦੁਸਾਸਨ ਰਾਜਾ ਜੋ ਮਰ ਕੇ ਹਾਥੀ ਭਇਆ ਥਾ ॥ ਸੋ ਹਾਥੀ ਦੀਆ ॥ ਤਬ ਬ੍ਰਾਹਮਣ ਅਪਣੇ ਘਰਿ ਲੇ
 ਆਇਆ ॥ ਹਾਥੀ ਦੁਆਰੈ ਬੰਧਿਆ ॥ ਬ੍ਰਾਹਮਣ ਪਾਣੀ ਲੇ ਆਇਆ ਏਹ ਪਾਣੀ ਪੀਵੈ ਨਾਹੀਂ ॥ ਦਾਣਾ

ਆਗੇ ਧਰਾ ਦਾਣਾ ਖਾਵੈ ਨਾਹੀ ॥ ਰੁਦਨ ਕੀਆ ਕਰੇ ॥ ਮਹਾਂ ਉਦਾਸੀ ਕਰੇ ॥ ਅਰ ਮਨ ਮੈਂ ਸੋਕ ਕਰੇ ਕੋਈ
 ਐਸਾ ਹੋਇ ਜੋ ਮੁਝ ਕਉ ਇਸ ਦੇਹ ਤੇ ਛੁਡਾਵੈ ॥ ਤਬ ਉਸ ਬ੍ਰਾਹਮਣ ਮਹਾਵਤ ਬੁਲਾਇਆ ॥ ਉਸ ਸਿਉ
 ਪੂਛਾ ॥ ਜੋ ਦੇਖੋ ਤੋ ਇਸ ਹਾਥੀ ਕਉ ਕਉਨ ਦੁਖ ਹੈ ਜਿਸ ਰੋਗ ਸਿਉ ਇਹ ਦਾਣਾ ਨਹੀਂ ਖਾਤਾ ॥ ਪਾਨੀ
 ਨਹੀਂ ਪੀਤਾ ॥ ਤਬ ਉਸ ਮਹਾਵਤ ਨੇ ਦੇਖਿਆ ਦੇਖ ਕੇ ਬੋਲਿਆ ॥ ਬ੍ਰਾਹਮਣ ਜੀ ਇਸ ਕਉ ਤੋਂ ਦੁਖ ਕੋਈ
 ਨਹੀਂ ਅਛਾ ਭਲਾ ਹੈ ॥ ਤਬ ਬ੍ਰਾਹਮਣ ਰਾਜਾ ਕੇ ਪਾਸ ਗਇਆ ॥ ਹੇ ਮਹਾਰਾਜ ਤੁਮ ਨੇ ਜੋ ਮੁਝ ਕਉ ਹਾਥੀ
 ਦੀਆ ਹੈ ਸੋ ਦਾਣਾ ਨਹੀਂ ਖਾਤਾ ਪਾਣੀ ਨਹੀਂ ਪੀਤਾ ॥ ਅਰ ਖੜਾ ਰੁਦਨ ਕਰਤਾ ਹੈ ॥ ਤਬ ਰਾਜਾ ਨੇ ਕਹਾ
 ਚਲੋ ਤੋ ਦੇਖੋ ॥ ਤਬ ਰਾਜਾ ਚਲਿਆ ॥ ਹਾਥੀਓ ਕੇ ਤਬੀਬ ਮਹਾਵਤ ਸੰਗ ਲੀਏ ॥ ਤਬ ਰਾਜਾ ਉਹਾਂ
 ਆਇਆ ਨਹਾਂ ਹਾਥੀ ਬਾਂਧਾ ਥਾ ॥ ਰਾਜਾਨੇ ਉਨ ਤਬੀਬੋਂ ਕਉ ਕਹਾ ॥ ਤੁਮ ਦੇਖੋ ਤੋ ਇਸ ਕਉ ਕਉਨ ਦੁਖ
 ਹੈ ਤਬ ਉਨ ਮਹਾਵਤੋਂ ਨੇ ਦੇਖ ਕੇ ਕਹਾ ॥ ਮਹਾਰਾਜ ਇਸ ਕਉ ਦੁਖ ਕੋਈ ਨਹੀਂ ॥ ਏਕ ਬਾਤ ਹੈ ਇਸ ਕਉ
 ਕੋਈ ਮਨ ਕਾ ਦੁਖ ਹੈ ॥ ਤਬ ਰਾਜਾ ਨੇ ਕਹਾ ਹੇ ਹਾਥੀ ਮੁਖ ਸਿਉਂ ਬੋਲ ॥ ਤੁਝ ਕਉ ਕਉਨ ਦੁਖ ਹੈ ਤਬ
 ਉਹ ਹਾਥੀ ਮਾਨੁਖ ਭਾਖਾ ਬੋਲਿਆ ਕਹਾ ਹੇ ਮਹਾਰਾਜਾ ਤੂੰ ਬਡਾ ਧਰਮਾਤਮਾ ਹੈਂ ॥ ਅਰ ਏਹ ਬ੍ਰਾਹਮਣ ਭੀ
 ਭਲਾ ਪੰਡਤ ਹੈ ॥ ਹਰਿ ਭਗਤ ਹੈ ॥ ਹੇ ਰਾਜਾ ਤੁਮ ਜੋ ਮੁਝ ਕਉ ਪੂਛਾ ॥ ਕਛੁ ਖਾਤਾ ਨਹੀਂ ਪੀਵਤਾ ਨਾਹੀ
 ॥ ਸੋ ਇਸ ਬ੍ਰਾਹਮਣ ਕੇ ਘਰਿ ਤੋ ਪਰਮੇਸ਼ਰ ਕਾ ਦੀਆ ਸਭ ਕਛੁ ਹੈ ॥ ਪਰ ਮੇਰੇ ਪਰਾਪਤ ਜੋ ਨਹੀਂ ਕਉਂਕਰਿ
 ਖਾਵੋ ॥ ਤਬ ਬ੍ਰਾਹਮਣ ਬੋਲਿਆ ॥ ਰਾਜਾ ਜੀ ਏਹ ਅਪਨਾ ਹਾਥੀ ਫੇਰ ਲੇਵਉ ॥ ਨ ਕਛੁ ਖਾਤਾ ਹੈ ਨ ਪੀਵਤਾ
 ਹੈ ॥ ਤਬ ਰਾਜਾ ਨੇ ਕਹਾ ਦਾਨ ਕੀਆ ਕੈਸੇ ਫੇਰ ਲੇਵਉਂ ਭਾਵੈਂ ਮਰੇ ਭਾਵੇ ਜੀਵੇ ॥ ਤਬ ਹਾਥੀ ਬੋਲਿਆ ਰਾਜਾ
 ਜੀ ਤੁਮ ਕਲਪੋ ਨਹੀਂ ਜੋ ਕਛੁ ਮੈਂ ਕਹੋਂ ਸੋ ਤੁਮ ਕਰੋ ॥ ਇਸ ਬ੍ਰਾਹਮਣ ਕੇ ਘਰ ਮੈਂ ਗੀਤਾ ਕੀ ਪੋਥੀ ਹੈ ॥ ਤਬ
 ਬ੍ਰਾਹਮਣ ਬੋਲਿਆ ਹਾਂ ਹਾਂ ਹੈ ॥ ਤਬ ਬ੍ਰਾਹਮਣ ਪੋਥੀ ਲੇ ਆਇਆ ॥ ਤਬ ਹਾਥੀ ਨੇ ਕਹਾ ॥ ਤੁਮ ਗੀਤਾ
 ਕਾ ਸਤਾਰਵਾਂ ਅਧਿਆਇ ਪੜ੍ਹੋ ॥ ਮੈਂ ਸੁਣੈ ਕ੍ਰਿਤਾਰਥ ਹੋਵੈਂ ॥ ਤਬ ਉਸ ਬ੍ਰਾਹਮਣ ਗੀਤਾ ਕਾ ਸਤਾਰਵਾਂ
 ਅਧਿਆਇ ਪਾਠ ਕੀਆ ॥ ਜਬ ਸੰਪੂਰਨ ਸੁਣਿਆ ॥ ਤਬ ਹੀ ਤਤਕਾਲ ਹਾਥੀ ਕੀ ਦੇਹ ਛੁਟੀ ॥ ਦੇਵ ਦੇਹੀ

Dr. Gobind Geeta/Giani Hardeep Singhji Hazur Sahib Nanded (Billu-9960448233) (28-5-2016) [159]

Dr. Gobind Geeta/Giani Hardeep Singhji Hazur Sahib Nanded (Billu-9960448233) (28-5-2016) [160]

॥੧੮॥ ਇਸਨਾਨ ਆਦ ਲੇ ਕਰਮ ਸਭ ਕਰੈ ॥ ਫਲ ਤਿਸਕਾ ਮਨ ਮੈਂ ਨਹੀਂ ਧਰੈ ॥ ਐਸਾ ਪੁਰਖ ਸਭ ਕਰੈ
 ॥ ਫਲ ਤਿਸਕਾ ਮਨ ਮੈਂ ਨਹੀਂ ਧਰੈ ॥ ਐਸਾ ਪੁਰਖ ਬਬੇਕੀ ਜੋਇ ॥ ਬਾਛੈ ਨਿਤ ਮੁਕਤ ਕੀ ਸੋਇ ॥੧੯॥
 ਬੁਰੇ ਕਰਮ ਦੀ ਨਿੰਦ ਨ ਕਰੇ ॥ ਸਤ ਕਰਮ ਨਿਤ ਮਨਮੋ ਧਰੇ ॥ ਫਲ ਤਿਨਕਾ ਬਾਛੈ ਕਛੁ ਨਾਹਿ ॥ ਕਰਮ
 ਕਰਿ ਅਪਰੈ ਈਸਰ ਮਾਹਿ ॥੨੦॥ ਨਿਹਕਾਮ ਕਰਮ ਤੇ ਗਿਆਨ ਕੋ ਪਾਵੈ ॥ ਗਿਆਨ ਕੋ ਪਾਇ ਸੁਖ ਸਹਿਜ
 ਸਮਾਵੈ ॥ ਅਰ ਜੋ ਕਹੈ ਮੈ ਕਰਮ ਤਿਆਗੈ ॥ ਸੋ ਮੂਰਖ ਮਤ ਝੂਠ ਕਉ ਲਾਗੈ ॥੨੧॥ ਵਰਤੈ ਨਹੀਂ ਦੇਹਿ
 ਬਿਨ ਕਰਮ ॥ ਦੇਹਿ ਚਲੈ ਕਰਮ ਕੇ ਧਰਮ ॥ ਇਕ ਪਲ ਦੇਹਿ ਬਿਨ ਕਰਮ ਰਹੈ ॥ ਕਰਮ ਬਿਨਾ ਦੇਹੀ ਜੜ
 ਅਹੈ ॥੨੨॥ ਕਰਮ ਤਿਆਗੈ ਕੋਈ ਨਾਹੀ ॥ ਝੂਠ ਤਿਆਗਿ ਕਹੈ ਮਨ ਮਾਹਿ ॥ ਤਾਂਤੇ ਜਬ ਲਗ ਗਿਆਨ
 ਨ ਹੋਇ ॥ ਨਿਹਕਾਸ ਕਰਮ ਕਰੈ ਨਿਤ ਸੋਇ ॥੨੩॥ ਕਰਮੋ ਕੇ ਫਲ ਤੀਨ ਪਰਕਾਰ ॥ ਦੁਖਦਾਇਕ
 ਸੁਖਦਾਇਕ ਯਾਰ ॥ ਸੁਖ ਦੁਖ ਹੋਇ ਦੋਨੋ ਜਿਹ ਮਾਹਿ ॥ ਪਰਕਾਰ ਤੀਸਰੇ ਸੋਈ ਆਹਿ ॥ ਸੰਸਾਰ ਤਿਆਗਿ
 ਜੋ ਮੁਝ ਸਰਨੀ ਆਵੈ ॥ ਸੋ ਤੀਨ ਪਰਕਾਰ ਵਹੁ ਨਰ ਨਹੀਂ ਪਾਵੈ ॥੨੪॥ ਅਵ ਸਾਂਥ ਸਾਂਥ ਬਚਨ ਬਰਨੰਨ
 ॥ ਚੌਪਈ ॥ ਅਬ ਸਾਂਥ ਸ਼ਾਸਤ੍ਰ ਕਾ ਬੀਚਾਰ ॥ ਸਾਂਥ ਭਗਤਿ ਫੁਨਿ ਕਹੈ ਪੁਕਾਰ ॥ ਦੇਹਿ ਧਾਰੀ ਮਾਨਸ
 ਜੋ ਆਹਿ ॥ ਬੁਰਾ ਭਲਾ ਹੋ ਕਰਮ ਕਮਾਹਿ ॥੨੫॥ ਕਰਤਾ ਤਿਨ ਇੰਦ੍ਰੀ ਮਨ ਅਹੈ ॥ ਬ੍ਰਹਮ ਅਕਰਤਾ
 ਨਿਸਦਿਨ ਰਹੈ ॥ ਪਰਮਾਤਮ ਅਲੇਪ ਨਿਤ ਦੇਖੈ ॥ ਸਭੀ ਕਰਮ ਇੰਦ੍ਰੀ ਤੇ ਪੇਖੈ ॥੨੬॥ ਇੰਦ੍ਰੀ ਦੇਹਿ ਅਨਿਤ
 ਜੋ ਆਹੀ ॥ ਅਨਿਤ ਕੇ ਕਰਮ ਅਨਿਤ ਕਹਾਹੀ ॥ ਅਰੁ ਆਤਮ ਤਤ ਪੂਰਨ ਅਹੈ ॥ ਸੋ ਅਕ੍ਰੈ ਨਿਰਲੇਪ ਨਿਤ
 ਰਹੈ ॥੨੭॥ ਦੇਹਿ ਝੂਠ ਤਿਸ ਕਰਮ ਸਭ ਕੂੜ ॥ ਆਤਮ ਸਤ ਦੇਹਿ ਪਗ ਧੂੜ ॥ ਜਿਨ ਕੀ ਬੁਧ ਨੇ ਏਹ
 ਗਤ ਜਾਨੀ ॥ ਸੋ ਹੈ ਸਾਂਥ ਸ਼ਾਸਤ੍ਰ ਕੋ ਮਾਨੀ ॥੨੮॥ ਬ੍ਰਹਮ ਅਲੇਪ ਅਕ੍ਰੈ ਤਿਹ ਜਾਨਾ ॥ ਅਵੈ ਸੋ ਤਿਸਕਾ
 ਮਨ ਮਾਨਾ ॥ ਬੁਧ ਅਹੰਕਾਰ ਤਿਸ ਨਰ ਕਾ ਗਇਆ ॥ ਹੇ ਅਰਜਨ ਵਹੁ ਬ੍ਰਹਮ ਹੀ ਭਇਆ ॥੨੯॥ ਜੋ
 ਵਹੁ ਪੁਰਖ ਤ੍ਰਿਲੋਕੀ ਮਾਰੈ ॥ ਤਿਸਕੋ ਬੇਦ ਅਲੇਪ ਉਚਾਰੇ ॥ ਤਿਸਨੇ ਮਾਰਿਆ ਕੋਈ ਨਾਹਿ ॥ ਅਕ੍ਰੈ ਅਲੇਪ
 ਸੋਈ ਨਰ ਆਹਿ ॥੩੦॥ ਇਹ ਮਤ ਸਾਂਥ ਸ਼ਾਸਤ੍ਰ ਕਾ ਭਾਈ ॥ ਜਿਨ ਧਾਰਿਆ ਤਿਨ ਹੀ ਗਤਿ ਪਾਈ ॥

Dr. Gobind Geeta/Giani Hardeep Singhji Hazur Sahib Nanded (Billu-9960448233) (28-5-2016) [162]

Dr. Gobind Geeta/Giani Hardeep Singhji Hazur Sahib Nanded (Billu-9960448233) (28-5-2016) [163]

॥੧੧੦॥ ਸਭੁ ਬਾਤ ਤੇ ਪਾਵੈ ਮੁਕਤਿ ॥ ਜੋ ਮੁਝ ਮਿਲੈ ਤੂੰ ਐਸੀ ਜੁਗਤਿ ॥ ਮਹਾ ਅਨੰਦ ਸੁਖ ਪਾਵੈ ਮੀਤਾ
 ॥ ਪੂਰਨ ਭਇਆ ਸੁਖ ਸ਼ਾਸਤ੍ਰ ਗੀਤਾ ॥੧੧੧॥ ਦੋਹਰਾ ॥ ਰਿਖੀਕੇਸ਼ ਐਸੇ ਕਹੈ ਸੁਨ ਹੋ ਅਰਜਨ ਮੀਤ
 ॥ ਗੀਤਾ ਅਬ ਪੂਰਨ ਭਈ ਅਵਰ ਸੁਨੋ ਦੇ ਚੀਤ ॥੧੧੨॥ ਦੋਹਰਾ ਏਹ ਜੋ ਗਿਆਨ ਮੈਂ ਤੁਝ ਕਹਾ ਸੋ ਅਤਿ
 ਉਤਮ ਆਹਿ ॥ ਦੇ ਮੁਖ ਹੋ ਮੁਝ ਭਗਤ ਤੇ ਕਹੋ ਨ ਤਿਨਕੇ ਮਾਹਿ ॥੧੧੩॥ ਸੋਰਠਾ ॥ ਅਰ ਜੋ ਤਪਸੀ
 ਹੋਇ ਭਗਤ ਨਹੀਂ ਮੁਝ ਰਿਦੈ ਮੈਂ ॥ ਤਿਸੈ ਨ ਕਹੀਐ ਸੋਇ ਐਸਾ ਗਿਆਨ ਜੋ ਗੁਹਜ ਹੈ ॥੧੧੪॥ ਦੋਹਰਾ
 ॥ ਸੁਨਨੇ ਕੀ ਜਿਸ ਪ੍ਰੀਤਿ ਨਾਹਿ ਤਾਹਿ ਨ ਆਖੋ ਮੀਤ ॥ ਇਸਿਨਾ ਕੋ ਨਹੀਂ ਆਖਣਾ ਦ੍ਰਿੜ ਕਰਿ ਰਾਖੋ ਚੀਤ
 ॥੧੧੫॥ ਚੌਪਈ ॥ ਐਸਾ ਗੁਹਜ ਜੋ ਮੇਰਾ ਗਿਆਨ ॥ ਭਗਤ ਮਾਹਿ ਜੋ ਕਰੈ ਬਖਾਨ ॥ ਤਿਨ ਹੀ ਪਰਮ
 ਭਗਤ ਮੁਝ ਕੀਨੀ ॥ ਜਿਸ ਐਸੀ ਬਾਤ ਰਿਦੈ ਮੈਂ ਚੀਨੀ ॥੧੧੬॥ ਭਗਤੋਂ ਕੋ ਜੋ ਗਿਆਨ ਸੁਨਾਵੈ ॥ ਸੋ ਮਾਨੁਖ
 ਮੁਝਕੋ ਅਤਿ ਭਾਵੈ ॥ ਤਿਸ ਸਮਾਨ ਮੁਝ ਅਵਰ ਨ ਕੋਈ ॥ ਮੁਝਕੋ ਭਗਤ ਪਿਆਰਾ ਸੋਈ ॥੧੧੭॥ ਪੀਛੈ
 ਆਗੈ ਅਬ ਜੋ ਮੀਤ ॥ ਤਿਸ ਸਮਾਨ ਨ ਰਾਖੋ ਚੀਤ ॥ ਜੋ ਮੇਰੇ ਭਗਤ ਮਾਹਿ ਇਹਿ ਭਾਖੈ ॥ ਸੋ ਅਤਿ ਪਿਆਰਾ
 ਮੁਝਕੋ ਲਾਖੈ ॥੧੧੮॥ ਅਰੁ ਜੋ ਇਸਕਾ ਅਰਥ ਨ ਜਾਨੈ ॥ ਪਾਠ ਮਾਤ੍ਰ ਹੀ ਸਦਾ ਬਖਾਨੈ ॥ ਗੀਤਾ ਜਗ
 ਅਤ ਸ੍ਰੇਸ਼ਟ ਜੋਇ ॥ ਇਸ ਕਰਿ ਮੁਝ ਕਉ ਪੂਜੈ ਸੋਇ ॥੧੧੯॥ ਗੀਤਾ ਪਾਠ ਜਬ ਲਗ ਵਹੁ ਕਰਤਾ ॥
 ਤਿਸਕੈ ਨਿਕਟਿ ਮੈਂ ਤਬ ਲਗ ਫਿਰਤਾ ॥ ਇਸੀ ਭਾਂਤ ਨਿਕਟਿ ਤਿਸ ਫਿਰੇ ॥ ਬੁਲਾਇਆ ਤਿਸਕਾ ਮਨ ਮੈਂ
 ਧਰੇ ॥੧੨੦॥ ਜੈਸੇ ਕਿਸੀ ਬੁਲਾਵੈ ਕੋਇ ॥ ਤਿਸਕੇ ਨਿਕਟਿ ਵਹੁ ਪ੍ਰਾਪਤ ਹੋਇ ॥ ਤੈਸੇ ਪੜ ਵਹੁ ਮੁਝੈ ਬੁਲਾਵੈ
 ॥ ਅਪਨੇ ਨਿਕਟਿ ਵਹੁ ਮੁਝਕੋ ਪਾਵੈ ॥੧੨੧॥ ਮੇਰੀ ਬਾਤ ਇਹ ਨਿਸਚੈ ਜਾਨ ॥ ਜੋ ਸਰਧਾ ਤੇ ਸੁਣ ਕਰਿ
 ਮਾਨ ॥ ਅਰ ਸਤਿ ਸਤਿ ਮਨ ਅਪਨੇ ਧਰੈ ॥ ਮੇਰੇ ਬਚਨ ਕੀ ਨਿੰਦ ਨ ਕਰੈ ॥੧੨੨॥ ਜੇਕੋ ਵਰਤੈ ਇਤ
 ਪ੍ਰਕਾਰ ॥ ਤਿਸ ਨਰ ਕੋ ਤੂੰ ਮੁਕਤ ਬੀਚਾਰ ॥ ਸੰਸਾਰ ਬੰਧਨ ਸਭ ਕਾਟੈ ਵਹੁ ਜਨ ॥ ਪਾਵੈ ਮੇਰੇ ਭਜਨ ਕਾ
 ਧਨ ॥ ਸੋ ਮੇਰੇ ਪਦ ਕੋ ਪ੍ਰਾਪਤ ਹੋਇ ॥ ਆਵਾਗਵਨ ਨ ਪਾਵੈ ਸੋਇ ॥੧੨੩॥ ਦੋਹਰਾ ॥ ਗੀਤਾ ਕਾ ਉਪਦੇਸ
 ਜੋ ਤੁਝਕੋ ਭਾਖਿਓ ਮੀਤ ॥ ਇਕਾਗਰ ਮਨ ਸੋ ਸ੍ਰਵਨ ਕਰਿ ਰਾਖਿਓ ਹੈ ਤਿਹ ਚੀਤ ॥੧੨੪॥ ਸੋਰਠਾ ॥

॥ ਸੁਰਗੁਨ ਤੇ ਨਿਰਗੁਨ ਪਿਹਚਾਨੋ ॥ ਸਭੀ ਨਾਮ ਅਨਾਮ ਕੇ ਮਾਨੋ ॥ ਗੋਬਿੰਦ ਬਿਨਾਂ ਕਛੁ ਅਵਰ ਨ ਜਾਨੋ
 ॥੧੫੩॥ ਜਬ ਗੋਬਿੰਦ ਨਿਰਗੁਨ ਮੈਂ ਆਵੈ ॥ ਜੋ ਦੀਸੈ ਸੋ ਸਕਲ ਛਪਾਵੈ ॥ ਜਬ ਸੁਰਗੁਨ ਕੋ ਯਾਨੈ ਰੂਪ
 ॥ ਏਹ ਸਭ ਜਗ ਹੈ ਤਿਸੀ ਸਰੂਪ ॥੧੫੪॥ ਸੁਰ ਗੁਨ ਨਿਰਗੁਨ ਕਹੀਏ ਜੋਇ ॥ ਦੋ ਜਾਮੇ ਗੋਬਿੰਦ ਕੇ ਹੋਇ
 ॥ ਪਹਿਰੇ ਨਿਰਗੁਨ ਕਾ ਜਬ ਜਾਮਾ ॥ ਪਾਵੈ ਆਪ ਮਾਹਿ ਬਿਸ੍ਰਾਮਾ ॥੧੫੫॥ ਸੁਰਗੁਨ ਜਾਮਾ ਜਬ ਵਹੁ
 ਪਹਿਰੈ ॥ ਸਭ ਸੰਸਾਰ ਆਪ ਹੋਇ ਠਹਿਰੈ ॥ ਕਿਆ ਕਹੌਂ ਕਛੁ ਕਹਿਆ ਨ ਜਾਇ ॥ ਏਕ ਗੋਬਿੰਦ ਸਭ
 ਰਹਿਆ ਸਮਾਇ ॥੧੫੬॥ ਏਕ ਕਹਾ ਭੀ ਅਉਰ ਨ ਭਾਖੋਂ ॥ ਆਪ ਕੋ ਅਫਨੇ ਮਾਹਿ ਨਿਤ ਰਾਖੋਂ ॥ ਫਿਰ
 ਨਿਰਬਾਚ ਦਸਾ ਕੋ ਕਹੌਂ ॥ ਅਪਨੇ ਸੁਖ ਮੈਂ ਆਪ ਹੀ ਰਹੌਂ ॥੧੫੭॥ ਅਠਾਰਹ ਧਿਆਇ ਸੰਪੂਰਨ ਭਏ ॥
 ਸੁਣੇ ਪੜੇ ਤੇ ਸਭ ਪਾਤਕ ਗਏ ॥ ਜੇ ਕੋ ਧਾਰੈ ਮਨ ਕੇ ਮਾਹਿ ॥ ਤਾਤਕਾਲ ਵਹੁ ਸਭ ਫਲ ਪਾਇ ॥ ਪੂਰਨ
 ਭਇਆ ਅਠਾਰਵਾਂ ਧਿਆਇ ॥੧੮॥ ਇਸ ਸ੍ਰੀ ਭਗਵਤ ਗੀਤਾ ਸੁਪਨਖਤ੍ਰੁ ਸੁ ਬ੍ਰਹਮ ਵਿਦਿਆ ਜੋਗ ਸਾਸਤ੍ਰੇ
 ਸ੍ਰੀ ਕ੍ਰਿਸ਼ਨ ਅਰਜਨ ਸੰਬਾਦੇ ਗੋਬਿੰਦ ਸਿੰਘ ਕ੍ਰਿਤੇ ਨਾਮ ਅਸ਼ਟ ਦਸਮੇਂ ਧਿਆਇ ਸਮਾਪਤੰ ਸੰਪੂਰਣੰ ॥
 ਸ੍ਰੀ ਕ੍ਰਿਸ਼ਨ ਭਗਵਾਨ ॥ ਸਦਾ ਭੁਲ ਚੁਕ ਬਖਸੰਦ ॥ ਲੇਖਕ ਪਾਠਕ ਸੁਣਤਕੋ ਕਲਿਆਣ ॥੧॥

ੴ ਸਤਿਗੁਰ ਪ੍ਰਸਾਦਿ ॥ ਆਗੈ ਮਹਾਤਮ ਚਲਿਆ ॥

ਸ੍ਰੀ ਭਗਵਾਨੋ ਵਾਚ ॥ ਸ੍ਰੀ ਨਾਰਾਇਣ ਜੀ ਬੋਲੇ ॥ ਸ੍ਰੀ ਲਛਮੀ ਅਬ ਅਠਾਰਵੇਂ ਧਿਆਇ ਕਾ ਫਲ ਕਹਤਾ ਹੋਂ
 ਤੁਮ ਸੁਣੋ ॥ ਜੈਸੇ ਨਦੀਓ ਮੈਂ ਗੰਗਾ ਜੀ ਸ੍ਰੇਸ਼ਟ ਹੈ ॥ ਜੈਸੇ ਖੇਤ੍ਰ ਮਾਹਿ ਹਰਦੁਆਰ ਸ੍ਰੇਸ਼ਟ ਹੈ ॥ ਜੈਸੇ ਸਭ ਤੀਰਥੋਂ
 ਮੈਂ ਪੁਹਕਰ ਸ੍ਰੇਸ਼ਟ ਹੈ ॥ ਜੈਸੇ ਪਰਬਤੋਂ ਮੈਂ ਕੈਲਾਸ ਸ੍ਰੇਸ਼ਟਿ ਹੈ ॥ ਜੈਸੇ ਸਰਬ ਰਖੀਸਰੋਂ ਮੈਂ ਨਾਰਦ ਸ੍ਰੇਸ਼ਟਿ ਹੈ
 ॥ ਜੈਸੇ ਸਰਬ ਮੁਨੀਸਰੋਂ ਮੈਂ ਵਿਆਸ ਸ੍ਰੇਸ਼ਟ ਹੈ ॥ ਜੈਸੇ ਸਰਬ ਪਸੂ ਮੈਂ ਗਊ ਸ੍ਰੇਸ਼ਟ ਹੈ ॥ ਤੈਸੇ ਸਰਬ ਧਿਆਓ
 ਮੈਂ ਅਠਾਰਵਾਂ ਧਿਆਇ ਸ੍ਰੇਸ਼ਟ ਹੈ ॥ ਸੋ ਅਠਾਰਵੇਂ ਧਿਆਇ ਕਾ ਫਲ ਮੈਂ ਕਹਤਾ ਹੋਂ ॥ ਤੁਮ ਸੁਣੋ ॥ ਸੁਮੇਰ
 ਪਰਬਤ ਕੇ ਉਪਰਿ ਦੇਵ ਲੋਕ ਹੈ ॥ ਤਹਾਂ ਰਾਜਾ ਇੰਦ੍ਰ ਕੁਬੇਰ ਵਰਣ ਜਬ ਅਰ ਸਭ ਦੇਵਤਾ ਹੈਂ ॥ ਸੋ ਏਕ

ਸ੍ਰੀ ਭਗਵਾਨੋ ਵਾਚ ॥

ਸਥੀ ਨਰਾਇਣ ਜੀ ਬੋਲੇ ॥ ਹੇ ਲਛਮੀ ਜੋ ਬ੍ਰਾਹਮਣ ਅਰ ਸਾਧ ਬੈਸਨਵ ਪਰਮੇਸਰ ਕੇ ਹੈਂ ਸੋ ਗੀਤਾ ਕਾ ਅਠਾਰਵਾਂ ਧਿਆਇ ਨਿਤ ਪਾਠ ਕਰਤੇ ਹੈਂ ॥ ਤਿਨਕੋ ਹਜਾਰ ਅਸਮੇਧ ਜਗ ਕੀਏ ਕਾ ਪੁੰਨ ਹੋਤਾ ਹੈ ॥ ਅਰ ਕੋਟ ਕਪਲਾ ਗਊ ਕੀਏ ਕਾ ਪੁੰਨ ਹੋਤਾ ਹੈ ॥ ਅਨੇਕ ਚੰਦ੍ਰਾਇਣ ਬ੍ਰਤ ਕੀਏ ਕਾ ਪੁੰਨ ਹੋਤਾ ਹੈ ॥ ਅਨੇਕ ਬਡੇ ਪੁੰਨੋਂ ਕੇ ਫਲ ਹੋਤੇ ਹੈਂ ॥ ਜੋ ਨਿਤ ਪ੍ਰਤਿ ਗੀਤਾ ਪਾਠ ਕਰੇ ॥ ਅਥਵਾ ਪ੍ਰੀਤਿ ਸੰਜੁਗਤਿ ਸੁਣੇ ਸੋ ਮੁਕਤ ਹੋ ਜਾਤਾ ਹੈ ॥ ਇਨ ਪਵਿੱਤ੍ਰ ਠਉਰੋਂ ਬੈਠਕੇ ਪਾਠ ਕਰੇ ॥ ਗੰਗਾ ਜੀ ਕੇ ਤੀਰ ਪਰ ਪਾਠ ਕਰੈ ॥ ਕੈ ਤੁਲਸੀ ਜੀ ਕੈ ਪਾਸ ਪਾਠ ਕਰੇ ॥ ਕੈ ਪਿਪਲ ਕੈ ਬਿਰਛ ਪਾਸਿ ਪਾਠ ਕਰੇ ॥ ਜਹਾਂ ਜਹਾਂ ਉਤਮ ਠਉਰ ਹੋਵੈ ਤਹਾਂ ਤਹਾਂ ਪਾਠ ਕਰੇ

॥ ਤੇ ਕਲਜੁਗ ਕੇ ਅਘੋਰ ਪਾਪੋਂ ਦੁਖੋਂ ਤੇ ਸਲੇਸ਼ੋਂ ਤੇ ਅਪਦਾ ਤੇ ਛੂਟੇ ॥ ਜੇ ਚਾਰ ਸਾਧਨ ਕੀਆ ਕਰੇ ॥ ਤੇ ਕਲਜੁਗ ਕੇ ਪਾਪ ਵਿਆਪੇ ਨਾਹੀਂ ॥ ਪ੍ਰਥਮੇ ਤੇ ਗੰਗਾ ਜੀ ਕਾ ਇਸ਼ਨਾਨ ॥ ਦੂਸਰਾ ਗਾਇਤ੍ਰੀ ਜਾਪ ॥ ਤੀਸਰਾ ਸਾਧਾਂ ਕੀ ਸੰਗਤਿ ॥ ਚਉਥਾ ਗੋਬਿੰਦ ਜੀ ਕਾ ਨਾਮ ॥ ਏ ਸਾਧਨ ਨਿਤ ਕੀਆ ਕਰੇ ॥ ਤੇ ਕੋਈ ਪਾਪ ਇਸਕੋ ਲਾਗੇ ਨਾਹੀਂ ॥ ਅਰ ਗੀਤਾ ਸ਼ਾਸਤ੍ਰ ਕੋ ਇਨੋ ਪੁਰਬੋਂ ਵਿਖੈ ਤੇ ਆਵਸ ਹੀ ਪਢੇ ॥ ਪ੍ਰਥਮੇ ਤੇ ਇਕਾਦਸ਼ੀ ਮੋ ਪੜੇ ॥ ਦੂਸਰਾ ਅਮਾਵਸ ਮੋ ਪੜੇ ॥ ਤੀਸਰਾ ਪੂਰਨਮਾਸ਼ੀ ਮੋ ਪੜੇ ॥ ਤੇ ਹਜਾਰ ਗਊ ਦਾਨ ਕੀਏ ਕਾ ਫਲ ਇਸਕੋ ਹੋਤਾ ਹੈ ॥ ਅਰ ਜੇ ਪਿਤਰ ਪਖ ਮੈਂ ਪੜੇ ॥ ਤੇ ਜਿਤਨੇ ਪਿਤਰ ਅਧੋਗਤਿ ਗਏ ਹੋਵੈ ਸੋ ਮੁਕਤਿ ਹੋਵੈ ॥ ਵਈਕੁੰਠ ਕੋ ਪ੍ਰਾਪਤ ਹੋਵੈ ॥ ਜੇ ਗੀਤਾ ਜੀ ਸੰਪੂਰਨ ਪਾਠ ਰੇ ਤੇ ਆਵਾਗਵਨ ਜਗਤ ਮੋ ਕਦਾਚਿਤ ਨ ਪਾਵੈ ॥ ਕੋਈ ਏਕ ਧਿਆਇ ਪਾਠ ਕਰੇ ॥ ਅਰੁ ਕੋਈ ਏਕ ਸਲੋਕ ਪਾਠ ਕਰੇ ॥ ਤੇ ਭੁਗਤ ਮੁਕਤਿ ਦੋਨੋਂ ਕਉ ਪਾਵੈ ॥ ਅਰੁ ਗੀਤਾ ਜੀ ਕਾ ਸਲੋਕ ਪਢਕੇ ਸ੍ਰੋਤਾ ਕੋ ਸੁਨਾਵੈ ॥ ਅਥਵਾ ਗਾਇ ਕੇ ਸੁਣਾਵੈ ॥ ਤੇ ਏਕ ਗਊ ਦਾਨ ਕੀਏ ਕਾ ਫਲ ਹੋਤਾ ਹੈ ॥ ਇਸ ਜੀਵ ਕੋ ਉਧਾਰਬੇ ਕੋ ਏਹੁ ਛਿਅ ਜਤਨ ਹੈ ॥ ਪਹਿਲੇ ਗੰਗਾ ਜੀ ਕਾ ਇਸ਼ਨਾਨ ॥ ਦੂਸਰਾ ਗੀਤਾ ਜੀ ਕਾ ਪਾਠ ॥ ਤੀਸਰਾ ਕਪਲਾ ਗਊ ਕੀ ਸੇਵਾ ॥ ਚਉਥਾ ਤੁਲਸੀ ਵਿਖੇ ਜਲ ਸਿੰਚਣਾ ॥ ਪੰਜਵਾਂ ਗਿਆਨੀ ਸਾਧੋਂ ਕੀ ਸੇਵਾ ॥ ਛਿਹਵਾਂ ਇਕਾਦਸ਼ੀ ਬ੍ਰਤ ॥ ਏਹੁ ਛਿਹ ਉਪਾਵ ਜੀਵ ਕੇ ਉਧਾਰਬੇ ਕੇ ਜਤਨ ਹੈ ॥ ਅਰੁ ਜੇ ਕੋਈ ਇਨੋਂ ਸਾਧਨੋਂ ਕਉ ਕਰੇ ਤੇ ਅਵਸ ਮੁਕਤਿ ਜੁਗਤਿ ਪਾਵੈ ਹੈ ॥ ਹੇ ਲਛਮੀ ਅਰਜਨ ਕਉ ਗੀਤਾ ਕਾ ਅਠਾਰਵਾਂ ਧਿਆਇ ਸੁਨਾਇਕੈ ਮੈਂ ਗਿਆਨ ਉਪਦੇਸਾ ਹੈ ॥ ਅਰਜਨ ਸੁਨ ਕਰਿ ਕਿਰਤਾਰਥ ਭਇਆ ਹੈ ॥ ਅਰ ਤੁਮ ਕਉ ਮੈਂ ਇਹੁ ਛਪੀ ਬਾਤ ਪ੍ਰਗਟ ਕਰਿਕੇ ਕਹੀ ਹੈ ॥ ਇਸੀ ਕਾਰਨ ਜੇ ਅਨੇਕ ਜੀਵ ਪਾਪੀ ਹੋਵਨਗੇ ॥ ਓ ਭੀ ਸੁਨ ਕਰਿ ਕਿਰਤਾਰਥ ਹੋਵੈ ॥ ਇਹੁ ਗੀਤਾ ਗਿਆਨ ਸ੍ਰੀ ਕ੍ਰਿਸ਼ਨ ਜੀ ਕੇ ਮੁਖ ਤੇ ਅੰਮ੍ਰਿਤ ਕਾ ਪਰਵਾਹ ਹੋਇ ਚਲਾ ਹੈ ਇਨ ਜੀਵਉਂ ਕੇ ਸਿੰਚਣੇ ਕਉ ॥ ਜੇ ਜੀਵਨ ਸੁਣਕੇ ਕ੍ਰਿਤਾਰਥ ਹੋਵੈ ॥ ਵੈਕੁੰਠ ਪ੍ਰਾਪਤ ਹੋਵੈ ॥ ਇਸ ਗੀਤਾ ਕੇ ਪਢੇ ਤੇ ਇਤਨਾ ਪੁੰਨ ਹੋਤਾ ਹੈ ॥ ਜੇ ਚਾਰ ਵੇਦ ਪਢੇ ਕਾ ਪੁੰਨ ਹੋਵੈ ॥ ਜੈਸੇ ਮੇਰੀ ਨਾਭ ਕਮਲ ਤੇ ਚਾਰ ਵੇਦ ਉਪਜੇ ॥ ਸ ਤੇ ਏਹੁ ਚਾਰ ਵੇਦ ਹੈ ॥ ਤਿਨ ਮੈਂ ਸੁਗੰਧ ਚਾਹੀਏ ॥ ਸੋ

ਇਨ ਚਾਰ ਵੇਦਾਂ ਮੇਂ ਸੁਗੰਧ ਕੀ ਠਉਰ ਗੀਤਾ ਸੁਸੰਘ ਹੈ ॥ ਸਲੋਕੁ ॥ ਸਰਵ ਸ਼ਾਸਤ੍ਰ ਮਈ ਗੀਤਾ ॥ ਸਰਵ ਦੇਵ ਮਾਇਓ ਹਰਹ ॥ ਸਰਵ ਤੀਰਥ ਮਈ ਗੰਗਾ ॥ ਸਰਵ ਧਰਮੋਂ ਦਇਆ ਪਰਹ ॥ ਤਿਸਤੇ ਸ੍ਰੀ ਲਛਮੀ ਏਹ ਗੀਤਾ ਮੈਂਨੇ ਪਰਗਟ ਕਰੀ ਹੈ ॥ ਕਹੇ ਤੇ ਜੋ ਬ੍ਰਾਹਮਣ ਪਢੇ ਤੋ ਉਤਮ ਹੈ ॥ ਜੋ ਮੇਰੀ ਦੇਹ ਹੇ ॥ ਅਰ ਖਤ੍ਰੀ ਵੈਸ ਸੂਦ੍ਰ ਵੈਸਨਵ ਹੋਇਕੈ ਕੋਈ ਪਾਠ ਕਰੇ ਤਾਂ ਅਵਸ ਮੁਕਤ ਹੋਵੈ ॥ ਉਧਰੈ ਵੈਕੁੰਠ ਪਰਾਪਤ ਹੋਵੈ ਇਹ ਗੀਤਾ ਸਮਸਤ ਜੀਵੋਂ ਕੇ ਕਲਿਆਣ ਕਰਣੇ ਕੇ ਵਾਸਤੇ ਪ੍ਰਗਟ ਕਰੀ ਹੈ ॥ ਇਸ ਗੀਤਾ ਕਾ ਮਹਾਤਮ ਤੁਮ ਸਿਉ ਕਹਾ ॥ ਜੋ ਗੀਤਾ ਪਾਠ ਕਰੇ ਭਾਵੇ ਭਲੇ ਤਾ ਅਵਸ ਕਰਿ ਇਨ ਜੀਵੋਂ ਕਾ ਕਲਿਆਣ ਹੋਤਾ ਹੈ ॥ ਇਤ ਸ੍ਰੀ ਗੀਤਾ ਮਹਾਤਮੇ ਸਮਾਪਤੰ ॥ ਲੇਖਕ ਪਾਠਕ ਕਾ ਕਲਿਆਣ ਸਰਬ ਸੰਤਾ ਕਉ ਗੋਧਾ ਰਾਮ ਕੀ ਨਮਸਕਾਰ ॥ ਓਅੰ ਸਿਰੀ ਕ੍ਰਿਸ਼ਨ ਭਗਵਾਨ ਕਉ ਨਮਸਕਾਰ ॥ ਸੰਮਤ ੧੮੦੧ ਮਘਰ ੨੯ ਬਿਤ ਪੋਹ ਦੀ ੫ ਸੁਕ੍ਰਵਾਰ ਭੁਲ ਚੁਕ ਬਖਸ਼ਣੀ ਸਿਰੀ ਕ੍ਰਿਸ਼ਨ ਦੇਵ ਜੀ ਅਰਪਣੰ ॥ ਧਰਮਸਾਲ ਭਾਈ ਹੀਰਾ ਲਾਲ ਕੀ ਮੁਲਤਾਨ ਵਿਚ ਲਿਖੀ ਪੋਥੀ ॥ ਓਅੰ ਨਮਹ ॥

॥ ਸਮਾਪਤੰ ॥

